




John Carter Brown.



C/25
d

LIBRARIUS

PER SIONE
RIMNO SILLUM

Libri Duo.

LIBRARIUS

LIBRARIUS

LIBRARIUS

LIBRARIUS

LIBRARIUS

LIBRARIUS

LIBRARIUS

titte

JOHANNIS HOORNBECK,

*S. Literarum in Ecclesia & Academia, primum Trajectina,
deinde Lugduno-Batava, Doctoris & Professoris.*

DE

CONVERSIONE

INDORUM & GENTILIUM.

Libri Duo.

ACCESSIT

Ejusdem Vita ab Amico edita.



AMSTELODAMI.


Apud JOHANNEM JANSSONIUM à WAESBERGE,
& Viduam ELIZAE WEYERSTRAET, Anno MDC LXIX.

JOHN CARTER BROWN

CONVERSION
INDORUM & GENTILITUM

WJCE

A. Sautvoort del. et fecit.



JOHANNES HOORNBEEK,

*s.s. Theologiae Doctor et primo in Ultrajectinâ, post
in Lugdunensi Batavorum Academia, Professor et
Ecclesiae ibidem Pastor.*

RPJCS

Clarissimi Viri

JOHANNIS HOORNBECK

Theologi nobilissimi Vita:



Agnorum & illustrium Virorum vitam, literarum monumentis, quemadmodum olim, ita nunc consignare, non duntaxat honestum est & utile, sed prorsus pium & necessarium. Interest nimirum Dei, Ecclesiæ, Reipublicæ, Defunctorum, Posterorum, & Orbis universi, imprimis literati. Interest *Dei*, ut gloriosus appareat in Sanctis quos spiritali gloriæ corona exornavit interris æternaque exornabit in cælis. Interest *Ecclesiæ*, ne in extrema sua senectute videatur effœta, sed nova & vegeta pullitie, reddito quasi vigore, feliciter adolescat. Interest *Reipublicæ*, ut justa sit & videatur, dum justum virtutis & laboris præmium civibus suis de ea optime meritis persolvit. Interest *Defunctorum*, quanquam enim supra auram popularem & mundi Typhum elati, vanam mundi gloriam conculcent, eorum tamen nomen in ore & corde piorum decet esse immortale, non ut vana Ethnicorum superstitione impium & contumeliosum Deo cultum accipiant, sed ut memoria eorum sit in perpetua benedictione apud pios. Interest *Posterorum*, ut nube fidelium testium proposita, præclara virtutis exempla præ oculis habeant, quibus ad idem virtutis & gloriæ iter audacter ingreditendum atq; feliciter calcandum excitentur; iiq; licet mortui adhuc loquantur, magnis exemplis eruditionis & pietatis, omni sermone eloquentioribus, omnique suada efficacioribus. Interest *Orbis universi*, ut illustretur à magnis illis luminaribus in Ecclesiæ & Academiæ firmamento collocatis ad omnes mundi literati par-

Vita C. L. Hoornbeek.

res splendidissimo suo fulgore implendas, nec tanti Viri post mortem astra extincta videantur.

Sed *Mea* præsertim interest, Hoornbeekii, Viri ad exemplum eruditorum nati Historiam scribere, qui vivi virtutem contemplatus & admiratus sum, atque mortui memoriam adhuc veneror, & ad extremum vitæ halitum venerabor. Nec enim mors, quæ fortissima solvit vincula, & durissimos refecat nodos, vel minimum deteret amori aut cultui, quo eum profecutus sum, ob solam eruditionem & virtutem quam nobis præmaturè ereptam lugeo. Nihil enim aliud me ad ipsum potuit pellicere, cum cætera ferè omnia à proposito retraherent: imprimis causa, quam tuebatur, succumbens & velut triumphata, si Dei invicti causa & veritas succumbere aut triumphari possit à Libertinis & Hæreticis, corrupti sæculi iniquitate infeliciter succrescentibus & prævalentibus.

Cæterum quæ scribam de eo, partim ex ejus, quod de vita sua reliquit breviario petam, brevissimo quidem, cum una pagella contineretur: partim ex iis quorum ipse fui spectator & testis oculatus, & mecum viri pii atque fide digni, ut nullus sit de iis dubitandi locus. Ea verò omnia, licet maxima, minima tamen sunt eorum quæ gessit: nam multa arcana habebat sibi soli, quæ nulli revelabat vir prudens & vanæ gloriæ contemptor.

Exordium autem ducam ab ejus origine, eumque ad sepulturam historico ordine comitabor per omnia vitæ spatia, perque omnes gradus, quibus ad gloriam surrexit, cum in iis omnibus multa occurrant singularia & insignia, scitu dignissima & utilissima. Profeor autem me nihil daturum gratiæ quam nunc præstare non potest, nec adulationi à qua abhorreo, nec partibus quas secundum ejus Symbolum & exemplum, non sequor aut facio, nec affectibus quibus non moveor in Dei causa, sed omnia veritati, pietati & merito Defuncti.

Quemadmodum magnorum fluviorum, velut Nili & Gangis,
Origo

Vita C. L. Hoornbeek.

Origo sæpe ignoratur, ita magni hujus viri Genealogia, quam non deduxit supra avos paternum & maternum: seu ea intricata fuerit confusis & turbulentis temporibus, seu potius ipse vanam ac incertam antiquitatem contempserit Vir gloriæ divinæ quam suæ studiosior, & propria virtute quam aliena clarius, Apostolo Gentium obsequens, jubenti genealogias negligere: & merito, cum omnium eadem sit Antiquitas ab Adamo, ut frustra vulgo superbiant ficta generis antiquitate ventosi nepotes Æoli.

Avus autem paternus ejus fuit Johannes Hoornbeek, natione Flander, professione mercator egregius, quantum illorum temporum ferebat calamitas; quod vitæ genus est simul innocentissimum, utilissimum, & liberrimum ab omni servitute atque adulatione.

Avi Conjux fuit Maria Verhulst, ambo unanimis, non solum legitima matrimonii, sed sanctæ religionis societate juncti: ambo diræ persecutionis ac sævi belli tempestate varie jactati, donec Anno 1584. Harlemum concederent, antiquissimam & florentissimam Batavorum civitatem, tumque veræ religionis & sanctæ libertatis asylum tutissimum Christi Confessoribus ejusque nomine exulibus à pio Magistratu apertum; ubi raro exemplo diu & concorditer viventes, diem suum obiverunt, postquam annos matrimonii 61 feliciter implevissent: Deo prolixè remunerante eorum pietatem, qui omnia pro eo deseruerant, & longam vitam largiente iis qui vitam mortalem æternæ posthabuerant, crucem Christi thesauris Ægypti cum Mose præferentes, & manna deserti delitiis patriæ potius ducentes: sic nempe vera pietas suaves colligit fructus gratuitarum promissionum vitæ præsentis & futuræ.

Pater fuit Tobias Hoornbeek, Harleminatus, Anno 1588 celeberrimo & toti Europæ memorando, imprimis Angliæ & Belgio, clade Hispanæ classis utrique Genti imminenti: Is mercaturam fecit patris exemplo, supra quem laudabili modestia

Vita C. L. Hoornbeek.

noluit adfurgere. Est certe quod nobis gratulemur, cum in laudabili parentum conditione adquiescimus. *Patris Uxor* fuit Jacoba Baert, Vesalia nata, anno 1596. filia Ægidii Baert & Sufannæ Sicx à Chandelier. Adeoque ad defunctum exornandum concurrit felix inclytarum Gentium mixtura & justum temperamentum, ut rejectis earum vitiis virtutes omnium haberet velut hæreditarias. Nec certe una Gens sufficebat ad tantum Virum formandum, qui omnibus aliquando præfulgere debebat, velut Orbis lux & doctor Ecclesiæ universalis.

Flandriæ acceptam refert paternam originem; quæ sicut Gallia optimum regnum, Mediolanum optimus ducatus, & Parisii optima civitas, ita Flandria audiebat olim optimus Orbis comitatus, ob agri fertilitatem, cœli clementiam, pagorum multitudinem, urbium splendorem, Maris & fluviorum commoditatem, populi frequentiam, arcium munitiones, Gentis humanitatem, artium præstantiam, mercaturæ gloriam, privatorum opes: sed cui Hollandia à centum fere annis palmam sine controversia præripit, si non Flandria, saltem Flandris, in Hollandiam effusis & Hollandis adjunctis, atque in unam velut gentem conflatis. Dedit certe Batavis illa Gens, & vicinæ, Brabanti ac Walones, Colonos agris, Cives urbibus, Artifices officinis, Mercatores foro, Nautas navibus, Senatores curiæ, Milites & Duces exercitibus, Professores Academiis, Pastores Ecclesiis, Judices tribunalibus, Nobiles aulæ, Hollandiam adeo replentes ut una magna civitas videatur univèrsa Regio. Enimvero altius adfurgentibus decumanis horrendæ persecutionis fluctibus, & Batavis ac Zelandis ipsa tempestate in portum libertatis subductis, Gens sancta non civitatum portas duntaxat, sed cordis meditullium afflictis atque debellatis fratribus benigne aperuerunt, & communia fere omnia præter imperium obtulerunt; cujus insignis certe beneficii redhòstimentum cito, sed abunde, persolverunt exules, cives facti, nedum intra pomæria admissi; opes, artes, mercaturam, eruditio-

nem

Vita C. L. Hoornbeek:

nem & pietatem secum adportantes, plenisque effundentes manibus thesauros omnium bonorum. Utque arbor transplantata sæpe fit melior & felicius succrescit: ita exteri eorumque liberi in Hollandia sic floruerunt, ut mutationis eos non pænituerit, nihilque minus desideraverint Patria: Patriam extra Patriam in exilio voluntario reperientes cum parentes tum liberi.

Inter eos minimus non fuit Johannes Hoornbeek, natus Harlemi, urbe antiqua, Hollandiæ totius secunda, situ & opere munita, civium numero & virtute inclyta, Typographiæ artis inventionem illustri, qua arte divinæ scientiæ æmula integrum folium momento excuditur & omne ejus literæ ultima simul cum prima, eo fere modo quo Deus uno simplici actu omnia simul novit, sed illustriore magni hujusce Viri nativitate, qui omnes scientias & linguas, præsertim necessarias ad Theologiam non æri, non chartæ, sed menti impressit. Foelix Harlemum tanti Viri cunis, Monumentum quale Erasmo foror tua Roterodamum posuit illustri loco & sumptu publico ei debes, aut potius tibi, quæ Doctorum etiam si virorum ferax; clarorum tamen scriptis, imprimis Theologorum, sterilis, hoc uno plus merito gloriaris quam viginti aliis. Ejus saltem liberos, vera, ejus monumenta vivaque & spirantes summi viri imagines, etsi in relata, te sedulo curaturum atque honeste promoturum ex tua insigni gratitudine atque splendida magnificentia par est sperare, ad tuam potius quam ejus famam, apud seros nepotes tuto perennandam: cum ipse supra vanum mundi typhum elatus, gloriose triumphet, Choros inter Angelicos sublimis.

Tempus natale fuit annus 1617, Mensis November, Dies inter Saturni & Dominicum, minuta non supputo, velut scriptor vitæ Jacobi Andrææ. Periodus certe apud omnes gentes celebris, & innumeris characteribus insignis, lætis nimirum ac tristibus varie distincta. In Gallia gravissimæ lites inter Reges & Principes exarserunt, quæ vix sanguine Ancræi tandem restinctæ sunt. In Germania variæ molitiones & persecutiones contra puriorem Religionem

Vita C. L. Hoornbeek.

nem. Apud Bohemos, Silesios, Padebornenses, Austriacos, belli atrocissimi & diuturni infelix semen jecerunt. Austriaci & Veneti terra marique pugnarunt acerrime: ut & Sueci Polonique. Turcæ & Tartari Excursionibus Cosacorum irritati in Poloniam irruerunt & vastationes acceptas cum fœnore reddiderunt. Gravia incendia exarserunt variis in locis, velut Isenaci, Tangermundi & alibi passim. Schisma Semipelagianorum & Vorstii Hæresis graviter afflixit Fœderatas Provincias, jam tum hosti externo impertas, & de Hispanis triumphantes, omnibusque invictas, nisi suis filiis degeneribus.

Ita nempe pessimis temporibus solet Deus Ecclesiam erigere & pios solari, magnos viros excitando, ne Christi scapha fœdonaufragio submergatur. Sic Noachus floruit, tempore Impietatis & Diluvii universalis: Abrahamus, cum Chaldæorum, Sabæorum & Ægyptiorum Idolomania seu exoriebatur, seu adolescebat: Moses, dura oppressis servitute Israelitis: Judices & Heroës fortissimi, accisis Israelitarum rebus ob Idololatriam: Elias & Elisæus sub teterrimo Regum Achabo: Præcipui Prophetæ, grassante improbitate, ante & sub initium captivitatis, atq; titubantibus Judæorum rebus post liberationem: Christus & Apostoli, cum vigeret Superstitio, regnarent Sectæ, triumpharet Furor Sadducæorum & morum depravatio: Zuinglius, Melancton, Calvinus & innumeri Reformatores, corrupta atque adulterata Religione Christiana, & in Ethnicismum degenerante.

Eo prorsus modo eademque de causa, ut eventus optimus consilii Dei interpres, probavit, egregium hunc virum Fœderatis Gentibus indulfit sapiens Dei providentia, qui velut murus ferreus limites poneret errori ac impietati omnia pervadenti, instar horrendi Cataclysmi, venenatis Acherontis aquis supra suam crepidinem effusis.

Notabilis vero imprimis fuit hic temporis articulus, duobus Jubilæis, Altero quidem ob Reformationem per Germaniam &

vici-

Vita Cl. Hoornbeek.

vicinas provincias ante centum præcise annos feliciter inceptam aut tentatam, saltem in Saxonia: tum enim Lutherus indulgentiarum nundinationem publicis Theſibus audacter impugnavit, quanquam Helvetiorum Reformatio integro biennio præceſſerit, ſecundum prædictionem Sanctiſſimi Martyris Johannis Huſſi: Imò nulla revera facta fuerit, niſi quoad principes & cultum publicum; vera Religione à prima ejus promulgatione privatim conſervata in variis locis. Altero vero Jubilæo Pontificio à Paulo 5. indiſto. Opus nimirum erat tanto viro ad opus Reformationis languidum ſeriò inſtaurandum ac promovendum, atque Pontificiam & Ethnicam Idololatriam debellandam, variasque Sectas proſtigandas, velut Judæos, Wegelianos, & quos non?

Sed & Academia Groningana fundata eſt eodem anno, qui natalis fuit Viro ſummo, qui ipſe Bibliotheca viva, & Academia ſeu Univerſitas parva: quemadmodum enim infra dicemus omnis generis libros perlegit, omneſque artes & ſcientias delibavit, & neceſſarias Theologo ſummo concoxit atque in ſuccum & ſanguinem redegit, induſtria prorsus incomparabili.

Diem inter ſabbathi & dominicum natus eſt, quorum ille labori, hic pietati præſertim deſtinatus. Quam belle quam opportune: fuit enim laborioſiſſimus ſimul & piſſimus, ac diei dominici propugnator acerrimus contra ejus Violatores, qui auſu ſacrilegò diem auferunt Deo ſacrum, quem ſibi merito addixit ad illuſtre opus Creationis jugiter celebrandum, & officia pietatis exercenda, quæ ſine certo ac deſignato tempore vix ac ne vix præſtari poſſunt, ob hominum à cultu divino averſionem & ad propria opera converſionem atque propenſionem, qui cum multos dies & annos vanis nugis, utinam non peccato, impendunt, unum diem ſolemni Dei cultui impendere gravantur: voluptatibus illecti, ſæculo immerſi, ſpiritu vertiginis pleni, & à falſis Doctoribus ſeducti: Anabaptiſtas & Socinianos intelligo: nec enim infelices inter Reformatos controverſias innuo; quorum nullum

Vita Cl. Hoornbeek.

existimo, diem certum cultui divino impendendum esse negare.

Infans adhuc Scholas duas Belgicas frequentavit, & anno ætatis sexto Latinam, ut ratione cum oratione uteretur, simulque disceret loqui variis linguis, & sapere ea ætate, qua alii solum nugantur, adeo præcox & diligens fuit in omnibus: mature nempe incipere debuit, qui mature debuit grave pensum absolvere, & magnum opus conficere brevissimo tempore, tam gloriæ satur quam alii avidi, celeberrime antequam alii docti vel noti. Sed non satis fuisset mature incipere, nisi eodem passu perrexisset in vasto literarum stadio & studio. Quapropter tantam adhibuit diligentiam ut non tam ambulare quam currere, nec tam currere quam volare est visus; à carceribus ad metam scholastici studii perveniens anno 13. Unde ob ætatem teneriorem apud Rectorem Harleensem biennio integro supra tempus trivialibus studiis requisitum remansit. Quod temporis spatium non trivit inutiliter, sed in lectione bonorum Auctorum, ex qua dulcissimum fructum tota vita decerpfit, velut ex facundo semine. Ita nempe sibi comparavit scribendi facilitatem, stylique puritatem & elegantiam sine fūco & pompa inani, qualis merito desideratur in solido Theologo, cujus veram imaginem expressit: Enimvero alta debuit jacere fundamenta sublimis ædificii ad tantam molem attollendi. Utinam multos haberet imitatores, nec imprudens juvenus cruda & indigesta studia ex trivio in Academiam & ex Academia in pulpitem extruderet. Certè vitia primæ concoctionis difficulter corriguntur in secunda, & secundæ in tertia.

Sed tempus erat generosum puerum ad altiora tandem promoveri, & pulverem Scholasticum ab eo excuti, quo satis erat conspersus. Venit itaque Lugdunum Batavorum, principem illam totius Europæ, saltem Reformati nominis, Academiam, tot magnorum Virorum matrem aut nutricem, bonæ mentis emporium

Vita Cl. Hoornbeek.

porium & eruditionis arcem, ex qua magni scientiarum ignes clarissime atque latissime quaque versum emicuere. Dies quartus Maji anni 1633. exoriens illud Sydus contemplatus est, quod aliquando in ejus orbe fulsurum erat, eumque locum illustraturum, à quo lumen tum mutuabatur. Non equidem sine numine factum arbitror, quod ibi egerit Discipulum & Ultrajecti, ubi Doctorem postea agere debebat, ut loci naturam melius cognosceret, & ad ejus ingenium se suaque studia mature componeret, Magistratus nempe longe melius Rempublicam regit, cujus prius fuit subditus, & Imperator felicius præest copiis, in quibus militiæ posuit tyrocinium, atque gregarium egit militem. Nequaquam igitur prætereundum, meo videtur judicio, eum in duabus Academiis, & in nullis aliis; operam literis navasse, in quibus postea docuit, & totam ætatem impendit.

Lugduni tum erant magni viri, quibus literariæ militiæ dixit sacramentum, *Claudius Salmasius*, omnis eruditionis divinæ & humanæ, imprimis antiquæ, cornucopia & penu locuples, quo altius in literis nunquam surrexit mens humana & industria. *Daniel Heinsius*, Græcæ & Romanæ eruditionis summus Magister, Orator tersus & Poëta delicatus. *Constantinus l'Empereur ab Oppik* linguarum Orientalium, nominatim Hebrææ, Chaldaicæ, Syriacæ, Rabbinicæ & Arabicæ peritissimus, in quibus nec præsens ætas parem, nec sequentes forte habebunt superiorem, sed qui in tricis grammaticis non hærebat, ut alii rerum rudes, sed cum summus pariter esset Theologus & Philosophus atque in omni literatura versatus, linguas referebat ad scientias, & verba ad res, mira ingenii & industriæ laude. Quopacto cæteros harum linguarum interpretes, in verborum cortice hærentes, tanto superavit, quanto res præstantiores sunt verbis. *Jacobus Golius*, alterum linguarum orientalium miraculum, imprimis Arabicæ, Persicæ & Chinenfis, Vir de Oriente & Occidente præclare meritis. *Franco Burgersdicius* in Philo-

Vita Cl. Hoornbeek.

sophia Aristotelica summus, non Lugdunensium solum, sed omnium Reformatorum & Lutheranorum præceptor in Logica, quam in omnibus ferè Academii explicant Professores nondum novaturientes. *Antonius Thysius*, Theologus ad unguem, in omnibus Theologiæ partibus subactus, imprimis S. Scripturæ, Antiquitatis Ecclesiasticæ, & Literaturæ Orientalis apprimè gnarus. *Antonius Walæus*, in Theologia Didactica & Elenctica summus, verus Hæreticorum, præsertim Neopelagianorum malleus. Multique alii præstantes Viri tum pariter fuerunt in Academia Batava, sed hos memoramus per quos maxime profecit *Hoornbeekius*. Beata erant illa clarissimæ Academiæ tempora, & velut sæculum ejus aureum: cum à Neopelagianis repurgata, nec ineptis opinionibus, solius novitatis, potius quam veritatis gratia, se commendantibus erat deformata ejus majestas & deflorata castitas: tum lacertos fortiter movebat, & reddita velut juventute reflorescebat. Sub his igitur Heröibus Se ad omnem eruditionem, virtutem & pietatem formavit ductile ingenium nostri Mercurii: digni quidem tanto discipulo erant Magistri; sed pariter dignus tantis præceptoribus erat Discipulus. Condiscipuli & gloriosi laboris focii minus sunt mihi noti, etsi proculdubio viri egregii tantisque præceptoribus & condiscipulo ad amussim respondentes; sed ab hoc Sole forte obscurati, quia eorum offecit luminibus.

Verum-enimvero, quamvis abunde sufficeret Academia Batava ad ejus institutionem, non debuit sola frui tanto bono. Ultrajectina etiam Academia nuper fundata, Leydensis tum æmula, & in ipsa infantia jam adulta, ac virile robur consecuta, anno 1635. eum allexit, motum fama Cl. Senis *Gisberti Voetii* tum maxime florentis, in quo certabat eruditio omnigena cum ardente pietate, cujus doctrinæ adsurgunt, & multam lætationem ingenuè fatentur, etiam qui zelum improbant ut intempestivum, & supra præsentis ætatis captum ac mores.

Tra-

Vita Cl. Hoornbeek.

Trajectum vero etsi venerit ob egregios viros ibi docentes, non tamen ideo Leydam deseruit; sufficebat ipsi ad omnem eruditionem instillandam optima mater Leyda; verum atroci luetum grassante expulsus est potius quam discessit: divina Providentia, omnibus modis admirabili, iter ejus dirigente ad Academiam, cui Professor destinabatur aliquando. Quapropter peste remittente, & Leyda purgata rediit anno 1636. Septembris 20, ubi remansit ad mensem Aprilem anni 1637, quo rursus extractus morte charissimi patris Harlemum repetivit, ut iusta persolveret patri de se egregie merito, atque senectam & viduitatem optimæ matris solaretur. Illo nempe tempore amisit parentem, si non opportuno, cum nullum jacturæ tempus sit opportunum, saltem non adeo importuno, cum ei minus esset necessarius: Rectore enim non amplius egebat, qui jam ipse aptus erat ad Ecclesiam regendam. Harlemi autem per annum integrum habitavit, ut matri adesset, & vices patris suppleret, maritum agens matris, & parentem fratris ac sororum afflictarum. Ubi profecto eluxit ejus pietas in matrem & charitas in propinques, deferentis Academiam, præceptores, condiscipulos & charissima quæque vitæ & studiorum pignora, in suorum gratiam atque solatium. Studiosos tamen deferens, studia ideo non deseruit, sed acriter prosecutus est Harlemi; Academiam in suo inveniens musæo, & Doctores mutos in sua bibliotheca.

Sed an tota vita privatus in otio, etsi negotioso, consenuisset? Absit, talentum imo talenta in terra defodisset cum servo inutili. Quid igitur ipsi faciendum erat? An peregrinandum per vicinas regiones & Academias? Non fuisset inconsultum ad exterorum mores addiscendos & bonos imbibendos, atque prudentiam & experientiam acquirendam. Sed Lugduni repererat, quod alibi magno & fortassis frustraneo labore quæсивisset, illudque in se jam habebat. Ingenii promptitudo, & judicii maturitas ipsi

Vita Cl. Hoornbeek.

concefferat, quod vix longinquæ peregrinationes aliis. Præterea vitæ brevitæ & operis magnitudo eum urgebat, ut festinaret præ aliis, quibus longior vita aut minus pensum obtigerat.

Anno igitur 1638. Aprilis 24. sistit se examini, ut vocant præparatorio, velut ad sarcinendam gravem jacturam eo anno Ecclesiæ reformatæ illatam, truculenta cæde Sanctissimi Viri Cyrilli, Patriarchæ Constantinopolitani, Jesuitarum pessimis artibus, successoris perfidia, & Turcarum crudelitate, laqueo suffocati, eodem anno, & temporis articulo. Certe Cyrillum inter & Hoornbeekium magna fuit ingenii, morum, donorum, gestorum & fortunæ similitudo: promptus fuit uterque ingenio, solidus judicio, firmus memoria, doctus in linguis & scientiis, pius, prudens, zelo accensus, Reformationis studiosus, primariæ inter literatos dignitatis, summæ apud suos, majoris apud exteros, existimationis, gravis, constans, sincerus, candidus, laboriosus, proceræ staturæ, speciei ad majestatem compositæ. Longe tamen major Theologus fuit Hoornbekius, & lectionis diffusioris, cum viveret inter gentes politiores; plura etiam, utiliora & doctiora, absque comparatione scripsit.

Classem Harlemensem autem elegit, cui se examinandum sisteret, ut debitum patriæ honorem deferret, & novam, sed meliorem, ab ea acciperet nativitatem, sacro addictus ordini. Proponens factus amplam Ecclesiam in Hollandia non ambit, quam tamen merebatur. Sed crucem Christi cogitat, Ethnicorum longe remotorum conversionem meditatur, aut Ecclesiarum in Flandria, ex qua erat oriundus, instaurationem, quæ afflicta, sub cruce & persecutione gementes, durissimam serviebant servitutem spiritualem & corpoream, bellis Gallorum vastatæ, Hispanorum insultui objectæ, verbo & sacramentis supra dimidium sæculum destitutæ. O admirabilis in juvene meditatio! qui cum inter matris aut uxoris amplexus & amico-

rum

Vita Cl. Hoornbeek.

rum gratulationes posset lauta frui fortuna in patria, quemadmodum eventus postea docuit, matris, fratrum, sororum & amicorum charitati præfert Christi crucem, longinquas peregrinationes, paupertatem, opprobria, pericula, quibus se libenter vult objicere pro Christo in ipsa fere adolescentia. Scilicet sanguis Confessorum Christi fluebat per ejus venas, pietatem eorum habebat velut hæreditariam, genuina erat proles Exulum pro Christo, patriæ redditurus erat vitam quam ab ea in avis acceperat. Seu potius Deo erat plenus, Deique spiritus in eo velut templo habitabat, Christum nudum, pauperem, exulem, afflictum in membris sequuturus erat per mare & terras, ad Garamantas & Indos, ut aliquando tandem gloriosum in coelo inveniret. Utinam multis eadem mens, idem esset animus, & Christum quærent, non illustrem duntaxat in Hollandia, sed afflictum in ditionibus Austriacis, & ignotum in utraque India. Multi quidem adorant Christum super Monte quem fugiunt in Cruce: tabernaculum libenter ædificant Thaboræ, sed vitant Golgotham, amplas domos incolunt & primas occupant cathedras in patria, sed horrent peregrinationes, vincula, maria, naves, Africam, Americam, Asiam, nisi de vocatione desperent in Belgio. Hoc non est Christum quærare & prædicare, sed se ipsum. Et tamen optandum esset cæteros omnes, qui desides in foro expectant, ad remotam vineam ejusdem patris familias se conferrent. Deo certe plus debemus & fratribus quam reddimus. Metuo admodum ne Jesuitæ & Monachi nos condemnent in ultimo die, qui instar Phariseorum mare & terram circumcumeunt, ut Profelytas Papæ potius quam Christo adquirant. Decet nos, decet nos, majorem curam gerere gloriæ Dei, regni Christi & Gentium conversionis, aperto nobis Oriente & Occidente atque libero mari quemadmodum in Opere postremo fuisse demonstrat ipse. Nec diu frustratus est Deus vota fidelis sui famuli, sed eum exaudivit, ad votum & supra votum, proposita

Vita Cl. Hoornbeek.

posita vicina cruce, & oblata vocatione ad Ecclesiam Colonien-
sem, amplam & illustrem certè portionem vineæ Christi. No-
lebat enim Deus eum longius excurrere, cum viribus esset infir-
mioribus ad tantos labores ferendos, & magis utilis futurus in
Belgio ob summam eruditionem, quæ sub cruce non adeo re-
quiritur. Imo vero crucem postea invenit in Belgio inter infi-
nitos Libertinos, Infideles, Hæreticos & Schismaticos, quos
totâ vita fortiter & constanter impugnavit ad extremum Spiritu-
tum; Coloniam igitur Agrippinam vocatus, Amstelodami per-
emptorie examinatus & confirmatus est in sacro ministerio
anno 1639. Martii die primo. Ita per annum non fuit Propo-
nens, cum nonnulli per multos expectent, & aliqui frustra, quia
multi sunt operarii, & exigua messis, quæ tamen si recte admi-
nistraretur, copiosa esset & operarii pauci præ opere quod facile
reperiretur. Vocatus, Deo & Ecclesiæ statim obtemperat, &
cum Paulo ad iter se expedit, Coloniam adit Aprilis 2. relicta in
Hollandia matre, fratribus, sororibus, amicis, adeoque potiore
sui parte. Coloniae vero remansit ad autumnum anni 1643, ibi-
que omnia officia docti, prudentis & pii Pastoris diligenter im-
plevit, magno Ecclesiæ afflictæ gaudio, quæ talem habere ope-
rarium gestiebat. Nec solum in Christum credidit, aut Chri-
stum annuntiavit, sed etiam multa pro Christo passus est peri-
cula & persecutiones, sæpe detectus, sæpe quæsitus ad vincula,
sed ad omnia intrepidus, nunquam tamen captus, singulari
Dei providentia & cura servum suum protegentis atque oc-
cultantis sub alis suis: reservabatur enim ad majora, illustrio-
ra & prolixiora certamina; Hierosolymis etiam pro Christi
nomine pati debebat. Dei itaque gratia evasit incolumis;
Deo vitam ejus curante, qui Dei gloriam curabat. Sed &
ejus prudentia suas etiam partes habuit, prævertendo aut decli-
nando, ubi licebat per conscientiam & officium, pericula quæ
alias negligebat. Martyrio igitur non defuit, sed Martyrium ei.
Qua-

Vita Cl. Hoornbeek.

Quapropter Colonia diutius latere cum non posset: nec ipsi soli, quod fortiter contemnebat, sed Ecclesiae etiam, quod maxime timebat, grave immineret periculum, quia nimis innotuerat doctrina, zelo & diligentia, lampada tradidit alii, & *Harlemum* rediit ad suos, postquam Coloniensi Ecclesiae fideliter in-serviisset quatuor annis cum dimidio, tanto, ut nonnulli volunt tempore, quanto Christus suo ministerio impendit, si liceat magnis componere parva. Et quidni? Cum imago exemplar, discipulus magistrum, & fideles servatorem referre debeant, siquidem Christiani nuncupentur à Christi disciplina & exemplo.

Quandoquidem vero debiliior ei vox esset, quam sub cruce demissius concionando minus exercuerat: contra vero locupletem eruditionis gazam sibi comparasset, cogitavit de vita potius Academica quam Ecclesiastica agenda, seu potius de utraque jungenda, exemplo primorum Reformatorum celeberrimorum, velut *Zuinglii, Lutheri, Melanctonis, Calvinii, Bezae, Martyris, Zanchii, Sadeëlis*, cæterorumque fere omnium. Nec sine Dei nutu, cum id consilium adeo feliciter successerit, ut divina velut virgula actus merito videatur. Anno nempe 1643. Decembris 21. *Trajecti* ad Rhenum renuntiatus est Doctor Theologiae, magna eruditionis laude & eruditorum applausu, qui tum plurimi erant *Trajecti*, ut gloriosior ipsi obtingeret Doctoratus; à laudatis viris enim laudari, viro laudato summa laus est & gloria.

Anno sequenti 1644. Februarii 19. Vocatus est ad Ecclesiam *Trajectinam* ad *Mosam*; Martij 3. ad pagum, vulgo dictum *Graft*, in Hollandia Boreali; Maij 15. ad Professionem Theologicam in Illustri Schola *Harderwicena*. Sed illis locis non debebantur tanti viri labores: destinabatur ei statio illustrior & theatrum amplius, integro nempe indigebat jugero ad se movendum. An amplissimi Magistratus Illustris Reipublicae *Trajectinae* ad *Rhenum*, Viri prudentissimi & pientissimi Ecclesiae nutricii, Academiae Curatores dignissimi, literarum cultores

Vita Cl. Hoornbeek.

& literatorum patroni veri, tantum thesaurum iis collatione Doctoratus Theologici, velut solemnium auctoramento quodammodo additum, sibi non vindicassent, vidua præsertim tum cathedra Theologica, morte Cl. *Scotani*? Ubinam doctiorem aut aptiorem reperissent? Eum igitur Maji 3. vocant ad Professionem Theologicam, quam acceptavit, ut libentissime, ita promptissime, adeoque 4 Julii sese *Trajectum* contulit: ut nempe *Trajectini* doctiorem Professore, ita nec ipse meliorem Professionem tum temporis nancisci poterat. Quemadmodum enim supra observavimus, fulgebat illustris illa Academia omnium Scientiarum & Linguarum luce, Amplissimi & Optimi Magistratus liberalitate curaque incomparabili, atque Clarissimorum Professorum eruditione & labore. Cantare tum poterat *Hoornbeekius* cum Davide, *Jehova portio prædii mei, & poculi mei, tu sustentas sortem meam. Funiculi acciderunt mihi in locis amœnissimis, etiam possessio est elegantissima quæ obtigit mihi*: Deo gratuito remunerante labores & pericula quibus pro Christi nomine defunctus erat. Ita plurimi Pastores sub cruce diu versati ad præcipuas Cathedras Academicas Belgii deinceps vocati sunt; velut *Junnii*, *Trelcatii* duo, *Capelli*, *Feugueræi*, *Danæi*, multi-que alii, qui omnes in sola Academia Leydensi olim docuerunt, ne de aliis loquar Academiis, aut de Superstitibus Leydæ, quæ hac Gloria nondum privata est, sed labore Confessorum adhuc fruitur. Quibus ex parvis & duris initiis brevissimo tempore adsurrexit sancta Civitas ad eam Majestatem quam omnes mirantur, & multi invident: populis affluctis eo confluentibus, ob fideles Pastores quibus sub cruce gavisi sunt, Deoque affatim sanctis Confessoribus benedicente, ac se mercedem eorum ipso facto demonstrante, non solum in vita futura, sed etiam in præsentia, cujus divinis promissionibus exultant pii, & triumphat pietas. Nobis vero liceat

Vita Cl. Hoornbeek.

liceat hic pedem sistere, defuncti fortunam singularem consideraturis, quam virtutis habuit perpetuam comitem & velut stipendiariam. Quatuor nempe Vocationes, duæ ad Ecclesiam, duæ ad Academiam, spatio trium mensium oblatae sunt juveni viginti septem annorum, bimestri aut trimestri Doctori. Cuinam alii id unquam contigerit, non memini: saltem hoc loco aut tempore. Quid? magna verborum pompa, velut quidpiam rarum & singulare, prædicat Auctor vitæ Bacmeisteri, quatuor Vocationes intra quatuor annorum spatium Bacmeistero oblatas esse; quanto vero Illustrior noster, cui totidem intra anni vertentis curriculum oblatae sunt.

Defuncto vero nondum fuit honorum finis, sed initium duntaxat, Sequenti enim anno 1645. Julii 27. Ecclesiæ *Trajectinae* Presbyter, etsi juvenis, electus est: juvenis quippe erat ætate, sed senex moribus, prudentia & gravitate, aliisque dotibus ad domum Dei regendam ab Apostolo requisitis. Hoc officio adeo sancte & laudabiliter defunctus est, ut vix elapso trimestri, Pastor ordinarius, etsi Professor, creatus fuerit, Octobris 25. Ita profecto divinum Oraculum in eo impletum est, *qui bene inservit, bonum gradum sibi acquirit*. Enimvero aptus erat *Hoornbeekius* omnibus muneribus gerendis, cum Academicis tum Ecclesiasticis: tanta igitur tamque clara lux amplius latere non poterat, nec debebat sub modio collocari, verum ut Academiae ita pariter Ecclesiæ prælucere. In utraque autem Statione per decennium fere perseveravit, tanta eruditionis, eloquentiæ, pietatis & diligentiae fama, omnibusque ordinibus adeo gratus, ut nullus in majori fuerit existimatione, non *Ultrajecti* solum, sed in toto Belgio. Nempe assiduus erat in docendo, precando, concionando, legendo, disputando, regendo, præsidendo, catechisationibus habendis, membris Ecclesiæ, imprimis ægris, visitandis. Quibus artibus optimis certe, Magistratus *Trajectini*

Vita Cl. Hoornbeek.

*Et*mi gratiam adeo meruit & inivit, ut Magistratus optimus suo proprio motu, non petentem, nec forte cogitantem, liberaverit dimidia parte oneris Pastoralis, servato tamen integro honore & honorario. Quoniam prudentissimi & æquissimi Patres, ejus generositatem & diligentiam noverant esse supra vires laboribus duplicis muneris aliisque multiplicibus negotiis attritas in ipso ætatis flore; præluendo enim consumebatur, instar facis ardentis, quæ quo clarior eo minus durat, sed citius consumitur, flamma oleum seivumve depascente.

Collegarum Virorum summorum, amorem & benevolentiam omnibus legitimis modis, ut debet vir bonus, ambivit & obtinuit. Vixit nimirum cum iis summa concordia, sine litibus, sine similitate, sine invidia. Cum Theologis imprimis unum cor & una velut fuit anima in triplici corpore, *Voetii* & *Dematii* reverebatur senectutem, nec ii contemnebant ejus juventutem. Nunquam sententiarum inter eos fuit divortium, nedum affectuum; sed ἀληθεύοντες ἐν ἀγάπῃ, Scientiæ incrementum capiebant ubertim, & liberaliter communicabant. Nulla inter eos unquam fuit concertatio, nisi quis optime mereretur de Ecclesia & Academia; de hoc enim contendebant acriter, pulcro genere pugnae. Nec mirum, Deus enim erat eorum Immanuel; Christus caput; Spiritus anima & vinculum. Vidisses imaginem Ecclesiæ Apostolicæ, quæ unum erat cor & una anima. Si aliqua erat inter eos diversitas tota erat de modo & methodo, nulla de re. Collegæ ut pote Seniores plus suæ ætati & gravitati debere concedi judicantes, majori conatu Reformationem & vitæ Sanctimoniam urgebant: ipse ob juventutem conabatur modestiam suam maxime commendare, dum Collegæ zelum prodebant. Illi spectabant quid Deus imperet: hic quid homines possint. Illi laudabant quod debet fieri: hic præsertim curabat quod decet maxime inculcari. Illi

Apo.

Vita Cl. Hoornbeek.

Apostolici sæculi perfectionem: hic præsentis infirmitatem respiciebat. Illi Spiritu Eliæ replebantur: hic lenitate Moſis. Hic vero & illi Spiritu Chriſti, veritatis & ſanctitatis ad juſtum temperamentum corporis Eccleſiæ.

Cives proſequabatur omnibus humanitatis & civilitatis officiis, à quibus redamabatur & colebatur, etiam ab ipſis Hæreticis, inſignem ejus virtutem reverentibus, etſi non probarent doctrinam, dolentibus eum partium non eſſe ſuarum, nihilque reprehendentibus, niſi quod eſſet noſtrarum. Membra Eccleſiæ frequenter inviſebat, pios animabat, ignaros docebat, malos corripiebat, hæreticos confutabat, afflictoſ ſolabatur, ægros recreabat, infirmos roborabat, dejectoſ erigebat, pauperibus ſubveniebat, omnes denique juvabat pro eorum ſtatu & conditione, omnibus aderat in omnibus, omnibus ſe omnia faciebat, gravibus gravem, hilaribus hilarem, afflictoſ condolentem, doctoſ doctum & Doctorem, plebi Paſtorem, errantibus ducem, ut in viam reduceret veritatis.

Studioſoſ vero Theologiæ velut filioſ omni cura complectebatur, laboreſque ſuoſ præcipuoſ iis impendebat; non lectioneſ ſolum in eorum gratiam habebat, ſed frequentia Collegia omniſ generiſ, atque Diſputationeſ ordinariar & extraordinariar, ex quibz reſultarunt tot vaſta & egregia volumina ad inſtitutionem juventutiſ, imo ad uſum omnium, ſed imprimis ad converſionem Hæreticorum, utinam non ad invidiam ignarorum, & calumniam malignorum, carpentium quod non poterant facere, nedum ſatiſ intelligere & diſcere.

Ita per multoſ annos occupatuſ, totuſ aliorum, vix ſuorum, publicis rebus intentuſ, privatuſ negligebat, ut ne quidem ipſi vacaret de Matrimonio cogitare, niſi ſero, cum neceſſitate eum compulſit; auxilio enim indigebat, qui omnibus erat auxilio. Quæſivit igitur ſociam ad opem accipiendam, quam ferebat aliis: Nec difficulter invenit. Quæ enim talis viri So-

Vita Cl. Hoornbeek.

cietatem repudiasset : Imo quæ si ex modestia non ambivisset, ex prudentia saltem non desiderasset; cum esset dulcissimæ conversationis, grati eloquii, & præstantissimæ formæ. Amsterodamum autem, Hollandiæ ocellus atque universi orbis compendium & emporium, omnibus ex se licet destitutum, omnibus tamen omnia abunde subministrans, ipsi etiam uxorem paravit.

Alebat nempe illustris Civitas egregiam virginem omnibus animi bonis, prudentia, pietate, mansuetudinè, modestia, diligentia, aliisque artibus & virtutibus œconomicis exornatam; cui *Annæ Bernardæ* nomen, filiæ *Isaaci Bernardi*, mercatoris celeberrimi, viri eruditissimi, prudentissimi & pientissimi, Ecclesiæ Gallo-Belgicæ multos annos senioris, filii *Jacobi Bernardi* itidem mercatoris & senioris Ecclesiæ, atque *Jacobæ l'Empereur* ex nobilissima *l'Empereuriorum* familia oriundæ, & amitæ Viri prosapia nobilis, sed doctrina nobilioris, *Constantini l'Empereur*, S. Theol. Doct. & Professoris apud Harderwicensos & Leydenses, nec non fratris ejus *Johannis* Ecclesiastæ Hagienfis dignissimi.

Hac occasione liceat mihi observare, 8. aut 10. Professores paucis annis apud Leydenses fuisse, omnes affinitate propinqua inter se junctos, quanquam variarum ac remotarum Gentium, quod rarum, præsertim in exteris; *Bollios*, *Thysios*, *l'Empereurios*, *Vorstios*, *Hoornbeekios* & *Stuartos* intelligo, ut noster studiis, vocatione & affinitate totus Professor videretur. Sed nec solum decus Professoriæ affinitatis ipsi contigit per uxorem; verum etiam aliis viris claris innexus est, velut *Jodoco Hondio* celeberrimò Geographò & Chalcographo, avo maternò uxoris defuncti, & paternò *Henrici Hondii*, Capitanei prætorix navis *junioris Trompii*, fulminis illius belli & Tritonis Belgici, in qua fortiter pugnans, & globulo trajectus, gloriosam mortem pro Patria obiit. Egregius certe vir esse debuit qui ejusmodi navis præ-

Vita Cl. Hoornbeek.

præfectura donatus est, nec ignavus fuit qui ausus acceptare officium, cuius certissimum præmium vix aliud esse poterat quam mors violenta: Ita igitur hæc pulcherrima familia pacis & belli tempore, terra & mari, vita & morte, quinetiam post mortem scriptis & exemplis, tota fuit utilis Patriæ & Ecclesiæ.

Sed an tantus Vir uni solum Ecclesiæ & Academiæ serviisset sua præsentia & voce, qui consiliis & calamo de omnibus bene merebatur? Tanta tamque splendida lux clarius fulgere non poterat quam in Cælo Leydensi, nec minus præmium ejus debebatur meritis. Illustres igitur Academiæ Batavæ Proceres, commendatum ab omnibus bonis & ab ipso Cl. *Triglandio* moribundo, suaque virtute commendatiorem, ad Professionem Theologicam, maturo consilio & seria deliberatione, vocarunt, anni 1653. 30. Augusti, ideo augustioris.

Verum enim vero, cum sola Academia non videretur ampla fatis palæstra in qua iter Gloriæ immortalis decurreret Athleta tantus; ei munus Pastoris adjunctum est in Ecclesia Belgica ad sublevandam imminentem senectutem Cl. *Heydani*, qui solus integras vices Pastoris & Professoris non sine incommodo, affecta jam ætate, magna tamen alacritate sustinebat, adeo ut vegetam adhuc venerandi senis valetudinem huic forte debeamus vocationi. Vigesimo igitur quarto die Maji anni sequentis confirmatus est in sacro munere, ipso Pentecostes die, quo Apostoli solemniter declarati sunt Pastores Ecclesiæ universalis, effusis in eos Spiritus Sancti donis, cuius etiam ὁ μακαρις noster amplam accepit mensuram, temporibus difficillimis prorsus necessariam. Nono vero Junii Inauguralem Orationem habuit in Academia, tanto applausu juventutis Academicæ, quanto plebis Ecclesiasticæ in templo dixerat. Atque in hac egregia Vocatione, summa alacritate, incredibili diligentia, laboribus Herculeis, bona fide, sincera pietate, zelo divino, velut alter Elias, mira prudentia, vita inculcata, inter infinitos Liber-

Vita Cl. Hoornbeek.

bertinorum insultus, constanter perseveravit ad extremum vitæ splendide & gloriose actæ, cui nihil defuit præter spatium longius.

At tanto viro præsens sæculum non erat dignum: Corpus nactus erat satis quidem robustum, sed id nimis laboribus fregerat, paucis annis enim multorum annorum, imo sæculorum, opus perfecerat, cui maxime longævorum vita vix sufficeret. Curam Ecclesiæ suo jure poterat in Collegas derivare, quia primario Pastori ab ea immuni adjunctus, cum eo labores, honores præmia & privilegia omnia ex decreto sapientissimi Magistratus æqualiter distribuebat. Sed ab Ecclesiæ cura, membrorumque & ægrorum visitatione dispensari noluit, contra vero, cum dimidias tantum Pastoris vices demandatas haberet, integras voluit implere, zelo & diligentia stupenda in homine alias occupatissimo, imo non tam onerato quam oppresso & tantum non fatifcente sub multiplici onere, cui plures simul juncti vix essent pares. Concionabatur in Templo, legebat in Academia, præsidebat in Consistorio, Catechisationes instituebat in Choro, Collegia habebat in domo, scribebat in musæo, sæpe in lecto, membra Ecclesiæ visitabat in ædibus, ægros etiam & pestiferos, curam ad omnes & ad omnia extendebat. Quomodo vero corpus morbis & laboribus fractum, ab infracto licet animo sustentatum diutius restitisset?

Podagra & Calculus Literatorum carnifex ob vitam sedentariam multis annis eum afflixerat, quid mirum igitur duobus eum hostibus adeo atrocibus succubuisse, quorum unus tot solet edere strages, ut nullus plures. Eventum certe longe ante præsensit vir sagax; unde secundam partem Theologiæ practicæ contraxit, quod & mihi semestri ante obitum cum eo prope templum majus deambulanti significavit magna animi constantia, firmitate & alacritate, vultu ad amoenitatem & gaudium composito, velut de die nuptiali & re maxime exoptan-

Vita Cl. Hoornbeek.

optanda colloquens. Præerat ejus valetudini vir summus, *Franciscus Sylvius*, Medicorum Lugdunensium facile princeps, magni ingenii, judicii & experientiæ, veræ antiquitatis & novitatis amans, non ob antiquitatem aut novitatem, sed veritatem; quo pacto antiquam & novam Medicinam felici hermathena sociavit: antiquam non rejiciens, sed novâ perficiens, illius cultor, hujus cultor & auctor præcipuus, raris experimentis Anatomicis, Chemicis & Practicis, enimvero Transmutationum pyrotechnicarum causas & modum jugiter & accurate scrutans, analogam eorum esse rationem in corpore humano colligit, & autopsia confirmat, atque ad praxim applicat vir sapientissimus, pravos humores non tam purgando, ne bonos cum pravis expellat, quam corrigendo. Quibus artibus amici sui afflictam valetudinem & collapsas vires, aliquot annis Dei gratia sustentavit; & diutius fecisset, nisi vis major obstitisset, cui resistere est impossibile, & velle furiosum.

Imminebat nempe ultima periodus & hora decretoria, qua Athleta noster decertato bono certamine coronam Justitiæ reportaturus erat à justo Judice & supremo Domino. Lucta ei non tam erat cum morbo sæviente quam cum morte imminente, vires non tam prostratæ quam amissæ erant, corpus caco-chimum, & saburra pravorum humorum & inexhausta, natura deficiebat: antiqui ergo hostes, Calculus & Podagra supervenientes non tam cum eo pugnarunt quam triumpharunt de ejus exuviis, quod primo morbi die mœstus animadverti & amicis renuntiavi quindecim diebus ante obitum, adeo subito mutatus erat. Mansit tamen ad extremum in victo corpore animus invictus & immotus, velut æternitatis candidatus, vitæ & gloriæ satur, Deo plenus, supra vanum mundi typhum collocatus, finem hujus vitæ contemplans velut initium futuræ, obitum velut abitum ad Deum, morbum velut scalam, & mor-

Vita Cl. Hoornbeek.

tem velut portam cœli. Mors quippe inopinum non deprehendebat, cujus tota vita fuerat præparatio ad mortem, quam quotidie præ oculis habebat atque expectabat, velut ærurnarum terminum & laborum. Quapropter uxori & liberis mature valedixit, illi gratias egit pro officiis exhibitis, certe maximis, uxor enim fuit amore, filia cultu, mater cura erga ægrum, die nocteque ipsi ministrans: his vero benedixit & consilium dedit, habita ratione eorum genii, ingenii & temporis, atque rebus domesticis pie & prudenter compositis, terrestribus cogitationibus animum abdidit, & cœlestibus totum addidit, sacris meditationibus & precibus vacando, in quibus præsens Dei auxilium sensit, tribus enim ultimis diebus liber fuit ab omni dolore, ut nempe exercitiis pietatis liberius incumberet, atque ita pie & placide vitam mortalem cum æterna commutavit, & ad vitæ auctorem migravit.

Pater mi, Pater mi, currus Israël & equites ejus. Itane nos deseruisti, uxorem, liberos, consanguineos, amicos, collegas, Ecclesiam, Academiam, Urbem, Patriam? quam felix tibi contigit excessus, tam funestus nobis, uxori viduæ, liberis orphanis, amicis destitutis, Ecclesiæ orbæ Pastore, Academiae doctore, Urbi cive. Pii certe sunt quovis exercitu potentiores & quavis arce firmiores ad Reip. præsidium, si decem fuissent Sodomæ, amœna Pentapolitanorum vallis igne cœlesti non arsisset. Quin ob pios mundus conservatur, quanquam impii id non intelligant, sed rideant Servatores suos, ut Judæi olim mundi Servatorem. *Corona cecidit ex capite, vae nobis quia peccavimus.* Vitia enim loci & sæculi non merebantur tantum virum diutius superesse inter vivos. Occidimus, occidimus justum, quo mundus non erat dignus. Ætas enim virilis, temperamentum naturale, diæta accurata & fortis animus longiorem ei nobisque vitæ usuram polliceri videbantur.

Ita vixit, ita mortuus est *Johannes Hoornbeek*, 48. annos 10. men-

Vita Cl. Hoornbeek.

menes natus. Qua ætate pater ipsius & frater primogenitus obierunt. An fato, temperamento, vel alicui causæ occultæ adscribendum, curiosis disceptandum relinquo; sapienti Dei providentiæ adquiescens, qui ab æterno vitæ nostræ spacia sapienter præscripsit. Eadem circiter ætate magni pariter viri perierunt, *Georgius Princeps Anhaltinus*, *Ursinus*, *Whitakerus*, *Spanhemius*, *Hottingerus*, *Mæstertius*. Sed & alii alia, cum minore tum majore, omni nempe ætate homines moriuntur, omnes hominum anni sunt climacterici, quia sunt mortales à nativitate, prolata in eos mortis Sententia à mundi incubulis: senes quidem debent mori, sed juvenes etiam debent mori. Quin longe plures moriuntur in infantia quam in pueritia, plures in pueritia quam in juventute, plures denique in juventute, quam in senectute: non solum quia plures sunt infantes quam pueri, pueri quam juvenes, & juvenes quam senes; sed etiam quia pluribus casibus obnoxia illa ætas quam hæc, ut infelix nobis *Hoornbeekii* obitus, summo nostro dolore confirmat certius quam vellemus.

Vir fuit profecto summus, & inter clarissimos suo jure reponendus, cum clarissimus fuerit sua doctrina, virtute & fama, quæ immortalis futura est, & suavis odoris apud posteros: adeoque non duntaxat inter magnos sed inter maximos, si non primus censendus, quod absque temeritate & invidia facile non potest fieri, saltem nemini secundus, salva modestia & humanitate habendus merito; sive dona naturalia, sive acquisita aut infusa spectemus: natura enim fuit excellens, industria magna, & pietas non vulgaris.

Corpus habuit magnum, secundum omnes dimensiones recte proportionatum, *Staturam* egregiam & erectam, *Vultum* ad gravitatem & majestatem compositum, *Faciem* pulchram & egregie coloratam, *Temperamentum* naturale justum; *Gestus* comptos, *Vocem* sonoram, *Eloquium* ornatum, *Visum* & *Auditum* acutum, omnesque cæteros *Sensus* fideles, *Ingenium*

Vita Cl. Hoornbeek.

promptum, *Judicium* solidum, *Memoriam* firmam, quæ tamen dotes raro concurrunt, cum diversa & contraria temperamenta requirant.

Ejus *Eruditio* fuit admodum diffusa: *Linguas* si spectes, novit plurimas doctarum & vulgarium, Latinam, Græcam, Hebraicam, Chaldaicam, Syriacam, Rabinicam, Belgicam, Germanicam, Anglicam, Gallicam, Italicam, Arabicæ & Hispanicæ rudimenta attigit. *Artes* si requiras, nullam ignoravit; nempe *Philosophiam* tenuit quantum Theologo opus est, *Jurisprudentiam* degustavit, *Medicinam* infelici experientia didicit ob frequentes morbos. *Historiam*, Sacram præsertim, multum excoluit, & ad Theologiam mira arte applicuit, ut testantur omnia ejus Monumenta, Summa imprimis Controversiarum & Opus postumum contra Ethnicos, *Oratoriam* perfectam habuit, non duntaxat ejus Theoriam, quæ Rhetorica dicitur, sed Praxim maxime.

In *Theologia* vero principatum sine controversia obtinuit: Ideam nobis perfectam exhibens Theologi magni & omnibus numeris absoluti; in omnibus enim Theologiæ partibus fuit consummatus. Enimvero, cum Cælestem hanc Disciplinam consideraret velut omnium Reginam, claram Dei Vocem ad homines, sacrum cœli Depositum, veram Panaceam animorum, regiam Viam ad cœlum, fidelem cælestium opum Promumcondum, tutissimum ad æternam felicitatem Medium, eam sibi supra cæteras excolendam judicavit: Et merito, cum magnum & sublimè ingenium non nisi magna & sublimia cogitet, iisque solis perfecte contentus adquiescat & conquiescat: similes nempe habent labra lactucas, sed potius delicias & cupedias: cælestes animæ non nisi cælestibus dapibus pascuntur, & divinæ mentes divinis cibis, seu Deo ipso ejusque Verbo, quæ sunt verum nectar & ambrosia Christianorum, maxime piorum: vivos igitur aquæ vitæ latices imbibit, quorum potu Theologica Scientia non leviter tin-

tingtus, sed penitus imbutus fuit: non unam duntaxat aut alteram ejus partem, sed omnes pariter adoptavit.

Cum vulgus Theologorum, etiam celeberrimorum, præclare secum agi putent, modo unam portionem horti sacri, certe amplissimi, excolant. Unde *Alii Sacrarum Literarum* lectioni se consecrant, quæ revera sublimior est Theologiæ pars & principium unicum. *Alii Didactica* toti incumbunt, seu *Catechetica*, ejusdem enim Doctrinæ, nempe Christianæ, varia sunt nomina, prout Adultis aut Junioribus traditur, fufius aut brevius, subtilius aut dilucidius. *Alii Controversiis* cum *Hereticis* his vel illis, *Pontificiis* scilicet, qui suis Traditionibus doctrinæ puritatem, morum sanctitatem & disciplinæ castitatem deturbaverunt, tot nempe, ut vix Christianorum nomen nisi æquivoce mereantur, peccantes subtractione, ut Pontificii additione: quo pacto illi humanam salutis scientiam effinxerunt, hi divinam abolerunt. *Anabaptistis*, qui inepti ignorantie magistri sapientiam divinam enervant, & humanam abnegant. *Lutheranis*, qui Reformationis opus prorsus divinum, humanis commentis, velut figmento Consubstantiationis, monstro Ubiquitatis, ineptiis Ceremoniarum deformarunt, *Luthero* pertinacius adhærentes, cui lux Evangelii gradatim affulsit, eaque matutina potius quam meridiana, id est, non clara & pura, sed obscura & quasi umbris noctis aut nubium caliginis immixta. *Remonstrantibus*, qui docti sunt Jesuitæ reformati, quemadmodum Anabaptistæ Jesuitæ sunt idiotæ.

Alii Casus Conscientiæ, seu Theologiæ praxim, merito instaurant: nam cum Theologia tota sit practica, praxis est ejus finis & velut anima. *Alii* per vasta & amœna Historiæ facræ viridaria decurrunt, ut divinam veritatem illustrent exemplis petitis ab Heröibus Christianorum, atque antiqua & nova inter se comparent. *Alii Philologiam sacram*, seu verborum

Vita Cl. Hoornbeek.

& phrasium vim & significationem examinant, quia verba sunt rerum signa & symbola quibus res percipiuntur à mente humana crassa mole corporis tecta. *Alii* denique Rationem, particulam illam divinæ auræ, consulunt & adhibent, velut instrumentum ad explicandam Scripturam & eruendas veritates revelatas, atque principium ex quo mixtas id est, naturæ lumine notas educunt satis feliciter, modo sit depurata & repurgata à faciibus nativæ corruptionis, & verbo Dei illustrata, ac divina gratia reformata: adeoque Sapientiam humanam cum Legislatore Hebræorum diligenter excolunt, ut lumen naturale jungendo supernaturali, Infideles melius instruant ex propriis eorum principiiis, Hæreticorum strophas evertant, & Orthodoxam fidem illustrent.

Hoornbeekius autem vasto suo animo hæc omnia conjunxit, mira ingenii fertilitate, memoriæ fidelitate, & diligentia stupenda, ut clare testantur immortalia ejus Monumenta, cedro digniora & durabiliora, de omnibus Theologiæ apicibus tradita felici posteritati: ut prorsus admirabile sit, quomodo unus vir perfecte tenuerit omnes universæ Theologiæ, partes, cujus alii, etiam doctrina celebres, partem unam aut alteram minus accurate addiscunt. Verum admirationem sustulit ipse, fatendo pientissimæ uxori arcanorum suorum merito conscia, se non propriis viribus, sed divinæ gratiæ id debere, adeo ut multum ingenio & diligentia, sed plus longe precibus adsequeretur, in quibus erat assiduus, & sine quibus nihil auspicabatur. Deo igitur Doctorum Doctore supra vulgarem modum profecit: illuminante, Spiritu Sancto eum & Scripturæ sensum aperiente; Quanquam profani id velut Enthusiastarum delirium suo damno habeant O Tempora, ô Mores! Verum aliud certo experimento, didicit noster, ne dicam ex Dei Verbo.

Enimvero in *Scriptura Sacra* fuit exercitatissimus & reconditos ejus sensus profunde scrutatus. Nec mirum, cum Veteris

Vita Cl. Hoornbeek.

ris ipsi Testamenti Professio incumberet. *Didacticam* quotidie tradebat in Collegiis, & de ea reliquit egregium Systema ex præcipuis Auctoribus Reformatis descriptum. *Catechetica* non solemniter duntaxat pomeridianis concionibus, sed privatim in domo, & publice in templo, explicuit, mira claritate, quin etiam ejus exercitium sive nondum plene introductum, sive aliquomodo collapsum instauravit. In *Controversiis* regnavit sine controversia, cum non tam factus quam natus ad eas decidendas videretur: qua de causa varia de iis volumina conscripsit contra plerosque Infideles, Hæreticos, Schismaticos & libertinos. *Praxios Theologiæ* studium conatus est introducere in Academiam Leydensam, quod prohi dolor! nimis negligitur inter Reformatos nonnullos: imo omnes fere, si Britannos excipiamus. Quam pauca enim & jejuna sunt nostrorum de ea Commentaria: Quin præter *Amesii* Casus vix quidpiam de iis scriptum est Latine. Quapropter *Theologiam practicam* duobus magnis voluminibus adornavit, & ulterius perrexisset in hoc Argumento, si ita placuisset supremo vitæ Arbitro.

Historia sacra mire delectatus est, ut testantur omnia ejus Scripta, pulchris observationibus historicis distincta, imprimis autem *Præfatio Operis contra Socinianos*, *Summa Controversiarum*, & *Liber inceptus de Ritibus veterum*. *Philologum* etiam fuisse egregium apparet clarissime ex methodo scribendi, qua ubi opus est omnes verborum apiculos accurate perpendit, magnosque ex iis montes dependere non sæpius quam feliciter ostendit; myseria occulta inde detegens, & difficultates intricatissimas explicans, imo Controversias gravissimas, imprimis Socinianas, hac methodo tradens.

Ubinam vero *Concionandi Artem*, præcipuam Theologiæ partem, animarum magistram, pietatis nutricem, salutis nuntiam, relinquimus? In qua noster maxime triumphavit de

Dia-

Vita Cl. Hoornbeek.

Diabolo & Peccato : mirus enim fuit dicendi artifex , prædicabat nempe docte , pie & eloquenter , quod rarum est ; quodque rarius , docte sine obscuritate , pie sine importunitate , eloquenter sine affectatione : quæcunque concipiebat , facilitate mira exprimebat , sublimia fidei mysteria distincte explicabat ad vulgus captum : Errores refellebat sine errantium offensione : Vitia reprehendebat sine peccantium irritatione : Legis comminationes proferebat cum Malorum terrore incredibili , velut ex apice montis Hebal : Gratia promissiones applicabat cum fidelium gaudio inenarrabili , velut ex fastigio montis Gerizin , aut Sionis.

Verum Scientia etsi magna sine bona Conscientia nihil aut parum est : nam Scientia inflat , charitas vero ædificat. Dæmones nempe multi , si non omnes , sunt docti & doctiores hominibus etiam doctissimis ; cum primævæ scientiæ à Deo infusæ reliquias forte conservent , & 6000. annorum habeant studium atque experientiam , nec tamen sunt feliciores. Sed potius infeliciores , quia ex ipsa doctrina discunt infelicitatem suam. Hinc granum virtutis præstat millenis eruditionis libellis , & guttula pietatis mari Sapientiæ.

Id certe intellexit optime *Hoornbekius* , summæ Scientiæ adjungens bonam Conscientiam , & coronæ literarum coronam ex omnium virtutum gemmis distinctam ; ut dubium reliquerit doctior ne vel melior fuerit. Mens quippe doctrina fulgebat , cor pietate ardebat , stillabat è cerebro in præcordia lumen cognitionis. Pietas erat mascula , non muliebris , libera non scrupulosa , hilaris non tetrica , grata non morosa , humilis non superba , modesta non fastidiosa , interna potius quam externa , velut nomen illud incognitum & manna occultum hominis interioris ; tantum autem ejus prodebat , nec plusquam ad Ecclesiæ & piorum ædificationem requirebatur , quæ ex corde pululabat , & externe efflorescebat ad bonum odorem Religionis Reformationis.

Vita Cl. Hoornbeek.

Reformatæ spargendum inter omnes. Ita veritatem corde cre-
debat ad Justitiam, & ore profitebatur ad salutem, cum suam
tum aliorum. Spiritus sanctitatis erat Anima suæ animæ, om-
nesque actus Sanctificationis in eo producebat, impellens eum
ad exercitium bonorum operum, fidei, spei, charitatis, pœni-
tentiae, humilitatis, patientiae, religionis, zeli, & ad Sabba-
thi observationem & defensionem.

Conciones diligenter frequentabat, tres interdum & quatuor,
quamvis esset occupatissimus, uno die, etiam cum ipse con-
cionabatur: omnium linguarum cætus adibat, Belgicos, Ger-
manicos, Gallicos, Anglicos, Italicos, ut Sanctorum commu-
nionem exerceret: mature ante Concionatorem in templum ve-
niebat ad verbi divini auscultationem, ut bono exemplo præ-
iret omnibus, sicque diligentes confirmaret, & negligentes tacite
notaret, cum ipse minus haberet otii iis qui aberant aut tardius
veniebant. Sacris Fidelium epulis pascebatur cum gaudio, quo-
ties ei offerebatur occasio, quam etiam apud cætus Exterorum
captabat interdum, ut certissimo verbi veritatis sigillo munire-
tur contra naturæ corruptionem, peccati reliquias, mundi ille-
cebras & Dæmonum tentationes, atque ita in certam spem cœ-
lestium deliciarum obtinendarum, & æternæ hæreditatis adi-
piscendæ altius erigeretur.

Prudentia, quæ virtutum moralium oculus & fax, excel-
luit; Prudentia, inquam, vera & vere Christiana, quæ San-
ctorum est propria, ad vitam spiritualem eorum tutandam con-
tra multiplices mundi & dæmonum fraudes & fallacias. Ec-
clesiasticam vero imprimis excoluit, quæ Christianæ ramus est
foecundus in Pastoribus: Oeconomicam habuit summo in gradu,
qua familiam velut Ecclesiam domesticam, rexit. Politicæ,
etiam & aulicæ rudis non fuit, cujus etsi abusus sit noxius,
usus tamen est salutaris & prorsus necessarius Personis publicis,
præsertim Ecclesiasticis, cum vivant in Republica, cujus Eccle-

fia pars est nobilissima, & aulas principum frequentare debeant ad eorum institutionem & emendationem, quemadmodum Defunctus noster mira arte & dexteritate allaboravit. Nec ea ipsi esse dedecori potuit, qua Dei gloriam maxime promovit, sicut contra Pastorum imprudentia magnorum malorum est causa, dum eorum quibuscum versantur ingenia satis dextre versare non possunt.

Orthodoxia laudem, quæ maxime requiritur in Doctore Theologiæ, apud omnes merito reportavit: Unde nullus unquam Reformatus, etiam in tot libris de variis argumentis editis, vel minimam erroris labem ei affricare potuit. Nullam Sententiam nisi communi consensu receptam admittebat. Nova omnia in Religione, qua nihil antiquius, suspecta habebat. In dubiis Theoreticis propendebat in partem probabiliorum: sed in Practicis in tutiorem. Inter Theologos severiores erat moderatus, inter moderatos severus: severiores enim amplectebatur opiniones, sed quas moderatè tuebatur: nihil sibi libertatis, aliis vero plurimum ad pacem indulgebat, ferendo quæ auferre non poterat, modo essent tolerabilia.

Philosophiam novam cujuscunque Sectæ non rejiciebat in rebus pure philosophicis & physicis; contra vero omnes Questiones in utramque partem agitatae libenter audiebat: sed nolebat per latus Philosophiæ peti jugulum Theologiæ, id est, sub prætextu Philosophiæ novæ induci novam Theologiam, verbo Dei contrariam. Quapropter maxime abhorrebat ab iis Philosophis, qui vanam Dubitationem circa res omnes, imprimis divinas, conantur inducere. Qui sentiunt Deum posse homines fallere & mendacium proferre per prophetas. Qui Dei Proprietates, velut Independentiam, Infinitatem & Æternitatem non sine Sacrilegio attribuunt Creaturæ. Qui negant Creationem ex nihilo, & Resurrectionem ejusdem individui, Miracula & Supernaturalia omnia naso suspendunt.

Philo-

Vita Cl. Hoornbeek.

Philosophiam constituunt Scripturæ interpretem, & Rationem normam credendorum. Trinitatem negant esse mysterium. Solem immobilem, & terram asserunt moveri. Sed personas amabat eorum quorum errores oderat, & vere quidem amabat, eorum quærendo conversionem quod summum bonum, adeoque summi est amoris indicium.

Veritatem autem non in Theologia & Philosophia duntaxat colebat, sed in tota vita & conversatione; candidum ipsi erat pectus, & naturalis quædam sinceritas, atque æqualis sinceritati in mente aperienda libertas: nihil unquam in dicenda sententia vel gratiæ dedit vel metui: Ad nullius etiam arbitrium orationem suam inflexit, auribus nunquam lenocinatus: Veritate enim nihil unquam habuit prius, nihil antiquius, ejusque propagandæ honesta omnia quærebat media.

Mens generosa in eo & *animus* vere erat *magnanimus*, magna cogitabat, sed parva non negligebat; quia illa se digna, hæc non indigna arbitrabatur, aliisque non relinquenda, vastus enim animus ad omnia se extendebat: inter magnos se præbebat magnum & excelsum: inter mediocres, facilem & moderatum: imo omnes fere ipsi erant eodem loco, cum nihil ipsi esset magnum, præter Deum. Ita dignitatem suam cum dignitate sustinuit, & decus cum decore suo & Ecclesiæ.

Fortitudo ejus respondebat Magnanimitati, nullis terrebatur malis, nisi turpibus; nullis periculis, nisi erroris & peccati; repentinis non movebatur; quia ea & plura longe ante præviderat. Morbos varios & atroces, quibus Deus ex arcana, sed sapienti & justa causa, sicut multos piorum varie eum exercuit, magna ferebat patientia, mortemque ipsam imperterritus excepit: calumnias & contumelias, magnæ animæ concoctu difficiles, sed præclari facti & pietatis præmium tam ordinarium quam injustum, eodem patiebatur animo, forti & Christiano: ut prosperis non at-

Vita Cl. Hoornbeek.

tollebatur, cum ejus virtus ea ab hominibus jufte mereretur, ita nec fequioribus deprimebatur; ſciebat enim ea non tam eſſe ab hominibus quam à Deo per homines, qui modum, ordinem & finem ſalutarem præſcripturus eſſet. Si privatis tamen non, at publicis malis angebatur: Eccleſiæ nempe afflic-
ctum per Europam ſtatum, deformatam faciem, diſſipatos cætus & fidelium lanienam ſummo, ut par eſt, videbat cum dolore, quemadmodum hæreſes, apoſtaſias & impietatem infelicitè ſuccreſcentem, atque volitantia Libertinorum ac malorum librorum examina, velut ex condic-**to**, hoc ſæculo, utinam non hoc loco.

Gravitas decora, ſine faſtu & ambitione, præcedentes vir-
tutes ornabat, qua mores & exteriorem habitum ad cujuſ-
que dignitatem, velut ſtudioſe, ſed libere, componebat. Ma-
jeſtas formæ & geſtum augebat gravitatem, quam tamen
pro arbitrio demittebat, & grata urbanitate atque humani-
tate temperabat. Unde multi, præſertim Juniores, qui cum
ob majeſtatem vultus adibant cum metu, relinquebant cum
fiducia & exultatione, ob morum civilitatem. *Hilaris* & fa-
cetus erat, ſed cum familiaribus; erat enim temperamenti ſan-
guinei, & laborum tædium conabatur fallere animi relaxa-
tione, quæ tamen Majeſtatem non corrumpere, ſed gratio-
rem redderet.

Ingenium habebat in digitis, & cogitationes ſuper cuſpide lin-
guæ: Meditationi adeo ſemper indulgebat, ut incedens etiam
meditabundus videretur, quam ad amicorum occurſum facile
deponebat, velut ſemper in ſe eſſet, extra ſe quando vellet.

Diligens erat & laborioſus, imprimis ante irruentem mor-
borum turmam, & poſt etiam, quantum vires & morbi fe-
rebant, atque ſumma animi contentio; quicquid enim age-
bat valde agebat, unde cito, ut Athletæ robuſti, fatigabatur.
Verum incredibile eſt quam multa brevi tempore conficie-
bat:

Vita Cl. Hoornbeek.

bat: nec tamen fatigatus relinquebat laborem, sed laborem cum labore commutabat, meditationem cum scriptione, ægrorum & piorum visitationem cum lectione, quin lectiones, disputationes, catechisationes & conciones cum studiis. Itaque surgens vulgo meditabatur quæ mox scriberet, inde Collegium habebat: post meridiem Ecclesiæ membra aut alios invisebat, mox legebat aut disputabat; inter disputandum meditabatur concionem, quam post disputationem interdum recitabat in templo, eaque habita, alia curabat negotia.

Liberális erat, quantum lauta satis ejus fors permittebat; contra vulgarem consuetudinem multorum suæ conditionis; qui, si non avari, at parci, esse solent, interdum ex avara natura vel consuetudine, interdum ob fortunæ in eos avaritiam. Sic nempe bonos libenter juvabat ope & opere, etiam suis opibus. An *Gratus* igitur non fuisset ob accepta beneficia, qui gratis dabat? Nihil itaque ulli debere se vel minimum patiebatur, sed statim par pari referebat, interdum etiam cum fœnore, omnibus prosequens officiis eos qui etiam minimo amore vel favore eum prævenerant, nisi impedirent ipsi, sua ambitione, invidia aut inconstantia, hostes ejus facti præter ejus meritum.

Temperantiam amabat in cibo, potu, somno, labore, vigiliis, affectibus, vestibus, exercitiis omnibusque voluptatibus animi & corporis, quæ omnia ita accurate temperabat, ut ad legitimum usum sine abusu referret: unde ipsos nimis diligentes oderat, qui ipse erat diligentissimus, *manum enim de tabula tollere poterat*, instar Apellis. Omnia quippe immoderata ei displicebant, cum sciret virtutem in medio esse positam. Dixisses animum ejus obtinere temperamentum ad pondus, seu potius ad justitiam.

Manfuetudo in eo mira; quanquam natura videretur in iram propensior, ob promptitudinem & bilem; vix tamen ur-

Vita Cl. Hoornbeek.

quam irascebatur: seu sanguis bilem temperaret, & prudentia promptitudinem, seu potius gratia corrigeret naturam, adeo ut, ne ob graves occasiones tantum commoveretur ac alii ob leviculas. Nunquam verbulum ei excidebat durius; non dicam in uxorem; cui sapiens nunquam debet aut potest irasci, sed nequidem in liberos aut ancillas, clementiam præferens severitati, & vincula amoris vinculis iræ. Nec tamen, indulgebat vitiis, sed gravitate sua compefcebat.

Amicitiam, virtutum omnium velut coronidem, coluit; erat enim propensus in amorem proximi, naturæ quadam speciali bonitate. *Amicitiam*, inquam, veram non fucatam, cum paucis non cum multis, sciebat enim vir sapiens, inter multos veram non posse consistere: cum bonis non cum malis, à quibus generosa ejus abhorrebat indoles; Omnes tamen videbat & audiebat, dictitando omnibus utendum, sed solis bonis fidentum. Malis autem congregientem ex causa necessaria, turbatum facile observasses, severum ejus vultum, eoque velut iis minitantem. Magnus erat ejus in familiam amor: sed in uxorem & liberos imprimis eminebat, à quibus vicissim supra modum redamabatur. Ardens fuit ejus in matrem optimam charitas & observantia, etiam in summa dignitate, eique parum supervixit: fatone an dolore, incertum. Amicis verus erat amicus, eos omnibus officiis præveniens & prosequens, eorum errata tam libenter quam facile condonabat, amoris suo plus tribuens quam eorum imprudentiæ. Non mirum igitur omnis ordinis homines à pedo fere ad sceptrum, seu tam magnos quam mediocres & infirmos, ejus amicitiam quæsisse; mercatores, literatos, nobiles, ipsosque principes.

Amore Observantiæ & Reverentiæ legitimæ prosecutus est imprimis Magistratus, velut Deos terrenos, aut Dei potius vicarios, vivas & spirantes supremæ Majestatis regis regum & domini dominantium imagines: gratiam eorum ambiens, non

ut

Vita Cl. Hoornbeek.

ut ab iis aliquid obtineret, quod infra fortunam ejus primas dignitates Ecclesiasticas & Academicas consecuti, nec altius ascendere cupientis, cum ad fastigium pervenisset, & à lucro atque ambitione abhorreret: sed ob conscientiam, quia sciebat eos à Deo esse constitutos, & contumaces in iusta eorum mandata ordini divinitus sancito obfistere. Nec tamen turpi adulatione ipsis mancipabatur, errata eorum, pro ut humanum est errare, impie dissimulans; sed prudenter, leni, at gravi, admonitione, non suo, quod subditus esset, sed Dei nomine, cujus erat minister perstringens, tanta libertate, gratia & efficacia, ut boni pie afficerentur: verum semper privatim, nunquam publice, quod ut honestius, ita gratius & fructuosius, ubi Magistratus est Orthodoxus, prudens & pius. Cum viles animæ, turbones imprudentes & audaculi sine necessitate in sacra illa capite impotenter invehantur publice, sæpius non tam ex zelo domus Dei quam ad inanem gloriolam captandam, ut videantur aliquid posse, ignem peregrinum excitantes in altari.

Vicissim etiam à piis Magistratibus redamabatur ob summas dotes, quas honorifica ejus mentione post obitum grati prædicant. Nominatim vero Celsissimæ Arausionensium Principi ita gratus fuit & acceptus, ut in aulam sæpe vocaretur & socius æstivarum peregrinationum ac piæ solitudinis adhiberetur.

Wilhelmo pariter III. Dei gratia Arausionensium Principi, etsi tum puero, charus fuit, cujus erectam indolem ad magna surgentem Noster magni faciebat. *Wilhelmo* vero Nassoviæ Principi, Frisiæ Governatori familiaris fuit: nec non Multis ex Ordinibus Generalibus & Hollandiæ, eorumque Delegatis imprimis Curatoribus Academiæ, ac Magistratui Leydenfi. Speciatim autem intimi ipsi fuerunt *Ampliss. vir Johannes van Thilt*, Concivis ejus honorandus, Curator Acad. & Consul Harlem. dignissimus, in cujus pectore virtus sedem videtur elegisse, præsertim amor Religionis, Justitiæ, Patriæ & Acade-

Vita Cl. Hoornbeek.

Academiae, cum incomparabili candore. *Ampliss. Johannes Elemannus*, summus Philosophus & Medicus, praxi Medicinae diu clarus & charus Lugdunensibus, longe supra omnes, qui praxim unquam Leydæ ante ipsum fecerunt; sed longe clarius & charior probitate morali & prudentia politica, qua Reip. clavo assidens eam nunc feliciter moderatur, ex summo Medico major Politicus subito factus, si non natus potius quam factus ad Rempubl. administrandam: sed cujus laudibus brevitatis & inopia mea deterit. *Amplissimus vir Johannes Meermanus*, Exconsul Leydenfis, Deputatus ad Concessum Potentissimorum D.D. Ordinum Generalium, nuper ex Legatione Anglicana redux, instar columbæ Noachi, cum fronde olivæ in ore, pace feliciter confecta inter Batavos & Britannos, in quo exornando natura & ars pariter certare videntur: cum sit ingenii & iudicii prorsus stupendi, doctrinæ suspiciendæ, etiam in Mysta literarum: excellit enim in Theologia, Philosophia, Politica, Jurisprudentia & Literatura politiore, prudentiæ autem prorsus incomparabilis, sed de quo præstat tacere, quam loqui, ne pauciora meritis dicantur. *Nobilissimus Marcus du Tour*, supremæ Curia Brabantinae Senator dignissimus, arcta amicitia simul & propinqua affinitate ipsi junctus fuit, quem qui norunt, uno ore merito celebrant velut illustre sæculi nostri ornamentum, utpote naturæ & artis compendium, sed mihi de eo tacendum, ne necessitudini & amoris dare videar quod ejus deberi meritis omnes consentunt. *Amplissimus Joachimus Wevelinchovijs*, Senator Leydenfis, & Curatoribus Academiae à Secretis, vir ad exemplum sæculi natus, ob pietatem exquisitam & raram in homine suæ sortis, quæque vastam ejus eruditionem in Scientiis & Linguis fere obscurat, ob ejus modestiam.

Inter Literarum autem Antistites nemo ipsi ignotus: nulli ipse non notus fuit & acceptus, nisi qui Orbi sunt ignoti. Sint vero omnes nobis noti, non possunt tamen omnes esse amici.

Qua-

Vita Cl. Hoornbeek.

Quapropter selegit paucos, seu pietate, seu doctrina, eminentes, quos peculiari complecteretur amore. Inter eos eminentem locum habuere ejus Præceptores & Collegæ, de quorum plerisque superius diximus. Conjunctiores ipsi fuerunt Leidæ *Albertus Rufius*, summus Literator & Jurisconsultus, quodque majus verè probus & candidus. *Franciscus Sylvius*, supra laudatus. *Albertus Kyperus*, Philosophus & Medicus magnus, antiquitatis veræ cultor, ineptæ & impiæ novitatis hostis. *Antonius Thysius*, Literator & Jurisconsultus celeberrimus, ob eloquentiam antiquis temporibus dignam. *Georgius Hornius*, quo vix doctior & clarior in omni fere literarum genere. *Petrus de Witte*, Ecclesiastes Leydenfis, doctissimus, vir antiquæ pietatis. *Johannes Legerus*, *Waldensium* genuina proles, in cujus familia Pastores floruerunt 400. annis, ex quo solo vindicatur Religionis nostræ antiquitas: Sed qui sua quam avorum virtute clarior, ob eruditionem, pietatem, prudentiam, & præclara gesta, quibus post Deum meretur nomen liberatoris Subalpinorum Reformatorum, & Confessoris Christi, ob quem nunc longe à suis exulat familiaribus. Verum præcæteris, *Jacobus Revius*, Theologus solidus, Philosophus subtilis, Literator politus, & Poëta excellens.

Dissensus quidem Opinionum fuit inter Ipsum & Aliquos, nam idem omnes sentire in hac mortali caligine vix est possibile; cum major sit cerebrorum quam vultuum diversitas & inæqualia gratiæ dona. Adhærebat nempe Vir optimus Theologiæ antiquæ & sententiis ἀκριβεστάταις: Sed sine ullius odio aut tyrannide, proh dolor! nimis vulgaribus hodie.

Inter Theologos externos charus admodum fuit *Edwardo Reynoldo*, Episcopo Norwicensi, magno prorsus & profundo Theologo: *Rhetorfortio*, subtilissimo & pientissimo, Professore Andræapolitano: *Baillio*, politissimo, Glasguensi: *Molinæo*, seni celeberrimo: *Riveto*, multæ lectionis & accuratæ: *Blondello*, Historico incomparabili: *Buxtorfio*, Hebrææ literaturæ pro-

Vita Cl. Hoornbeek.

mo-condo: *Hottingero* diffusæ eruditionis Viro: *Turretino* juniori, antiquæ Theologiæ cultori & vindici: *Fred. Spanhemio*, filio dignissimo magni & incomparabilis parentis: *Nicolao Arnoldo*, Theologo magnæ eruditionis & zeli pro domo Dei: Denique *Johanni Valkenerio*, ejus Successori in Professione, Theologo promptissimo, doctissimo, eloquentissimo, orthodoxo, antiquæ Theologiæ Studiofo; ad quæ decora accedit puræ Philosophiæ & politioris Literaturæ notitia & usus singularis.

Discipulos habuit fere omnes qui in Belgio Theologiæ navarunt operam 22. annis integris quibus docuit, cum Trajecti tum Leydæ, quorum plurimi nunc sunt Professores vel Pastores magni nominis in præcipuis, Ecclesiarum Europæ; quemadmodum supra laudati Turretinus, Spanhemius, & qui non?

Liberos reliquit tres, duos filios, *Isaacum* & *Henricum* *Emilium*, & unam filiam, *Annam* nomine, omnes magnæ spei, ob virtutes patris quasi hæreditarias in iis efflorescentes & feliciter adolescentes, quibus animo ut corpore eum referre videntur in ipsa adolescentia. Masculos, ut ante dictum, jussit eligere Vocationes eorum genio & ingenio conformes ac tempori & loco. Nulli imposuit Studium Theologiæ, quamquam id optasset: judicavit enim Vir prudens voluntatem non posse cogi, electionem muneris debere esse liberam, & populum Dei spontaneum: Vocationem ad munus Sacrum esse à Deo, non à parentibus, omnique in munere pios inservire Deo, nec certe Ministerium sub Novo Fœdere hæreditarium est, ut sub Veteri: quoniam præsens adultæ Ecclesiæ status majores requirit dotes quam antiquus: nunc enim cultus est magis spiritualis; olim vero magis corporeus ob ceremoniarum choragium. Liberis ejus non ineptè adungere possumus *Hoornbekium*, Filium fratris majoris natu, adolescentem præstantissimum, ingenii, modestiæ & diligentæ laude commendatissimum.

Libros, animi docti & fœcundi liberos, scripsit plurimos, omnes

Vita Cl. Hoornbeek.

omnes fere de variis & utilissimis rebus, ante omiſſis, aut minus accuratè pertractatis: verum enim erat Scriptor, non Descrip-
tor, ut plurimi hodie, qui eandem crambem, non bis dun-
taxat, sed millies recoctam, si non ad mortem, ad nauseam, ex-
hibent, male describentes, seu bene seu male scripta ab aliis; fur-
to, imo sacrilegio, conantes inclàrescere; aut sua arbitantes
quæ emerunt, non quæ excogitarunt. Noster vero gloriam nec
emebat nec furabatur, ut nec Alexander victorias, suaque non
aliena Deo sacrata volebat: Hinc omnes ejus libri redolent in-
genium viri magni sine controversia, in iis enim elucet inusitata
quædam scribendi facultas, de obscuris dilucidè, de confusis
ordinatim, de dubiis enucleatè. Magnus autem eorum numerus
& multiplex argumentum suadet, ut eos in suas distinguamus
classes, Exegeticos nimirum, Didascalicos, Polemicos, Practi-
cos, Historicos: quos Deò favente forte simul edemus in folio.

Hæc omnia prorsus rara & mirabilia consideranti subit ani-
mum justa admiratio, quomodo tot, tantæ, tamque diversæ
dotes ad unum homuncionem exornandum concurrerunt: tum,
quia Deus pro ineffabili sua sapientia variè dispensat sua dona,
uni dans unum, alii aliud, nulli omnia, tum quia eorum pleræ-
que videntur contrariæ. Anima excelsa nimirum raro conse-
quitur corpus validum, quia spiritus subtiles id statim afferunt
& meditationes opprimunt: unde magnos viros vulgo debilio-
res esse contingit. Ad hoc, Ingenium, Judicium & Memoria,
contraria requirunt temperamenta: illud nempe calidum & hu-
midum: istud frigidum & siccum: hoc humidum ad impres-
sionem, siccum ad retentionem, calidum ad exhibitionem: qua-
propter vix videmus conjuncta hæc tria in eodem. Similiter, qui
prompto pollent ingenio raro sunt diligentes, quia brevi fatigan-
tur studiis, velut Cursores. Qui sunt diligentes sæpius vim inge-
nii reprimunt. Docti non semper sunt pii; mens enim non deter-
minat voluntatem necessario. Insuper laboribus variis & magnis

distracti parum habent temporis ad exercitia pietatis. Ascetici vero toti sunt in practicis. Qui multum legunt, multum non possunt scribere eodem temporis defectu; Ideoque non immerito censeo multos doctiores fuisse qui nihil aut pauca scripserunt, quam qui multa descripserunt; quanquam enim paradoxum videatur, rationi tamen est maxime consentaneum. Studiis immerfi, parum intelligunt civilem cultum & politioem vivendi rationem; nam toti sunt intra se, vix apud alios: ipsi sibi sunt regula vivendi, exempla aliorum non sequuntur, nisi antiquorum, quibus consuecunt; Pythagoram, Socratem & Catonem tam saepe quam libenter imitantur, loquuntur cum matre Evandri, saeculum praesens contemnentes & ab eo contempti. Quanquam virtutes inter se connexae sint velut sorores, raro tamen unus omnes possidet, cum in una magis se exerceat quam in alia: Hinc prudentes raro sunt candidi, ne arcana sua prodant: graves rarius familiares, ne gravitati detrahat familiaritas nimia: diligentes rarissime colunt amicitiam cum multis, quia amici sunt fures temporis. At haec omnia, quae in aliis singula ordinariè reperiuntur, in nostro juncta inveniuntur. Coronam habuit ex omnibus contextam gemmis, quorum una aut duae abunde sufficiunt ad virum egregium exornandum: adeo ut Natura quasi avara erga multos; Arsque liberalior natura erga eum prodigae fuisse videantur; certatim concurrentes, & quasi contendentes, utri plura deberet.

Cum vero honor sit praemium virtutis, quam sequitur ut umbra corpus in bene constituta Republica; non mirum tot tamque magnos honores consecutum esse Defunctum nostrum ab omnium ordinum hominibus, praesertim à bonis, veris summæ virtutis ejus cultoribus & admiratoribus. Enimvero ad summum culmen honoris pervenit, quo altius conscendere non poterat vir suae conditionis; primariae & nobilissimae facultatis in Academia nobilissima & primaria Professor, & primario Pastori in Ecclesia amplissima adjunctus; doctis juxta & piis charus & acceptus, per totum

Vita' Cl. Hoornbeek.

totum orbem reformatum celeberrimus in ipsa juventute, & famæ florentissimæ ante florem ætatis. Cum ætate vero crevit ejus gloria, Operibus modo laudatis, quibus orbem literatum demeruit.

Nec mors ipsa, quæ arctissima solvit vincula, & finem ac modum ponit omnibus rebus etiam firmissimis, ipsique vitæ ac laboribus aliquid delibavit de ejus gloria, sed potius auxit: nam pompa ejus funebris celebrata est ab omnium hominum & nationum genere, prosequentium mortui feretrum, memoriam viri laudati laudantium, ejusque familiæ bene precantium, quod non leve, etsi ignotum defuncto, cum velut insignis benedictio à Deo promittatur piis. Ejus Vitam, prolixam quidem respectu ipsius, cum fessus laboribus fuerit, & tam mundanæ gloriæ satur quam æternæ sitiens, sed breviorē respectu Ecclesiæ & Academiæ, cui tanta ingenii, industriæ, zeli & famæ gloria, inserviebat; vitam, inquam, laudarunt omnes cordati, solisque improbis & invidis paucis, quod inevitabile, os apertum est: Quis enim feram indomitam frænaret? cum præsertim Deus ipse optimus non placeat omnibus, nedum ullus hominum, quorum nullus invenitur, qui non aliquid humani patiatur, ob nativæ corruptionis reliquias, etiam in optimo quoque, cui velut leoni mortuo audet insultare canis vivus, saltem indirectè & clanculariè. At nostri fatum acerbum & mortem immaturam lacrimis pietatis profecuti sunt boni omnes: itaque tristitia publica fuit remedium aut lenimentum doloris privati. Loco monumenti magnifici, quod superbiæ superstitum, potius quam gloriæ defunctorum, vulgo erigitur à vana posteritate, æternum in corde doctorum, adhuc vivus ipse sibi erexit. Pii exemplum tam illustre sibi imitandum jugiter proposuerunt: nec Leidenses unquam habebunt gratiores cogitationes iis quas suggerunt piæ ejus conciones & sermones, atque recordatio tantæ virtutis.

Sed hæc, quamvis splendida, levia, sunt præ gloria

Vita Cl. Hoornbeek.

illa quam noster æternitatis diu candidatus, non in terra, sed in coelis consecutus est à Deo Optimo Maximo, justo iudice, & liberali remuneratore, supra mundi pompam sublimis elatus; agni sanguine purgatus, morbis liberatus, & laboribus; adjunctus Patriarchis, Prophetis, Apostolis, Patribus, Reformatis, Martyribus, Confessoribus, choros inter receptus Angelicos, Ecclesiæ primogenitorum adscriptus, Christo capiti unitus, ad visionem divinæ faciei admissus, gaudiis puris recreatus, æterno gloriæ pondere non gravatus, sed erectus, velut palma cœlestis, amarantina corona donatus; ut victor carnis, peccati, mundi & Diaboli triumphet in Christo & à Christo, cum omnibus sanctis. Fallimur igitur, si credimus, cum mortuum dicimus, eum cujus fama perennis vivit & floret in toto orbe literato, cujusve anima immortalis regnat in coelis: scilicet abiit, non obiit, præmissus, non amissus, gaudet societate Hussi, Wiclephi, Calvini, Crammeri, Martyris, Zanchii, Junii, & aliorum Orthodoxorum, quorum doctrinæ vivus adhæsit, & fidei immortalis est, ad finem constans in veritate, atque sine fine jugiter contemplatur cum profunda admiratione, & celebrat cum ineffabili gaudio, infinitam Dei æterni majestatem & gloriam, atque opera creationis & redemptionis; concinens quatuor animalibus & viginti quatuor senioribus, *Dignus es Domine qui accipias gloriam & honorem & virtutem: quia tu creasti omnia, & per voluntatem tuam sunt & creata sunt. Amen.*

Elenchus Operum Latinorum Johannis Hoornbekii.

Didactica.

- I**nstitutiones Theologicae in 8.
Irenicum de studio pacis & concordiae. in 4.
De consociatione Evangelica inter Reformatos & Evangelicos. in 4.

Polemica.

- Socinianismi Confutati. Tomi tres. in 4.
Pro convincendis & convertendis Judæis. Lib. 8. in 4.
De conversione Gentilium. Libri duo. in 4.
Examen Bullæ Urbani VIII. de Jesuitissis, Imaginibus & Festis. in 4.
Examen Bullæ Innocentii X. de pace Germaniæ. in 4.
Epistola ad Duræum de Independentismo. in 8.
Commentarius de Paradoxis Weigelianis. in 12.
Apologia pro Ecclesia Christianâ hodierna, contra Libellum, ad Legem & Testimonium, &c. in 8.
De observando à Christianis Præcepto Decalogi quarto. in 12.
De Episcopatu. in 8.

Practica.

- Theologiæ Practicæ Tomi duo. in 4.
De Peste. in 12.

Historica.

- Summa Controversiarum. in 8.
Miscella Vetera & Nova.

Oratoria.

- Orationes variae Inaugurales, Valedictoriæ, Rectorales & Funebres.

Opera

Opera Belgica.

Tractaet van Catechisatie. in 8.
Catechismus / ofte Christelijck en eenboudigh Onderwijs over
de dwalingen des Pausdoms.
Hepliging van Gods Naem ende Dagh. in 8.
Concept van Kiedes / etc.
Euchanasia / Ofte Welsterben / in 8.
Geesteliche Verlatingen / in 12.
Pader Betwijfingh van des Heeren daghs Hepliging / in 12.
Belijdenis Predicatie over 1 Tim. 3. 15.
Korte ende Paerder Verdedinge van de Ware Kercke / gestelt te-
gen de Wyser van de Paepse Kercke.
Sondagh Rustdagh / in 12.



Præfatio Operis.



*I*nter clarissima Clarissimi Viri monumeta, quibus immortale nomen sibi comparavit, præsens sæculum exornando, & futura beando, hoc postremum esse clarissimum procul omni dubio judicabit prudens Lector, siue Argumenti dignitatem & utilitatem spectaverit, siue Operis accurationem & pulchritudinem: ut Defunctus

noster similis merito videatur Episcopo Thyatirensi, cujus ultima opera erant meliora primis, nec absimilia juniori sorori uxoris Samsonis, quæ erat pulchrior majore natu. Siue quod mens humana à corporea mole sese paulatim liberans, altiusque adsurgens versus suam originem, majora & sublimiora cogitat: seu potius quod divinæ sapientiæ & gloriæ luce splendescens ac coruscans, ejus ope clarius videat, atque cælestes æterni luminis scintillas terris inferat, velut certum à Deo pignus future suæ gloriæ, & monumentum perpetuum apud Posterum divinæ gratiæ, tum maximæ conspicuæ, cum corpus atteritur, velut faces ardentes, confractis hydriis trecentorum Heroum Sociorum Gideonis. Corpus nempe & anima lancibus sunt similia, quarum una humi depressa altera sursum attollitur. Hinc Fidelium & Infidelium obitus hoc charactere maxime distinguitur, quod illi in morte vulgo supra se adsurgant, & velut cygneo cantu inter divinas laudes animam exhalent, ac Deo redemptori reddant: hi infra se concidant, & quasi muti ac stupidi ad plures abeant. Lubens quidem confiteor, cælestem illam lucem non semper apparere, sed subinde duntaxat radios emittere, & velut stricturas, ne naturæ constantia tribuatur gratiæ donum, quod ut supernaturale, ita extraordinarium.

Hoc autem egregium Opus suscepit Vir magnus variis de cau-

P R Æ F A T I O.

sis: Inprimis quia summa sua utilitate, necessitate, dignitate & sublimitate se commendat. Quid enim utilius Gentium innumerarum conversione & salute? Quid magis necessarium eorum institutione & Pastorum juniorum, qui ad eos mittuntur, sed præsidiis necessariis ad tantum opus destituti? Quid dignius Theologo vere Reformato, quam arduum id pensum vulgo neglectum in se recipere? Quid sublimius Dei gloria, quæ indeclarissime illustratur, amplificatione regni gratia, per incrementum subditorum Regis regum? Quapropter hoc illustre Thema Disputationibus aliquot publice ventilavit in Academia Defunctus noster, ac deinde relegit accurate, & ad incudem revocavit maximam ejus partem, sed morte præventus non potuit absolvere. Religio tamen fuit amicis aliquid addere, ne quasi vilis lacinia assueretur purpuræ. Id opus ergo emittimus sicut ab Auctore relictum est, velut Apellis Venerem, cujus ipsa imperfectio, si aliqua sit, ejus auget nativam pulchritudinem, & gloriam Auctoris, qui cum tanta præstiterit, majora parabat, etiam cum morseum in medio cursu gloriosi laboris oppressit.

Multi quidem viri præclari de nobili hoc scripserunt Argumento, quos recenset Hoornbeekius, Lib. 2. Cap. 1. & 2. Sed non eodem modo; non ausim dicere non tam accurato; id enim esset odiosum aut invidiosum. Merentur nempe viri egregii justam laudem, & præconium suis laboribus dignum. Idque Defunctus ipse, æquus virtutis omnium æstimator, singulis tribuit loco laudato, quod comparatione non necessaria obscurare nolumus.

Multiplex tamen discrimen liceat observare inter Ipsum & Alios, Alios nempe theoreticè scripsisse, Nostrum theoreticè & præcticè: Illos de Re, Hunc de Re & Modo: Illos argumenta attulisse, Hunc argumentorum proponendorum methodum tradidisse: Illos Doctrinam spectasse, Hunc Doctrinam Consiliis prudentiæ accommodasse: Illos in communi, Hunc in particulari: Illos elencticè, Hunc etiam historicè: Illos finem intendisse, Hunc

P R Æ F A T I O.

Hunc media etiam, aut finem & media, seu finem per media, & media ob finem: Illos de Gentilibus omnibus, Hunc de Indis præsertim: Illos officium Theologorum, Hunc Politicorum insuper descripsisse: Illos quid à Christianis, etiam Pontificiis, Hunc quid à Reformatis, sed Batavis fieri debet: Illos denique quædam capita attigisse, Hunc omnia ex omnibus collegisse, & propria superaddidisse, aliorum supplens omissa, errata corrigent, defectus perficiens, obscura illustrans, incerta confirmans, difficultates removens, & præclare dicta præclarius demonstrans.

Hæc non dico ut Opus commendem per se commendatissimum & ab Auctoris celebritate, qui nec me nec alieno indiget testimonio; sed suo Merito firmus, stat inconcussus contra ingruentes tempestates invidiæ & malignitatis, cui magni viri sæpe, proh dolor! sunt expositi, ut proceræ arbores, ac montes excelsi, & contra amentata venenatarum linguarum tela ac spicula invulnerabilis, nisi forte in calce, ut Achilles, non fictitius ille Græco-verus Christianorum.

Præfandum tamen fuit, ne liber egregius prodiret àux̃ Qal̃; & more recepto, ne vanæ novitatis gratiam captare videremur in re non necessaria, præter nostrum & Auctoris morem: sed paucis, ne Lectoris diligentis sistamus impetum, & profectum moremur, Qui si emunctæ sit navis, balsamum suavissimum statim olfaciet; quo degustato curet vulnera ignorantia, erroris atque dubiorum Gentilium & Infidelium omnium. Legat igitur, perlegat & relegat Opus, quod etiam repetitum decies, placebit millies: Utinam vero excitaretur generosus cujuscunque animus, zelo percitus pro domo Dei, qui præclarum Opus in linguas vernaculas, verteret, imprimis in Belgicam & Indicam, ut hoc pacto Idiotæ etiam, in Indiam tendentes, discerent methodum Conversionis Gentilium; atque ita longinquæ navigationes Christianorum nostrorum Argonautarum sanctificarentur, & Deus gloriæ per eas glorificaretur, ac Eccle-

P R Æ F A T I O.

sic fines extendentur, ad Garamantas & Indos: siquidem, Impiger extremos currit mercator ad Indos.

Quod ut feliciter contingat, Deum verum, omnis veritatis & gratiæ auctorem, supplex veneror, ut Gentilem Idolomaniam eliminat, atque falsorum Deorum cultum impium evertat, & gratiam veritatis ac veritatem gratiæ longe lateque propagat, quo solus agnoscatur, colatur, invocetur, celebretur ab omnibus Gentibus, adeo ut iidem sint Ecclesiæ & Orbis habitabilis fines, Deus sit Redemptor omnium quorum est Creator, Regnum potentiae & gratiæ eosdem habeant terminos aut potius nullos: atque gratia particularis fiat universalis, non ratione personarum & temporum, quod nunquam fuit, nec jam esse potest, sed ratione locorum & graduum. Ita Hoornbeekius post mortem adhuc loquetur altissima voce: eritque Pauli & Petri Socius, Evangelium prædicando Gentibus in hoc Opere, ut Judæis in Altero, & utrorumque quodammodo Evangelista, sicque Apostolus τῆς ἀποστολίας καὶ τῆς περιτομῆς. Ita vovet, ita sperat, ita precatur.

DAVID STUARTUS.

G Ravem ob causam suppresseram nomen meum in vita *Cl. Hoornbeek*, sed ob graviolem nunc exprimo. Illud nempe modestia honesta suaserat: hoc extorquet cautela necessaria. Ut enim vanam gloriolam non ambio, ita nec bruta fulmina reformidant latrari quibus cingitur caput Defuncti nostri, reportata victoria de mundo & mundanis.

Errata quæ ob meam absentiam & characterem minus nitidum irreperunt in Vitam & Præfationem excusabit lector benignus. Graviora autem sic corriget.

Pag. 8. impertas lege *impervias.*

15. conferrent *conferre.*

23. anni *anno.*

25. humorum &, dele, &.

27. Juvenes debent, lege *possunt.*

29. deturbarunt *deturparunt.*

30. Verba transposita ita restitue, Deo igitur Doctorum Doctore eum illuminante, eique Spiritu Sancto Scripturæ sensum aperiente, supra vulgarem modum profecit.

32. plusquam lege *plus quam.*

INDEX CAPITUM.

LIBRI PRIMI.

CAP.		Pag.
I.	O Peris ratio, & partitio.	I.
II.	De India utraque, ejusque primâ indagatione, & societate Indicâ apud Belgas.	4.
III.	De Gentilismo. Ejus nomine, ut & Paganorum. Quid Gentilismus sit. Origo Idololatriæ.	1d
IV.	De Gentilismo Antiquorum. Ac primo Chaldaeorum, & Sabæorum. Ex horum contrariis ritibus multæ leges Mosaicæ explicandæ: & ab his nomina dierum secundum planetas: primaque astrorum idololatria. De idololatria Egyptiorum. Progressus idolorum, ab astris ad subcœlestia, ad homines denique, & animalia. De Græcis & Romanis. Postremo, de Germanis.	16.
V.	De Gentilismo hodierno: Africanorum & Asianorum. De Indorum Brachmannis, antiquis & hodiernis. Guzurrattensibus. De religione hominum in regno Decam, Malabar, Narsinga, Zeylan, Pegesiam, &c.	28.
VI.	De Sinensibus. Formosanis. Coreanis.	43.
VII.	De Japoniis.	51.
VIII.	De Tartaris.	57.
IX.	De Lappiis, Americanis: eorum terrâ primum, tum religione,	59.

LIBRI SECUNDI.

I.	D E Patribus Græcis & Latinis, qui adversus Gentiles scripserunt.	77.
II.	De recentioribus & modernis scriptoribus adversus Gentiles.	93.
III.	De libris Sibyllinis, eorumque autore, & Pymandro Mercurii Trismegisti.	102.

CAP.	Pag.
IV. De Deo, quod sit, quod unus, item qualis & quis.	20.
V. De mundo, ejusque creatione & gubernatione.	133.
VI. De homine, immortalitate & statu animæ post mortem, & mortuorum resurrectione.	142.
VII. De peccatis Indorum & Gentilium circa cultum Dei.	154.
VIII. De peccatis Indorum & Gentilium contra vitæ honestatem, imprimis sextum & septimum Decalogi præceptum.	167.
IX. De modo persuadendi Religionem Christianam, & imprimis divinitatem Scripturæ.	174.
X. De autoritate Christi & Apostolorum, & veritate Religionis Christianæ.	181.
XI. De officio nostro circa Gentilium conversionem, quæ ad nos etiam spectare probatur.	192.
XII. De modo convertendi Gentiles, & quæ hic ab Ecclesiis, Academiis & Politicis curanda & præstanda sint.	207.
XIII. De dotibus mittendorum.	219.
XIV. De modo & mediis à Doëtoribus, ad conversionis opus promovendum observandis, negativis & positivis.	230.
XV. De felici conversione Indorum & Gentilium in America per Reformatos, nominatim Anglos, quorum exemplum ad imitationem proponitur.	

pertinet
post paginam 259.







I

LIBER PRIMUS,
DE
CONVERSIONE INDORUM,
& Gentilium.

CAPUT PRIMUM.

Operis ratio, & partitio.

S Eriò sæpiusque mihi cogitanti, & cum animo expen-
denti meo, fieri muneris, quod in hominibus Christo
lucrificandis situm est, gravitatem & ambitum uni-
versum, & quod ab eo tempore, quo à Magistro o-
mnium dictum fuit discipulis, irent in mundum, & do-
cerent gentes omnes; id suâ etiam ratione spectare ad
omnes & singulos Evangelii ministros, præsertim na-
ctos ad operis susceptionem, itineris, quod in Apostolis non fuit, oppor-
tunitatem & commoda: haud abs re facturum me existimavi, si quod olim
fuimus polliciti, & dilatum opus Disputationibus cum JUDÆIS, &
SOCINIANIS fuit, nunc aggredieremur, de *Conversione INDORUM,*
& *Gentilium*, ad quos Belgis, post alios, & præ aliis, jam libera admo-
dum & frequens datur à longo tempore commigratio.

Siquidem in non minimâ felicitatis ponendum est parte, quod hoc,
quo vivimus, sæculo, & huic mundi, ubi nos degimus, particulæ, tan-
ta totius orbis patet non notitia, sed accessus, & communicatio cum iis
etiam, qui ne de nomine quidem, nedum situ & conditione, cogniti Ma-
joribus fuerunt. Nec innotuerunt tantum quâ Orientis, quâ Occidentis
recessus, sed occupati, domiti, possessi Belgis sunt, ab aliquo retrò tem-
pore, ad Reip. non magis, quam regni Christi & Ecclesiæ opinor pro-
movendas res & gloriam. Sic enim nos id interpretari æquum est, pro præ-
senti opere necessarium.

Quis enim credat, tantummodò ad regiones hinc inde explorandas &
usurpandas, vel ad terrarum avehendas opes, & corporalium rerum mayo-
rem vel superfluum copiam, ad gloriam & inanes triumphos Belgici nomi-

nis, tam singulari Dei providentiâ ac munere, illa nostris contigisse, & non potius ad Dei omnium autoris inferendam notitiam & cultum terris hæcenus ab humanitatis & religionis contubernio alienis, & præter terram & terrena nihil sapientibus, quum non Gentilibus aliis, sed Christianis præcipue illa ad aperta sint fere omnia, *extra anni solisque vias*, regna, orbis prioribus & hæcenus vulgatis longe ampliora?

Quippe ita Deus instituit, ut hominum, & terrarum quidquid usquam est, se mutuo juvaret, nec tantum aliunde nos alia in nostros usus acquireremus, sed & nostra illis vicissim pro referendi debito & officio, remeteremur, præsertim spiritualia & cœlestia, quorum copiam & usum Christus nobis fecit, ut & aliis, & illis præsertim, quæ citra ullius damnum & invidiam conferri possunt, atque adeo debent, omnibus æque necessaria & salutaria, communicaremus *χρῆσθα χαλκείων*. Quemadmodum enim Apostolus argumentatur, parum esse ut corporalia metamus ab iis, quibus spiritualia à nobis contingunt, 1 Corinth. ix. 11. vicissim ut spiritualia recipiant, qui nos suis ditant corporalibus, æquum omnino videtur. Non quod pretio illa constent, vel nummis æstimanda sint opibusve terrenis, *neque enim pretio ulla res Dei constat*, uti ad Gentes loquitur Tertullianus; & Athenagoras, contra Græcos, *major est doctrina de Deo, quam ut humanis muneribus compensari queat*: sed quod eo major futura sit ingratitudo nostra, si ne tantis quidem allesti beneficiis id præstemus, quod etiam sine illis facere tenemur. Nihil isti, per quos aliquando Europæi, & in Septentrione positi populi, Evangelii notitiam adepti fuimus, receperunt, nisi verbera, persecutiones, & cædes truculentas, quæ primam veritatis annunciationem & autores ejus comitari solent ac coronare: nos verò, qui, si non omnes, maximas saltem Gentilibus & Indis debemus merces ac opes nostras, nunquam cogitabimus de remunerandis illis isto bonorum genere, quod nec nostrum est, sed solius Dei, & non tantum citra jacturam, sed nunquam sine gravi lucro traditur quocunque, quo illi ex miserrimis brevi fiant omnium felicissimi, quia optimi, quia Christiani?

Certe Apostolus Gentium Paulus, præter ista, quæ cum aliis Apostolis communia habuit ad docendum gentes omnes & homines, peculiari ardore in hoc flagravit adeo, ut non tantum libentissime acceperit conditionem prædicandi Gentibus, quomodo Petrus Judæis, sed & statim à vocatione sua ad fidem & fidei promulgationem, senserit ad prædicandum Gentibus vocatum, & non aliâ conditione Christum se accepisse, quam
ut eun-

ut eundem Gentibus manifestaret. Gal. 1. 15. 16. *Quando autem placuit Deo, qui me segregavit ab utero matris meæ, & vocavit per gratiam suam revelare suum mihi filium, ut evangelizarem eum gentibus, protinus non consului cum carne & sanguine.* Ecce autem quantam in hoc constituat gloriam, & quam singulare Dei æstimet beneficium, prædicare Christum Gentibus? *mibi sanctorum omnium minimo data hæc est gratia, gentibus evangelizare imperscrutabiles divitias Christi, & illuminare omnes &c.* Ephes. 3. 8. Non pro dedecore habet, sed honore, beneficio, non vilipendio, nedum infamiâ, ad Gentiles ablegari, & summam minimo sibi factam gratiam, sanctis dignam, alios etiam sanctos facere, præsertim ex prophanis & deploratissimis, quales sunt Gentiles, collustrando eos & ditando Christi doctrinâ ac beneficiis? Quare uti conjungit gratiam & Apostolatum se accepisse, Rom. 1. 5. ita addit illis ad obedientiam fidei apud omnes gentes. Et 2 Tim. 2. 7. *ad quod ego constitutus sum præco & Apostolus doctor gentium in fide & veritate.* Atque hinc Apostolo huic elogium mansit, Doctoris gentium. Imò sanctâ aliquâ æmulatione & ambitione stimulatus, Φιλοτιμέμεθον se testatur noluisse Euangelium annunciare, nisi ubi antea per alios nondum allatum fuerat, ne super aliorum fundamentum ædificare velle videretur, at potius implere hoc quod scriptum, *quibus non fuit annunciatum de eo, videbunt: & qui non audiverunt, intelligent.* Rom. 15. 20, 21.

Præterea disputationes & rixæ inter Christianos, & Reformatos etiam, quarum verè Christianum & Reformatum facile tædium capit, hoc modo artificiose, si non corriguntur, saltem devitantur, si à Christianis velificatione institutâ pergamus aliquando ad Gentiles, & cum his potius disputemus pro Christo, & fide, ac pietate, quam si non adversus ea, saltem exiguo sæpe cum fructu, de iis contendatur inter Christianos: unde Christiani ferè prius deveniunt gentiles, quam Gentiles Christiani. Non jam loquor de quæstionibus earumque momento, ob quas inter se illi quoque digladiantur: id autem minime dubito, quin ex communi omnium sententia liceat dicere, gravissimas certe agitari inter Christianos & Gentiles, quare & hujus loci disputationes aliis longe præferendas esse, prout majoris pretii ususque est, Gentilem formasse Christo, quam Christianum alteri cuicunque etiam in Christianismo sectæ, si forte meliori.

Tria verò in hoc opere nobis præfigimus. Primum dare brevem Gentilium *historiam* & σύνοψιν, quæ veterum, quæ hodiernorum, nempe quod concernit ipsorum religionem, quam ita cum vulgo catachrestice appella-

mus. Deinde *Disputationem*, recensitis controversiarum cum iis summariis capitibus. Denique *Consilium*, pro curandâ ipsorum & promovendâ, qui disputationis finis semper esse debet, conversione ac salute.

CAPUT SECUNDUM,

De Indiâ utraque, ejusque primâ indagatione, & societate Indicâ apud Belgas.

Indos quando nominamus, cum vulgo loquimur, qui quia præcipui illi, ab iis alios ferè denominant. Eademque nomenclatione etiam America Occidentalis India appellatur, ubi tamen non est Indus fluvius, unde nomen suum habet India vera & Orientalis: sive à Christophoro Columbo, ante Americum Vesputium, qui conjunctas terras has putans cum Orientali India, inde & Indiam appellavit: sive sic ipse acceperit à Nauarcho, quo indice primam locorum illorum notitiam fuerit adeptus, de quo dicemus postea suo in loco: sive, quod propius vero existimo, ex situ veræ Indiæ opposito nomen illud obtineat. Est enim proprie India regio in Asiâ, *tertio orbis divortio*, inquit Solinus, necdum notâ quartâ Orbis parte, sita intra duos præsertim fluvios, Indum, & Gangem, atque etiam ultra Gangem: unde Indiæ divisio in eam quæ cis, & quæ ultra Gangem fluvium est, quæ paret hodie Magno Mogoli, Indostan vulgò appellata.

India tota ferme spectat Orientem: verba sunt Curtii, ubi Indiam describit, & Alexandri M. in eam expeditionem. Ab Occidente habet Indum fluvium, à quo regioni initium, & nomen, quem è montibus Cassimeriis oriri, Belgis nostris observatum scribit Hugo Linfchotanus, *Itinerarii cap. 7.*

Philostratus, in *vita Apollonii lib. 3.* meminit virorum Indi, & Gangis, qui quando extiterint, & an fluminibus nomen dederint, uti illa terræ, non dixero. Non ille verò solus, sed & alii comparare amant Indum fluvium cum Ægyptiorum Nilo, nam & ostia habet, sed quinque, quibus illuat in mare, unde *Pang-ab*, quod significat quinque aquas, Persis dictus, & religiose quoque habitus ab accolis.

Quod & *Gangi*, alteri atque celeberrimo Indiæ flumini, contingit, non solis Indis, sed pluribus aliis sacrosancto. Veteri superstitione, quâ aquis divinam & salutarem vim inesse, à sceleribus purgandi, miseris creditum. Quos Poëta risit, an deslevit?

*Ab nimium faciles, qui turpia funera cadis
Tolli flumineâ posse putetis aqua.*

Uti

Uti aquis sordes corporis, ita & animas purgari, facile creditum: unde & iocutio, *eluere scelera*. Julius Firmicus, lib. de errore profanarum religionum: *Aegypti incolæ aquarum beneficia percipientes, aquam colunt, aquas supplicant, aquas superstitionis continuatione venerantur*. Et Philostratus, lib. III. aquas apud Indos sacras haberi, jam tum scripsit, & nullum gravius æstimasse illos juramentum, quam quod per illas nuncuparetur: deinde etiam iis expiari homines à culpis, à reatu, accepto aquæ cratere, quem culpæ, vel veniæ appellarunt. Atque hodie quando foedus pangunt, jurare solent, ut si perfidi deprehendantur, habeantur æque ac si vaccam vel hominem occidissent apud Gangem fluvium, id est, pro summe sceleratis. Deinde pro assequendâ peccatorum expiatione & indulgentiâ, ad fluvium illum frequentes institui peregrinationes, notum. Inde ægri, & moribundi eo deferri cupiunt: vel etiam mortuorum cineres in eum conjiciunt, quò certius salventur. Quibus autem adire eum non contingit, vel aquâ ejus per omnes terrarum partes advehi solitâ, lavare se; aut si neque id liceat, saltem Gangis meminisse solent, & cupere *Ganga sianam* Gange ablui, ut ne fructu ablutionis destituantur.

Nimirum ex Paradyso eum oriri putant, & propterea eodem cultores sui deferre. Forte uti alia ex vero orta in errores & superstitionem deflexit Gentilitas, ita quod in Scripturâ est de fluminibus ex Paradyso ortis Gen. II. II. huc detortum. Certe Pison, è quatuor fluminibus unum, Theologos veteres, ac recentes aliquos de Gange interpretatos fuisse, notum.

Apud Linschotanium, inde & alios, narratiuncula est de Bengalenfium Rege, qui pro explorando Gangis ortu instruxerit miro artificio naviculam, cui imposuerat ad hoc educatos à teneris juvenes, ut adverso flumine ad ejus tandem pervenirent caput: qui post menses aliquot in eum delati locum fuerunt, ubi mirâ capti loci dulcedine, & rerum omnium hinc inde fragrantia, progredi ulterius non potuerunt, arbitrati istum esse locum Paradyfi. Quod ex sententiâ Brachmanni Padmanabæ confirmat Abrahamus Rogerius, lib. II. de religione Brachmannum, cap. XIX. & ex ipsorum Vedam seu sacratissimo legum libro petitum, ait, è cœlis descendisse Gangem, in locum Dewendræ, sive Dæmonum subcælestium; inde, ad votum & petitionem alicujus Bagiretæ, in terram, quem sequutus fuerit Bengalam usque. Addit Philostratus, Indorum Regem flumini sacrificare solitum, equis & tauris nigris: quem colorem præ aliis æstimant; in hominibus etiam, quos nigricantes candidis anteferunt, uti elegantiores & formosiores: album existimantes leproforum colorem esse, quales apud

ipſos permulti. Quin quod Deum nigrum putant, nec tantum Angelos: quod Xaverius ſcripſit, in epiſt. Indicis, ad Ignatium Lojolam, a. cſo 15 xlii.

Nihil attinet vetuſtiſſimas Gentium fabulas perſequi, de *Bacchi* primum; cujus templum, & ſacra apud Indos celebria Philoſtratus etiam memorat: tum *Herculis* in Indiam adventu, à quo ſtruſtam urbem primariam Palicotram, ſive Palicattam, uti hodie vocatur, Diodorus ſcribit, *lib. iii.* Apud Curtium, *lib. viii. cap. x.* Indiæ reges *Alexandro* occurrentes, dicunt, ipſum tertium Jove genitum ad ipſos perveniſſe, priores famâ cognitos Liberum atque Herculem, ipſum verò coram aſſeſſe atque cerni præſentem.

Patrum noſtrorum ævo detecta primum à Luſitanis India fuit, ſub Emmanuele rege, poſt tentatum, ſaltem agitatum variè, à Prædeceſſoribus ejus, negotium. Quippe a. cſo ccccxcvii. miſſi à Rege, cum quatuor navibus, Vascus, & Paulus de Gama, Nicolaus Cælius, atque Gonſalvus Nunnez, ſuperato Bonæ Spei promontorio (quod ita nominatum à Rege fuit, quum alii de gravibus ad iſtum locum tempeſtatibus conqueſti, procelloſum caput vocarent, illis, *quin imo bonæ ſpei caput eſto*, reſpondit, & nomen loco iſtud indidit) relictâ poſt ſe Æthiopiâ, Arabiâ, anno ſequenti, die Maji xx. Calicutum, primum Indiæ, ad mare, locum, Rege ſuo clarum, appulere, & reverſi domum a. cſo ccccxcix. loca iſta Europæis primi aperuere. Poſt quos alii & alii, diverſis navium Claſſibus, ulteriora ſemper loca indagârunt, & vel occuparunt, vel ſœdere prioribus addiderunt: de quibus legere licet Oſorium *de rebus geſtis Emmanuelis*.

Eodem verò tempore, quo Luſitaniæ Rex Orientalem; Rex Caſtellæ Ferdinandus Occidentalem Indiam detexit, ope Chriſtophori Columbi, Liguris, qui primum à Genuenſibus ſuis, apud quos illa volverat aliquando, indigne ſpretus, etiam ab Anglis, ad quos venit ſub Honorio vii. irriſus, neque Luſitanis acceptus, tandem, ad inveſtigandas oras illas, navis ab rege Caſtellæ Ferdinando accepit tres, ad quas inſtruendas ſumptus Regi, qui omnes ſuas facultates abſumſerat in bello cum Moris, ſuppeditabat ſecretarius ejus, vid. ſedecim ducatorum millia: quibus a. cſo ccccxcii. Cubam, Hiſpaniolam, aliaque loca acceſſit & reperit. Deinde aliâ navigatione, ſecundâ anno cſo ccccxciii. & tertiâ, anno cſo ccccxcviii. in loca eadem reverſus, invidiâ & improbitate nobilium Hiſpanorum apud Regem delatus, quaſi omnia ad ſe rapere in longinquis oris meditaretur, revocatus domum, & tantus, tamque præclare de Hiſpanis non modò, ſed de genere humano meritis vir, vincſus compedibus,

in Hispaniam abductus fuit; quibus tamen à Rege solutus, & restitutus libertati mox fuit, ac loco: nam, quartum in Indiam navigavit a. c. 1510. à quâ redux, in Hispaniâ obiit a. c. 1516. Lepide verò dicitur aliquando æmulos suos in Hispaniâ excepiſſe, facinus ejus depreciantes & contemnentes, quasi quoque alii idem in Hispaniâ facturi fuissent, quod ipse fecerat, postulato ad mensam, ubi erant in convivio, ovo, contendens quovis pignore se facturum, quod ipsorum nemo; videlicet ut ovum nullo Nixon adminiculo staret rectum in mensâ: quod ubi frustra tentassent omnes, ipse sumto eo & leniter in altero fastigio quassato imposuit mensâ: quod cum facile omnes se jam imitatuſſe dicerent post ejus exemplum, se perstringi senserunt suæ, postquam in ipso vidissent, quid in Indiâ fecerat, jactantiæ.

Post Columbum, cum alii, tum *Americus Vesputius*, jussu ejusdem Ferdinandi regis, in Occidentalem Indiam navigavit, primum a. c. 1492. deinde a. c. 1498. ac terræ nomen de suo fecit, America: qui binas postea in Austrum & Orientem navigationes instituit, jussu Lusitaniæ regis Emmanuelis, a. c. 1500. quarum historiam ipse conscripsit, ad Renatum, regem Siciliæ.

Cum verò inter duos reges Castellæ, & Lusitaniæ, Ferdinandum atque Johannem, statim in initio, propter novarum à Columbo regionum inventionem magna simulas oriretur, & discordia, quæ in bellum spectare videbatur, delata ad Pontificem, qui tum erat Alexander VI. controversia fuit, qui pro potestate scilicet suâ, Pontificatus anno primo, c. 1494. rem ita decedit, ut ductâ quasi à Septentrione in Austrum lineâ, totum terrarum orbem ex æquo bisariam secuerit. Quæ pars vergebat in Orientem, hanc Johannes, facta sibi ob juris antiquitatem optione, desumpsit: occidentâ Ferdinando relicta, Massæus, lib. I. Ipsa bulla Alexandri legitur apud Bzovium, *Annal. Tom. XVIII. ad a. c. 1494.* apud Franciscum Lopez de Gomara, *histor. Ind. Occid. lib. I. cap. XIX.* & in Bullario Romano Laërtii Cherubini, Tom. I. data Ferdinando, & Elisabethæ reginæ: *Motu proprio, non ad vestram, vel alterius pro vobis super hoc nobis oblata petitionis instantiam, sed de nostra mera liberalitate, & ex certâ scientiâ, ac de Apostolica potestatis plenitudine, omnes insulas & terras firmas inventas, & inveniendas, detectas & detegendas versus Occidentem & Meridiem, fabricando & construendo unam lineam à Polo Arctico, scilicet Septentrione, ad Polum Antarcticum, scilicet Meridiem, sive terræ firmæ, & insulæ inventæ & inveniendæ sint versus Indiam aut versus ali-*

am quamcunque partem, quæ linea distet à qualibet Insularum, quæ vulgari-
ter nuncupantur des los Azores & cabo vierde, centum leucis versus Occidentem
& Meridiem, ita quod omnes insulæ & terræ firmæ repertæ & reperiendæ, de-
tectæ & detegendæ, à præfata linea versus Occidentem, & Meridiem, per ali-
um Regem, aut principem Christianum non fuerint actualiter possessæ usque ad
diem natiuitatis Domini nostri Jesu Christi, proxime præteritum: à quo inci-
pit annus millesimus, quadringentesimus nonagesimus tertius, quando fuerunt per
nuntios & Capitaneos vestros inventæ aliquæ prædictarum insularum, aucto-
ritate omnipotentis Dei, Nobis in beato Petro concessa, ac Vicariatus Jesu
Christi, qua fungimur in terris, cum omnibus illarum dominiis, civitatibus,
castris, locis, & villis, juribusque & jurisdictionibus ac pertinentiis universis,
Vobis, hæredibusque & successoribus vestris (Castellæ & Legionis Regibus) in
perpetuum tenore præsentium donamus, concedimus, & assignamus. Vosque
& hæredes ac successores præfatos, illarum dominos cum plena, libera, & omni-
moda potestate, auctoritate, & jurisdictione, facimus, constituimus & depu-
tamus. Ohe Pontificis Romani potestatem, & liberalitatem immensam,
in Reges, terras, & mundum universum! quam non alii tantum, sed ipsi
Gentiles obstupuerunt, & riserunt: præsertim ii, quorum res & causa
agebatur, interque eos Peruanus rex Attabaliba, qui Pontificem insigni-
ter fatuum, & impudentem clamitabat, quod aliena tam liberaliter largi-
retur; apud Calvetonem, *histor. novi orbis lib. III. cap. III.*

Præterea in eadem Bullâ Alexander, hoc nimirum solo facinore Alexan-
drum M. imitatus, omnibus aliis in mundo regibus ac dominis interdicit
accessu ad illa loca: *Ac quibuscunque personis, cujuscunque dignitatis, etiam
Imperialis & Regalis, status, gradus, ordinis, vel conditionis, sub excommuni-
cationis late sententiæ pœna, quam eo ipso si contra fecerint incurrant, distri-
ctius inhibemus, ne ad insulas & terras firmas inventas & inveniendas, dete-
ctas & detegendas versus Occidentem & Meridiem, fabricando & constitu-
endo lineam à Polo Arctico ad Polum Antarcticum &c. pro mercibus haben-
dis, vel quavis alia de causa accedere præsumant absque vestra ac hæredum &
successorum vestrorum prædictorum licentia speciali.* Nempe hic est *divas*,
non alicujus hæreditatis, quod Christus à se removit Luc. xii. 14. sed or-
bis universi. Ad quæ licet exclamare: *habeat nunc Roma pudorem!* Fran-
ciscus à Victoria in Relectionibus Theologicis, *Relect. v. de ludis*, de titu-
lis disputans non legitimis, quibus novi orbis Barbari dicuntur venisse in
potestatem Hispanorum, hunc etiam examinans de *authoritate Pape*, ne-
gat primò, Papam esse dominum civilem aut temporalem totius orbis
pro

propriè quod ad dominium & potestatem civilem : deinde, datò, quod summus Pontifex haberet imò talem potestatem secularem in toto orbe, negat, quod posset eam dare Principibus secularibus : tum quia annexa foret Paparui, neque ab eo ab ullo Papà posset separari ; tum quia privaret successorem illà potestate, quia non potest sequens Pontifex minor esse præcedente. Unde concludit, *quod nec iste titulus est idoneus contra Barbaros, vel quia Papa dederit provincias illas tanquam dominus absolute; vel quia non recognoscunt dominum Papæ, habent Christiani causam iusti belli contra illos.* Cæterum donationem illam Papæ refutavit Bergeron, in tractatu de *Navigationibus.*

Cum primis autem decreto Pontificis Max. territi scilicet *Batavi* fuerunt, quum fervente bello cum Hispaniæ & Lusitaniæ rege Philippo, qui naves nostras commerciorum causâ in Hispaniâ agentes detinebat, & nostris mercatu interdicebat in Hispaniâ, coacti alias terras petere, ad Indiam mercibus suis frequentandam, invito Rege & Papâ, animum applicuerunt : & admirabili Dei providentiâ, exclusi locis Europæis, remotissimas Hispani Regis ditiones adeuntes, heic locum, quem Rex in Hispaniâ negabat, jubente Deo, Regi extorserunt. Quodque infelicitatem interpretabantur prius, expelli Hispaniarum regno, illud ipsis maxime profuit, hac necessitate compulsis remotiora quidem, sed ditiora loca petere, & in ipsius Regis intrare thesauros ac auri argentique fodinas. Adeo injuste vexatum, & ad incitas redactum populum, quando nihil consilii supererat auxiliique, Deus ἀπὸ μηχανῆς vindicat, & quo alius putat se maxime premere innocentem & perdere, hoc promovet magis & juvat. Factum illud anno cIo Io xcv. quo exclusi Belgæ Hispaniarum commercio, naves suas, consilio *Petri Houtmerii* primùm destinarunt in meridionalem orbis plagam, Guineam, Insulas S. Thomæ, Brasiliam, & vicina loca : reversæque tandem ex Orientali Indiâ in Belgium fuerunt locupletes admodum, mense Augusto, anni sequentis cIo Io xcvi.

Cumque initio liberâ & promiscuâ mercatione nostrum quicumque fruerentur in Indiâ utrâque ; & mox anno cIo Io xcvi. in solam Orientalis Indiam naves viginti & una, tribus Classibus, Amstelodamio unâ, alterâ Rotterodamo, tertiâ ex Zelandiâ mitterentur, atque hinc magna nostris contingeret, ringentibus Hispanis, opum accessio, post, anno videlicet cIo Io cii. ad majus tum patriæ, tum civium commodum erigere *Societatem* Indiæ Orientalis placuit, & in unum corpus contrahere, quæ hæctenus divulsa & sigillatim à quibuscunque gerebantur, autoritate & con-

cessione Ordinum Foederati Belgii Generalium, & ex ad id constitutis Cameris seu Praefectorum Domibus, Amstelodami unâ, alterâ in Zelandia, tertiâ Delfi, Rotterodami porro, Enchusæ, atque Hornæ: summâ tonnarum auri sexaginta, quâ prima Societatis constitit negotiatio. Quod divinâ locupletante benedictione, immensum quotannis ita accrevit, ut accessus & reditus jam annuus primam summam longe superet.

Denique ad exemplum Societatis Orientalis, agi cœptum de erigendâ Societate quoque Indiæ Occidentalis, anno cLo lDcvi. dilatatumque persequentes Inducias negotium fuit usque ad annum cLo lDcxi. quo, auctoritate Ordinum Generalium constituta demum fuit atque confirmata. Hisce Indicis Societatibus non tantum quæsitum mercimoniis civium, sed & Patriæ, adversus hostes, firmamentum, ac propagandæ apud Gentiles Christianæ fidei monstrata & adaperita via, quæ nobis spectanda nunc est. Quod utinam quæsitum æque fuisset semper, atque illa! Saltem Dei providentiam digito indicasse fementem copiosam in spiritualibus faciendam, negare haud possumus; & Dei etiam ac regni ejus, neque nostris tantum, rebus promovendis, pro virili, esse incumbendum.

Jam quemadmodum Indicas dicimus Societates, quamvis ad alia etiam, quam veræ Indiæ destinatas loca, à præcipuâ autem parte seu plaga nominatas; ita propter eandem causam, & quia per Indica commercia ad alias gentes patuit nostris aditus, de Indorum præsertim rebus & conversione dicturi sumus, quæ ejusdem conditionis gentibus aliis aptari queant ac inservire. Quousque nempe, religionem quod attinet, in gentilismo versantur, & à ratione verâ, religione, ac fide Christi degunt alieni. Nam alii inter illos sunt Muhammedani, & Judæi quoque nonnulli, verum non istos, sed Gentilismi errore imbutos nunc spectamus solos, & de iis præsens futura nobis est disceptatio.

CAPUT TERTIUM.

De Gentilismo. Ejus nomine, ut & Paganorum. Quid Gentilismus sit. Origo idololatriæ.

Quum autem varia sint defectionum à Deo, & vero ejus cultu, genera, tum nullum est gravius, quodque latius per mundum se extendit, quam Gentilismus. Cui, à primo inde hominum lapsu, plures semper fuerunt impliciti, quam ab eo immunes; ac proinde communissimo nomine

nomine gentium ⲓⲛⲓ ἰθὺν semper appellati. Quum enim prorsus à Deo defecissent, & Diabolo aures præbuisent primi homines, nonnullos quidem semper Deus pro infinità suâ gratiâ revocavit & restituit in gratiam, quâ apud se exciderant; sed plurimi tamen manserunt in profundo defectionis pristinae, non Deo, sed Diabolo mancipati, & suis, quibus ille in ipsis dominatur, concupiscentiis. Inde per paucissimas familias hæere Ecclesia, & intemerata religio, cæteris sine Deo, & verbo, & cultu ejus in mundo agentibus: qui & semper, & ubique, numero plurimi fuerunt, uti boni & salvandi nunquam non paucissimi. In ipsis Ecclesiarum familiis, quot non passim extitere improbi, & probitatis ac proborum oïes manifesti? Nec aliter habuit, Ecclesiâ per nationem, sed unam Israëlitarum, diffusâ. Maxima semper mundi pars sub antiqua defectione hæsit, non redempti aut allecti ad Dei Ecclesiam. Psalm cXLVII. 19, 20. *indicat verba sua Jacobo, statuta sua & jura sua Israël. Non fecit ita ulligenti, ideoque jura ista non noverunt.* Cæteros, præter Israël, ⲓⲛⲓ gentiles defectione occupavit. *Quare tumultuantur gentes, & populi meditantur vana?* Psalm II. 1. Quam vocem Græci, paucis locis exceptis, ubique transferunt ἰθὺν, unde ἰθὺνισί, oppositi populo Dei. Matth. VI. 7. *μὴ βασιλολογήσῃτε, ὥσπερ οἱ ἰθὺνισί.* & vers. 32. *omnia enim ista τοῖς ἰθὺν gentiles querunt.* Illi populus Dei erant, hi non populus, ⲓⲛⲓ, Hof. I. 10. Deut. XXXI. 21.

Istud ergo nomen ab antiquo habuerunt, quandoquidem omnes gentes, una exceptâ natione Israëliticâ, tenebat apostasia, variis utcunque mutata & induta formis ac modis: mansit nomen idem per omnia sæcula, quamvis auctum alio, sed contrariâ longe à priori ratione. Nempe quando qui *Gentiles* olim, *Pagani* dici cœperunt; quia conversis ad Christi fidem nationibus, & per imperium Christi nomine palam agnito, prisca Gentilitas ex urbibus fugata, in *pagis* diu permansit ac retenta fuit. Quemadmodum ex professionis amplitudine Gentiles dicti; ita à coarctatâ eâ & immunitâ per Christianismum, paganismi nomen pro eodem usurpari cœpit, & per contemptum gentiles pagani appellati. Quod factum à temporibus Constantini, Filii que ejus Constantii. Videtis Baronium, in Notis, ad *Martyrologium*, ad *Januar.* 31. & in *Annal. Tom. III. ad a. 351.* Alias enim vocis istius & appellationis origines repudiamus; vel à *Pagano*, Deucalionis, quod dicunt, & Pyrrhæ Filio; quem posterius inde Pagani dicti, pro Deo coluerint: vel à *fontibus*, quos *πηγὰς* Græci, Dorici, *πηγὰς* vocant, & ad quos maxime frequentata Gentilium idololatria fuerit: aut quia *militiæ Christianæ* non essent adscripti, quos sic olim appellabant,

quod Alciato visum: quemadmodum Gentilium nomen, lusu magis tropologico, quam verâ nominis etymologiâ, exponunt alii quasi qui tales ac geniti manent, absque Circumcisione olim, hodie Baptismo, quæ Archidiaconi opinio est, in Juris Canonici xxviii. qu. i. & sequitur Marquardus de Sufannis, lib. de *Judeis*, part. i. cap. i. Illa, de residuo Gentilitiæ superstitionis diutissime in pagis superstite, post urbes & urbanos, Imperatorum, & Procerum exemplo, Christo adscriptos, verior est, atque modis omnibus præferenda sententia. Prudentius, lib. i. contra Symmachum: *Sunt hæc Barbaricis gentilia numina pagis,*

Quos penes omne sacrum est quidquid formido tremendum, Suasit.

Paganus à Pago, uti urbanus ab urbe. Salmasius in epist. ad Sarrarium, inter hujus ad illum epistolas, pag. 90. *religio pagana inde appellata, quod in pagis adhuc perseveraret, cum ab urbibus jam esset exterminata.* In historia apocryphâ Prochori, de vitâ Johannis Apostoli cap. 20. mulier ad templum Apollinis pergens, oratura pro salute filii, & interrogata ab Apostolo, quis, qualis esset, & quâ oriunda civitate, respondisse fertur: *de nullo, sed pagana mulier ego sum, nunquam civitatem, nisi nunc ingressa.* Semipaganum se dicit Persius, in Satyrarum prologo:

ipse semipaganus

Ad sacra Vatum, carmen affero nostrum.

Semipaganus, id est, semirusticus. Paulus Orosius, in præfat. Historiarum, ad Augustinum: *præceperas mihi, uti adversus vaniloquam pravitatem eorum, qui alieni à civitate Dei, ex locorum agrestium compitis & pagis pagani vocantur, sive gentiles, quia terrena sapiunt.* Veræ vocis paganorum origini, à pagis pagani vocantur, addit allusionem vel observationem magis tropologicam. In Capitulari Caroli Magni *pagensis* dicitur, pro pagano: & *paganias* celebrare. lib. 5. cap. 2. *ut populus Dei paganias non faciat: sed ut omnes spurcitiis gentilitatis abjiciat, & respuat, sive profana sacrificia mortuorum, sive sortilegos, vel divinos, sive phylacteria, sive auguria, sive incantationes, sive hostias immolatiis, quas stulti homines juxta Ecclesias ritu pagano faciunt, sub nomine sanctorum Martyrum vel Confessorum, Deum & sanctos suos ad iracundiam provocantes: sive illos sacrilegos ignes, quos nefratre vocant, sive omnes, quæcunque sunt paganorum observationes, diligenter prohibeant.* En paganismi diuturnas in pagis reliquias: quin & hodierna putes describi paganorum nostrorum encænia. Adeo facile credimus, in pagis illa diutissime commorata, quod & hodie apud nos prisca Gentilitatis & Papismi ab eâ in quam multis non admodum abluden-

tis,

tis, monumenta conspicias nullibi frequentiora, quam isthic. Quid enim factum apud antiquos fuerit, Gentilismo cum Christianis in confinio habitante, ex ætate nostrâ & hodiernis moribus colligas, satis gentiliter in nostris quoque pagis adhuc vigentibus, ut non in medio Christianismi, & inter Reformatos agere te putes, sed fere apud Barbaros & scientiæ & pietatis Christianæ, quod pudet dicere, gentiliter rudes.

Noverint ergo & sibi dictum, pagorum vel Ecclesiarum in pagis administristri, Chorepiscopi, quæ in Synodo à Bonifacio, & Francorum Episcopis, sub Carlomanno habitâ, ann. 10 CCXLI. adversus barbaros & paganos ritus constituta, & imperata Episcopis, audivimus: *ut secundum canones unusquisque episcopus in sua parochia sollicitudinem habeat, adjuvante graphione, qui defensor Ecclesiæ ejus est, ut populus Dei paganas non faciat.* Atque ne dubitemus illa à nobis rite applicari paganorum nostrorum moribus hodiernis, in Encæniis, Bacchanalibus, Kalendis, aliisque feriatis diebus, addo Bonifacium, sic loquentem ad Zachariam Papam: *sicut affirmant se vidisse annis præteritis in Romanâ urbe, & juxta Ecclesiam sancti Petri, die vel nocte, quando Kalendæ Januarii intrant, paganorum consuetudine choros ducere per plateas, & acclamationes, & cantiones facere sacrilegas, & nullum de domo sua vel ignem, vel ferramentum, vel aliquid commodi vicino suo præstare velle. Dicunt quoque, se vidisse ibi mulieres pagano ritu phylacteria, & ligaturas in brachiis & cruribus ligatas habere, & publice venales aliis offerre.* Adeoque in urbe, & Romæ quidem, juxta Ecclesias, observata Paganicorum rituum monumenta: quæ urbibus pulsa in pagis diutissime hæserunt, neque etiam hoc tempore satis expurgata.

Ignes illi *nedfratres*, vel *nedfri*, uti alibi vocantur, erant ignes à rusticis accensi festo S. Johannis die, ad fugandas erucas, quasi *nedfjrr*, vel *noodfjrr*, ignes vid. necessarii, ad averruncanda mala vermium: quare *noodfjrr* scribendum monet Lindenbrogius, in Glossario: additque, rusticos homines in multis Germaniæ locis, festo Johannis, palo ex sepe extracto, circumligare funem solitos, illumque hac illac ducere, donec ignem conciperet, quem stipula aliisque aridioribus aggestis lignis fovebant, ac cineres collectos super olera spargebant, eo modo erucas abigi posse inani superstitione credentes. Eumque ignem vocasse *noodfjrr*, quasi ignem ad abigenda mala necessarium, vel adversus malum istud prophylacticum: etenim malum quodvis *nood* appellamus in genere. Ignium isto die excitari ex veteri consuetudine solitorum, meminit etiam Beletus, in *Rationali divinorum officiorum*, cap. 137. quem vide.

In quo verò ratio Ethnicismi constituenda sit, optime docet Apostolus, quando statum Ephesiorum describens, qualis erat ante Christum prædicatum ipsis, agnitumque, cap. I. 1. dicit illos fuisse sine Deo & Christo, extorres promissionibus fœderis, & communione populi Dei, vers. 11. 12. *quapropter mementote, quod vos quondam gentes in carne, dicti præputium ab eâ quæ dicebatur circumciso in carne manufacta, quod fuistis illo tempore absque Christo, alieni à politia Israël, & peregrini à testamenti promissionis, spem non habentes, & athei in mundo. Nunc vero in Christo Jesu, vos qui olim erat is longe &c. atque ad Romanos cap. I. 18. duabus definit partibus, impietate, & injustitia.*

Unde talem licet formare descriptionem, quod Gentilismus sit, totalis hominum à Deo, & vero ejus cultu defectio, ad idololatriam & impietatem omnem, atque injustitiam. Non defectio aliqua, sed tota & universalis, à Deo ad Diabolum, & ad hujus cultum, sive ad omnis generis idololatriam. I Cor. 12. 2. *Scitis quod quando eratis gentes, quomodo ad idola muta acti abrepti fuistis.*

Cumque Deus in Naturâ se manifestet, & Verbo, eoque Veteris Testamenti, & Novi: ab omnibus abeunt Gentiles, neque nisi ex Naturâ convinci possunt: Judæi etiam ex Veteri Testamento, quod adhuc retinent: & Muhammedani quadantenus etiam ex Novo, quod non in universum repudiant. Omnium deterrimi Gentiles. Illi infideles, quod non credunt Verbo Dei, ipsis oblato: isti infidelibus etiam peiores, quo longius à Deo recedunt, neque ejus admittunt ullum, quemadmodum alii, verbum.

Non aliunde melius cognoscas, quid Diabolus suâ ubique tentatione intendat, & quò hominem deducere instituat, quam ex istâ, quâ utrumque Adamum adortus fuit, primum hominem, & Christum Jesum, in Paradyso illum, hunc in deserto, & quamvis hîc repulsus & victus cessarit, aliter quam ibi, tamen ex methodo quâ usus, & quæ utrobique attulit, nam magna inter utramque est analogia & similitudo, apparent ejus perpetua νοήματα, quæ & inde debent nobis non esse ignota.

Præterquam quod utrobique à dubitatione pugnam orsus fuit, & animo injicere satagit dubitationem de Deo, ejusque veritate, numquid Deus dixisset? num Christus esset Filius Dei? id unum affectat semper, ut abjecto Dei timore & reverentia, se in locum ejus ingerat, & tamquam Deum ab hominibus haberi curet. Aperte enim Christo tandem obtulit, ut se prostratus adoraret. Unde conficitur, hanc summam tentationis, & defectiois esse, ut repudiato Deo, & ejus cultu, Diabolus pro Deo agnoscat

tur ab

etur ab hominibus & adoretur. Quare in defectione totali, quæ ad primum hominis lapsum sequuta fuit, & gentes omnes tenuit, quæque Gentilismus dicta, finis & fastigium est, cultus Diaboli loco Dei: quemadmodum in variis idolis, quæ sequuta fuerunt, Diabolus, tectius aliquando, aliquando apertius, cultus ubique fuit. Ut propterea Apostolus verè dixerit, *quæ immolant Gentes, demonis immolant, & non Deo.* 1 Cor. 10. 20. Quodque negat idola aliquid esse, vers. 19. *quid ergo dico? idolum aliquid esse? aut idolothytum aliquid esse?* non vult, idola nihil esse in rerum natura, vel nihil negativum, uti dicunt; sed non id quod videntur & præse ferunt, non istud, quamvis sint aliquid: non quid Dei, sed certe nimis multum Diaboli. Quemadmodum Psaltes appellat זבחימות *sacrificia mortuorum*, Psal. 106. 28. id est, nulla vita præditorum. Sunt Dii mortui, carentes vita, & sic eorum idola atque effigies. Psalm. 115. 5, 6, 7. Unde Apostolus opponit, ubi prædicat Thessalonicensium conversionem, quod conversi erant ab idolis ad Deum, *servire Deo vivo & vero.* 1 Thef. 1. 9.

Neque aliunde origo idololatriæ petenda, quam à prima illa Diaboli tentatione, & sequuta inde hominis seductione: quia sive analysim ejus instituamus in autorem, sive finem respiciamus, non est alius, quam Diaboli, pro Deo, inque ejus locum, cultus & veneratio. Nec putandum, quod demum incæperit ex affectu erga defunctos & eorum memoriam: quamvis non negemus, isto etiam modo promotam, quam diversis admodum speciebus & ritu commendare ubique fategit Dæmon, & homines, tum per ea, quæ in *naturâ* seu cœlestium seu terrestrium corporum observabant. tum quæ in *aliorum* actionibus, quos vel ob charitâtes *domesticas*, vel *publicas* facinora & benefacta, nimia devotione prolequebantur, gnæviter promoverunt: sed ex primo peccato, & apostasia, subducto hominum animis Deo, & in ejus locum regnante in filiis inobedientiæ Diabolo, hinc primum sui venerationem, cujuscunque generis excogitata forma, miseris ingessit. Atque istud mali omnis, & idololatriæ, & Gentilismi initium fuit, illaque ejus in prima tentatione semina.

CAPUT QUARTUM.

*De Gentilismo Antiquorum. Ac primò Chaldaeorum, & Saba-
 eorum. Ex horum contrariis ritibus multa leges Mosaicæ ex-
 plicandæ: & ab his nomina dierum secundum planetas:
 primaque astrorum idololatria. De idololatriâ Egy-
 ptiorum. Progressus idolorum, ab astris, ad sub-
 caelestia, ad homines denique, & anima-
 lia. De Græcis, & Romanis. Po-
 stremò, de Germanis.*

Q Uum verò tria fere agenda nobis sint, & primùm exponendus Gen-
 tilismi *status*, super quo; tum capita *controversiarum*, de quibus,
 cum illis agamus; denique *consilium*, quod forte pro eorum conversione
 suppeditemus: in enarrando Gentilismi statu, duplicem considerare ne-
 cesse est, *antiquum*, & *hodiernum*: neque enim hodiernus commode intel-
 ligitur, nisi præmissis iis, quæ tum propter præsentem rerum statum, tum
 Gentilium in genere, ex antiquo nosse expedit.

Epiphanius, in initio Panarii, hæreses & sectas in religione quasunque
 revocat ad quinque capita, tamquam ad fontes, unde singulæ profluxe-
 rint, Barbarismum, Scythismum, Græcismum, Judaismum, & Samari-
 tanismum. Barbarismum ab Adamo deducit, per decem generationes,
 usque ad Noachum: Scythismum, à Noæ temporibus, usque ad ædifica-
 tionem turris Babylonice: Græcismum, à temporibus Seruch, & deinceps:
 ac quatuor sectarum nomina deprehendit in loco Apostoli, quando
 docet in Christo nil differre Græcum & Judæum, Barbarum, aut Scy-
 tham, Col. 3. 2. sed præterquam quod Barbarus potius commune nomen
 sit, quam gentis aut sectæ particularis, non etiam origo & limites recte
 videntur ita, utifecit, constitui, seu Barbarismi, seu Scythismi. Quare
 meliori, opinor, ordine, ad institutum saltem nostrum magis accommo-
 dato, Gentilismum, tum *ætatis*, tum *locorum* habita ratione, dispartie-
 mur in *antiquum*, & *hodiernum*. Ille comprehendit superstitiones *Chal-
 daeorum*, & *Egyptiorum*, tum *Græcorum*, præterea *Romanorum*, deni-
 que *Germanorum*. De quibus nonnulla venient nobis annotanda.

Chaldaeorum religio viguit ante Abrahamum; cui parentes ejus deditos
 fuisse, historia testis est. Jos. 24. 2. *ultra flumen habitabant majores vestri
 olim,*

olim, Therach Pater Abrahami, & Pater Nachoris, colebantque Deos alienos. Ex Ur Chaldæorum egressus Therach fuit, cum filio Abrahamo, & familiâ. Genes. 11. 31. primò Haranem usque: tum Harane porrò profectus Abram, mortuo in Harane Patre Theracho, in Canaan. Genes. 12. 10. atque ita Deus eum dicitur eduxisse ex Ur Chaldæorum, in terram Canaan. cap. 15. 7.

Chaldæi illi & Haranæi fuerunt *Sabæi* religione, eoque nomine in scriptis Arabum, & Judæorum celebrati. Unde titulus libri Ahmodi, quem citat Hottingerus in Historiâ Orientali, lib. 1. cap. 8. *de ritibus Haranæorum, Chaldæorum, qui Sabæorum nomine vulgo noti sunt.* Maimonides, in More Nevochim, part. 3. cap. 29. *Notum est, Abrahamum Patrem nostrum educatum esse in fide Sabæorum, qui statuerunt, nullum esse Deum, præter stellas.* Stellas pro Diis habuerunt, & duo luminaria pro Dīs majorum gentium, & omnium maximum Deum, Solem. Ac propterea mundum credebant æternum esse, ut tuerentur astra & orbes esse Deos. Adamum quoque, instar aliorum hominum, ex viro & foemina progenitum, fuisse Apostolum Lunæ, & homines ad cultum ejus incitasse, atque libros scripisse de culturâ terræ, autumabant. Hanc prorsus subiciebant astris, tamquam numinibus, inter quæ sic partiebantur, ut hujus & illius climatis Deum facerent stellam hanc & istam Atque inde stellis erexerunt imagines, Soli aureas, argenteas Lunæ, aliis alias, quas appellarunt *השלימות* *Tilsemoth*, sic fabricatas, ut singulari ratione recipere cœlestes influentias, & peculiari vi præditas, ad significanda & efficienda arcana quævis & admiranda, crederent. Quare & divino honore prosequerantur illas atque adorabant.

In Magorum disciplinâ & libris vulgata est Talismanica. Neque diffimiles fuisse imagines, ab Hebræorum Teraphim, est probabile. Maimonides in Mischnam, Avodazara, cap. 4. *הנקראת צאבים ועקר זה באומות*, & radix hujus idololatriæ est apud gentem, quam *Sabæam* vocant, quæ gens est, ex qua egressus est Abraham pater noster p. m. & disputavit contra eorum errorem & sententiam perversam, pro ea, quam Deus ex corde ejus dedit, sapientia. Honorabant autem & venerabantur stellas, iisque operationes, quas non habebant, tribuebant.

Cæterum tanto quidem ardore & vi contra illa disputasse Abrahamum scribunt, & dum ei objicerentur astrorum, Solis imprimis, operationes, sic istud continuo retorsisse, solem esse in manu Dei, uti securis in manu cædentis; ut Rex carcere eum claudi jufferit, & ne sic quidem cessantem,

veritus regno & religioni suæ detrimentum, fisco adscriptis ejus bonis, in fines Syriæ relegarit. Hinc ipsi dictum, propter nefandas, quas assidue pro Dei nomine patiebatur, contumelias, *benedicentibus tibi benedicam, & maledicentibus tibi maledicam.* Genes. 12. 3. Sic de illo Judei.

Sabæorum autem uti antiquissima idololatria, & superstitio, quousque vid. Scriptorum adscendit recordatio, ita latissime per orbem dispersa fuit. Maimonides, in *More: Illi sunt de reliquiis nationis Sabæorum, quæ gens totum terrarum orbem impleverat.* & part. 1. cap. 63. *Nosti, quantum illis temporibus invaluerit hæresis Sabæorum, & quomodo omnes prope in universum homines, nonnisi paucis exceptis, idololatriæ addicti fuerint, ita ut stellis & imaginibus, quas illis fecerant, omnem virtutem divinam & spiritualem adscriberent.* Neque tantum ampla fuit istius sectæ per universum orbem diffusio, sed & duravit diutissime, adeo ut in Alkorano Muhammed ejus quoque faciat mentionem, & suis permittat cum illis ferire scædus.

Neque omittendum, quod Maimonides ait, *More Nevochim, part. 3. cap. 29.* multarum legum rationes & causas innotescere ex consideratâ religione & ritibus Sabæorum, Israëliticæ contrariis, & quod constituta apud Judæos permulta sint opposita ad Sabæos. Uti, quod Deus jussit Sanctum Sanctorum extrui, & preces ac cultum dirigi versus occidentem: quia nimirum Solicolæ Sabæi ad orientem se convertebant. Lex Exod. 28. 42. sacerdotes femoralia induere præcipit, cultus sacri tempore, ad tegendam carnis nuditatem: quia Gentiles in cultu Baal Peor retegebant nuditatem. Prohibetur mulier induere vestimenta viri, Deut. 22. 5. quoniam apud Sabæos vir jubebatur habitum mulieris induere, quando coram Venere stabat, & lorica assumere & arma bellica, quando stabat coram Marte. Et sic de pluribus statuit, eorum rationem peti ex moribus usitatæ tum temporis ubique fere idololatriæ: & ut diversum ab illis gererent animum, alia & contraria ipsis imperata à Deo fuisse. Quemadmodum Deus semper cavet, uti suorum mores quam longissime à Gentilibus discrepent: *ne ergo iis fiat is similes.* Matth. 6. 8. Quomodo quæ in lege toties dicuntur adversus hariolos, magos, augures, præstigiatores, & similes, eos ut detestarentur Israëlita & caverent, ad Sabæos respicere, contra illos dicta, non immeritò creditur.

Imo quemadmodum nomenclatura dierum hebdomadæ, apud omnes fere gentes olim, atque ab ultimâ hominum memoriâ, obtinuit fere eadem, juxta septem planetarum nomina, ut dicantur dies Solis, Lunæ, Martis &c. ita hoc ipsum ab antiquis Sabæis non frustra derivatur, qui
hoc

hoc modo cultum erga Planetas Deos suos testati fuerunt, ut dies hebdomadæ illis consecrarent. Nam uti ex Autore Arabico Cl. vir Hottingerus: *diem primum sacrum faciunt Soli; secundum Luna; tertium Marti; quartum Mercurio; diem quintum Jovi; sextum, congregationis diem, Veneri, cujus nomen est Beltab; & septimum Saturno.* Etenim nominari certo modo debuerunt dies æque, ac menses, & dierum nominatio esse communis: cujusmodi res semel usu confirmatæ vix mutari possunt postea & corrigi: sic ab antiquissimis, quicunque etiam illi fuerint, morem illum dimanasse credibile est. Quare quemadmodum ex astrorum scientiâ, vel honore, nomina illa profluunt; ita nihil obstat, ad vetustissimos Sabæos referre, qui ante alios cultu astrorum excelluerunt. Unde & difficultas, illa nomina, utcunque improbanda, & manifesta impiæ superstitionis monumenta, commutandi in melius. Cum iis tamen facere nos, qui hæc emendata, & vel Christiana, vel saltem minus ethnica cupiant, quamvis consuetudinis torrente abrepti, loquamur cum vulgo, alibi professi fuimus, & nonnulla in hanc rem protulimus, *Summæ Controvers. lib. 10.* Nihil autem impedit, utcunque non possis communis usus mala corrigere, indicare tamen, & testari animi sententiam à vulgatâ & malâ praxi alienam. Quamvis nec id habeant nunc illa nomina, quod primâ suâ institutione, & naturâ significant. Quo minori cum scrupulo iis hodie uti licet, vel abuti.

Illi ergo Gentilium primi Chaldæi, vel Sabæi, & prima Gentilitiæ idololatriæ rudimenta videntur ab *astris* incæpisse, & eorum cultu. Quemadmodum, neglecto veri Dei sensu & superstitione, cœlestia illa corpora corpora maxime solent homines in admirationem sui rapere & reverentiam. Interque illa præcipue duo luminaria magna, & primum horum Sol, qui quia diei & orbi dominatur luce sua ac calore, à primis, & quamplurimis semper gentibus pro numine habitus, & sub nomine בעל *domini*, vel *Bel*, *Beli*, & *Moloch*, nam creatus Sol ad regendum diem לממשלת היום *Genes. 1. 16.* cultus fuit.

Arnobius, lib. 1. *Solem Deum cum esse credatis, conditorem ejus, opificemque non quæritis? Luna cum apud vos Dea sit, &c.* Vetus inscriptio: SOLI. INVICTO. ET. LUNÆ. ÆTERNÆ. Ac proinde Deus ab eo quidem primum dehortatur, Deut. 4. 19. *ne forte eleves oculos tuos in celos, & videas Solem ac Lunam, atque stellas, cum universo exercitu cœlorum, & impellaris, ut adores atque colas ea.* Et Jobus, quando hoc agit, ut omnem à se removeat idololatrici cultus speciem, inquit cap. 31. 26, 27. *si adspexi Solem, quum splenderet, aut Lunam mobiliter incedentem.*

Post Chaldaeos secundo loco ponimus *Aegyptios*: qui aliàs merentur primo loco nominari. Propheta Jeremias, ubi vaticinia in Gentes profert, primos adit *Aegyptios*: cap. XLVI. 1. 2. *verbum Jehovah, quod fuit ad Jeremiam Prophetam, contra gentes. De Aegyptiis.* Et ultra *Aegyptios* alii in recensendâ idololatriæ historiâ non adscendunt, vel ignorantes superiores Chaldaeos aut Sabæos, vel eos una comprehendentes.

Diodorus Siculus, haud procul ab initio: apud *Aegyptios Deorum genus primum fuisse fabulantur*: *astrorumque ab iis veteres repertas observationes.* Ubi antiquissima astrologiæ, ibi & idololatriæ, monumenta: quandoquidem in colendis astris primum ista occupata fuit. Ab *astris* ad *elementa*, ab his ad *homines* progressa, ab hominibus ad *animalia*, hinc denique ad terræ fruges ac *plantas*, & quidquid *figmentorum* ad illa, vel alia designanda fuit reliquum. Vetus orbis *ἑξήκωντος*, edita à Gothofredo, de *Aegypto*: *μὴ ἀπὸ τοῦ γὰρ οὐδὲν* nusquam enim terrarum sacra Deorum ita celebrantur, ut ibi jam ab antiquo, & usque nunc: & verò ipsa propemodum omni orbi terrarum Deorum cultum tradidit. Dicunt equidem nonnulli, Chaldaeos melius adhuc colere; sed enim quos videmus, & miramur, & in omnibus primos esse asserimus, siquidem ibi Deos habitasse, irro & habitare scimus.

Supra omnes gentes superstitiosa fuit *Aegyptus*. Et primò quidem *Solem* ac *Lunam* coluerunt sub nominibus *Osiridis*, & *Isidis*. Diodorus: *igitur primi illi homines olim in Aegypto geniti*, ibi enim primos homines extitisse credebant, hinc mundi ornatum conspicientes, admirantesque universorum naturam, duos esse Deos, & eos æternos, arbitrati sunt, *solem & lunam*: & illum quidem *Osiridem*, hanc *Isidem* certa nominis ratione appellarunt. *Osiridem*, sive *solem*, radiatum; *Isidem*, cornutam faciebant, quia *Luna* quando crescit, cornua quasi assumere videtur. Hæc verò à *Sabiis* vel *Chaldæis* pervenisse ad *Aegyptios*, declarat etiam nomen *Thammuz*, sub quo cultus *Osiris*, & quem *Israëliticæ* mulieres defleverunt apud Prophetam *Jezechielem*, cap. 8. 14. & viri, vers. 16. *quorum terga erant ad templum Domini, facies autem versus Orientem, adorabantque Solem ad Orientem.* Et *Josias Rex* destruxit equos *Soli* positos à *Regibus Judæ*, ab ingressu *Templi*, 2. Reg. 23. 11. Jam vero celebratissima apud *Sabios* fuit *Thammuzi* memoria, & fabula, quam de eo narrat *Maimonides*, *More Nevochim*, lib. 3. cap. 29. *antiqua valde est historia de Thammuz apud Sabios.* Notat prophetam *Solis*, vel *Solem*, quialiis *Osiris*, maritus *Isidis*; apud alios *Adonis* dictus. Sic frequenter confundere *Gentiles* suâ religione & *numinibus mundi naturam*, & *hominum historiam*: in quibus postmodum

modum secernendis maxime sudavit eruditorum industria, non pari, uti quidem visum, fructu, ac labore: post omnes, simul & ante omnes, Joh. Ger. Vossii, in libris de Theologia Gentili, sive de origine ac progressu idololatriæ, *ad veterum gesta, ac rerum naturam, reducta.*

Ab astris ad subcœlestia deventum, & spiritum, ignem, terram, aquam, aërem, tamquam primas mundi partes, ad instar membrorum in humano corpore, pro Diis habuere. Etenim eos partiti fuerunt in *cœlestes*, atque *terrestres*: atque hos ex hominibus assumere, qui vel regnandi autoritate, vel aliis beneficiis, nomen & gloriam, atque venerationem à posteris adepti fuerant, *Ἄγρι δὲ οὐρανῶν, ἢ κοινῶν ἀνθρώπων θεοποιῶν, πετυχηότες τὸ ἀθανάσιον.* Tales in Ægypto fuerunt Vulcanus, Saturnus, Jupiter, atque Jovis ex Junone filii, Osiris, Isis, Typho, Apollo, Venus, alii, de quorum vel factis, vel inventis immania fabulantur. Nec tacendus Mercurius, litterarum inventor, & qui nomina rebus imposuit, cujus libros quadraginta duos, religionis & philosophiæ rationem comprehendisse, atque ab Ægyptiorum Sapientibus edisci solitos, commemorat Alexandri-
nus Clemens, *Stromat. lib. 6.*

Osiridis (quæ Gentilium in tradendis rebus suis fuit vanitas & confusio, varios & varia eodem nomine & numine denotare ac colere solitorum) filii, Anubis & Macedon, quia pro insignibus habebant canem, & lupum, hæc etiam *animalia* religioso cultu prosequenda putarunt. Nec ista tantum, sed alia; nec sola viventia, sed quoque mortua, & felem, & ichneumona, & canes, & accipitres, ibides, lupos, crocodilos, ac similia. Idque cum ob alias rationes, quas tres adfert Diodorus; tum præsertim usus & commoda, quæ præstant hominum vitæ atque societati. Præ aliis bovem coluerunt, seu Apim: quod & Israëlita, in deserto imitati, facto vitulo: atque Apis symbolo Josephum patriarcham, ob prævidam ejus in alendis hominibus curam, cultum, Eruditorum plurimum est sententia. Neque apud omnes omnia, sed Apim quidem Memphi, Mneum Heliopoli, Midetæ hircum, alibi alia præ aliis animantia in pretio fuisse, proditum. Clemens, in Protreptico, ad Gentes: *Ἐgyptῖοι αὐτὴν διασπέρσις ἐστὶν ἐν τοῖς κατὰ τοὺς αἰῶνες καὶ τοὺς τόπους καὶ τοὺς λαοὺς καὶ τοὺς θεοῖς καὶ τοὺς νόμοις.* Ex his Syenitæ quidem colunt piscem Phagrum. Mæotem autem (est vero hic quoque alius piscis) colunt, qui habitant Elephantinam. Oxyrinchitæ autem piscem similiter, qui ab eorum dictus est religione. Præterea Ichneumonem Heracleopolitæ: Saitæ autem Thebani ovem: Lupum autem Lycopolitani. Canem vero Cynopolitani: Apim Memphitani: Hircum Mendesi. Hinc idem scite *Pædagog. lib. 3. cap. 2.* hypocritam cum religione

Ægyptiorum comparat, quorum templa extrinsecus erant deaurata, & admodum magnifica; verum introspecta propius, pro numine animal aut bellua aliqua, vel felis, aut crocodilus, serpens etiam super purpuream stragulam, ostensa adorabantur. Sic hypocritam apparere alium specie externâ, & nitidum valde ac religiosum; intus autem refertus est beluini moribus ac turpitudinibus. Tacitus histor. lib. 5. *Ægyptii pleraque animalia effigiesque compositas venerantur.* Et fruges, herbasque etiam vulgarissimas illis religiosè habitas, notum. de quo Juvenalis:

Porrum & cape nefas violare, & frangere morsu.

O sanctas gentes, quibus hæc nascuntur in hortis

Numina!

Quæ Apostolus significavit, Rom. 1. 23. *mutarunt enim gloriam incorruptibilis Dei in similitudinem imaginis hominis corruptibilis & volucrum, & quadrupedum & reptilium.* Nugacissima & superstitionum fertilissima fuit gens Ægyptia: non obstante, quod apud eam aliquamdiu diverterunt Israëlita. Sed qui ipsi non minùs multa ab illis, quam hi ab ipsis, acceperunt. Nempe quantum ab Israëlitis illi, tantum fere scabiei hi videntur affricasse Israëlitis. Magisque mirum, illa ab Israëlitis, veri Dei præsentia & notitia claris, adoptari; quam primùm ab Ægyptiis præstari potuisse. Magna inter utramque gentem, quo tempore juxta se habitarunt, fuit societas, & utcunque segregati in speciem, de suo nonnulla communicarunt Ægyptiis, & ab his quoque multa mutuarunt. Habitasse olim in Ægypto Judæos, neque Ethnicis scriptoribus ignotum fuit. Unde hinc Judæorum originem petit Tacitus, *Annal. lib. 5.* & exactos Ægypto, à Rege Occhori fuisse, ex plurium consensu & fama tradit. Ægyptii ab Hebræis, quidquid sani apud ipsos, accepere; ab Ægyptiis Gentilium alii, præsertim Græci, qui scientiæ profundioris acquirendæ causâ Ægyptum vulgo petebant. Sed & alia habuerunt sibi propria. Nam Moses institutus dicitur fuisse à puero, ἐν τῷ Αἰγύπτῳ, in omni sapientiâ Ægyptiorum, Act. 7. 22. Quod verò ab Hebræis Ægyptii, ab his cæteri Gentilium præclara multa hauserunt, à multis veterum Theologorum ostensum adversus Gentiles fuit, præsertim à Clemente Alexandrino, & Eusebio.

Id autem maximopere detestandum, Israëliticam nationem adeo potuisse, cum quibuscunque versaretur, eorum superstitiones amare & sequi: in ipsâ adeo Ægypto. Quod Deus illis exprobrat, Jezech. 23. 19. *multiplicat enim scortationes suas, recordando dies pueritiæ suæ, quibus scortata fuerat in terra Ægypti.* In Ægypto, horum sectati idololatriam fuerunt;

runt; in deserto, vicinorum; in terrâ ipsa, aliorum quorumcunque passim. Jam & primis Ecclesiæ familijs, superstitione Chaldæorum & Sabæorum frequenter adhæsit. Etenim Ecclesia suas habuit periodos: primam, & quasi domesticam, in Patriarcharum familijs: tum in natione integrâ Cananæa, disposita per illam Dei populo; quæ nunc per totum mundum facta est catholica.

Porro ab Ægyptiis Græci admodum multa petivere, & religionis plura capita, nisi quod, quæ pudenda & ridicula Ægyptii habebant, in cultu præsertim animalium, & frugum, ea paulo minus affectarint, meliori imbuti philosophiâ, & ratione, cui præ illis erant dediti. Græcorum autem antiquissimos & sapientissimos in Ægyptum certatim abiisse, & quæ ad sapientiæ faciebant studium, inde reportasse, nemo ignorat. Hoc Orpheus, Musæus, Homerus, Lycurgus, Solon, Plato, Pythagoras, Democritus fecerunt, aliique. Ex Eupolemi libro de Regibus, Clemens Stromat. lib. 1. Mosem sapientum primum litteras Judæis tradidisse, à Judæis illas accepisse Phœnices, denique à Phœnicibus Græcos, docet. Atque è Phœnicum doctrinâ plura in Græcorum disciplinam commigrasse Veterum multi tradiderunt, apud Judæos Josephus, apud Christianos Eusebius, in libris de Preparat. Evangelicâ, præter alios, atque recentes.

Etiâ religionis haud prorsus absimilis ratio ab Ægyptiis transiit ad Græcos. Herodotus, in Euterpe, duodecim signa cœlestia primum ab Ægyptiis observata meminit & culta; tum à Græcis: *duodecim eorum nomina primos dicunt Ægyptios fecisse, & ab illis accepisse Græcos.* Sic Jovis, Junonis, Saturni, Apollinis numina apud utrosque celebrata. Et ad naturam, vel de Theologiâ naturali similiter fere philosophati fuerunt utrique. De quo videnda Hesiodi Γεγονία.

Ἐξ ἀρχῆς ἐν γαῖα καὶ οὐρανῷ ἔκλυον
οἱ τὼ ἐν τῶν ἐξ ὅσων θεοί.

Jam de Romanis, tanquam cloacâ Deorum, ad quos omnium gentium idola ac superstitiones destillarint, loquendum. Minutius, in Octavio: *per universa imperia, provincias, oppida, videmus singulos sacrorum ritus gentiles habere, & Deos colere municipes, ut Eleusinos Cererem, Phrygas Matrem, Epidaurios Æsculapium, Chaldæos Belum, Astartem Syros, Dianam Taurios, Gallos Mercurium, universa Romanos.* Quidquid Deorum alibi fuit, Romanis omnium avidis, omnium dominis, mox arrisit, & adhæsit. Quibus de suo, prout hominum ingenium superstitionum valde ferax est & mire amans, addiderunt quodcunque addi insuper potuit.

Quare

Quare Deos primùm distribuerunt, in certos, & incertos; quorum de divinitate nondum satis constaret, & *Semideos* appellat Ovidius: quales Nymphæ, Satyri, & monticolæ Sylvani:

*Quos quoniam cæli nondum dignamur honore,
Quas dedimus certè terras habitare sinamus.*

Metamorphos. 1. Incertam Deorum turbam significabat formula; in comprecationibus & evocationibus usitata, *Dii Deaque*: vel quum dicerent, *sive tu Deus es, sive tu Dea*. Ne memorem Atheniensium Deum ignotum. Augustinus, de Civitate Dei, lib. 3. cap. 12. sub tot Deorum præsidio, quos numerare quis potest, *indigenas & alienigenas, cœlites, terrestres, infernos, marinos, fontanos, fluviales*: & ut Varro dicit, certos atque incertos. Prudentius, contra Symmachum, lib. 1.

*Quidquid humus, pelagus, cælum, mirabile gignunt,
Id duxere Deos, colles, freta, flumina, flammæ,*

Hæc sibi per varias formant elementa figuras.

Turpissimum verò, tot vana illos confinxisse rerum quarumcunque & vulgarium, nec seriarum sæpe, nec honestarum, numina ludicra, ipso sonorienda. Qualia fuerunt, *Dea Cloacina, Educa, Potina, Volupia, Febris, Fessonia, Flora, Pavor, Vagitanus, Robigus &c.* Cyprianus, de idolorum vanitate, *Romanorum autem vernaculos Deos novimus: est Romulus pejerante Proculo Deus factus, & Picus, & Tyberinus, & Pilumnus, & Consus, quem Deum fraudis, velut consiliorum Deum, colit Romulus voluit, postquam in raptum Sabinarum perfidia pervenit. Deam quoque Cloacinam Tacius adinvenit & coluit, Pavorem Hostilius atque Pallorem, mox à nescio quo Febris dedicata, & Acca, & Flora meretrices, hi dii Romani.* Atque Augustinus haud uno loco illa salse ridet, & perstringit, de Civit. Dei, lib. 5. cap. 8. & 11. & 21. cap. 16. *Miror autem plurimum, quod cum Deos singulos singulis rebus, & penè singulis motibus attribuerent, vocaverunt deam Agenoriam, quæ ad agendum excitaret: deam Stimulam, quæ ad agendum ultra modum stimularet: deam Murciam, quæ præter modum non moveret, ac faceret hominem, ut ait Pomponius, murcidum, id est, nimis desidiosum & inactusum: deam Strenuam, quæ faceret strenuum: his omnibus diis & deabus publica sacra facere susceperunt. Quietem vero appellantes, quæ faceret quietem, cum eadem haberet extra portam Collinam, publice illam suscipere noluerunt. Quærit, utrum indicium hoc fuerit animi inquieti, quod qui turbam dæmoniorum colebat, quietem habere non posset? Etenim nulla pax, inquit Deus meus, improbis.* Jesa. 57. 25. Minutius: *Cloacina*

nam Tatiſ & invenit, & coluit: Pavorem Hoſtilius atque Pallorem, mox à neſcio quo Febris dedicata: hæc alumna urbis iſtius ſuperſtitio, morbi & male valetudines. Sane & Acca Laurentia, & Flora, meretrices propudioſæ, inter morbos Romanorum, & Deos computandæ.

Cumque Græci ultra trecentos Deos numerarent, Orpheus trecentos & ſexaginta duos, quos tamen omnes in teſtamento ſuo rejecit: quod Gentilibus exprobrat Theophilus, ad Autolyicum, lib. 3. non pauciores habuerunt Romani. Euſebius, *Præparat. lib. 5.* ex Heſiodo numerat ultra triginta millia. Diceret cogitandis & faciendis diis tantum occupatum fuiſſe hominum ingenium.

Germani noſtri poſt Romanos quidem coluere accepta ab illis Numina, ſed pauciora. Cæſar, lib. 6. de bello Gallico, ubi digreditur in mores Gallorum Germanorumque: *Deorum numero eos ſolos ducunt, quos cernunt, & quorum opibus aperte juvantur, Solem, & Vulcanum, & Lunam; reliquos ne fama quidem acceperunt.* Aſtra, atque elementa, ſolem, lunam, terram, tum etiam heroës & viros principes, atque opere vel dignitate excellentes, venerabantur. Tacitus, de moribus Germanorum: *Deorum maxime Mercurium colunt, cui certis diebus humanis quoque hoſtiis litare ſus habent. Herculem & Martem conſeſſis animalibus placant: pars Suevorum & Iſidi ſacrificat.*

Culti à Majoribus noſtris Mercurii plura ubique monumenta, vel ſub nomine Wodan, quod Mercurium ſignificat. Unde nomen diei *Wodenſdag*, vel *Woensdag*, qui eſt dies Mercurii. Paulus Diaconus, lib. 1. cap. 9. *Vuodan ſane, quem adjecta littera Godan dixerunt, ipſe eſt qui apud Romanos Mercurius dicitur: & ab univerſis Germaniæ gentibus ut Deus adoratur: quæ non circa hæc tempora, ſed longe antè: nec in Germania, ſed in Græcia fuiſſe perhibetur.* Dierum nomenclaturam Romanis debemus, mutato aliquando, & ad noſtram linguam factò nomine. Sic Martem Heſum dixerunt, atque inde *Dijſdag*, vel *Dijnsdag*, diem Jovis, tonantis *Þegvatal*, *Donnerſdag*: & *Vrydag*, à Venerè.

Terram etiam, tamquam communem matrem venerati: quam *bertham*, ſive *eerden* appellabant: in commune *Hertham*, ideſt, terram matrem colunt, eamque intervenire rebus hominum, in vebi populis arbitrantur.

Inter heroës primum habuerunt *Tuiſconem*, tum Filium ejus *Mannum*, conditores gentis; unde videntur & nomina derivata *Tuiſſchen*, & *Germanorum* ſive *Alemannorum*. Quod nomen apud antiquiſſimos occurrit, Hieronymum, Sabrianum, Euſebium in Chronicis, Ammianum, Vo-

piscum, Aur. Victorem, & alios. Tacitus: *celebrant carminibus antiquis (quod unum apud illos memoriæ & annalium genus est) Tuistonem Deum terræ editum, & Filium Mannum, originem gentis, conditoresque.* Germanorum quidem nomen alii ex Germanicâ lingua & compositione, quasi totos viros *gar-man*; alii à Gallorum commercio derivant, quod ab iis pro fratribus habiti, ob morum, gentisque societatem. Quam Strabonis sententiam sequitur, in epistolâ ad Beatum Rhenanum, Ægidius Tschudus, & extat in Centuriâ epistolarum Philologicarum Goldasti.

Cæterum Germaniam non esse Ascenaz, Genes. 10. 3. contra communem Judæorum & Christianorum opinionem, sed Ascenaz esse Bithyniam potius, ac minorem Phrygiam, docent Vossius, *de Idololatriâ, lib. 1. cap. 38.* & Bochartus, *Geograph. lib. 3. cap. 9.* Perperam Aben Ezra in Obadja. vers. 20. Germanos scribit antiquos fuisse Cananæos, qui aufugerint à facie Israëlitarum, suas terras occupantium, אלמניי הם הננעיים. Boxhornius, in Historiâ Universali, Germanorum nomen ab Arminio, gentis duce ac vindice, derivat: neque illo nomine, ut viri proprio, sed muneris atque honoris, sive gentis supremum militem designante aut imperatorem. Atque tum isthic, apud Vossium, tum Eliam Schedium plura videtis, *de Dis Germanorum.*

Denique & Herculem Tacitus celebrat: *fuisse apud eos & Herculem memorant, primumque omnium virorum fortium ituri in prælia canunt.* Carmina etenim & cantus sive in communi, sive Deorum cultu habuerunt admodum multa. Atque hæc de Veteribus, & Veterum obiter dicta Gentilismo, Chaldæorum, Ægyptiorum, Græcorum, Romanorum, & Germanorum.

Atque illa idololatriæ Gentilium origo, & profapia fuit, à natura, primò cæli, tum terræ, ad homines, admixtis etiam *Dæmonibus*; Varro, de LL. lib. 4. principes Dei, cælum & terra: hinc progressa idololatria ad animalia, ac terræ fruges, denique ad quævis figmenta etiam & *notiones* tam virtutum, quam vitiorum, & rerum, & utensilium quorumcunque: ut jam nihil superfuert vel excogitandum, quod non inter Numina relatum ab antiquis aliquando fuerit. Quam idololatriæ propaginem notat quoque Athanasius, *contra Gentiles*, quod mox atque à Deo, & ejus solius notiâ ac cultu defecit homo, primùm cælo, Soli, & Lunæ, atque fideribus divinos honores habuit, neque solum Deos illa, sed & subsequentium Deorum autores fecit. Deinde elementa & corporalis substantiæ principia, calidum videlicet, frigidum, siccum, humidum putarunt Deas. In-

de ho-

de homines quoque & hominum figuras, partim viventium, partim vitæ functorum, habuere pro Diis. Tum verò deteriore consilio ad lapides, & ligna, & reptilia, aquatilia, terrestria, & feras animantes Dei appellationem transulere. Quin eo usque perrexere, ut quæ nullâ ratione existunt, neque inter creaturas veniunt, ceu Deos coluerint: cuiusmodi sunt, apud Ægyptios Cynocephali, & Ophiocéphali, & Onocéphali; apud Liby-
cos, Criocephalus Ammon. Alii rursus corporis partes, caput, hume-
rum, manum, pedem, seorsim accipientes, singula in Deos retulerant: quasi non satis fuisset ex integro & toto corpore numen effingere ac cul-
tum. Alii ulterius voluptatem & concupiscentiam pro Diis venerati fue-
runt. Cuiusmodi apud illos amor, & quæ Paphi colebatur, Venus. Alii
Principes suos, atque eorum liberos in Deos retulerunt, sæpe turpissimos:
sicuti, quod tum recentioris memoriæ Athanasio memoratur, Antoninus
Hadriani Imp. delicatus puer.

Clemens Alexandrinus, in *Protreptico ad Gentes*, similiter primum ido-
latriæ Gentilitiæ gradum ponit in adorato cœlo: atque inde ad alias ejus
species progressum docet. Digna sunt ejus, quæ hic legantur: *Alii enim
statim in cœlo contemplando decepti, & soli visui credentes, motus astrorum
contemplantes, admirati sunt, & Deos esse censuerunt; astra Deos (nempe
ἡλίου & σελήνης & ἑστῆς, hoc est, à cursu) nominantes: & Solem adorarunt, ut Indi:
& Lunam, ut Phryges. Alii autem, eorum quæ ex terris nascuntur, mites
fructus carpentes, Cererem frumentum, ut Athenienses: & Bacchum vi-
tem, ut Thebani, appellaverunt. Alii, cum considerassent vitii pœnas, eas
in Deos retulerunt, adorantes pœnas & calamitates. Hinc Furias & Eume-
nidas, & quos παλαμναῖες & περθεοναῖες vocant, ceu averruncatores &
malorum depulsores: & præterea ἀλκιστῆρες, id est, cacodæmones seu malos
genios, finxerunt Poëtæ scenici. Jam verò quidam ex philosophis, ipsi quoque
post Poëticos, earum quæ sunt in nobis affectionum figuras & simulacra con-
stituunt; nempe metum, & amorem, & gaudium, & spem: sicut certe pris-
cus quoque Epimenides, qui Contumeliæ & Impudentiæ Athenis erexit alta-
ria. Alii autem ipsis profecti rebus ab hominibus in Deos referuntur, & instar
corporis effinguntur; Justitia quædam, & Clotho, & Lachesis, & Atro-
pos, & Parca, & Auxo, & Thallo, Atticæ. Sextus modus, quo introducta,
& paulatim hæc fraus Deorum, secundum quem Deos numerant duo-
decim. Quorum etiam Theogoniam, seu Deorum ortum, canit Hesiodus, &
quæcunque de Diis theologicè disserit Homerus. Restat postremus (sunt enim hi
omnes septem modi) qui proficiscitur à divino in homines beneficio. Nam cum*

beneficio afficientem Deum non intelligerent, effinxerunt quosdam servatores, Castorem & Pollucem, & Herculem malorum averruncatorem, & medicum Æsculapium. Hæ quidem sunt lubricæ & exitiose à veritate digressiones, quæ hominem è cælo detrahunt, & in barathrum pessundant. Denique de illis, & tum ortu, tum progressu idololatriæ à cælestibus ad terrena, etiam ad homines, videndus, post Vossium, in libris, de idololatriâ Gentilium, Eduardus Baro Herbert, de Religione Gentilium, errorumque apud eos causis.

CAPUT QUINTUM.

De Gentilismo hodierno: Africanorum, & Asianorum. De Indorum Brachmannis, antiquis, & hodiernis. Guzurattensibus. De religione hominum, in regno Decan, Malabar, Narsingâ, Zeylan, Pègesiam, &c.

Pergamus ad Gentilismum cognoscendum, qualis hodie præcipue est in tribus Orbis partibus, *Africa* primum, tum *Asia*, denique *America*. Et in *Asia* quidem, apud *Indos*, *Chinenses*, & *Japonios*. *Africa* primum nostris cognita per Vascum de Gama, quando auspiciis Regis Lusitanæ in Indiam navigavit a. d. ccccxcvii. nempe pars *Africa* meridionalis, ad mare sita *Æthiopicum*, & quæ Gentilismo obnoxia; reliqua enim, & qua mare spectat *Mediterraneum*, Muhammedanis paret; sive ita dicta ex Arabico verbo *Faraca*, quod dividere significat, quia eam mare *Mediterraneum* dividit ab Europâ, & Arabiè *Africa* vocatur *Iphrichia*; sive ab Arabiæ felicitis rege *Ifrico*, qui eam primus tenuit.

Olim illa *Africa* pars, quæ nunc Muhammedismo infecta, Christianas habuit Ecclesias multas, & per celebres, Episcopos, Patres, *Tertullianum*, *Cyprianum*, *Augustinum*, *Fulgentium*, alios; & Concilia ab Africanis celebrata heic multa egregia, præsertim *Carthaginense* sub *Aurelio Carthaginensi* episcopo, ann. ccccix. præsentibus legatis diversarum provinciarum Africanarum, id est: *Numidiarum* duarum, *Byzacenæ*, *Mauritanæ* *Stifensis*, & *Mauritanæ* *Cæsariensis*, & *Tripolis*, & *Vincen- tio Culusitano*, *Fortunatiano*, & cæteris episcopis provinciæ *Proconsularis* cccvii. ubi celebris *Codex Canonum Ecclesiæ Africanæ* formatus, & actis insertus fuit: hodie verò, non Christi isthic nomen, sed Muhammedis celebratur. Nisi qui forte Christiani sunt inter *Abyssinos*.

Vetustissimi autem Africani olim fuerunt ut idololatræ, ita teste Leone Africano, *Descript. Africae lib. 1.* præcipue cultores Solis, & Ignis, quos seu Deos, venerabantur erectis templis magnificis & amplissimis, in quibus, uti apud Vestales Romæ, ignis perpetuus noctes diesque servabatur, ne extingueretur.

Hodie in *Guineæ* regno exiguâ religionis & honestatis curâ tanguntur incolæ: superstitionibus & conjurationibus, quas *Fetistos* appellant, unice dediti. Nudi incedunt, pudenda, nec tamen omnes, tecti. Miscentur promiscue, usque dum jungantur matrimonio, atque tum etiam viris licet plures, quot ex facultatibus alere possunt, ducere uxores.

Ex Africâ si in Asiam & *Asianorum vetera ornamenta Deorum*, ut Juvenalis loquitur, tendimus, an sinus Arabicus, an Nilus utramque distimet, non disputamus, sed relinquimus controversiam Pomponio Melæ, & Ptolomæo, vel quibuscunque placuerit hujus, aut istius sententiam sequi & defendere. Quum non natura, non gentium super limitibus habitum consilium vel responsum illa distinguat, sed Geographorum libera, & quæ visa ipsis probabilior sententia.

Cæterum Indos quod spectat, olim quidem in septem ordines seu tribus divisos Diodorus scribit, *Biblioth. lib. 3.* Quorum primâ erat *Philosophorum*, qui doctrinæ nomine conspicui, ideo & cæteris antecellebant, & Regibus habebantur proximi. In principio anni convenientes prædicebant quæ futura sequente anno essent: unde omnes, & Rex, & populus quid agendum sibi erat, colligebant. Qui verò secus ac eveniebat, dixisset, perpetuo multabatur silentio. Altera classis erat *Agricolarum*, qui numero plurimi, & quia communi bono inservire credebantur, ab oneribus publicis, etiam belli tempore, habebantur immunes, atque in agris degabant securi cum familiâ, & suis. Tertiatribus *Pastorum* erat, qui venationi incumbabant. Quarta *Artificum*, qui omnes generis instrumentis & utensilibus fabricandis, sive rusticis, sive bellicis, vacabant. Quinto loco veniebant *Milites*, qui castra sequebantur. Sexti inspectores seu *Ephori*, quæcunque per universum regnum gerebantur observantes, deferebant ab Regem, vel ad Principes. Ultimi *Consilarii*, consiliis judiciisque publicis præerant. Neque adeo incongrua ista Reip. forma fuit & ratio, ad judicatâ singulis suâ tribu, & professione, quam excolerent. Quos etiam inter se commisceri alios cum aliis, vel matrimonio, nefas erat. Reges præ omnibus luxuriosi, *supra omnium gentium vitia*, inquit Curtius, majestatem ita tuebantur, ut non facile se darent conspiciendos, nisi forte bel-

li negotia urgerent, vel dicendum jus, aut sacrorum causa prodeundum esset.

Philosophi ipsorum *Brachmanni* appellati: quorum adeo celebris fama, ut plurimos Græcorum Philosophos ad se allexerint, sapientiæ causâ, Pythagoram, Platonem, Aristotelem, Apollonium Thyaneum, alios, qui ab illis multa in suos usus & doctrinam transtulerunt. Quare ex Megasthene, rerum Indicarum Scriptore, Clemens Alexandrinus, Stromat. lib. 1. *omnia quidem quæ de natura dicta sunt à veteribus, dicuntur etiam ab iis, qui extra Græciam philosophantur, partim quidem apud Indos, à Brachmannis, partim verò in Syria ab iis qui vocantur Judæi.* Brachmannos autem ex profetiâ Abrahami esse, ex Cethurâ, & hinc in istas oras concessisse, & cum aliâ, tum philosophiam & astrologiam docuisse, multorum est sententia. Clemens Alexandrinus Indicorum Gymnosophistarum duo constituit genera, unum Brachmannum; alterum eorum qui appellantur Sarmanæ, & Allobii, nec urbes habitabant, nec domos, neque sub tectis degebant, sed arborum vestiebantur corticibus, & earum baccas edebant, ac glandes, neque nuptiis dabant operam, vel constituendæ aut alendæ familiæ. Etiam aliud apud Indos hominum genus prodit, qui Buttæ alicujus præceptis parebant, quem, propter insignem virtutem, ceu Deum honorabant. *Ἐξηγήσις mundi*, à Gothofredo edita, Brachmannos refert regum expertes feliciter vivere, καὶ αὐτοὶ ἀναρχοὶ ἀέγυσσι ἀγαθῶς, ἢ ἀγκυπέχυσσι τὴν γερπύων ἀγαθίαν. Illos tamen Regibus proximos vivere Diodorus dixit, Biblioth. lib. 3. & Philostratus, in vitâ Apollonii, lib. 3. magno in honore apud Reges esse, uti apud populum. Ut illa auctoris *Ἐξηγήσεως*, de alia gente & regione Brachmannum accipienda sint, quorum terram dicit esse duntaxat quinque mansionum: de quibus, apud Porphyrium, *περὶ Σοφιστῶν*, lib. 4. Bardesanes Babylonius, *ἐπεὶ τὸ βασιλεύειν βαρβαρίαν*. Non verò quod Brachmanni philosophi cum Regibus non vivant. Sed forte & Gens fuit singulariter ita appellata; & sic appellati quoque Indorum sapientes, Philosophorum genus, de quo jam loquimur.

Philostratus, lib. 3. describens Apollonii ad Indorum Sapientes professionem, & quæ cum iis egerit, Jarcam facit illorum præcipuum, omnesque sectæ Pythagoricæ, sive ejusdem fuisse cum Pythagorâ opinionis. Nam ad illos olim Pythagoras accessit, & docuit ipsos multa. Unde Jarcas in Colloquio, rogatus ab Apollonio, quid de animâ sentiret, id ipsum inquit, quod nobis Pythagoras, nos verò Ægyptiis tradidimus. Suos Ægyptiorum sapientibus faciens antiquiores. Quod inde etiam confirmabitur,

tur, si admittamus, quod supra dictum, posteros illos esse Abrahami, ex Cethurâ. Sed Jarcas se Pythagoræ instar, qui meminerat se alio in corpore Euphorbum fuisse in bello Trojano, dicebat olim quoque alium fuisse, Indum, istisque in locis imperasse, condidisse urbes, liberaſſe patriam, & præclara multa pro Rep. egisse. Quin & ipsum Apollonium, addebat, antea fuisse Ægyptiacæ navis gubernatorem: quique adstabat forte adoleſcens, in bello etiam Trojano fuisse Palamedem. Quippe vulgo credunt *metempsychosim*. De illo autem Apollonio, qui tempore Domitiani floruit, & quem ad obscurandum Christi nomen, famam, & miracula Diabolus figmentis mendacibus adornavit, vide Baronium ad a. 52. & 68.

A vescendis, maſtandisque *animalibus* abſtinent admodum religioſe Brachmanni, hoc quod ſponte natum comedentes, fruges omnis generis, olera, atque herbas. Quemadmodum & Pythagoras, qui nec ſacrificandum animalibus docebat, neque Deorum aras ſanguine ſœdandas eſſe, ſed libationibus, thure, & laudationibus colendos. Deque Indis Mela, lib. 3. cap. 7. *quidam nullum animal occidere, nulla carne veſci optimum exiſtimant. Quosdam tantum piſces alunt.* & Solinus: *plurimis placet neque animal occidere, neque veſci carnibus. Plerique tantum piſcibus utuntur, & è mari vivunt.*

Elementa ſtatuebant quinque, præter ignem, aquam, aërem, terram, etiam æthera, ſed immortalium, ſive Deorum generandorum, reliqua mortalium.

Mundum animal dicebant, quod non una manu, ſed plurimis gubernaretur: vel navigio ſimilem, in quo prima quidem & perfectiſſima ſedes Deo eſſet attribuenda, tamquam genitori; cæteræ Diis variis, qui ejus regerent ſinguli partes.

Solem verò non Brachmanni tantum; ſed Indi omnes, & Apollonius, etiam antequam ad eos acceſſiſſet, ſacrum habuit, quum pro ſelici itinere, ei ſacrificaturus, tale votum nuncuparet, lib. 1. *ô ſumme Sol, ed me terrarum mitte, quò me proſecturum eſſe cognoviſcis, & concede precor, ut viros bonos agnoſcam; improbos vero neque agnoſcam, neque agnoſcar ab illis.* Confer Rogerium, de hodiernis Brachmannis, part. 2. cap. 13. de feſto Pongol, quod celebrant in honorem Solis, alii quotannis, alii quoque die ſolis, quem, uti nos Solis, ſic illi appellant *Suriananam*. Et orientem, & occidentem ſolem adorare ſoliti Brachmanni. Clemens Alexandrinus, in Protreptico, & *Solem adorarunt, ut Indi.* Cteſias, in Indicis, *quod colunt ſub nomine Solis & Lunæ.* Astrologiæ, magiæ, & divinationi deditos fuiſſe

fuisse clarum: unde & Apollonium discedentem septem annulis donasse scribitur Jarcas, ad septem planetas, qui singulis diebus, per illos operarentur. Postea autem Apollonius, quatuor libros *de Astrologica divinatione* scripsit; & alios, de *Deorum sacrificiis*, ut singulis sit sacrificandum, si Philostrato fides, neque enim ei ut facile credas, par est.

Hodierni verò Brachmanni, vel *Bramines*, à Brammâ, quod Numen illis est, & sub Deo supremo mundum hunc gubernat, se appellant. Eorum doctrinam, mores, vivendi genus, & religionem accurate admodum & copiose nostrâ linguâ conscripsit Abrahamus Rogerius, qui in partibus Orientalis Indiæ per quindecim annos, ab ann. cIo Io cxxx. tum in regione Chormandel, Paliacattæ; tum in insulâ Javâ, Bataviæ, pastorem Belgicâ, & Lusitanicâ linguâ egit, in patriam reversus ann. cIo Io cXLVII. à quo, biennio pòst Goudæ obiit. Singulari fide ac diligentia res Braminum conscripsit, ex ore præsertim Brachmanni Padmanabæ: quam narrationem suam exhibuit Synodo Leydensi, a. cIo Io cXLIX. & edidit postmodum, ac nobis illustravit amplissimus juxta & doctissimus vir A. W. In Germanicum quoque translata est, & Norimbergæ edita, a. cIo Io cLXI. Quamvis enim religio sit Brachmannis sacra sua exponere & divulgare vel plebi suæ, nedum extraneis, vel Christianis, graviter id prohibente ipsorum lege, quam *Vedam* nominant; attamen justa causa erat, cur Padmanaba nostrorum hominum favorem cuperet ac patrocinium, adversus suos nimis sibi infestos, propter detonsam vid. concubinæ suæ comam, quod magno apud gentes illas est opprobrio, & sic Rogerio utens intercessore apud Gubernatorem, is occasionem illam in eximium Reip. bonum vertendam ratus, se in Brachmanni istius amicitiam ac familiaritatem ita insinuavit, ut ab eo omnia retulerit, quæ, ut dixi, pòst edita, & notis eruditius illustrata fuerunt à viro doctissimo pariter & amplissimæ dignitatis A. W. Nec à Padmanabâ tantum, sed & socio ejus, quem sæpe ad ædes Rogerii una secum adducebat, Dammerfâ, illo in linguâ Lusitanicâ promptiore, sua hausit didicitque. Et quamvis singularia multa, plurima tamen eorum cum antiquis Brachmannis, & disciplinâ Pythagoræ convenire, inibi observes.

Retulit ergo Padmanaba, quatuor esse inter ipsos familias principales, primam *Braminum* seu Brachmannorum: alteram *Settrorum*, sive Nobilium, quorum Rex caput est, & sunt præsides judiciorum, ac regni: tertiam *Weinjastorum*, sive Mercatorum: quartam *Soadrascorum*, ist est, plebis: sub quibus & agricolæ, pastores, & mechanici censentur. Atque præter

præter illos familiam esse quam appellant *Perreasiorum*, hominum vilissimorum, qui sæx vulgi sunt, neque cum reliquis vivunt aut censentur, sed seorsim ab aliis, quibus Braminum loca aut ædes intrare nefas, neque ullâ tenentur religionis curâ aut studio, sed impuri prorsus ac profani, ea quæ aliis interdicta edunt, etiam morticina, & opera curant passim vilissima.

Prima hominum fors aut locus, Brachmannûm vid. ipsis Regibus præfertur. Quod & in Brachmannis suis observatum Apollonio. Proximi Deo creduntur, eique omnium, quotquot vivunt, esse gratissimi. Quemadmodum inter animantia, vacca; sic inter familias, illam excellere. Et summum nefas habent, Braminem, utcunque vitæ flagitiosissimæ, occidere, tantummodo licet eum privare oculis; & qui illum occiderit, duodenni multatur peregrinatione aut oberratione, cum cranio occisi stipem petens, ex eo ipso edens ac bibens, quousque expleto illo tempore templum ædificarit in honorem Dei Esvaræ. Quæ istorum pœnitentia, & satisfactio est canonica.

Bramincs verò inter se discrepant seu *professione*, seu *vita* genere. Illius sex ordines. Primi *Weistnouwi*, qui supremum Deum afferunt Wisthnou, neque aliquem ipsi esse similem. Iterum in duas divisi sectas: quarum una appellatur *Tadwadi Weistnouwa*, qui acerrime sibi videntur disputare de Deo, & rebus divinis: *tadwadi* enim ipsorum linguâ significat disputatorem. Hi signant se quotidie albâ lineolâ à naribus sursum, & circum tempora, atque ad brachia super humeros, & in pectore, orbiculari signo: quo se adversus Diabolum, & *Jamma* judicem infernalem præmuniri credunt. Deo *Wistnou* votum uuncupant, se illum pro solo Deo semper agnituros: verùm adjungunt, non sufficere votum concepisse; nisi proba & honesta quoque sequatur voventium vita, secus nullius esse, & transgressores manere pœnam. Altera primi ordinis Weistnouworum secta appellatur *Ramanouja Weistnouwa*: qui sese muniunt signo in fronte, adinstar Græci Υ. Nec ut primi se quotidie signant in humeris, sed hoc semel agunt inurendo, ac putant sufficere. Eorum sententia est, eos qui semel Deo votum fecerunt, quamvis malam postea vitam ducant, nihilominus benignum habituros Deum, propter istud saltem votum. Deum, Patris instar, suos quos semel complexus fuit, non deferere, ut qui norit absque peccatis homines vivere non posse. Prioribus nihilominus se præferunt, quia mercaturis abstinent, neque frequentant lupanaria; vel quando eorum aliquis peccasse deprehenditur, à sectæ principe (habent enim singu-

E

læ suos,

læ suos, quos summè venerantur) corripitur: quod non ita fit inter primos Tadwados.

Secunda Brachmannorum secta vocatur *Seivia*, vel etiam *Aradhibi*; qui supremum Deum affirmant esse *Eswara*, cui reliquos, quin etiam *Wistnou*, subjiciunt. Hi se aliter adhuc signant, ac priores. Collo gestant idolum lapideum, quod appellant *lingam*, in signum professionis ac fidei, quod nempe omnem fiduciam in nullo alio, quam in *Eswara* collocant. *Soudrasii*, sive ex vulgo quotquot *lingam* gestant, carne & piscibus, omni-que præterea animato abstinent, æque ac *Bramines*.

Tertia secta *Smaerta* docet, *Wistnou*, atque *Eswara* idem esse numen, sed quod sub diversis nominibus & simulachris colitur: averfantur rixas & contentiones eorum, quorum hi dicunt, *Wistnou*; illi, *Eswara* supremum Deum esse.

Quarta secta est *Schaervaecka*: qui sunt quasi Epicurei, & nullam aliam, post hanc, vitam credunt, neque ejus quod nec vident nec sentiunt, rationem ullam haberi volunt. Honestè nihilominus inter reliquos agunt, non ob alterius vitæ præmium vel beatitudinem, sed ob hujus gloriam, & ad famam nominis bonam obtinendam.

Quinta *Pasenda* appellatur: qui non opinione solum, ut illi, sed & vivendi genere ac modo Epicurei sunt. Legem rejiciunt, vivunt & coeunt promiscuè: omnia fusque deque habent: & nec vitam aliam, nec famam apud homines curant. Opiniones suas promere formidant, veriti aliorum iram ac zelum, qui ista non ferentes illos inclementius tractarent. Nam plures quidem hinc olim occisos, meminerunt.

Sexta est *Tscheectea*: qui neque *Wistnou*, neque *Eswara* credunt supremum Deum esse, verùm alium *Tscheecti*, à quo illi, & *Bramma* originem suam habeant, & quod ille mundi auctor sit, & gubernator. Cum aliis hi quoque legem *Vedam* rejiciunt, & omnia sibi, quæ eâ continentur, postulant probari. Quare tres illi postremi à reliquis habentur pro hæreticis. Atque illæ sunt Brachmannorum hodiernorum sectæ ac familiæ. In vitæ disciplinâ quidem multum cum veteribus Philosophis conveniunt; at quæ Numina sub nominibus *Wistnou*, & *Eswara* colant, an antiquos heroas, naturam, vel mundi partes, aut Solem, aut Lunam, ille explicabit, qui aliquando in penitiorem horum notitiam admisit, vel ex linguæ, vel rerum fide plura nobis *Braminum* explanaverit. Nicolaus Pimenta Jesuita, in litteris ad Aquavivam, ann. cId Id c. scribit, *Braminum* esse aliquam sectam, quæ idola omnia rejicit, uno Deo contenta: & quod summus illis

ab omnibus desertur honor, à Rege etiam, qui ipsos, non illi vicissim Regem honorant. Quin in viâ ante ipsos à præcone publico clamatur, *poô poô, via via*: monente, ut viam illis cedant omnes.

Convenientiam cum antiquis Philosophis, aut Brachmannis majorem observamus in iis, qui ab aliis Braminis, non ita opinionibus uti illi, de quibus jam diximus, quam vivendi genere ac studio, discrepant, suntque trium ordinum. Primi appellantur *Wanaprastæ*: qui in sylvis, cum uxore & liberis inertem & sine ullo labore vitam degunt, ex solis terræ frugibus, quas etiam una cum radice evellere non ausint.

Secundi *Sanjassii*, prioribus austeriores, mundo & rebus omnibus mundanis valedicunt: celibes vivunt, atque ex eleemosynâ: non comedunt betel, quæ apud eos est herba famosa satis, & calore suo Venerem provocans: vasis non utuntur æneis, utcunque isthic satis familiaribus, sed terreis: nec, nisi semel in die, edunt: aurum argentumve tractare manibus, nefas: nusquam locorum longius quam noctem unam diverfantur; nisi quod semel in anno in loco aliquo sancto per duos menses commorari licitum, vel etiam per totam vitam forte, sed duntaxat in loco sancto. Sex sibi designant debellandos hostes: *Cama*, id est, *concupiscentiam*; *croosâ*, id est, *iram*; *lopa*, id est, *avaritiam*; porro *arrogantiam*, amorem *mundanorum*, & denique *vindictæ* cupiditatem: quâ demum pugnâ superatâ, ad meditationes divinas parari se, ajunt.

Tertii sunt *Avadoutæ*; qui supra Sanjassios vitæ genus sequuntur adhuc rigidius; nam neque vasa retinent, quamvis terrea, ad edendum, neque arundinem pro baculo in manibus, neque etiam vestem, quâ se tegant, duntaxat pudenda linteolo aliquo obvelant, quod tamen nec omnes faciunt. Jam olim de illis Mela, lib. 3. cap. 7. *Cultorum habitus moresque dissimiles. Lino alii vestiuntur aut lanis, quas diximus, alii ferarum aviumque pellibus, pars nudi agunt, pars tantum obscæna velati.* Sunt enim qui toti nudi incedunt. Hi corpus cinere obducunt, & esurientes domum intrant quamcunque, manu porrectâ cibum silentes petunt, quem mox deglutiunt: vel ad fluminis alicujus, qui sanctus ipsis habeatur, ripam confidunt, expectantes ut proximi & vicini adferant cibum: quod copiose præstatur, dum religiosum opus quilibet æstimat & meritorium, hominibus adeo sanctis & omnium perfectissimis victum, quod est lac, fruges, similiaque, suppeditare.

Legis suæ librum habent, quem appellant *Vedam*, conscriptum rythmo, qui continet ipsorum religionem, ac sacra. Divisus est in quatuor partes.

Prima agit de *causa*, & materiâ primâ, de Angelis; animâ, generatione, de corruptione, peccato, mercede operum, sive bonorum, sive malorum. Pars altera, de regimine politico. Tertia tota *moralis* est, de virtutibus, & vitiis. Quarta *cæremonias* explicat, & rationem tum sacrificiorum, tum festorum: sed hanc partem dicunt periisse. Solorum Braminum est, Codicem hunc legere, & docere: vulgo ne discere quidem ejus canones licet. Docent quidem quosvis etiam sacra (nam religionem & litteras docere Braminum proprium est munus;) sed non ipsum Vedam: quem solis sui ordinis hominibus, & Nobilibus exponunt. Vulgò Brachmani filium, ex tribus funiculis compositum instar lorice, à quinto ætatis anno, gestant; quod à sinistro humero in coxendicem dependet. Perforatas quoque habent aurículas, non ut monilia & pretiosos iis appendant lapides, sed in sacramentum perpetui erga Deum Wisthnou, vel Eswara obsequii. Uti apud Judæos servi, qui Dominis se mancipabant, factitarunt, ex Exod. 21. 6. Polygamiam Bramines, juxta ac alii, nullâ notant infamiâ. Cæterum superstitiosissimi temporum observatores, & non dierum solum, sed horarum, quas cujusque diei numerant triginta; & faustarum vel infastarum tenent Kalendarium, quod appellatur *Panjamgam*. Jam vide, ut ista cum antiquorum Brachmannum moribus conveniant. Clemens Alexandrinus, Stromat. lib. 3. *Brachmanes quidem certe neque animatum comedunt, neque vinum bibunt: sed aliqui quidem ex iis, quotidie sicut nos cibum capiunt: nonnulli autem ex iis tertio quoque die, ut ait Alexander Polyhistor, in lib. de rebus Indicis: mortem autem contemnunt, & vivere nihili faciunt: credunt enim esse regenerationem: aliqui autem colunt Herculem & Panem. Qui autem ex Indis vocantur στυοι, hoc est, honesti ac venerandi, nudi totam vitam transigunt: ii veritatem exercent, & futura prædicunt, & colunt quandam pyramidem, sub qua existimant alicujus Dei ossa reposita. Neque vero Gymnosophistæ, nec qui dicuntur στυοι, id est, venerandi, utuntur mulieribus, hoc enim præter naturam & iniquum esse existimant: qua de causa seipso castos conservant. Virgines autem sunt etiam mulieres qua dicuntur στυοι, hoc est, venerandæ. Videntur autem observare cælestia, & per eorum significationem quædam futura prædicere.*

Quod verò Brachmannum hodiernorum concernit Theologiam, ita statuunt: Supremum Numen & esse aliquod, & unum: sed hoc alii *Wisthnou*, alii *Eswara* appellant: forte idem, solo nomine diversum. Ab hoc productum ajunt, *Bramma*, qui mundum condiderit; ex aquâ nimum, quæ & sententia Thaletis fuit, qui principium rerum, aquam posuit;

posuit: nam Bramines ante conditum mundum, nil præter Deum & aquam fuisse, asserunt. Ita conditum mundum credunt: & eundem ab Auctore Brammâ regi ac gubernari, neutiquam à Deo supremo, infra cujus majestatem, & quietem hoc sit, sed eum omnem mundi creandi gubernandique vim ac potestatem tradidisse putant Brammæ: & hunc res omnes ita ordinare, ut absque ipsius providentiâ nihil quidem eveniat, quin & singulis hominibus vitæ suum assignasse terminum. Bramma locum occupat cælo proximum, & sub eo orbis constituunt octo: quorum primum tenet *Dewendre*. Hic sub Bramma, atque ab eo constitutus est tamquam reliquorum Numinum, qui cæteris præsunt orbibus, Dux generalis: nam uti *Wisthnou*, vel *Eswara* Brammæ omnia commisit, ito hic per alios sibi subiectos, reliquum gubernat mundum: quorum nostrum, quem incolumus, ajunt esse infimum: singulis autem moderantur sua Numina, quæ omnia sub *Dewendre* sunt, uti hic sub Brammâ. Neque hoc solum agunt, ut suis præsent orbibus, verùm & res particulares quasdam sub singulari suo habent patrocínio: ut *Achni*, qui secundum à *Dewendre* locum tenet, ignem; *Warouna*, qui alius est, aquam; *Wajouwia*, ventum; *Cubera*, opes; alii alia: quin & Deo uxorem adscribunt, sive τῇ *Wisthnou*, *Laetsemi* pulcherrimam, cujus ortum haud multo aliter, ac Græci Veneris, tradunt; sive *Eswara*, τῇ *Parvati*. Numen supremum *Wisthnou*, ajunt, decies in terram descendisse, atque sub figurâ aliquâ corporeâ vel animantis, vel hominis generatum se toties hominibus manifestasse: sub formâ piscis, testudinis, suis, ἀνθρώπων ὁμοίῳ, equi, sæpius autem hominis, & assumpto inter homines alio atque alio nomine.

Mundum hunc, quem statuunt, non, ut alii, æternum, sed creatum, non primum, nec ultimum ponunt, sed & ante, & post eum plures quidem numerandos, interiturum tamen & hunc igne. Mundi autem ætates faciunt quatuor, haud absimiles Poëtis: & primam fuisse præ hac ultimâ insigniter justam, nempe quadruplo, dicunt, justiore; secundam, triplo; tertiam, duplo; hanc vero quartam, pessimam, cujus tres partes injustitiæ, una tantum justitiæ numeretur. Atque ita censent, mundum indies factum pejorem.

Angelos agnoscunt, & quoque Diabolos. Illos appellant *Dewetas*, hos *Ratsjasios*. Quorum amborum parentem faciunt *Kassiope*, primum Brachmannum, filium Brammæ, qui ex duabus sceminis, ex *Diti* *Dewetas*, id est Angelos bonos; ex alterâ *Aditi* *Ratsjasios* suscepit. Quæ non admodum differre videntur à Judæorum fabulis, de duplici Adami conju-

ge, si per Kassiopam, Brammæ filium, intelligamus Adamum filium Dei Creatoris, qui, juxta Judæos, ex primâ uxore Lilith supra modum malitiosa, genuerit Dæmones. Ratsjasios faciunt duum generum: sunt enim inter eos qui ex demortuorum pessimorum hominum animis facti, per mundum vagantur quidem, at nullis nocent: cæteri propriè dicti Ratsjasii, liberi nempe τῆς Aditi, sunt valde maligni, & non homines tantum, sed ipsos sæpe Dewetas multum vexant & persequuntur. His Magna & tetrica corpora attribuunt, & sexum: nam mares alios, alias fœminas dicunt, & liberos procreare, atque etiam mori. Uti Ratsjasios, ita quoque Dewetas duum ordinum: quomodo Græci olim genios. Nam alios eorum dicunt esse benè defunctorum manes seu animas, qui ubi certo tempore in aliquo orbium subcœlestium commorati fuerint, in hunc mundum remigrant iterum generandi; alii vero Dewetæ perpetuum ibi manent, qui & magno numero, atque inter hos etiam Solem, Lunam, & stellas computant, quæ omnia juxta opinionem ipsorum animata.

Hominem, uti reliqua, à Brammâ factum, tenent: & in principio homines novem, ex quibus, ut & iis quos ex uxore suâ *Saraswati* suscepit, universa hominum descenderit progenies. Nec nostram supra reliqua excellentiam in animâ constituunt, utcunque eam credant immortalem, saltem eorum potissimi & plurimi, sed in solo corpore: animam putant omnium viventium eandem esse, & in bestiis non minus rationalem, ac in hominibus: in illis quidem non edere rationis tot tantaque indicia, uti in hominibus, sed hoc accidere ob *δυσσεχείαν* corporum, quemadmodum in prima hominis ætate nondum, proptereandem causam, ratiocinatur vel discurret.

Omnes animarum credunt *μετεμψύχωσιν*, non quidem omnium, sed plerarumque: aliquas enim statuunt ita vel in cœlum, vel in infernum abire, ut nunquam inde revertantur; sed alias putant ob peccata, quorum pœnas luere primùm oportet, ideo reverti in corpora vel hominum, vel bestiarum, vel etiam plantarum; alias in dæmones mutari, & vagari per orbem, & enecari fame, cui sublevandæ ne minimum quidem granum evellere, duntaxat stipem ab hominibus petere, & ex eâ vivere, fas est.

Nullæ autem earum, quæ alia subinfrant corpora, feliciores habentur his; quæ in vaccas commigrant. Quod domesticum, mite, benignum & frugi animal, amplum & augustum præ aliis videtur præbere inhabitando spiritui domicilium. Hinc vaccæ & tauri nuptias celebrant etiam, opulentiores humanis, & curant foyentque animalia ista præ aliis omnibus. Qui

ea occiderit, summum nefas, malitque homicidia commisisse aliquot, quam unum illud interemisse animal. Cui proinde mortuo etiam sepulturam, & pompam funebrem adornant, quavis humanâ sumtuosiores magisque magnificam. Refert Texeira, suo tempore, quando in Indiâ agebat, factum, ut aliquis, nuptias tauri & vaccae celebravit tantâ sumtuum opulentiâ, ut decem aut duodecim ducatorum millia, quin erant, qui dicerent, triginta millia, in eas insumserit. Hinc tanta ipsis erga animalia humanitas, si non religio, major quam in homines. Amant, fovent, & curant ea sive volatilia, sive terrestria, & quando male habent, majori curâ & affectu prosequuntur, quam homines ipsos. In celeberrimâ civitate Cambayâ publicum illis curandis constitutum est nosocomium, &, quod hominibus alibi, hic bestiis reficiendis hospitale.

Sed, ut de Braminibus, de quibus dicere cœpimus, finiamus, de illis qui hinc in cœlum transferuntur, statuunt, prout varios cœlos, & eorum sedes fabricant, aliis redeundum in hunc iterum mundum & corpora esse; aliis, qui beatissimum cœlum quod *Weicontam* appellant, occuparint, perpetuas hic & mutabiles sedes paratas esse.

Ista quidem Brachmannorum apud Indos religio, ac disciplina est. Alii, adhuc præter illos, vivunt, religione diversâ. De quibus videre est libellum *de diversis Gentium religionibus*, Bernhadi Varenii; post tractatum, *de religione Japoniorum*, Atque ut diversas Indiæ regiones & populos, ita diversam lultrabis religionis formam. Olim quidem omnes gentiles erant, & communi nomine *Hindoi* dicti; verum postquam à Termirlane victi, inter alia etiam Muhammedismum accepere.

Ad mare Indicum inter prima occurrit regnum *Guzurattæ*, sive ut hodie à Lusitanis vocatur *Cambayæ*, ab oppido primario, vel emporio, quod Lusitani frequentant, Cambaja; uti nostrates, & Angli, *Suratam* adeunt, quod propius mari adjacet, & celebre advenis ac mercatu est oppidum: provinciæ incolæ vulgo *Baneanes* appellantur, vel *Vaneanes*. & religione, vel ritibus ac sectis adeo differunt, ut vix familiam sit reperire, quæ in eadem consentiat. Alii carnes comedunt, alii minus: comedunt alii quidem, sed non mactant animalia; alii nonnulla tantum; piscibus alii; alii lacte & herbis vescuntur. Inter innumeras apud illos sectas & hæreses, quas alii numerant ad tres supra octoginta, tres vel quatuor habentur principales. Texeira, inde Latius, in Descriptione Indiæ, tres vocant, *Lon Kah*, *Mexery*, & *Baman*: quarum priores eo differant, quod *Mexery* idola habet & veneratur; *Lon Kah* minime; sed unum Deum principium & finem.

nam rerum omnium credunt: cæterum & cibum una sumere, & inire inter se connubia non detrectant. Matrimonium enim laudabile habent, cœlibatum minus. Septennēs sæpe nubunt, & decem annos natæ pariunt, præcoci, at non diuturnâ fecunditate. Johannes Twist, in Descriptione Guzurattæ sub magno Mogolo, quatuor recenset sectas principales, nisi fortasse penitiora regni exponat, at alii, nam non conveniunt, ea quæ in oris maritimis, appellatque *Cheurawack*, *Samarat*, *Bisnou*, & *Golgis*. Quorum primi omnia fortunæ adscribunt, ac propterea cæteris admodum sunt exosi: secundi Deum agnoscunt & creatorem, & rectorem omnium, eique succenturiant tria numina, *Bramam*, cui potestatem faciunt in quascunque, sive hominum, sive brutorum animas; *Buffumam*, qui animantibus prospicit de necessariis, victu, nutrimento, & homines docet summi Dei, quem *Permisser* appellant, præcepta ac leges; denique *Mais*, qui potestatem habet mortis: tertii Deum faciunt *Ram Ram*, eique addunt divam uxorem, inferiores autem Deos nullos: quarti colunt Deum *Bruyn* vocatum, quem omnium creatorem, & dominum, atque in omnibus quidem faciunt præsentem, at invisibilem, neque formâ ullâ sive hominis, sive bestię præditum.

Proximum Cambayæ regnum *Decam*, emporium habet totâ Indiâ celebre *Goam*, quod Lusitaniæ regi paret, & Proregem, atque Archiepiscopum. Multa ejus mentio passim in Indicis Jesuitarum. Degunt heic variarum & provinciarum, & sectarum homines. Qui autem Gentiles, credunt Deum omnium creatorem, & quod regit omnia, atque post hanc vitam constituit hominibus aliam, in quâ operum suorum recipiant vel præmium, vel pœnam. Idola etiam colunt effigie teterriam ac Diabolicâ, sub qua Diabolus nonnunquam apparet ac loquitur, quem proinde venerantur, ne nimirum ipsos lædat.

Quales Dæmonolatræ etiam sunt *Calecutenses*, in regno vicino *Malabar*, cujus est metropolis. Ubi non procul templum est, annuâ peregrinatione & festo, Decembri mense, clarum, ad quod innumera hominum turba confluit, & scelestissimo etiam cuique impunitas per multos dies indulgetur; & Diaboli effigies coronati, rictu oris horribili, atque flammantibus oculis populo ostentatur, coliturque magnâ devotione non nisi à lotis aquâ proximâ, & lustratis à Bramine, templi sacerdote, qui quoque discedentibus absolutionem impartitur peccatorum.

Supra Diabolum, Deum agnoscunt omnium creatorem, quem ut quicquid suæ confuleret, Diabolo tradidisse, ajunt, mundi imperium, ut homi-

nes pro merito puniat, appellantque *Duma*, & Deum *Tameram*. Templâ ipforum magnifica & speciosa, sed intus plena horrendis Dæmonum statuis & simulacris: quibus & nummos suos insigniunt. Nam supra omnes Indiæ populos in cultu Diabolico excellunt Calicutenses. Et Rex nihil comedit, nisi quod non prius Dæmoni fuerit oblatum, quo ubi satietatem explevit, reliquum à Braminibus exponitur sacris corvis, ad hoc assuetis, quæ illud devorant, quosque turbare aut cædere religio ipsis est maxima.

In *Narsingâ*, cujus rex *Bisnagar*, à regni metropoli, appellatur, serpentes in honore habent plus quam vulgari, propter eandem opinor rationem, quâ Diabolum colunt, ne ipsis noceat: quin Deum etiam adorant sub imagine serpentis. Censent aliquid divini animalibus istis inesse, quoniam tam subito hominem veneno suo interimunt: & quia non tantum iis parant propterea, sed & cultum deferunt supra humanum, inde tanto in locis istis occurrunt numero.

Quæ miserorum hominum sit religio in *Cormandel*, quæ regni *Narsingæ* est, copiose descripsit Abrahamus Rogerius; & quomodo venerentur Dæmonas, præsertim *Gangam*, & *Gourmatam*, & rationem celebrandi annua in honorem festi *Gangæ* sacrificia hircorum quæ ei offeruntur, & currus ejus, coram quo non tantum se indicant homines, sed & ei se subiciunt, & ab eo conteruntur, *lib. 2. cap. 15.*

In *Ceylon* vel *Zeylan* insulâ, ne dicam de monte altissimo totius Indiæ, qui hic est, & vocatur *Pico de Adam*, quoniam existimant indigenæ, *Singales* dicti, hic loci Paradysum & creatum Adamum, vel saltem huc abactum fuisse ex Paradyso, tanquam mundi medium, & hic sepultum, cujus etiamnum vestigia lapidibus impressa observentur: Salmasius, ad folium, *Tom. 2. pag. 1110.* hanc insulam, veterum *Taprobanem*, ætate *Ptolemæi* *Σαλικήν* dictam, contendit, hinc *Zeilan* hodie ab Arabibus, & Persis appellatam: certius verò est, cynamum tanta copiâ hic crescere per sylvas & nemora, ut orbi universo alendo sufficiat. Incolæ norunt supremum aliquem Deum, omnium creatorem, sed qui curam & regimen rerum tradiderit aliis inferioribus, quorum multa admodum ac diversissima conspiciuntur idola & imagines. Celeberrimus in eâ gente cultus ac veneratio tum *Elephantum* est, tum *Simiorum* alborum, præsertim ejus, quem Deum fuisse aliquando, at ob delictum cælo dejectum, & in simium mutatum, ferunt, & cujus reliquiæ *Dens* in templo seu Pagode supra montem *Adami*, maximâ hominum frequentiâ, & peregrinatione annuâ coli solebat, antequam *Lusitani* ex Indiâ ann. *1510* *1514.* insulam invadentes,

& monte ac templo potiti, ubi maximas putabant se, propter hominum undequaque in istum locum confluxum, & loci sanctitatem ac celebritatem, reperturos opes, nil præter cistulam, sed hanc pretiosissimis lapidibus circumcinctam accepere, quæ dentem istum asservabat. Pro quo recuperando Reges Ceylon, Pegu, Siam, Bengala, Bisnagar, miserunt ad
 + Viceregem nuntios, oblatâ, præter alia munera, 700000. ducatorum aureorum summâ, neque tamen, resistente imprimis archiepiscopo Don Gasparo, impetrarunt, ne in nominis Christiani dedecus verteretur, eos idolum tradidisse, & non eradicasse, nummorum gratiâ. Quare spectantibus illis concremari dentem iussit, & cinerem ejus per aërem dispergi. Quod intelligens Beneanum aliquis, & luctum ex illa jacturâ apud gentes istas immodicum, finxit, se verum dentem Lusitanorum manibus miraculose excussum habere, altero in ejus locum submisso, quem pro genuino inscii cremarint, atque à Pagode sibi visione confirmatum, esse illum ipsum dentem verum, quem ostendebat. Quod & populus facile credidit, & Rex Bisnagar, vocato ad se impostore, & accepto gravi pretio dente, credi ab omnibus, & coli eum postliminio, adinstar prioris, voluit.

Regnum *Pegu* abundat Elephantis, qui divino illic afficiuntur honore, eosque excellere ingenio supra alios, dignitate, ac reverentiâ, quam ipsi reliqui elephantes deferant, credunt. Quare acriter inter ipsos nonnumquam belligeratum, propter elephantem fuit. Præcipue ann. cl. l. lxxviii. à Rege Peguano, adversus Siamensem, quem ubi intellexerat, album alere Elephantem, & donis nec precibus impetrare poterat, adducto exercitu millionis militum, 200000 equitum, 500 elephantum, & 300 camelorum, regno devastato, & urbe Siam, multis magnisque cum spoliis, abduxit tandem secum, magnûm nempe belli pretium, Elephantem.

Cæterum Deum quidem fatentur Peguani aliquem supremum, omnium bonorum datorem, sed & Diabolo sacrificia impendunt ac cultum, hoc fine, ne ab ipso lædantur: denique innumera habent & rebus quibuscunque præposita numina acidola. Inter quæ recensent idolum *Corcovitis*, quod sit antiquissimum & primum, à quo cætera dependeant; *Oyshima*, quod causa motus sit in rebus omnibus: *Fotoko*, cui sacerdotes singulis Saturni diebus offerunt suam nigram, & tres gallinas, itidem nigras, quarum nigra caro, nigrum quoque reddit jusculentum cui additur.

In regno *Siam*, fere eadem religionis ratio est, quæ in regnis locisque vicinis, cujus, qualis qualis sit, habentur à nonnullis primi auctores vel inventores. Deum quidem credunt supremum, verum & inferiores ei ad-

jungunt multos, & quoque Diabolo litant, horrendum in modum. Sic & in ultimâ ejus terræ regione, *Malaccâ*: ubi frequentissimus mercatus, & Lusitani habent episcopum, Goënsis Archiepiscopi, una cum Cachi-nensi regni Malaberis, suffraganeum.

Quæ in reliquis Indiæ insulis, *Sumatrâ*, *Javâ*, *Borneo*, aliisque, conveniunt cum iis quæ hæcenus de Indorum rebus ac religione diximus, vel dicturi sumus de Chinenfibus, & Japoniis, qui Indiæ loca varia frequentant: & in multis similem, in aliis diversum religionis sequuntur modum ac formam.

CAPUT SEXTUM.

De Sinensibus. Firmosanis. Cereanis.

PRiscorum quæ fuit sententia, *ultra Indos non habitare homines*, quod Ctesias, apud Photium, scribit, in Indicis; hodie constat, adeo non esse verum, ut ultra Garamantas & Indos Veteribus etiam notos, Sina sit (ne dicamus Japoniam) quæ toti propemodum Europæ par esse creditur, in novissimo regni hujus Atlante, quem, præterquam ex propriâ notitiâ & experientiâ, ex quindecim Sinensium Geographis, edidit Martinus Martinus Jesuita. Sinam scribimus per S. non Chinam: quod à Lusitanis ortum, qui S. in Ch. mutarunt, atque pro Sina, Chinam dixerunt, inde & alii similiter; ut levis est inter illas litteras mutatio; quemadmodum à Syriaco סִינָא Gallorum & nostrorum *chisse*, atque ita in aliis. Incredibilis terræ istius est latitudo, adeo ut universam Europam æquare, si non superare, scribatur: & quum in quindecim dividatur provincias, unaquæque maximum quodvis in Europâ regnum dicitur excedere. Unde quando primum illis noti Europæi, ægre ferebant in tabulis ipsorum Geographicis se poni sub extremum orbis: quum medium inhabitare credant, & regionem suam hortum esse situm in medio terræ.

Quare Imperator, quem Cæli filium, atque iterum ad ejus à Deo cælesti distinctionem, terræ sive luteum Imperatorem *Hoangli* appellant, quum terra lutei coloris sit, se scribere solitus est Dominum universi. Neque alibi Monarcham reperias potestatis magis absolutæ, aut ditioris. Quum reditus ejus annui ad summam CL. scutorum milliones adscendant, ex quovis terræ pede, quem quisque possidet, suum capiens tributum. Singularis abundantix & felicitatis in illo regno argumentum est,

quod ita sibi & suis omnibus sufficiant, ut legem fecerint, quam & rigidissimè observant, ne absque singulari Regis veniâ liceat vel Sinensi alicui exire regno & peregrinari, vel peregrino intrare Sinam: neque etiam vel bellum cum extraneis velint gerere, vel loca aut ditiones extra Sinam possidere: quum antea credantur domini fuisse regnorum Malacæ, Siam, aliorumque adjacentium & ipsius, quod prorsus credibile est, Japoniæ. Quæ temperantiâ & justitiâ non tantum vincunt quidquid est Romanorum, Græcorum, & Gentilium antiquorum, quos vetustas adeo fuit admirata, sed & Christianorum plurimos.

Innumeri ab Rege hic pendent Magistratus, qui sine ejus arbitrio aut consensu agunt nihil, suntque adeo multi, ut hac parte laborare Imperium videatur. Unde prudenter admodum pro Rege in partes Christi trahendo vigilarunt unice, qui regno cœlesti in istis oris provehendo olim incubuerunt. In epistolis Jesuiticis, ann. cD LXXCVIII. scribit Nicolaus Longobardus, *singularis unio & consensio Chinesium cum suo Rege, non dubium est quin maximo adjumento aliquando futura sit ad eorum conversionem. Si enim solam Regiam voluntatem nobis conciliaverimus, totius quoque regni tantopere conjuncti & subiecti animos facile conciliabimus.* In aliis literis, ann. cD L LV. à Melchiore Nunefio scriptis, hæc leguntur: *hæc omnium maxima est difficultas, quam in Sina invenio, pro Christiana nostra fide propaganda. Tam gravi enim homines hic premuntur imperio, ut aliam legem profiteri non audeant, citra eorum, qui præsunt, facultatem: nec ipsi provinciarum gubernatores sine Regis imperio promulgare possunt.* Hoc tamen illud mitigat, quod Rex omnia provinciarum officia distribuit juxta merita & gradum, quem quisque fecerit in studio litterarum. Non gens ulla est studiis magis addicta, & hic verè Philosophi regunt, ac Rectores philosophantur. Non est civitas, in quâ non Academia, & quæ non promoveat Licentiatos, Doctores, citra communionem cum Academicis aliis: & paucis in Chinâ exceptis, mercatoribus, opificibus, agricolis, omnes sunt litterati, & vilissimus quisque saltem legere novit, & formare seu pingere litteras. Martinius, in præfat. Atlantis, pag. 9. *litteras autem ac studia quanti faciant, vel inde patet, quod nulli illiterato pateat ad Remp. aut regni gubernacula aditus, quo quisque à litteris instructior est, eo opibus ac honoribus magis eminet: hinc tota pendet, oriturque nobilitas. Vix quispiam inter eos etiam rusticorum est, qui non ad decimum & quintum ætatis annum in litteras incumbat. Difficile ibi reperire est aliquem, qui scribere nesciat. Quæ ut ad animum revocent, imo æmulentur, Europæi, Christiani, & Reformati, etiam atque etiam rogo.*

Penicillo litteras suas, vel emblemata, sunt enim hieroglyphicæ, ducunt. Et dictiones habent omnes monosyllabas, nullis generum, numerorum, flexuum differentiis obnoxias, neque aliquod alphabetum, seu certum litterarum numerum; sed res quasque suis figuris exprimunt, & quæque habent figuram suam vel hieroglyphicam, quâ perdiscendâ, totâ vitâ vacant, indeque à circumjacentibus regnis intelliguntur, quamvis alio & alio modo à singulis, eadem legantur.

Quodque à summo deorsum omnia pingunt & legunt, non vel finistrosam, uti Hebræi; vel dextrorsam, uti nos, id se majori putant facere ratione, quam quod alii aliter: æque mirantur nos ad lineam transversam scribentes, ac nos miramur modum perpendicularem illorum. Se, dicunt, naturæ ordinem magis sequi, quæ homini formavit caput in sublimi, & pedes, non in eodem loco, sed humiliori & in imo; ad eundem modum alibi inchoare scriptionem, & in sublimi, sed finire in imo: atque à dextrâ finistram versus lineis absolutis pergunt, uti Hebræi & Arabes, non vice versa uti nos. Japonii autem quamvis diversâ utantur linguâ, intelligunt tamen Sinensem scriptionem, eademque utuntur, & iisdem figuris singuli suo idiomate, unde scribentes se mutuo intelligunt quidem litterarum vel hieroglyphicorum utrimque intellectorem beneficio, non item loquendo. Nam signum vel littera eandem rem significat apud Sineses, & Japonios, atque ita discunt hieroglyphica, ut iis modo superscribant Japonii suo more, id quod apud Sineses illa significant; adeo ut eadem pictura rem eandem ostendat his, & illis, quamvis eam diversâ linguâ utrique efferant & exponant. Quapropter Sinenfis lingua omnino addiscenda est Christianis, cum fructu rem Christi isthic acturis, & scriptio; ut, quo compendio Japonenses, eodem alii, in eorum gratiam & salutem utantur. Adhæc voces multas habent homonymas, quæ plurimas & diversissimas res significant, & tantum accentibus & tonis musicis discernuntur. Quam ad rem opus est multo studio, & accuratâ attentione. Unde accidisse refert Nic. Longobardus, in *epist. de statu regni Chineses*, ad Claudium Aquavivam, Jesuitarum Generalem, quod aliquis Chinenfibus dicturus, naves Europæas altitudine & amplitudine turres adæquare, vocabulo navis ejusmodi accentum dans, qui non navem, sed laterem designaret, Chinenfibus egregie ridiculus fuerit, incredibile existimantibus, lateres nostros esse instar turrium: quantæ igitur, inquebant, sunt fornaces pro illis excoquendis lateribus tam prodigiosis! Quin non alios duntaxat, sed ipsos Chineses sæpe multum vexat ista vocum suarum amphibolia. De

quibus vide Commentarium Theophili Spirelii, *de re literaria Sinen-
sum*.

Cæterum in Sinenſum politiâ, nam hac parte aliis præcellunt, maxi-
mus honor defertur litteris atque litteratis. Ingenio pollent, & hoc tantâ
quotidie curâ excolunt, ut non tantum ſtudiis inhæreant per totam vitam,
ſed & examinari quotannis de proſectu ſoleant, à quo vel promoventur
ulterius, ſi digni; ſin minus, degradantur, & deponuntur aliquando pri-
ſtino loco & dignitate: unde jam niſ fere ipsis impervium aut occultum in
re litterariâ & philoſophicâ eſſe poteſt.

Hinc & artis *Typographicæ* illic uſus fuiſſe aliquis perhibetur, antequam
apud nos; & *nauticæ* quoque, ac *Magneticæ*, ſive acus Magneticæ, quem
Chericungus, magnus apud Sinas Aſtologus & Mathematicus, & ſum-
mus totius Imperii præfectus, ante Chriſtum natum annis mille centum &
viginti habuit familiarem. Uſus quoque apud illos, antequam apud nos, fuit
pulveris nitroſi, non quidem ad bella & occidendos homines, ſed ad oble-
tandos eos artificioſis ignibus & ſpectaculis.

Nec litterati tantum, ſed alii quivis aliquod opus tractant, ne quis inter
ipſos ſit deſidioſus. Nuſquam terrarum adeo exoſum & infame otium, ac
illic. Mendicantes in vicis, vel templis, & erroneſ qui per terras vagantur,
apud eos nulli. Pauperum curam habet is, qui apud illos vocatur Judex
pauperum: cujus eſt vel parentes monere, ut operam illos doceant, quâ
victum quærant, vel illis deficientibus, idem injungant proximis agna-
tis: vel denique ubi hi id nequeunt, aluntur ex publico in hoſpitalibus
huic fini per ſingulas civitates erectis, ubi & locus devectæ ætatis ac virium
militibus. Unuſquiſque filium docet artem, quam ipſe exercet, neque
aliam. Et vel affectare nobilitatem; vel potentem nimis fieri aliquem, aut
perpetuos occupare cenſus, ne hinc morum & politiæ turbatio accidat, non
ſinunt. Ipſe Rex noviter electus ſolet agrum arare, & ſeminare, cui mi-
niſtri ſui adſtant & armis ruſticis inſerviunt: Regique meſſis tempore of-
fertur juſtum laboris ſui præmium. Nimirum ut proprio experimento diſ-
cat, quo labore victus paratur, & quam parce ac ſobrie eo ſit utendum,
denique & agriculturam, quâ aluntur homines, habere in pretio. Regis
exemplum omnes jubet vacare operi, & mulieres omnes, ipſæque adeo Re-
ginæ, alicui opificio deditæ, nendi aurum, ſericum, & ſimilibus, neque
graviori ignominia notari aliquis poteſt, quam ignaviæ. Unde mira apud
cunctos *avarexia* & contentatio: ut nec aliena admodum appetant: ne-
que adeo ipſum imperium prorogare multum laborent. Quod vicini in-
telli-

telligentes, Tartari, eos à dilatandis imperii finibus abhorrere, ab illorum invasione securi, rapido belli turbine totum imperium uno fere impetu devastarunt. Viribus quamvis multum impares, celeritate autem hostes suos obruerunt magis; quum vicerunt: laborante Sinarum imperio Præfectorum copiâ, & consiliorum hinc, ut solet fieri, tarditate.

Triplex apud illos secta. Prima litteratorum, seu *Philosophorum*, qui litteris & studiis strenue incumbunt per totam vitam, examinantur acriter, & citra gratiam promoventur, pro doctrinæ & graduum ratione ad regimen Imperii. Neque enim alii hic regunt, quam litterati.

Philosophia ipsorum occupatur circa cælum, terram, & hominem; exponunt illa, & præsertim docent hominem bene vivendi rationem. In hoc toti, potissimam partem constituunt in tradendâ Ethicâ. Ubi quinque ponunt virtutes cardinales; amorem, gratitudinem, urbanitatem, prudentiam, & veritatem: quinque etiam præcipuas virtutum combinationes & ordines, ex quibus reliqua dependent: officia parentum, & liberorum: maritorum, & uxorum: Regum seu dominorum, & subditorum: Amicorum inter se, & æqualium sociorum: denique fratrum. Hisce absolvitur, quidquid tractant, docent, agunt. Nam de Deo, eoque colendo non sunt solliciti. Unum quidem agnoscunt summum Numen, à quo omnia conservari & regi credunt: sed quia quomodo coli velit, ignorare se profitentur, satius autumant, cultum ejus omittere, quam in eo designando errare. Olim Regi proprium fecerunt, Deo cultum exhibere, qui propterea duo habuit templa, alterum cælo sacrum, alterum terræ.

Possevinus, Biblioth. lib. x. de Japoniis & gentibus juvandis, cap. 11. ad quatuor capita revocat illorum de uno Principio sententiam. 1. quod illud perfectum dicunt & beatum, sed nil intelligens vel cupiens cognoscere aut curare, eo quod in summâ quadam quiete & tranquillitate versetur, instar hominis, qui quando in rem unam intentus est, reliqua non cogitat vel curat. 2. Principium istud rebus omnibus inesse, & cum iis se communicare, adeo ut omnia cum ipso idem sint, quod ad intimam substantiam, & in illud, cum intercidunt, revertantur. 3. hominis cor esse unam & eandem rem cum illo primo rerum principio; cumque homo moritur, cor perire prorsus quidem & absumi, superesse tamen ex eo primum Principium, quod vitam ante conferebat. Quarto, posse hominem in hac vitâ summam Principii cognoscendi perfectionem adipisci, & meditando pervenire ad maximam vitæ tranquillitatem, & hoc esse summum bonum, quod donec obtineat, continuo motu agatur, & de inferno uno

in alium conjiciatur, usque dum contemplando & meditando ad fastigium pervenerit tranquillitatis, quæ in Principio illo primo est.

Doctrinæ autorem celebrat prima illa secta *Confutium*, antiquissimæ & irrefragabilis apud ipsos autoritatis. Vixisse Trigautius scribit, quingentesimo & quinquagesimo uno ante Christum natum anno. Hujus libros & doctrinam sequuntur admodum religiose, continent autem Ethicam, & bene vivendi disciplinam. Est penes me Confutii istius aliquod manuscriptum Sinico-Latinum, dono D. Justi Heurnii, viri piissimi & amici singularis, cujus nota ad Indos legatio Evangelica: quo continentur Doctrinæ moralis aliquot capita, & Colloquium Confutii cum puero, super ejus officio, & obedientiâ: in cujus statim initio, pro fundamento pietatis ponitur, obedientia filiorum erga parentes, & mulierum erga maritos. Constat sententiis, egregie ac concinne dictis. Apud Possevinum, *Biblioth. lib. 9. cap. 27.* legere quoque est initium Sinensis libri, de moribus. Magna autem Confutii vel Cungfutii apud Sineses est autoritas ac veneratio: cui in omnibus fere urbibus gymnasium erigitur, & sanum, in Magistri honorem, quem ut infallibilem in omnibus sequuntur, & nefas habent ab eo recedere.

Egregia verò habent Sineses multa morum præcepta, quæ nullis antiquorum Philosophorum cedunt. Virtutem, propter ipsam sectandam: Virtutem, inquit, exerce, absque eo quod aliud expectes præmium; nam ipsa sibi sufficit. Unde qui cum illis agunt Christiani, eam rationem sequuntur, ut ostendant multam præceptorum nostrorum convenientiam cum illis: sicuti est in litteris Jesuitarum annuis, an. c15 Is cx. Et præcepta de moribus nostra non queunt improbare: quin in Nicolai Longobardi epistolâ legimus, eos siquando nostra laudare cupiunt, dicere solitos, ipsum Confutium, si in vivis foret, doctrinam nostram esse amplexurum.

Altera secta est *idololatræ*, & varia colit idolorum monstra, qui originem ab Indis, vel Indostanis trahere putantur. Gonsales de Mendoza, in historiâ Chinensi, refert ex Hieronymo Marino, in uno templo, ultra centena idola conspici. Sed ridiculum in modum venerantur, & alias supplicant iis, & adulantur, alias ubi voto minus responderint, egregie diverberant. Docent metempsychosin, unde & ab esu animalium abstinent. Qua de re vide Spirelium, *de re litteraria Sinensium*, à pag. 274. Neque post hanc vitam alium esse vel præmii, vel pænæ locum tradunt. Etiam nil in rerum naturâ esse verum, nisi prout à nobis apprehenditur. Ipsorum Religiosi *Osciam* dicti, in cœnobiis degunt, alii in eremo.

Tertia secta est *Epicureorum*, quæ in voluptatibus venandis tota est: quibus indagandis & augendis mire sunt sagaces. Post mortem nihil opinantur superesse; ideoque in vitâ prolongandâ omnibus modis & medicinis allaborant. Familiam ducunt à *Lauzu*, philosopho, qui eodem vixerit, cum Confusio, seculo: & Lauzu appellatus, quod significat philosophum senem, quia octoginta annis, ajunt, in matris utero gestatus fuit, antequam nasceretur. Senex, antequam puer! Dominum cœli venerari se dicunt, qui nunc sit, & vocetur *Ciam*, nam ante hunc alium volunt regnasse *Leu*, qui die quodam in terras descendens albo vectus dracone, atque apud *Ciam*, qui augur vel divinator erat, divertens, *Ciam* dracone consensu evolavit in cœlum, & excluso veteri Domino *Leu*, cœlestem thronum occupavit, solâ montis alicujus præfecturâ *Leu*, hoc petenti, relictâ, ubi & vivere adhuc, antiquâ dignitate & cœlo extorrem, eorum multi arbitrantur.

Verum præter tres illas sectas principales, complures, imo innumeræ, sunt aliæ: sed in tribus illis conservandis, & conjungendis, nam benè uniri posse quam multi statuunt, versatur ipsorum politia. In templis olim non nisi spiritum colebant, tamquam supremum Numen, quod Mundi animum dicebant: jam spiritus & dæmones colunt varios, rebus, & locis singulis præfectos, eorumque idola quam plurima: sed quæ ita verentur, ut non magis se illis, quam illa sibi subjecta videri velint. Nam quum fortibus supra modum sint dediti, atque ab his pendeant prorsus, & negotia omnia suspendant, si quid præter sortem evenerit, misere vapulat idolum, & contunditur verberibus. Jam quæ quis domi habet suæ, suffitu honorant, non precibus.

Auguriorum & divinationum adprimè sunt studiosi. Unde magna apud illos hominum istorum copia, & Astrologorum, Geologorum, Physiognomorum, ac Chiromantarum. Qui dies omnes, & loca definiunt, distinguuntque in fausta & infausta. Quem in finem Regii Astrologi conscribunt Calendaria, ubi de diebus & horis fastis, nefastis consulunt, & vix quidpiam agitur, nisi ex illorum consulto. Præscribunt autem quid quovis tempore conducatur, aut noceat, quid tali die sacrificare tutum sit, & an beneficentiam exercere, mederi morbis, instruere convivia, lavare corpus, mutare ædes, inire conjugium, colere terram, erigere columnas vel culmina ædium, arbores, famulos elocare aut emere; inchoare studia, effodere puteos, & similia, quæ de ipsorum Calendario, & fastis memorantur in annuis Jesuitarum litteris, a. cId Id cxI. Atque a. cId Id cxx. fa-

cto novo rege, primo mandatum fuit Tribunali rituum, qui apud illos est, ut per Astrologos, quorum nobile admodum est collegium, faustus consecrationi dicaretur dies. Qui supputatâ Principis nativitate, aliisque judiciariâ rei rationibus, constituerunt diem, & horam, quæ videbatur ex felicitate Principis & regni. Adeo nihil agitur illis inconsultis. In extruendis ædibus, designandis sepulchris superstitiose omnia rimantur, figuras, loca, situm, juxta membra Draconis, quem sibi imaginantur & formant Geologi; è quibus pendere autumant, viventium felicitatem.

Utrumque verò in Deum credant aliquem supremum, non tamen ipsum vacare curis & regimini mundi inferioris putant, sed harum rerum regimen tradere aliis infra se Dæmonibus vel spiritibus. Unde turpissimi existunt Dæmonolatæ. Nec minus pudendum, illius Dæmonolatriæ exercitium publice illis concedi, quod dicitur, à Christianis, in locis & sub oculis Nostrorum, non sine ingenti Christiani nominis opprobrio & scandalo. Nempe quam ob causam illi Diabolum adorant, ne ipsis noceat; hi idem illis permittunt, ne damno aliquo multentur.

Proxima Sinis insula est, quamvis ipsis non subjecta, sed jam olim sui juris, & pòst ab Hispanis partem occupata, qui & nomen indiderunt, à Sinico aliud, *Formosa*, quam Belgæ Nostri pridem sive ejus munimentum tenuerunt: & ab hac fere mediâ leucâ distat *Tayvan*, ubi Nostris quoque arx est: vivunt utrobique eodem fere modo, ab aliis & vicinis valde segregati, neque regem, aut gentis caput agnoscunt, at liberi, & in mutua bella oppidò frequentes. Varios credunt, non unum, Deos. Quorum alium in Australi collocant parte; & appellant *Tamagisangah*; ejus autem divam uxorem in parte Orientali, *Tekarpuda* vocatam. Quando verò in Oriente tonat, Uxorem maritum suum alloqui fingunt & objurgare, quare pluviam inhibeat, hinc eam confestim dari. Alium Deum constituunt in septentrione, & *Saisano* nuncupant, malum, quem adversa immittere credunt, & propterea colunt, ne faciat. Demum & alios habent, quos invocant in bello: sæpius enim inter illos, uti diximus, belligeratur. Idolum aliud immortalitatis, sub viri senis, pinguis, & magnifici formâ, adstante cervo, & ciconiâ, animalibus longævus, coli, cervorum enim cibum ad longævitatē maxime conferre existimant, refert in Atlante, Martinus, sub provinciâ Sinarum undecimâ Fokien, pag. 131.

Peninsula est *Corea*, vel continens cum Niuche Tartariâ, ubi eadem viget religio, quæ apud Sinenses, quorum sunt feudatarii, & cum quibus tum sacra, tum profana adeo sequuntur eadem, ut in nupero Tartarorum bel-

bello, vel soli maluerint totam ejus molem sustinere, quam Tartarorum voto satisfacere, quod erat, *capillos* abradere Tartarorum more; & *vestimenti* genere uti ad corpus adstricto, non laxo, uti Sineses. Quæ duæ erant tanti belli & vastationis causæ. Tartari enim capillos non alunt, sed abradunt, relictis duntaxat in occipitio aliquibus, qui pulchre contexti, ab humero caudæ instar dependent: barbam etiam totam evellunt, oblongis relictis mystacibus: vestes autem ad talos usque dimittunt, manicis admodum strictis, qualibus ferè utuntur Hungari & Poloni. Ipsa verò Corea non exigua est insula, etenim in octo dividitur provincias.

Cæterum doctrinam, & docendi ac scribendi modum, & fidem metempsychosis, & studium Philosophiæ, & idolum Fe, & cadaverum demum ad tertium à morte annum inhumationem, aliaque cum Sinesibus habent communia; nisi quod discrepare ab illis malint in fœminarum conversatione, & conjugio, liberiori hic & ex mutua conjugatorum voluntate contrahi solito; aliter quam apud Sinas, ubi totum hoc peragunt parentes & amici, infcisi filio & filiâ, quia, dicunt Sineses, nam hanc dant rationem, immodestum videtur si filia interrogata velitne nubere, velle se audeat profiteri, aut etiam nolle.

CAPUT SEPTIMUM.

De Japoniis.

Post Sineses, & quos diximus, Formosanos, Coreanos, veniunt *Japonii*, illis inferiores quidem ingenio, doctrinâ, rebusque aliis, non autem armis & re bellicâ, quibus ab anno ætatis decimo quarto assuescunt, & semet ense ac pugione præcingunt: à Sinesibus tamen oriundi, forte & à Tartaris. In litteris Japonicis legitur, quod originem trahant à regione Chegnico, quæ ultra Sinam, & Tarthaum sit; Paulo Veneto *Zipangri* dicti, quod convenit cum proprio ipsorum nomine *Gepuiengi*, & significat, indicante Martinio, in Appendice ad Atlantem Sinicum, originem solis, quia ab illâ terræ parte primum oriri ipsis videatur.

Distat autem Japonia à Sinâ decem vel duodecim dierum trajectu: & Lusitanis primum reperta fuit a. c. 1543. Religionem, leges, & litteras, mutatis nonnullis additisque, à Sinesibus acceperunt, anno à Christo nato circiter sexcentesimo. Quapropter in dubiis & arduis ad Sineses provocare, quod illi sic docent & tradunt; atque apud Christianos doctrinam

nam Euangelii ipsis annunciantes, excipere solent, siquidem vera hæc esset, Sinenfes jam dudum illam fuisse amplexuros.

Cum in quinque hominum ordines seu tribus vulgò Gens tota dividatur, I. in eos, qui funguntur *honoribus*, & muneribus publicis. II. in *religiosos*, quorum maxima frequentia, mento ac capite prorsus rasos; *Bonzii* appellantur: tertius ordo est *civium* & nobilium. IV. *opificum*, & institutorum. V. ultimus denique *agricolarum*: tres post regem, quem ut Numen venerantur, & quæcumque fere attigerit, sancta habent, unde nec terram pedibus ipsi tangere licitum, quin de sanctitate ipsius actum, & forte regno, esset; habent summarum dignitatum viros: quorum primus *Sacris* præest, ad instar summi pontificis, & vocatur *Zazo*: cui domicilium vel aula est in urbe regiâ Meaco, atque habet intra ædes suas 366 idola, quorum in singulas noctes unum ad latus suum, ut excubias agat, constituitur. Pro sancto, ac Numine etiam illum habent, cui vestigia humi ponere non permittunt, rerum sacrarum & personarum supremo domino. Alter præfectus *dignitatum* est & honorum, qui in regno geruntur, *Vo* dictus, atque honores distribuit pro meritis singulorum: cui quoque terram pedibus attingere, religio est, vel si tetigisse deprehenditur, aut occidisse aliquem, aut denique pacis & tranquillitatis publicæ probaverit se inimicum, deponitur, at capite plectitur nunquam. Tertius cognoscit causas & judicia, rebus belli præfectus, & pacis, *Cubacami* appellatus.

Gaspar Villela, in epist. a. c. 1510 LVII. tres ordines recenset, Patritiorum, & Bonziorum seu religiosorum, & denique Operariorum; additque, inter nobiles, & alios in perpetuum tantam esse differentiam, ut nec patritiis unquam inopia auferat dignitatem, vel aliis utcumque ditioribus illa accedat, & neque matrimonium inter utrosque unquam ineatur.

Bonzii, seu religiosi maximo numero sunt ubique & autoritate, quamvis non probæ vitæ, & hoc vulgum quoque non lateat: attamen propter externam saltem abstinentiam, quia carnibus nunquam vescuntur & piscibus, sed terræ tantum frugibus, & orizâ, idque ad mensuram, & semel tantum in die, neque etiam potu utuntur ex oriza, & cum mulieribus non consuecunt, sub poena capitis, saltem qui sacerdotum modo inter illos vestiuntur; tum ementitis variis sanctorum suorum legendis ac fabulis; adhæc quinque saltem præcepta tradunt fundamentalia, omnibusque observanda, videl. non occidere, non furari, non adulterari, non mentiri, & abstinere à vino, sed quæ neminem observare posse persuadent, nisi se solos,

Ios, & se quoque pro aliis, qui modo ipsis providerint de necessariis, de monasteriis, prædiis, & rebus quibuscunque aliis, imo eorum animas ex inferno posse liberare: quare chirographis, quæ magno vendunt, morientes muniunt adversus infernum, qui miseri hinc se satis tutos adversus dæmones arbitrantur, & propterea secum terræ mandari illa cupiunt. Atque hinc ipsorum apud plebem existimatio & reverentia. Imo & propterea religionem suam Bonzii Christianæ etiam præferunt, quod tam facile adversus peccata, & ex ipso inferno liberationem promittat, sacerdotum operâ & intercessione; quod non facit Christiana. Dant chirographa de pecuniâ sibi mutuâtâ, quam cum scœnore reddant sc. in vitâ alterâ, & quæ morientes creditores secum deferunt, ut suo tempore recipiant. Vendunt quoque tunicas papyraceas, in quibus S. Amidæ descripta vita, additis indulgentiis & diplomatibus, ut si eo amictu indutus quis decedat, peccatis liber & immunis ad beatas Amidæ sedes perveniat. Quod *lib. 4. epist. Japonicarum*, referunt Jesuitæ.

Diversi coloris induuntur vestitu, & hinc duplex ordo: aliorum, qui cineraceo; & qui nigro incedunt, aliorum; sibi invicem valde infensi. Habent & Bonzias, scæminas, quæ se etiam diversicolori vestimento distinguunt, & ejusdem ordinis vel coloris viris religiosi addicunt, quasi ejusdem familiæ. Quæ cineracei coloris, sequuntur Amidam; nigri verò, Xacam.

Qui duo sũnt præcipua Japoniorum numina: Quum enim sectas numerent supra undecim, vulgo sectantur aut *Xacam*, aut *Amidam*, qui fuerunt olim egregii sc. viri, & doctores, quorum posterius hujus, aut illius sequuntur doctrinam: ambo verò vitæ austeritate ac pœnitentiâ excelluisse, & tantum sibi apud suos nomen comparasse, dicuntur. *Xacam* Regis fuisse filium, & plures libros scripsisse & hos discipulis suis, quos millenos habuit, reliquisse, asserunt. Porro, demolitis veteribus idolis, unum Deum docuisse, omnium rerum conditorem: & quinque illa præcepta, quæ modò retulimus, stricte observanda: ad hæc, ne de rebus, quæ vitari non possunt, se torquerent sui; & ut injurias condonarent; jejunarent sæpius, seque affligerent; & alia morum præcepta tradidisse, variis conscripta voluminibus. Docuit etiam infernum, & locum vel statum post hanc vitam esse puniendis malis, igne perpetuo. Ex qua disciplina est, quod Japonii cane pejus & angue oderunt à puero omne mendacium, & nulla gens minus furto dedita sit, quam illi. Unde & nullibi tanta hominibus, & bonis ipsorum est publica securitas. Quod si in furto

quis deprehendatur, tutò à quovis interimitur. Non habent vincula publica, non custodias, lictores; sed vel patres familias domi suæ capitis supplicia exercent, nullâ interpositâ morâ; vel in perduelles pronuntiât à Rege sententiâ, Præfecto judiciorum mandatur, ut reum quocumque loco liberè vagantem moneat, ad mortem se ut paret: qui si impetrare veniam sui occidendi à Rege nequeat, in ædes se recipit, & amicos, & liberos, & servos omnes instruit armis ad sui defensionem: quem expugnare Præfectus tenetur, & sic non ipsum tantum, sed totam ejus delere familiam. Aleæ & lusuum propterea inimici sunt, quia indignum putant, ut homo rebus vacet, quæ ipsum avidum & rapacem efficiant rerum alienarum. Verum ubi tantopere abhorrent homicidium, mirum qui mos apud eos obtineat, quo pauperiores, etiam qui tales inter nobiles sunt, infantes suos recens natos trucidari curant, pede suo natorum collo imposito, ne vid. hinc ad paupertatem redigantur. Usque adeo crudeles & inhumani; quamvis honoris & commodorum suorum cæteroquin vindices strenui.

Xacæ non tantum imaginem & idolum venerantur Japonii, sed & reliquias, imprimis dentem habent sacrum, eumque in supplicatione aliquando circumferunt, ad impetrandam pluviam, uti in epistola est Gaspari Villelæ, Meaco, quæ regni metropolis est, & urbs regia, quasi Japonensium Roma, scripta a. c. 1510.

Magis adhuc Amidam colunt, & frequentius invocant, consuetâ & obviâ formulâ, *namu Amida ambut*, hoc est, *salva Amida*: sive in templis, sive in foro, & domo, ad quævis negotia; docti ab istius sectæ Bonziis, quod qui nomen Amidæ invocaverit, salvus erit. Quinimo istius visendi & fruendi studio in altero sæculo, sibi ipsis manus inferre haud dubitant, quod singularis sanctimonix ducunt & gloriæ. Nec dedecori est, sed honori imputant, sibi ultro mortem consciscere. Quod quando damnatis ad mortem à Rege conceditur, sicâ à summo pectore ad imum ventrem corpus dissecant, sic demum sibi, ac familiæ egregium decus parare arbitrati.

Alii religionis ergò, ab excelsâ arce, in honorem proximi idoli, alacres se præcipitant. Vel conscendunt naviculam, eaque in altum subvecti, instructi falce, ad vepres ac sentes, qui iter ad beatorum sedes impediunt, præcidendos, factò in navi foramine cum eâ, vel extra eam, saxis ad collum, brachia, & pedes ligatis, se submergunt: quam mox navem amici, alio navigio sequentes, injecto igne comburunt, indignum censentes,

tam

tam sanctam navem alios impostum in usus adhiberi: defunctis sc. illis martyribus ædes & monumenta erigunt, quæ religiose in ipsorum honorem frequentantur. Alii in specum se abdunt, conteguntque, ubi ex unâ tantum arundine perforatâ trahunt spiritum, & inclamant Deum Amidam, quousque inediâ extinguuntur. Hos in miserâ gente sui martyres reperit, & facit Diabolus.

Habent & alia Numinum idola, quæ in epist. Japonicis dicuntur esse numero 13000. quorum nullum genus deest in aulâ regiâ: nam eorum animas vigilare credunt in salutem Regis. Quod si verò adversi quid ei eveniât, aut si ægrotet, idolum, cui eo tempore Regis cura commissâ erat, egregie excipitur verberibus, & ejicitur palatio, ut centum dies exulet, post quos comiter iterum revocatur & reponitur suo loco, ne altius nimirum animo ignominiam recondat, & postmodum gravius ulciscatur. Quæ deploranda magis, quam ridenda, hominum istorum cæcitas est ac stupor.

Colunt inter cætera numen, quod *Combadaxi* appellant, de quo mira narrant: quod Bonzius fuerit ante novem circiter secula, mirâ vitæ sanctimonîâ & miraculis clarus: forte dæmon sub humanâ specie, adeo horrenda designasse dicitur: inventor creditur litterarum, quibus vulgo Japonii utuntur, & futura prædixisse multa, & stellas potuisse evocare, ac similia. Extremâ ætate specum subterraneum ingressus, nolle se amplius inter illos versari, neque mori tamen, sed quieturum, dixit; addens, post decem annorum millia reversurum se, cum aliquo, qui tum oriretur, Japoniorum Doctore, viro excellenter litterato. Quibus dictis se includi curavit cryptæ, ac vivere ibi etiamnum populus persuasum habet, nonnunquam etiam aliquibus apparere. Monumentum verò ejus vel specum, in quo residet, magnâ colunt religione, & præsertim Diem anniversarium quo sese abdidit. Facit ejus mentionem quoque Vossius, in libris *de Idololatriâ*: præter Varenium, *de Japoniorum religione, cap. I.*

Admiranda & terribilia sibi formant idola: nonnulla, quæ varia habent capita, alia facies diversas: super collum capita multa, alia super humeros: quædam etiam brachia, vel manus quatuor, imo plures, & quod plures (sunt enim quæ centum pinguntur manibus,) hoc arbitrantur esse fortiores: alia caput ferunt animalium, bovis, porci, canis, & similium: horrendâ autem admodum specie pingunt Diabolum, & colunt. Alii solem, & lunam venerantur: quin & per solem jurant. Sic variis miseri idolis, sectis, terculamentis turbantur & distrahuntur.

Est

Est secta inter illos seu familia *Contemplantium*, qui pertinaciter se dedunt assiduis meditationibus, & appellantur *Muraxaqui*. Toti hærent in cogitando rerum omnium primo Principio, ex quo, & in quod omnia: singulis illud rebus intime inesse, & in hoc omnia resolvi, ejusque meditatione pervenire homines ad summam felicitatem, & tranquillitatem, quæ summum bonum sit, quandoquidem etiam Principium illud in otio & torpore perpetuo versetur, & nihil agat, vel curet, arbitrantur. Atque illud in homine esse cor, vel saltem hoc in illud transire, autumant, quare & animas interire. Alii primam rationem appellant, aut magnum solem: nam ab omni æternitate fuisse volunt, clarum, lucidum, expers ratiocinationis, in perpetuo uti dictum, degens otio ac quiete. Qui diu admodum in illis meditationibus versati fuerunt, magno habentur in pretio, & pro valde sanctis. Quin singularem etiam commenti sunt illos in sanctorum canonem promovendi rationem. Quod in epistolis Japonicis ita refert Laurentius Japonius, ex Japone factus Jesuita; nempe quomodo, postquam Bonzius aliquis, Quenzu dictus, triginta annos meditando insumisset, à Doctoribus Meacensibus duobus, probatâ ejus in meditando peritia, & vitæ sanctitate, in cathedrâ sublimi positus, & adoratus, & sic in divorum catalogum relatus fuerit: cujus postea rei ab illis acceperit diploma publicum, ipsorum manu subscriptum. Et hic aliis præscribens meditandi argumentum, in charta pinxerat pratum, in eo arborem, subscriptis versibus duobus, quos judices ut eximios admodum & reconditæ scientiæ comprobarunt. Prioris versus sensus erat:

Cedo, quisnam te servit arbor arida?

Ego, cujus Principium nihil est, Finis nihil.

Atque alterius;

Meum cor, quod neque esse, neque non esse habet,

Neque it, neque redit, nec retinetur uspiam.

Uterque satis jejunos & inficetus.

Nullos deprehensum magis obstare & reluctari conversioni, quam Bonzios, atque inter eos, istos Meditabundos. Nam impuræ & flagitiosæ passim vitæ sunt, utcumque in speciem duræ & sanctæ, sed nihil non faciunt pro lubitu, & clam perpetrant omnia, etiam quibus alios prohibent. Non tantum non à vino, sed neque alienis uxoribus, & turpioribus abstinentes flagitiis.

CAPUT OCTAVUM.

De Tartaris.

IN Septentrione, ultima orbis Asiatici regio est Tartatorum sive Tartarorum. Quod enim de *Catayo* Marci Pauli Veneti hactenus antiqui fuerunt multi, id clarissimi viri D. Golius, Collega noster honorandus, & D. Martinius tot demonstrationibus locorum, nominum, rerum earundem, ostenderunt nihil aliud esse quam ipsum Sinarum regnum, magno fluvio Kiang in duas præcipuas partes divisum, quarum sex provinciæ boreales, cum Catayo; novem aliæ australes, cum M. Pauli Mangin conveniant: namque ita vocantur etiamnum à *Tartaris*, ac *Mauris*, qui singulis tribus annis ad Sinarum Imperatorem tributa ferre consueverunt: Golius autem etiam ex nominibus iisdem horarum, dierum, annorum, sive Sinicis, sive Catayicis, eodemque computo idem collegit, in Additamento ad Martinii Atlantem Sinicum: ut frustra porro Catayum extra Sinas, vel apud Tartaros, aut Scythas, vel alibi, investiges. Quemadmodum & Seres veterum nostri sunt Sinenfes.

Tartariam Asiaticam, sive maiorem, quæ hinc Chinâ, inde freto Anian terminatur, si modo fretum illud in rerum naturâ extet, orientalem & occidentalem tenent veteris Scythismi reliquiæ, & summa quidem barbaries. Ab Indis nonnulla Tartari accepisse videntur. Nam & mortuorum cadavera, cum Indis comburunt, foeminis, & famulis in eundem rogam conjectis; & sacrificulos habent, quos *Lama* vocant.

Unum agnoscunt Deum supremum, cœlestem, & immortalem, cui adolent quotidie, & precantur ab eo sanam mentem, ac firmam valetudinem. Bene hoc quidem, quod mentem petunt sanam in corpore sano, ipsis supra modum necessariam.

Deinde inferiorem illo habent Deum alium *Natigai* dictum, prioris filium, qui præsit terræ fructibus, atque animalibus: cujus statuam humi ponunt & venerantur, cum alterius nomen tabulæ inscribant, à pariete suspensæ. Hujus Idolum non tantum suffitu ornant, sed quando edunt, pinguorem carnis partem labris ejus affricant, unde totam sanctificari credunt, & præmisso primum illo idolothyto devorant, jus etiam in plateas effundentes, quo cibari spiritus existimant.

Alibi solem invocant, & lunam, expanso in sublimi rubro panno, vel

H

pelle

pelle caprinâ. Credunt & animorum metempsychosim: atque pro ratione vitæ anteaactæ renasci priorem hominem defunctum in nobili alio, vel Principe; & si pergat semper in melius, aliquando evadere Deum: sin contra, è divite ire in pauperem primum; & ubi deterior evadit, in canem & vermem; semperque in pejus mutari ejus conditionem à morte, prout fuit in vitâ.

Magos habent complures, & Astrologos, quibus multum fidunt, & consulunt eos non aliis tantum in rebus ac negotiis, sed postquam aliquis mortuus, rogant illos, observatâ bene mortui nativitate, quando & quâ ædium parte debeat sub propitio planetæ adspectu efferri, ac cremari. Interim quotidie instructâ mensa apponunt cibos, quibus satiari & delectari defunctorum animas, persuasum.

Nomen Tartarorum maximè illustre ac tremendum fecit magnus Chan (quod Principem notat, & Tartaricorum Imperatorum est, uti Chalifa Saracenorum, Ægyptiorum Pharaos, aut Romanorum Cæsares) Timur five *Tamerlanes*, ex prosapiâ Gingis Chani, Tartariæ Regis, mortui a. cIo ccxxviii. Tamerlanis autem historiam edidit Arabice CL vir, & Collega Jac. Golius; ex Arabico autem Ahmede Arabscha latine summatim cel. D. Hottingerus, in Historiæ Ecclesiasticæ sæculo xv. Nam Timur (significat autem vox ista Turcis *ferrum*) sæculo isto vixit, & floruit circa a. cIo cccviii. nam in regnum successerat a. cIo ccclxx. & vixit ad octogesimum ætatis annum. Scribebat se, & suos esse exercitum Dei, *creatum ex ira ejus, dominantes omni illi, cui indignatio ejus incumbit, non parcentes querenti, nec miserantes flentem*: symbolum annulo signatorio insculptum erat, *justus, & elapsus sum*. Corpore quidem claudicabat, magis autem animo. Non Gentilis religione, nec prorsus Muhammedanus; attamen cum hac fere convenientem tutabatur Gingischanismum: quare Muhammedanis infensus erat, uti fere Samaritani Judæis solent.

De Tartaris Martinus, in præfat. *Atlantis*, narrat, quod religio apud eos vix ulla, quod Mahometismum horrent, de Turcis pessime sentiunt, superstitiones Indorum aliquas adoptarunt, & religionem Christianam facile admittunt: nec difficilis ipsorum lingua: unde spes videtur, nonnuncquam, forte per nuperas Tartarorum in Sinense imperium irruptiones, & commercium Christianorum cum illis, etiam in Tartariam perductum iri Doctrinam Christi. Quamvis alii propter alia observent, eos in Muhammedismum esse procliviores, & idcirco hunc potius, quam religionem aliam acceptare. Quod Matthias Michovius hac ratione docet contigisse,

& Muhammedanos haud difficulter suam illis persuasisse religionem, eo quod facilius esset Christianâ, & suavior, denique viris belligeris, quales Tartari, convenientior. Sed hæc omnia meliori doctrinæ cedere cogentur, ubi Deo visum eâ collustrare gentes vel maxime barbaras, & remotas.

CAPUT NONUM.

*De Lappiis Americanis: eorum terrâ
primum, tum religione.*

A Tartariâ, per fretum Anian, si quod tale sit quod tabulæ nobis exhibent, perveniri in Quiviram Americæ posse, & inde etiam incolas illuc advectos, plurimorum est sententia. De quo quidquid sit, nobis in præsentia saltem commodum iter illac progrediendi erit in alterum orbem, & spectare rationem religionis & Gentilismi, qui isthic hodie est: primum ubi dixerimus, de iis qui in viâ occurrunt, sub extrema Europæ septentrionalis, *Lappiis*. Quos ignem & statuas lapideas ceu Deos venerari; & ex hoc quod mane primum occurrit, totius diei colligere augurium, scribit de illis Damianus à Goes, Lusitanus eques. Atque suppolares in extremo septentrionis solem adorare, quia & lucem dat adversus tenebras, & calorem post frigus; lunam quoque, cujus luce, absente sole, utuntur, expanso ad erectam perticam panno rubro, propter similitudinem quam color iste habet cum sanguine, autor est Olaus Magnus, *Histor. Septentr. lib. III. cap. II.*

Pergamus hinc ad remotos toto orbe Americanos, quorum nulla, vel obscura admodum apud Veteres mentio: quo magis mirum, unde in tantâ Orbis regione aut parte istâ hominum frequentia, & quando, vel à quibus primum habitari illa cœperit. Siquidem non ultra sesqui sæculum est, quod mundo mundus iste innotuit. Christophoro *Columbo*, Genuensi primum detectâ a. c. l. o. ccccxcii. ejus aliquot insulæ, Hispaniola, Cuba, & Jamaica: deinde continens ulterior ab *America* Vesputio, Florentino, Emanuelis Portugalliæ regis auspiciis, a. c. l. o. ccccxcvii. atque ab eo sortita nomen fuit America.

Admirandâ Dei providentiâ, sub idem fere tempus Europæis utraque, & Orientalis, & Occidentalis India exposita, & quasi ex Chao aliquâ illuxit. An *Columbo* indicata Occidentalis illa fuerit à Navarcho quodam, cujus nomen fere tacetur, nisi quod alii ei nomen dent *Alfonsi Sanchez de*

Huelva, qui dum in Africæ commercio esset occupatus, ventorum violentiâ abreptâ navi, ad ignotas terras & littora appulerit, & hoc retulerit redux, in Madera insulâ degenti forte Christophoro Columbo Liguri, cui & navigationis suæ quos confecerat commentarios reliquerit, unde & geographiæ & astronomiæ notitiâ instructus Columbus in cogitationes de quærendâ novâ terrâ cujus mentionem alter fecerat, inciderit, dubium: quia illam de Navarcho narrationem, tamquam inventi orbis illius occasionem alii suspectam habent, uti ex æmulatione Hispanorum ortam, gloriam tantam extraneo invidentium. Nam Americus Vesputius Florentinus fuit, non Hispanus. Atque dubitare videtur ipse Mariana, qui illud refert, lib. xxvi. cap. iiii. addens, *quæ si vera causa fuit*: & viri docti in illam nunc eunt multi sententiam, confictum id de Navarcho, ex eâ, qua dictum, causa fuisse, & confictæ personæ tandem etiam quæsitum nomen. Quam ego quæstionem non decîdam. Nisi quod cavendum etiam arbitrer, ne ex aliâ adversus Hispanos æmulatione ipsis videamur vicem rependere, & invidere, quod aliter negare tutum haud sit. Quodcumque istius sit, omnibus nunc, idque singulari divinæ providentiæ benignitate, illæ terræ, tam spaciøsæ, & incolarum plenæ pridem innotuerunt. Mirum unde, & quomodo homines aliquando suos acceperint? siquidem ab Europâ, & Africâ vasto mari Atlantico divisæ sunt, & ab omnibus remotæ. Quæ quæstio doctissimos ævi nostri viros exercuit: neque satis adhuc constat quid tenendum sit, adeo omnia incerta, & conjecturis nituntur, non demonstrationibus.

Tria in controversiam venire animadverto: *Unde*, sive ex quâ terræ regione advenerint primi illius, quem novum dicimus, quia noviter non natus, sed notus, orbis incolæ? & *quomodo*? an mari, an terrâ? & *quando*? an primâ, populorum dispersione? an institutis gentium quarundam coloniis? & an veteribus etiam, notæ terræ illæ fuerint, atque frequentatæ? Neque de hominibus tantum quæritur, sed & animantia difficultas eadem concernit, præsertim quadrupeda & vastæ molis corpora, fera & noxia; quomodo in insulas, trans mare, & remota loca pervenerint? In quod jam olim inquisivit Augustinus, lib. *de Civitate Dei* xvi. cap. vii. & Petrus Cottonus Jesuita de eo consulendum putavit Diabolum in obsessâ. Præcipuum tamen rei momentum situm est, in transplantatione & migratione hominum, quos facilius sequi animalia possunt, si non adulta, tenera atque juniora, & si terrâ homines, item & illa, vel transmare aut vehi primum in proximas insulas, inde & ultiores, potuerunt. Quæ ex di-

cendis magis elucescent, & variarum relatione sententiarum ad expediendam difficultatem.

Septem præcipuas video sententias, quas non Auctorum habitâ ratione, sed rerum, vel locorum, temporumque, ut sequuntur, proponam ordine. *Prima* est, partem istam Americam (uti nobis dicitur: nomenclationes enim istæ & divisiones post repertæ sunt, Asiæ, Africæ, Europæ, & πικινῶς ab hominibus usurpatæ) orbis, occupari & habitari hominibus cœptam, post tempora Noachi, à populorum antiquissimâ dispersione, & confusione linguarum apud Babelem. Quæ sententia est Johannis de Laet, in Notis, ad Dissertationes Hug. Grotii, de *Origine Gentium Americanarum*. Qui benè, nostro quidem iudicio, colligit, non à posterioribus aliquot sæculis, aut mille annis illam migrationem contigisse, quia tanta incolarum multitudo, ac ibidem à primo Europæorum appulsu deprehensa fuit, non est paucorum sæculorum, & orbis iste novus terræ latitudine, & hominum tum numero, tum diversitate nequicquam cedit aut Asiæ, aut Europæ. Itaque, ad Dissertationem primam: *Ego autem ita iudico, quum America tam late pateat quam noster orbis, & non minus habitata fuerit, quam aut Europa aut Asia, aut Africa, omnino credendum esse, non ab annis quingentis aut mille primum habitari cœpisse, sed statim post confusionem linguarum & dispersionem illam familiarum, etiam in Americam migratum fuisse: nam alias non video quomodo idonea ratio reddi possit tantæ ubique per Americam incolarum multitudinis: & infinitarum ferme diversarum linguarum, & à se invicem & ab Europæis toto cælo discrepantium. Neque tamen negandum puto, etiam subsequentibus sæculis novos advenas accessisse, sive casu, sive ex instituto in has aut illas partes successerint. Huc accedit, quod Diluvii, cum apud gentes alias, de quo etiam Bochartus, in Præfatione Geographiæ sacræ; tum Americanas aliqua non adeo obscura notitia, & indicia fuerint. Quod testantur Lopez de Gomara, *hist. Ind. Occid. lib. v. cap. xv. lib. vi. cap. v.* Garcilasso, in *Comment. Regum Peruanorum lib. i. cap. xviii.* Brulius, *Hist. Peruan. lib. i. cap. i.* Acoſta, de natura novi orbis, *lib. i. cap. xxv.* ac magni quidem diluvii plurima in his regionibus mentio est & fama celebris. Scripsit autem librum istum Acoſta in illis dum ageret regionibus. Joh. Stadius Hæſſus, *Hist. Brasil. lib. ii.* legitur inter eos *American*. Scriptores à Theodoro de Bry editos, *part. iii. cap. xxiii.* commemorat ab illis quoddam diluvium quod omnes olim majores illorum perdidit, præter paucos, qui partim scaphis elapsi, partim in arboribus saluti consuluerint. Et Gigantum isthic memoria supereſt, quales primis*

temporibus existisse Scriptura memorat, & in America fuisse, Historiæ fidei faciunt. Neque propterea probari commentum Marci Lescarboti debet, qui in Historiâ novæ Franciæ, lib. 1. cap. 111. probabile admodum putat, Noachum ipsum in Americâ natum, filiis suis post diluvium, reditum in patriam commendasse: *Qui tantus erat architectus & navita, ignorabat artem fabricandi aliud navigium (nam ipse constiterat in montibus Ararat, id est in magna Armenia) ut terra desolationi succurreret? Qui habuit cognitionem mille rerum, quæ nos ignoramus, per traducem scientiarum à primo nostro parente, cujus filios videre potuit, ignorabat terras illas Occidentales, in quibus forte natus erat?*

Altera sententia est Joh. Lerii, *Hist. navig. in Brasiliam*, cap. 16. Gomaræ, in *Hist. Indica* lib. 5. Americanos origine esse Chananæos, ex Chamo Noachi filio: & reliquias eorum, quos sedibus suis fugavit Josua, qui proinde alias regiones quærere coacti devenerint tandem in Americanas.

Tertia, esse ex genere *Israëliitarum*, quorum decem tribus in Assyriam abductæ, inde per varias gentes dispersæ, penetraverint tandem in Americam. Ad quod adferunt servatam Americanis Jukatanensibus circumcisionem: & locum ex 4. Esdræ libro apocrypho, cap. 13. Quod sequitur Fredericus Lumnus, *de extremo judicio*, lib. 2. cap. 8. Quæ nullius ponderis, & ab aliis refutata sunt. Illa quoque sententia fuit celebris Judæorum magistri R. Menasse ben Israël, in Libello, cui titulus *Spes Israël*, fretus relatione alterius Judæi, Antonii Montezini, Lusitani, qui primos Americæ incolas aiebat fuisse Israëlitas ex decem tribubus, à Tartaris bello victos, fugatosque, qui hinc oras istas tenuerint & occuparint.

Quarta sententia Americanos derivat à *Phœnicibus*, seu Sidoniis, seu Tyriis, aut Carthaginensibus; omnesque Occidentalis Indiæ regiones ab illis primum inventas, habitatas, nec non ab eorum posteris, usque ad Hispanorum adventum, fuisse. Quod multis illustrare & confirmare satagit Robertus Comtæus Nortmannus: probans primum, Phœnices eximios & audaces fuisse navigatores: tum, ex Plinio, & Curtio, illos incognitas sæpe terras adiisse, & extra orbem Gades condidisse, atque errasse extra Oceanum: præter alia quæ ex Phœnicum, & Mexicanorum moribus, lingua, & similitudine cum Americanis petit argumenta.

Quinta Tartaros dicit Americanorum progenitores, & ab his potius, quam ullâ aliâ gente eos prognatos, maxime propter vicinitatem vel contiguitatem Asiæ Aquilonaris cum America; unde saltem per Tartariam, quamvis aliunde ortos, transiisse in Americam primos incolas, vel etiam fuisse origine Tartaros, censent.

Sextam, propter locorum maiorem vicinitatem, sententiam colloco Hugonis Grotii, qui quæstionem illam haud ita pridem a. c. 15 c. xli. inter sæculi nostri Eruditos movit, & multorum eâ occasione super istâ doctas exercitationes & lucubrationes elicuit. Statuit autem, Americanos, qui Isthmum Panamæ habitant, ex Norwegiâ ortos, per Islandiam, & Groenlandiam, ac vicinas iis regiones, venisse. Jucatanenses autem, & qui in vicinis locis, ex Æthiopiâ accersit. Qui verò ultra Isthmum Panamæ sunt, Peruanos primùm à Sinensibus derivat, reliquos verò ad fretum usque Magellanicum, ab Austrinis terris, quæ ultra fretum sunt, sive à terrâ Australi dictâ, à Javâ, aut Gilolo suos accepisse habitatores.

Ego verò, ut iudicium meum quamvis exiguum admodum, subjungam, tutissimum existimo dicere, quod in tantarum regionum, quemadmodum aliarum, habitatione, non uno *tempore*, nec *loco*, nec *modo*, homines advenerint: quare & rationes illas terram adeundi occupandique, atque de iis varias quas protulimus, sententias, conjungi potius deberi, quam sibi invicem opponi. Neque enim admodum opus videtur divellere eas, & unam aliquam arripere, ut cæteræ posthabeantur, quum rerum omnium fere origines in obscuro lateant; & hic, uti alibi, nequeat ferme aliter esse, quin habitatio illa variis vicibus modisque contigerit. Plerumque primi omnium habitatores ita sunt in ambiguo, ut vix pro certo aliquid adstrui vel exponi queat. Quare temere aut locum, aut tempus certum quæras, aut somnies, aut denique modum, quo in oras quas nunc dicimus Americanas, & quarum procul dubio longe alia facies fuit olim, ac hodie, penetrarint primi.

Quid ergò obstat, quo minus dicamus, & à Noachi posteris jam tum, sive ante sive post dispersionem, aliquos per Septentrionem, versus quem dispersi populi frequentius contenderunt, quam ad Austrum, in Americam pervenisse: sive etiam alio rectiori itinere, terris, & continenti tum temporis non ubique sic mari secretis & sejunctis, uti nunc sunt. Nam & hoc gratis sumitur in hac disputatione, orbis partes, etiam Americanas, ita divulsas maribus fuisse semper, & à primo tempore inaccesas & obscuras, æque ac postea fuerunt. Quum nostro adeo tempore videamus, quam facile dilatetur æquor, & terræ auferat, quod sibi passim adjungit, & mare nunc sit ubi pridem fuit terra. Taceo absorptas insulas, loca, regiones. Ut temporum olim alia, & hominum, sic & locorum fuerit conditio, quam hodie: nam non hæc minus mutantur, quam alia, quam omnia. Fac propiorem non Asiæ tantum, uti nunc, sed & Europæ, & Africæ fuisse

fuisse Americam antiquis temporibus, in quæ anquirimus, quam nunc: vel cessabit, vel levior saltem evadet tota quæstio, quando nulla, vel exigua difficultas cognoscendi, & petendi regiones illas, ex orbe nostro. Quare primùm adstruxeris necesse erit, tam late divisum fuisse mari Atlantico utrumque mundum, & situm locorum fuisse primis temporibus eundem, quem nunc videmus. Quod nulli persuadebitur. Et tamen tota quæstio, & quæstionis difficultas hinc oritur, quomodo tam late diviso, quemadmodum nunc conspicitur, utroque orbe, hinc illac patuerit aditus? Quod si verò aliter se habuisse antiquis temporibus suspicamur aut credimus, & non toto divisos orbe fuisse Britannos, non Americanos, sed uti hinc per mare in Britanniam, inde facile ulterius, vel ex Europâ in Africam, aut hinc in Asiam, ita quoque in Americam iter institui potuisse, uti valde verisimile est, non nimis divisas à se invicem præcipuas mundi partes ab initio, & à primâ gentium migratione fuisse, jam non video quid admodum quæstio illa fatigare nos debeat aut possit amplius. Quis autem credat, quum æque mundi pars vasta & integralis sit America ac reliquæ, imo latior aliis, eam solam neglectam fuisse, & ne quidem cognitam Majoribus? Certum est, ex Adamo, sive ex uno sanguine habitatum fuisse terrarum orbem: inde à Noacho. Hi in Asiâ vixerunt, & Arca Diluvio substitit in montibus Ararat, sive Armeniæ. Qui hinc iverunt in diversas mundi sedes Noachi liberi & nepotes, cur non in Americam abire potuerunt, ac in Africam? Et fac, mari tantum patuisse, in illam regionem, viam, quod tamen nec probari potest, neque verosimile vel semper, vel tum temporis, ne dicam hodie, sic se prorsus habere, à maximo mundi nauclero Noâ cur non discere potuissent naves faciendi & gubernandi artem, quâ longinquoires & maritimas peterent regiones, tanti magistri ac parentis non æque degeneres omnes liberi? Si à Noacho, ergo ex Asiâ undecunque, & quascunque in oras advenerunt primi ubivis incolæ. Definire per quam viam, & quo modo, & à quibus primum hominibus occupatæ singulæ regiones fuerint, est eorum, qui se incertis anxie nimis torquent: & pro certo determinare, non hac vel istâ olim viâ potuisse immigrari in longinquas regiones, quia jam non possit, eorum est, qui rebus, & sæculis suis alia temere metiuntur. Quare in quæstione temporis ἀδύνατον perperam quid factum fuerit, concluditur: quum ex incertis & de incertis non alia formanda conclusio sit, quam hoc vel illo modo fieri rem potuisse, ubi quid factum certo sit ignoratur. Neque ulterius hic procedendum arbitror, quam quid fieri probabiliter potuerit, non quid debuerit, vel

vel factum demum sit, asseramus. Debuerunt quidem venire ex Asia primi regionum incolæ, quia hic degerunt parentes, à quibus reliqui prognati: sed uti primi isti terræ omnes regiones statim occupare non potuerunt, ita vel quâ viâ eorum posterius in has & illas oras, & quia non immediate omnes ex Asiâ venerunt, sed per loca, in quæ ipsorum majores concesserant, sic regio quidem, unde primi homines primò venerint, assignari ἐν πλάττει potest, non verò unde primi cujusque terræ incolæ, immediate videlicet, & viâ proximâ ac certâ, advenerint. Vel si certis id monumentis doceri possit, jam nullus vel exiguus supererit ulteriori indagini & quæstioni locus. Ex Asiâ quod ad genus & originem, si non proximam, saltem remotam, Americæ habitatores venisse inde etiam confirmari videtur, quod nuperis navigationibus constitit, occidentalem Americæ partem, quæ Asiam respicit, magis populosam, & incolis frequentem esse, quàm partem oppositam orientalem, quæ Europam spectat. Sed conjecturis omnia hæc constant, usque dum alia, quæ in Democriti puteo adhuc hærent, in lucem se protulerint. Nos nil certi determinamus, vel determinari posse arbitramur, ubi sola adferuntur, quæ non videntur prorsus improbabilia.

Ergo post primam & antiquissimam hominum à Dispersionis sæculo, דור הפלגה dicunt Hebræi, in varia loca, forte & Americana, demigrationem, etiam sequentibus sæculis loca eadem à Phœnicibus, à Tartaris, à Scythiis, à Norwagis, etiam Sinenfibus, aliisque Indiæ populis, & Australibus, id est, aliis & aliis unde quaque terris, Asiâ, & Africâ, & Europâ frequentatas terras Americanas fuisse, vel frequentari potuisse identidem, mihi quidem non negabitur. Non dico, neque dici debere arbitror, *omnes*, vel *primos* Americæ incolæ ex hoc, aut isto solo loco prodiisse; sed ex variis regionibus, diverso tempore jam hos, tum alios, venire potuisse, aut venisse non videri improbabile. Quod in regione tam latâ & populosâ evenisse, aut evenire potuisse, haudquaquam mirum, vel insolitum. Ex Norwagiâ vel Groenlandiâ solâ aut primos, aut omnes venisse, haud vero simile: quia & longe plures comprehendit homines America, quam ut inde venerint, vel venire potuerint; & jam hic gentes erant variæ, antequam Norwagi Groenlandiam adirent, & hinc Americam. Sed iterum non video quid dicere impediât, ex Norwagiâ, & Groenlandiâ, vel per eam plures semper in proximam Americam perrexisse. Nec dubito, quin uti sub septentrionem videmus proximius coire Americam, & Asiam, (quis autem dicet, quomodo se habuerint terræ illæ olim, dum & hodie super eo

disputatur, & quæritur, an non sint contiguæ, neque freto admodum lato diffitæ?) istâ viâ plurimi in Americam quovis tempore transierint. Mitto argumentum ex similitudine hominum septentrionalium fere omnium. Atque uti multæ insulæ adhuc in mari Atlantico extant præter maximam Britannicæ, & Hibernicæ; nempe Terceræ sive Azores aut Flandricæ, Fortunatæ seu Canariæ, Capo Verde, quis fidem dabit non plures olim mari absorptas interiisse? cur non per istas & Europæis, & Africanis, ne ex solâ Asiâ videamur incolas quærere, aditus in Americam quoque dari potuit? Quomodo ex continente in insulam, eodem modo ex insulâ in continentem remotiorem Americam profectio potuit institui. Ne dicam, quod navigantibus nonnunquam accidit, ut casu in longinquas & minus notas regiones delabantur, sic etiam huc homines advehi tempestate potuisse. Nec difficilis largiar, à Phœnicibus, navigandi peritis, & hac arte celebribus, frequentatas oras Americæ, post Africanam, fuisse. Ab Austro uti adhuc incertum quo pacto se terra habeat, probabile autem conjungi cum Novâ Guineâ, ita ab hac etiam plagâ homines Americam ingressos qui ad fretum le Maire, & Magellanicum habitant, non omnino improbandum. Denique non prorsus & ubique divisum ab hoc orbe esse Americanum, ut non jungatur alicubi, saltem non longe distet, quemadmodum cæteræ mundi partes contiguæ sunt, certe non ita diffitæ ut nullâ parte vel usum sui præbeant aliis, vel notitiam, non ægre mihi sinam persuaderi. Vel etiam si ubique diremtus à reliquo jam sit Americanus, quod non facile credo, semper verò tam late divisum fuisse, ut omnibus aliis quaquâversum pariter ignotus fuerit, & inaccessus semper, haud statuum. Id enim & contra mundi, ejusque partium usum, & hominum societatem ac commercium, primamque originem aut profapiam, facere videtur. Quare & à septentrione, & austro conjungi Americam, saltem non multum divelli à terris aliis, propter Physicas & Geographicas rationes, præter experientiam recentium navigationum, mihi non improbat. Etenim; quod Apostolus inquit, Act. 17. 26. *Deus fecit, ex uno sanguine omne genus hominum habitare omnem superficiem terræ, definiens præstituta tempora, & terminos habitationis eorum.* Loca definiit habitationis singulorum: unde communis sanguinis, atque communitatis habitatio semper ratio fuit. Deut. xxxii. 8. *Quum possessionem distribueret Excelsus gentibus, quum dispararet filios Adami, statuit terminos populorum, pro numero filiorum Israël.* Gentibus inter se dispartitis, solius Israël servata præcellentia fuit. Et quemadmodum ejus exigua admodum notitia fuit

apud

apud Barbaras gentes, & harum apud Israëlitas, attamen non omnibus propterea pariter ignoti Israëlita, vel Israëlitis omnes: sic quoque Europæ aliisque multis potuit ignota fuisse multis sæculis America, ut non idem fuerit omnibus vel sæculis, vel seculorum hominibus. Quin uti Israëlitis, & Israëlita postmodum terræ notitia vicinis constitit, sic & Americanæ quid ni existere potuit apud quosdam, apud proximas gentes, propter illam hominum terrarumque societatem inter se, quamvis non æque apud nos, vel quosdam alios?

Dico ergo, variis temporibus, & undique, & quovis modo, in Americam pervenire potuisse primos & sequentes, sive omnes horum, qui hodie eam incolunt, progenitores hospites. Neque enim una ibi gens, sed variæ, & moribus ac institutis longe diversæ vivunt. Ut nec uno ex loco, aut tempore, vel omnes simul, necesse sit advenisse. Denique nec uno modo: sed terrâ alios, sic forte primi; alios mari: nonnullos ex instituto, casu alios in regiones illas fuisse delatos. Omitto quæ ab aliis, ex veteribus adducta loca & testimonia sunt, ex Platone, Aristotele, Plinio, Æliano, tum Poëtis Homero, Horatio, Senecâ: ad probandum, non ita ignotas prorsus antiquis terras illas fuisse, quas obscurius aliquando, aliquando clarius commemorârunt.

Hæc scripseram, quando in manus venerunt Cl. viri & Collegæ Georgii Hornii, summi Geographi, de *Origin. Gentium Americanarum* libri, in quibus eandem, quam posuimus, tuetur sententiam, post diluvium, ex nostro orbe, terra, mari, casu, consilio, diversis temporibus & animalia & homines in Americam venisse: quamvis aliquos ab adventu in Americam removeat, saltem eo, ut gentem hic condiderint, vid. Æthiopes, in Africâ; in Europâ, Celtas, Græcos, Latinos sive Romanos; in Asiâ, Indos; in universum Judæos, & Christianos, & Muhammedanos: at in septentrionalem Americæ partem, quæ primum culta, atque unde migratio instituta fuerit in meridiem, populos venisse, ex occidente Phœnices; ex septentrionibus, Scythas; ex Oriente, Sinenfes: denique per intervalla accessisse & gentes alias.

Neque adfero, quod aliis placuit, Salomonis tempore frequentatas has regiones fuisse, quando classem instruebat, magnam auri vim triennii itinere adferentem, ex Ophir, quod exponunt Peru, leviter transpositis literis. Et certum est, multum auri hic haberi. Verùm sub iudice lis adhuc, quæ terræ regio per Ophir intelligatur. Sunt quidem qui in Americâ meridionali eam constituunt, quemadmodum diximus, & contendunt

esse regionem Peru; vel in septentrionali ejus parte, ad mare Atlanticum, insulam *Hispaniolam*. Alii verò locant in Orientali Indiâ, quæ loca sunt satis remota à se invicem: sed & hic dissensus. Alii enim in regno *Pegu*: alii in aureâ Chersoneso, quæ hodie *Malacca*: nisi Chersonesus non nomen proprium videatur, sed commune regionum auriferarum, quare pluribus applicandum: Alii in conjunctis illis regionibus Ophir collocant. Quod in Commentario *de Ophyrâ regione* facit Caspar Varrerius Lusitanus: *quapropter omnem illam oram quæ Pegusis, Malacca, & Somatra continetur, apud divinam Historiam, Ophyrâ regionem esse appellatam, facile contenderim*. Adde Cornelium à Lapide, in II. Reg. ix. Alii insulam *Taprobanam* pro Ophir accipiunt, quæ non est hodierna Sumatra, sed Ceilon. In quâ sententiâ est Samuel Bochartus, *lib. II. Geograph. S. cap. xxvii*. Omitto, qui Ophir in Africâ ponunt, in regione Cephalâ vel Sophalâ ad mare Æthiopicum; uti Chaldæus appellat navem Africanam, *ספינת אפריקא* quam in mari habuit Salomo. & Sophalenses id dicuntur legere in suis Annalibus. Quod autem præter classem Salomonis regiam, quæ in Ophir tertio quoque anno solvebat, in Scripturis aliquoties occurrat de auro Ophir, de alia Ophir, non remotiori Indicâ intelligendum esse, Bochartus existimat; sed de Ophir Arabicâ, in partibus aut confinio Sabæorum, apud Cassanitas. De quibus nunc non est dicendi locus. Et Tharsim, ad quam regiæ naves contendebant, in Oceano Indico ponit, Ophiræ, id est Taprobanæ proximam: uti aliam Tharsim, Hispaniam, vel Hispaniæ partem eam, quam Tyrii maxime frequentabant, Gades nimirum, & Tartessum. *lib. III. Geograph. cap. vii*. Bootius autem in Animadversionibus ad V. T. *lib. iv. cap. vii*. Tharsim esse Tartessum contendit. Et Pineda Hispalensis Jesuita, *de Rebus Salomonis, lib. iv. c. xiv*. Tharsim Salomonis quoque ad Hispaniam refert, & Gaditanam atque Hispalensem oram, Baticam universam, sed potissimum Hispalensem: quod confirmare laborat variis tum autoritatibus, tum rationibus: & *cap. xv*. pergens in solutione objectionum, quæ in adversum adferri possint, contendit, post Levinum Lemnium, usum acus Magneticæ non omnino incognitum fuisse priscorum navigationibus, sed nostro tempore potius renovatum & exploratum: vel si omnino incognitus, quod non incredibile sit Veteres, quamvis imperfectiori & impeditiori modo, navigationes suas etiam per altum mare in longinquas terras, quas frequentarunt, instituisse. Forte quemadmodum artis Typographicæ, & pulveris pyrii conficiendi rationem, quamvis non per omnia eandem, viguisse etiam olim, ante earum rerum usum

usum Europæis familiarem, apud Sinenses, diximus. Adeo nihil sub sole novum, dixit Salomon, de cuius classe & navigatione nunc agimus. Apud Minutium Felicem, *relinquenda verò Astrologis prolixior de sideribus oratio, vel quæ regant cursum navigandi.* Regionem verò Ophir Pineda, secus ac fecerat commentariis in *Jobum*, in istis de rebus Salomonis censet esse Americæ Peruanam.

Ut tamen obiter promam sententiam, statuo Ophir esse potius regionem Indiæ Orientalis auro feracem, & hinc antiquis dictam Chersonesum, Josepho terram auream *ἡ πόλις χρυσῆς καλεσμένη ὅλης γῆς*, neque unum ejus locum significari, sed varia à sinu Gangetico inde, Pegu, Malaccam, Sumatram, Ceilon, uti hodie vocantur, & quæ aliæ ibidem metallorum, tum lignorum, & rerum aliarum feraces olim fuerunt, quas constat trienniali Classis itinere Salomoni fuisse advectas. Versio Arabica, in *II. Reg. ix. 28.* habet, *qui egressi ad regiones Dablab, quæ sunt in Indiâ, adportarunt inde auri, &c.* Eadem cap. *x. 22.* *Semel ternis quibusque annis accedebant naves ex India, advehentes argentum & aurum, elephantes, simias, & pavones.* & cap. *xx. 49.* *& Jehosaphat fecerat naves in Tarso, ut irent in Indiam.* Syrus, & Arabs *2 Chron. viii. 18.* dicunt urbem fuisse, *qui abirent in urbem Ophir.* Cumque dicatur *2 Chron. xx. 36.* naves ivisse Tharsim; similiter ejusdem libri cap. *ix. 21.* atque quod uno loco legitur, naves ivisse in Ophir; alio, ivisse Tharsim, quemadmodum *1 Reg. xxii. 49.* de navibus Jehosaphati regis dicitur, ivisse in Ophir, & *2 Chron. xx. 36, 37.* ivisse Tharsim: sic & in versionibus transponuntur Ophir, & Tharsis, & in commentariis sæpe: atque in sacrâ historiâ & idem temporis intervallum, triennale nimirum, tribuitur navibus his & istis, atque eandem merces iis narrantur fuisse advectæ. Unde forte colligas, vel eandem utrâque voce regionem designari, quod multis placet, vel saltem vicinas. Quid si dicamus, Tharsim urbem fuisse in regione Ophir auri ferace? Vocantur naves Tharsis: quod non necesse est explicare simpliciter & ubique, in illâ insulâ factas, de quacunque insula demum intelligatur: quia exponitur, ivisse Tharsim: sed est, naves Tharsenses, sive Orphirenses, quæ nimirum eò comeari solebant. Uti si dicam naves Indicas, Hispanicas, quæ ad iter & profectionem in oras illas adhibentur, forte etiam isthic factas. Sed de his satis.

Præsentem quod spectat Americanorum religionem, primùm qui degunt in *Novâ Franciâ*, Diabolum habent ut Deum, licet non adorent; & Magicis artibus supra modum indulgent.

Qui juxta flumen *Sagadaboc*, malignum spiritum venerantur *Tacito* appellatum, qui illos singulis noviluniis vehementer agitat, & cogit ad suum cultum, nec ignorant ipsi malignum esse.

Incolæ *Virginia* multos faciunt Deos, quos appellant *Mantoac*, sed diversorum graduum, unum autem illorum principem & magnum, qui fuerit ab æterno. Hunc, ajunt, quum constitueret mundum condere, fecisse primum sibi Deos alios, quibus, tamquam instrumentis, uteretur in mundi creatione, & gubernatione: postea Solem, Lunam, Stellas, tamquam inferiores Deos condidisse, & omnes illos formam habere humanam, eorumque imagines vocant *Kevvasovvock*, & in templis collocant, ac ædiculis, ubi orant, cantant, & sacrificant. Animarum credunt immortalitatem, easque à corpore solutas, secundum opera quæ fecerunt, deferri ad cælum, habitaculum Deorum, ubi perpetuâ fruuntur felicitate; vel in ingentem puteum subterraneum detrudi ad ferendas pœnas, in parte regionis Occidentali, ubi perpetuò urantur, quem appellant *Popogussô*. Alii præcipuè venerantur Diabolum, quem *Olo* vocant, cujus imaginem in oratoriis habent terribili admodum formâ.

Floridani, qui ad mare degunt, videntur inprimis Solem venerari: ante cujus ortum se abluunt, uti & post occasum: neque cibum capiunt, antequam id peregerint. Alii intra continentem, venerantur Numen quod *Aguar* appellant & habitare credunt in cælo, atque pluviam ipsis largiri, & alia ad vitam necessaria.

Qui juxta *Cevolam* aut *Cibolam*, præcipue aquam venerari creduntur, quæ sementi dat incrementum.

Mexicani primò colere soliti fuerunt immanem Deorum turbam, bis mille referunt, inter quos duo præcipui *Vitzilopuchtli*, & *Tezcatlipuca*, Dii fratres, quorum alter rerum providentiæ, alter bellis præerat: alios aliarum rerum præfides & faciunt, & colunt: ipsum etiam Diabolum variâ, sive turpi, sive horrendâ specie: eosque humanis placant hostiis, præsertim solem & lunam, præcipua ipsorum idola. De quibus videndus *Lopez de Gomara, histor. occident. lib. II.*

Qui in meridionali Americâ *Darienem* provinciam habitant, inprimis Diabolum invocant, horribili formâ ipsis apparentem. Unum tamen in cælis credunt Deum, nimirum *Solem*, & *Lunam* ipsius conjugem, quos religiose colunt.

In *Vraka* habent idolum *Dabaibæ*: quam matrem ferunt Dei Creatoris omnium, eique immolant mancipia.

Eadem

Eadem erga Solem & Lunam religio viget apud incolas *S. Maribæ*, & *Cumane*: quumque tonat, valde sibi metuunt, Solem iratum arbitantes. Præterea inter idola potissimum colunt aliquod figurâ crucis *S. Andreæ*, quo muniri se credunt adversus Dæmones nocturnos, & appendunt infantium collis.

Qui inter *Oronoquem*, & flumen Amazonum, incertis sedibus vagantur, habent magos, qui medicinam exercent, & præfagiis variis ipsos terrent ac deludunt, quasi vitæ mortisque arbitri essent, ideoque magna apud illos pollent autoritate. Cæterum Solem ac Lunam venerantur quidem, & vivere existimant, non tamen adorant, neque iis immolant quidquam.

Alii colunt numen *Tamoucum*, quod in superiore aëris parte degere credunt, & inferiora regere pro arbitrio: animas defunctorum, qui bene vixerunt, transferri ad cælum, quod *Caupo* vocant; qui vero malè, ad *Soy*, in terræ viscera. Defuncto è Primoribus alicui mancipium cædunt suum, ut ipsi quoque ministret in vitâ alterâ.

Marashavvaccæ habent idolum saxeum, in æde ad hoc factâ; formam hominis repræsentans, sedentis super calces suos, divaricatis genubus, palmis expliciis, atque hiantem ore.

In regione interiori, quam flumen *Magdalenæ* secat, vocatur hodie novum regnum *Granadæ*, Barbari plerique venerantur Diabolum, cui statuas fabricant, atque immolant captivos.

Apud *Braſilienses* exigua admodum religionis professio: Deum *Tupa* vocant; inde tonitru *Tupa cumunga*, id est, strepitum factum à supremâ excellentiâ; fulgur autem, *Tupa Beraba*, splendorem excellentiæ. Cælum, & inferos videntur ignorare: quamvis animas, post hominis mortem, superesse credant, & converti nonnunquam in dæmones, & ad campos irriguos, arboribus amcenè consitos transferri, & hic agere choreas. Spiritus malignos impense metuunt, quos *Curipira*, id est, numen montium; *Manachera*, id est, numen viarum appellant. *Marangigoana* non significat numen, sed animam separatam, vel aliud quid instantem mortem annuncians, quod adeo metuunt, ut interdum illius terrore exanimentur. Multos fovent apud se Magos ac præstigiatores, quos *Page* nominant. *Caraiba* illis est potestas patrandi miracula: quare Lusitanos appellabant *Caraibas*, quando ipsorum aliqua videbant opera captum suum superantia.

Chilenses jurare per Dæmonium, quod *Eponamon* vocant, quando fidem suam obstringere volunt, accepimus.

Peru-

Peruviani potissimum colunt *Pachacamac*, creatorem omnium, secundo loco *Solem*; cui sororem attribuunt *Lunam*: tonitru & fulgura appellant *executores Justitiæ solis*. Ille ipsis Deus est incognitus & invisibilis; hi noti & visibiles. Primus Ynca sive Rex Peruvianorum Manco Capac cum alia suæ genti præstitit, tum hoc præcipuum, quod à multitudine Deorum illos revocavit ad cultum solis: cujus se dicebat esse filium, ac proinde de sole quum loquuntur, eum appellant suum Patrem: quod præter Yncas alios citra blasphemiam non licet, sub pœnâ lapidationis. Ita refert in elegantissimâ Historiâ Yncarum, eorum ultimus, qui ad Christianismum conversus fuit, & in Hispaniam abductus Garcilasso de la Vega, ex ore cum matris suæ, tum avunculorum quæ ipse audivit adhuc puer, quum illi singulis fere hebdomadis ex tyrannide Atauhualpæ superstites Matrem suam inviserent in primariâ urbe Cotco degentem, & cum dolore multo ac lacrymis commemorarent Majorum suorum originem, & facta. Natus ipse, octavo anno post debellatum patrium regnum ab Hispanis, ad vigesimum suum illic vixit, & factus Christianus, aliquando alios, uti testatur alicubi, præ necessitate baptizavit. Anno autem ætatis suæ decimo septimo in tali amicorum suorum congressu ad Avunculum accedens, & in prima gentis suæ initia inquirens, ita retulit Ynca suo Nepoti: quod quum gens esset rudis, inculta, barbara, & homines ferarum instar viverent inter se, soli patri suo sortem illorum miserenti visum fuerit in mundum & ad ipsos mittere duos ex suis liberis, vid. filium cum filiâ, qui de omnibus solis erudirent tam ad vitam communem, quam ad mores & pietatem plectantibus, præsertim cultum solis, tamquam Dei sui illis persuaderent. Quem in finem illos instruxit virgâ aureâ, quam in terram figerent ad explorandum locum in quo ex voluntate Patris sui Solis deberent consistere, quod quum alibi sæpius sine fructu fecissent, terrâ illam virgam nequidquâ admittente, tandem isthic ubi urbs imperii Cotco erat, virga ad terram appulsa eamque altius ingressa signum dedit sedis & imperii ibi figendi: ubi duo illi solis liberi ex mandato Patris sui homines circumquaque docuerunt rationem vitæ & religionis. Fuerunt illi filii Solis & Lunæ primi, sive primus rex & regina, Manco Capac & Coya Mama Oello Huaco, frater ac soror, quemadmodum parentes sui Sol & Luna, unde & sequentes Yncæ sorores suas soliti ducere uxores: etiam ad conservandum in suâ familiâ imperium, & sanguinem, cujus prosapiæ, omnino purum. Coya Mama significat *Regina mater: nam Mama est mater*. Quapropter in rebus Peruvianorum distinguendum est duplex, vel triplex potius seculum, primum

agreste

agreste & barbarum ante regnum Yncarum, tum quale fuit sub *Incis*, denique sub *Hispanis*: ex quorum confusione, nempe duorum priorum, varia illis nonnunquam adscribuntur, quæ discrimine habito & temporum, & locorum duntaxat vera sunt. Ante regnum Yncarum non tantum innumeros coluerunt Deos, & naturales sive ex naturâ sumtos, arbores, fructus, lapides, animalia, & quæ istius generis, sive factos, sed & humanis hostiis eorum cultum prosequabantur; quod non ita post factum. Ita ut vehementer errent qui promiscue illa iis adscribunt, quæ in illorum aliquibus, & aliquando non habuerunt locum, Yncis in hoc laborantibus, ut & ab idolis illis innumeris ad cultum Solis, & ab hominibus mactandis suos sedulo avocarent. In quo suos mores Mexicanis, in collatione & æmulatione duorum illorum vastissimorum regnorum, longe præferebant, qui & sacrificiis humanis, & carnibus in esu suo delectabantur, secus ac Peruviani, sub dominio Yncarum, qui Soli quoque propter innumera ejus in homines beneficia, sacrificabant, sed de animalibus, & herbis. Loco omnium aliorum Deorum Peruviani colebant unum Solem, eique templum multo auro magnificè splendentia extruebant: inter quæ famigeratissimum templum Solis Cotcense, sive in imperiali urbe Cotco, ubi hodiè est ecclesia S. Dominici: olim ex puro auro & Solis simulacrum, & mensa aurea, & ipsi muri deaurati erant, auro superba omnia & deornata. Ibi & aliæ ædes ex auro sacræ erant Lunæ, Stellis, Tonitru, Fulmini, & Arcui cælesti, denique domus Virginum religiosarum Solis. Cumque nefas apud ipsos haberetur intueri Solem, censentes rem indignam esse oculos defigere in faciem sui parentis, & reprehensus eo nomine à sacerdote summo fuisset rex Huyana Capac, quod hoc facere sustineret, respondit ille sacerdoti, qui erat avunculus suus, quærebatque, num quidem ullus esset ita temerarius, qui ipsum pro lubitu suo deturbatum throno constringeret iter aliquod suscipere, in quo curreret indefinenter? iterum, num subditorum ullus jussus à se currere Chili usque, id facere detrectaret? quod quum negasset ille utrumque, regerit, non esse credibile Solem patrem suum esse summum Deum, quandoquidem hoc si esset, non ita se continuo cursu defatigaret, sed subinde etiam quiesceret. Ita id Garcilasso refert lib. 9. Commentarii regii, sive historiæ Peruanæ, cap. 10. Acosta autem, lib. 5. cap. 5. omisso Regis nomine, aliquem istorum Regum ita dicit argumentatum fuisse, Solem non esse Deum, quoniam Deum oportet esse magnum dominum, qui sua faciat non festinando, & absoluto cum imperio, quum Sol non desinat currere, & se in cursu suo valde præcipitare, quod arguat

ipsum non esse Deum. Hinc & alium habent Deum supremum & invisibilem, quem, instar ignoti Dei Atheniensium, colunt *Pachacamac*, quod significat proprie animam mundi, quem & mundum creasse statuunt, & soli dedisse istam supra reliqua astra excellentiam, ob quam etiam pro Deo coli & adorari debeat, ad quem se ire dicunt à morte, atque apud eum conquirere: quod creditum quoque Mexicanis. Nam animarum non credunt tantum immortalitatem, sed si Garcilassum audimus, *lib. 2. cap. 7.* etiam corporum resurrectionem, sed in hanc iterum vitam: neque ille solus hoc de iis testatur, sed quoque alii. Atque illa ab Yncis, sive Regibus suis didicerunt Peruviani, in primis ab illorum primo Manco Capac: qui inter alia & hoc docuit subditos suos, ne quis alteri faceret, quod nollet factum sibi: abrogavit polygamiā, & alia ad bonum Reip. constituit egregia. Sic etiam Yncā Pachacutec contra adulteros, blasphemos, latrones edixit varia; quod liberorum matrimonia citra parentum consensum essent irrita; adulterium esset capitale, & similia. Denique illam pauperum curam gesserunt, & adeo hoc sibi tum proprium, tum gloriosum putarunt Yncæ, ut elogium inde consciverint *Amatorum pauperum*. Quod Huayna Capac, parens Huascaris & Atahualpæ fratrum, cum quibus Yncarum regnum concidit, & transiit ad Hispanos, tanti habuit, ut suis paulo ante mortem commendatâ & justitiâ & clementiâ erga subditos, hoc argumento uteretur, ut ne perderent gloriosum à Majoribus traditum ipsis titulum *amatorum pauperum*. Fuit ille Huayna Capac qui prædixerat adventum peregrinorum in istas oras, quæ prædictio credita potissima recensetur causa deperditi imperii, major certe ipsis armis Hispanorum. Cæterum relictis duobus filiis, minoreque Atahualpa amato supra maiorem natu Huascarem, traditoque ei regno Quitâ, orta hinc inter fratres æmulatione & diffidia, deinde bellum, quo captus ab Atahualpâ Huascar, & miserè diu habitus, cum totâ familiâ regiâ, quam crudeliter Atahualpa exciderat, advenientibus interim Hispanis, Huascar tandem quoque iussu fratris trucidatus, & ipse Atahualpa ab Hispanis, extinctum Yncarum regnum fuit & translatum in Hispanos. Quorum bella cum Indis alio volumine prolixè tractat idem Yncā Garcilasso de la Vega. Referunt historiæ, atque ex iis Joachimus Brulius, *Historiæ Peruanæ. lib. II. cap. v.* Atahualpam, quem vulgò Atabalibâ vocant, Vincentio de Valverde, Deum & Christum sibi annuncianti, dixisse, sequitur autem in Historiâ passim Autorem alium, nempe Antonium de la Calancha, natione Peruanum, & religione postmodum Augustinianum: *Pachamacum habemus credimusque cuncta pro-*
du-

duxisse: solem & lunam benefica in mundum univ^{er}sum Numina veneramur: immortales sunt, nec pro misero vestro Deo crucifixo & mortuo deferendi. Cui responfurus Pater, Breviarium porrexit, affirmans, eo omnia probari. Quod Atahuallpa diligenter intuens, & volvens ac revolvens, tandem, quia locuturum sperabat, vel signum aliquod pro responsione editurum, in terram indignabundus projecit. Rectius certe, quam qui eo illum convertendum stulte putabat. Sic videlicet cum miseris illis actitarunt Hispani, & cum ipso illo Rege, qui omnium ditissimus, Cazi quarum suorum humeris, aurea sellâ, portabatur, & incredibilem auri vim secum habebat, cujus magis opibus inhiabant avari & crudeles, quam conversioni; corpori, quam animæ. Nam post contemptum Breviarium, Vincentius satis causæ datum arbitratus, milites in Regem ejusque exercitum incitavit, & Franciscus Pizarrus dux ipse Regem summis crinibus prehensum, quos prolixos gestabat, in terram dejecit, & abduxit captivum, cæsis quinque Indorum millibus. Quod prælium incidit in a. c. 1532. cumque eo desit Yncarum, sive Imperatorum Peruvianorum series, qui post Cazi quas regnarunt, & quorum decimus tertius Atahuallpa, post patrata varia scelera, occisos fratres quadraginta tres, & natu majorem Guascarem superatum, postea quoque occisum, regnum obtinuerat. Vocatum autem illum Cusi Guascar referunt, quod significat *funem voluptatis*, ideo quod eodem, quo nascebatur, tempore, auriferi Peruviani perfecerant funem aureum toto regno decantatum, ejus castitiei & longitudinis, ut sexcenti Orejones, qui sunt inter Peruanos potentissimi, eum non possent elevare: quem postmodum dicuntur conjecisse in lacum, ne in Hispanorum manus perveniret. Ipse verò Atahuallpa nequidquam promisso tanto auri cumulo, quo ingens in Cajamalcensi aulâ regiâ atrium impleri posset ad tantam altitudinem, quam Pizarrus stans erectâ manu posset attingere, & frustra postulans, ut in Hispaniam mitteretur, lubentissime isthic curaturus ignoti Regis equos, quos nec aluit America, nec antea viderant Americani, & exprobratâ Hispanis fractâ fide, rebellionis accusatus, eodem anno v. Nonas Majas strangulatus primo, inde ustulatus flammis fuit. Atque ira intercidit vetus Peruanorum, & Yncarum imperium, transiitque ad Hispanos. De quorum, dubium an avaritiâ, an crudelitate majori, ut Peruviani, ut & alii Indiæ populi ingemuerint & conquesti sint coram omnibus, ipsi Papistæ testes sunt admodum locupletes: interque eos inprimis, ipse quamvis Dominicanus, Bartholomæus de las Casas, episcopus Chiappensis in Americâ, singulari hujus argumenti li-

bro Hispanico, qui & Latine legitur, & Belgice, ad Carolum v. *Destructio Indiarum*: motus inter alios *misericordia inexplicabilium calamitatum*, quibus ab Hispanis Indi opprimebantur, verberibus, caedibus, bonorum spoliatio-
ne, intolerabilibus tributis, onerum importabilium vexatione, damnatione ad
metalla, injusta piscatione gemmarum, quibus crudelitibus myriades Barba-
rorum in toto novo orbe, Hispaniola, Cuba, nova Hispania, Jamaica, Pe-
ruvia, aliisque seu insulis, seu continente, interierunt, uti scribit de eo Bru-
lius, lib. III. cap. III. qui & lib. IV. cap. VI. hæc ex illo Casæ libro ad-
ducit Hispanice primum, quæ dein Latine vertit, quare nobis etiam non
minus describenda: *a principio usque in hodiernum diem non magis solliciti
fuerunt Hispani, ut illis gentibus Jesu Christi fides prædicaretur, quam si essent
canes, aliæve animalia bruta. Quin potius expressissime Religiosos multis af-
flictionibus persecutionibusque illatis, ne prædicarent, prohibuerunt, arbitrati
hoc fore acquisitioni auri divitiarumque, quas insatiabili sibi cupiditate pro-
mittebant, impedimentum. Neque major modo, quam fuerit a centum annis,
in totis Indiis est Dei cognitio, ignorantibus an sit ex ligno, an cælo, an terrâ;
si modo novam Hispaniam, in quam Religiosi intrarunt, quæque non nisi mi-
nimus est Indiarum angulus, excipias. Atque ita perierunt, pereuntque omnes
sine fide & Sacramento. Et hæc de Peruanis. Ubi obiter de nomine notan-
dum, non esse verum hoc, aut proprium, sed ab Hispanis datum, qui re-
sponsum indigenæ, ab illis rogati, quodnam esset ipsorum nomen, &
suum dicentis esse Beru, illi & male audiendo & explicando, terræ nomen
putarunt esse Peru: alii scribunt, eum respondisse Pelu dictam, quam Ve-
lu fluvius irrigavit; unde levi errore unius litteræ Hispani fecerint Peru:
antiquum autem nomen fuisse, Tavantinsuju. Quo magis arguitur eorum
temeritas, qui ex similitudine vocum Peru, & Ophir, per litterarum me-
tathesim, putant Americam esse veterem Ophiram.*

De Tapuyis Vossius, in Addendis ad lib. I. de Idolat. Gentil. ex Christo-
phoro Arcisewkio: quod gens est valde inculta & effera, quæ humanis
vescitur carnibus: duplex statuit Numen, bonum, ac malum: bonum,
quod affligit neminem, at bene facit omnibus, & propterea non necesse
putant adorare ac colere, quia sponte satis est beneficum; malum verò o-
mni cultu prosequuntur & invocant, ne noceat, quandoquidem iracun-
dum est, & cultum sui negligentes male perdit. Non iter instituunt, vel
tendunt in hostem, nisi prius malo numine bene consulto & placato.

LIBER SECUNDUS,

DE

CONVERSIONE INDORUM,
& Gentilium.

CAPUT PRIMUM.

*De Patribus Græcis & Latinis, qui adversus Gentiles
scripserunt.*

Rost expositam, uti ferebat argumenti & instituti ratio, Gentilismi *Historiam*, sequitur altera commentationis nostræ pars, *Disputatio*, super illis capitibus, quæ in Gentilibus reprehendimus, & tum *religionem* concernunt erga Deum, tum *mores* & vitam inter homines.

Et duo quidem hic sunt agenda: *errores* ac vitia animis eorum evellenda; & salutaris *veritas* tandem instillanda est; quibus rebus constat ea, quam intendimus, ipsorum conversio. In priori parte vindicandus erit imprimis *Decalogus*: in alterâ docendum *Euangelium*, quod quo promptius recipiant, tollenda erunt præjudicia, quæ adferunt sive adversus Dei *Verbum*, sive *Religionem Christianam*.

Hæc autem quo felicius à nobis fiant omnia, haud incongruum videtur præmittere seriem & catalogum *Scriptorum* adversus Gentiles, seu Veterum, seu Recentium; unde constare poterit, & quid egerint alii, & quid nobis restet, tum quomodo, quibus armis, & successu Gentilismum oppugnarint, & oppugnandum esse docuerint. Eâdemque operâ videbimus totâ *βίβλῃ* omnis retrò Gentilitatis, quam sic detexerunt, prostituerunt, & exarmarunt veteres Theologi, quorum plurimi in illo cæno paulò ante hæserant, & jam melius resipuerant conversi ad Deum & Christum, ut non ab ipsis magis Gentilibus ex eorum scriptis instruendus sis, de ipsorum sacris & statutis, quam à Christianis illis, apud quos simul videas illorum vanitatem & stultitiam copiose admodum demonstratam.

Atque ut à Veteribus incipiamus, primus, cujus contra Gentiles scripta extant, est *Justinus Martyr*, initio Philosophus Platonius, quum verò nec in hac, nec in reliquis Philosophorum sectis acquiesceret, Christianus.

factus, pro Christianâ fide libros plures scripsit, & tandem à Crescente, philosopho Cynico, accusatus, quem ἀφιλόσοφον & φιλόκομην appellat, ad martyrium ductus, & à Rustico præside securi percussus fuit Romæ, anno Domini CLXIII. Etiam de se testatur, quod maxime ad fidem motus fuit visâ admirabili illâ & inconcussâ Christianorum pro religione suâ, in quibusvis calamitatibus, & ferendâ morte, constantiâ.

Hic pro fide, *adversus Gentes*, scripsit libros quatuor. In *Parænesi* ad Græcos, præcipuè Poëtas pertrahit, & eorum τῶν γελοιοτάτων ποιητῶν γερογνίων, præsertim ex Homero producens, quæ ille infanda, & propudiosa de Diis, eorum jurgiis, querelis, amoribus, perjuriis, pugnis & bellis affatim habet, πόσους ἄρ' ἐκ τῶν ὤρων θεῶν ἐλεῖ ξυνιόντων. Deinde quia sagaciores à Poëtis provocabant ad Philosophos, ut magis sanos & serios rerum suarum auctores, etiam hos aggreditur, ostenso primùm diverso illorum, de primis rerum Principiis, conflictu, Thaletis, Anaximandri, Anaximenis, Heracliti, Anaxagoræ, Archelai, Pythagoræ, Epicuri, Empedoclis, non omisis Platone, & Aristotele. Tum ad doctrinæ nostræ scriptores descendit, quos ostendit inter se de rebus suis non dissentire, & omnibus Poëtarum ac Philosophorum scriptis esse multum antiquiores, præsertim Mosem, cujus auctoritatem ex ipsis Græcorum monumentis confirmat, Polæmone; Apione, Ptolomæo Mendefio, Hellanico, Philochoro, item ex Castore, Thallo, Alexandro Polyhistore, Diodoro, præterquam ex Josepho, & Philone. Probat etiam, præcipuos Gentilium Magistros, Orpheum puta, Homerum, Pythagoram, Platonem, in Ægyptum peregrinatos, & reliquias sapientiæ Hebraicæ inde reportasse, quibus doctrinas suas exornarunt.

In *Oratione* ad Græcos brevior, turpitudinem Deorum profert, & exagitat: at in utrâque pro Christianis *Apologiâ*, de nostrâ agit doctrinâ & religione, ostendens, quàm indigna sit, ut propter eam Christianos odio habeant & persequantur: tum quam falsa, quæ in eos confinxerant Gentiles, & spargebant, crimina, de promiscuo inter se concubitu, cæde, & nescio quibus infandis facinoribus.

Libro de *Monarchiâ*, Dei unitatem, creatum ab ipso mundum, deducit ex ipsis Gentilium scitis & testimoniis. De libris autem *Quæstionum Christianarum*, ad Græcos; & *Quæstionum Græcarum*, ad Christianos; uti & *Epistolâ ad Diognetum*, quamvis iis de Gentilium rebus disputet, quia non existimant multi esse Justinis, nihil dicimus: censuram alibi dedimus, de *Theologiâ Patrum*.

Athenagoras, Justino coævus, & quoque Philosophus antea Atheniensis, Christianus factus luculentam scripsit *Apologiam*; quâ imprimis vulgaras illas & famosas in Christianos jactas à Gentilibus calumnias refellit, de ipsorum impietate, Thyestæis epulis, & promiscuo coitu; tum & egregiè perstringit illorum Deos. Librum item fecit de *Resurrectione mortuorum* contra Gentiles, quo illius veritatem abunde vindicat & tuetur: legitur in *Orthodoxographis*, & *Bibliothecâ Patrum*.

Theophilus, Antiochenæ Ecclesiæ episcopus a. CLXXII. perscripsit ad *Autolicum*, Christianæ religionis calumniatorem strenuum, libros tres: quorum primò probat Gentilibus Deum, & creatum ab ipso mundum, ejusque providentiâ regi & gubernari: tum adversus ipsorum Deos disputat, quod & facit libro secundo, ubi & V. T. exponit historiam: at tertio instituta inter Gentilium & Christianorum doctrinam comparatione, hujus præ illâ commonstrat dignitatem & præstantiam: simul & tritas diluit calumnias, de quibus est, ut aliquem loquentem audiamus. Sic ergo *Theophilus*: *Φασκόντων ὡς κοινὰς ἀπάντων εἶσας τὰς γυναῖκας ἡμῶν, Ajunt enim nostras uxores esse communes, & promiscuo concubitu nos uti criminantur. His accedit, quod crimini nobis vertunt, quasi nec à propriis sororibus nobis temperemus, verum & has incesta libidine temerario ausu violemus. Istud præterea & crudelissimum & immanissimum est, quo nobis intendunt crimen dum impio ore garrunt, nos humanis vesci carnibus: nec cessant nostram religionem seu doctrinam maledictis incessere ut nuperam, & omni veritate vacuam, quam nec nos, si controversia exoriatur, satis luculentis demonstrationibus tueri possimus. Adhæc nostram doctrinam nihil aliud quam stultitiam esse & meras nugas cavillantur.*

Tatianus Assyrius, Justini Martyris discipulus, etiam antea Gentilis, sed ad fidem conversus sacrorum librorum lectione, contra Græcos scripsit *Orationem* doctissimam & elegantissimam, ubi & præceptoris sui faciens mentionem, inquit, ὁ Θεὸς ἡμῶν & Ἰησοῦς Χριστός: ostendit autem Græcorum sapientiam, quâ immodice gloriabantur, non apud ipsos natam, sed à Barbaris acceptam esse: per Barbaros intelligens extraneos omnes, non Græcos, quomodo & seipsum nominat Barbaræ Philosophiæ sectatorem, Ταῦτα ὑμῖν ὁ ἄνθρωπος ἔλαλινε ὁ καὶ Βαρβάρως Φιλοσοφῶν Ταπανὸς συνέταξα. *Hac vobis, ô Græci, Tatianus ego Barbaræ Philosophiæ sectator composui, natus in terra Assyriorum, & vestris primum studiis imbutus, deinde vero illis quæ nunc foverè me profiteor. Hæc in fine, ante dixerat, & qui Anacharsim Scytham non rejecit, nunc etiam non indignemini institui ab illis, qui*

Barbaram disciplinam sequuntur. Recipite dogmata nostra, & saltem nos dicentes audite, uti divinationem apud Babylonios, vel saltem uti quercum vaticinantem auditis. Tum etiam collatione factâ inter nostram & Græcorum doctrinam, illam & meliorem & antiquiorem docet, quanto Moses, universæ Barbaricæ Philosophiæ auctor, Homerum Poëtarum & Philosophorum apud Græcos principem, antecedit; antecedit & Linum, Philammonem, Thamyridem, Amphionem, Musæum, Orpheum, quem monet Poëmatum, sub ejus nomine legi solitorum auctorem non esse, sed alium, Onomacritum Atheniensem; addit & Epimenidem Cretensem, Aristæum Proconnesium, Horum, Samium, quibus, quamvis Homero antiquioribus, Moses tamen longe præcellat & sit anterior.

Clemens Alexandrinus, circa a. cxcii. scripsit Protrepticon ad Gentes, & libros Stromatum, quasi stragularum seu varie contextorum vestimentorum diceret, & veræ Philosophiæ, uti ipse loquitur, Commentarios: quibus nescio an accuratius, & doctius res ac religionem Gentilium exponat, an confuter. Certe ex nullis Auctoribus, ne quidem Gentilium ipsorum, melius, quæ ad sacra vel Philosophiam Gentilem faciunt, ediscas, quam ex eruditissimis & elaboratissimis istorum Patrum scriptis. Neque tantum Gentilium doctrinas & instituta convellunt, sed & veritatem doctrinæ Christianæ ingerunt, pro communi ferè omnium, adversus illos scribentium, methodo.

Hæc Patrum Græcorum sunt. Latinorum primus Tertullianus qui extat, sub Severo principe, & Antonio Caracallâ, composuit circa ann. cxcix. insigne & laudatissimum Apologeticum ad Gentes; præter libros ad Nationes, à Gothofredo primùm editos. Juxta alia, id vehementer expostulat, quod Christianorum nomen innocuum exponeretur vulgi odio, & magis hoc quod appellarentur, quam quod essent Christiani, Gentiles insectarentur, non cognitum, non examinatum antea, imo cognitionem rerum declinabant, ne non odisse possent. Quid enim iniquius, inquit in Apologia, quam ut oderint homines quod ignorant? etiam si res meretur odium. Tunc etenim meretur, cum cognoscitur, an mereatur. Intelligere potestis, non scelus aliquod in causa esse, sed nomen. Bonus vir Cajus Sejus, sed malus tantum, quod Christianus.

Minutius Felix, incertum quo tempore vixerit, alii Tertulliano æqualem faciunt, qui obiit a. ccxvi. alii Frontoni Oratori, qui sub Antonino Pio vixerit, & proinde collocant ad a. clxx. propterea quod Frontonem obiter memorans, dicat, sic de isto & tum Fronte, non ut affirmator testi-

*monium fecit, sed convitium ut orator adpersit. Quæ nequetalia sunt, ut non utrumque & tempus & auctorem attingere Minutius potuerit. Quamvis & quem Frontonem designet, etiam ambigatur. Non verò dubito, quin post Tertullianum vixerit, à quo nonnulla videtur mutuatus. Cypriano an anterior fuerit, quod visum Wowero, Trithenio, Rigaltio; an posterior, quod Baldunio placet; incertum. Coævum dicere, nil vereor: quamvis propter Hieronymum, qui in Catalogo Scriptorum Ecclesiasticorum fere ordinem temporis etiam servat, præponam Cypriano: quem quidem etiam alibi post Tertullianum & Cyprianum nominat in Apologiâ ad Pammachium, sed, ubi non necessaria erat temporis cura, & forte veritus fuit discipulum Cyprianum à Magistro Tertulliano divellere. Paria multa habent Minutius, in Dialogo; & Cyprianus in Tractatu, de idololatriâ. Quin neque omnino respuendum, quod Woverius indicat, esse qui Cæcilius Minutii, putent eundem esse cum Cæcilio Cypriani, à quo hic cognomen accepit. Primus verò, qui errorem detexit libri hujus adscripti Arnobio, pro octavo suorum adversus Gentes, & non Octavio, fuit doctissimus præcedenti sæculo I. C. Balduinus, a. c. 1519. quando Minutium, cum Prolegomenis suis, Heidelbergæ edidit; qui cum reliquis in Auctorem notis, & commentariis doctissimorum virorum editis nunc à doctissimo pariter, & prioribus suo merito adjungendo Jacobo Ouzelio, amico Clarissimo. Etenim Arnobius duntaxat libros septem, non octo fecit; & expressissime Minutium Felicem, Octavii auctorem memorant Hieronymus, & Lactantius. Est verò Octavius, vel Octavii hominis Christiani disputatio cum Cæcilio ethnico, autore Minutio, insigni Romæ caufidico, tantâ refertus eruditione, ut Hieronymus, in epist. ad Magnum, dicat, *quid gentilium Scripturarum dimisit intactum?* Cæcilius tuetur, *omnia in rebus humanis dubia, incerta, suspensa: magisque omnia verisimilia, quam vera esse.* Tum providentiam negat, & adscribit omnia fortunæ: *quod si mundus divina providentia, & alicujus numinis auctoritate regeretur, nunquam mereretur Phalaris & Dionysius regnum; nunquam Rutilus & Camillus exilium, nunquam Socrates venenum.* Deinde & vulgares in Christianos calumnias iterum profert: eorum stupra scilicet & incestus; quod caput asini venerarentur, & sacerdotis colerent genitalia; quod humano sanguine & carne vescerentur, ac nescio quæ non: denique resurrectionem mortuorum in Christianis ridet & impugnat, vocatque per contemptum, religionem eorum anilem superstitionem. Ad quæ singula Octavius diligenter ac copiose respondet, eo felicius quo ipse Ethnicus*

cus olim eadem crediderat, quæ nunc in aliis confutabat: *nobis ipsis penitentibus credite: & nos enim idem fuimus, & eadem vobiscum quondam adhuc cæci & hebetes sentiebamus: quasi Christiani monstra colerent, infantes vorarent, convivia incesta miscerent.*

Origenes, ob invictum animi robur, & indefessam diligentiam Adamantius & Chalcenterus dictus, atque Alexandriae martyr obiit a. cci. die Aprilis xxii. adversus *Celsum* calumniatorem, qui libros suos titulo *Verorum Sermonum* φιλαληθῆς prænotabat, exaravit libros octo, in fidei Christianæ defensionem. Quorum primo meminit Tatiani, ejusque Orationis, supra nobis memoratæ, & autores adducit de Mosis antiquitate perhibentes testimonium. Adfert & Erippum, in primo de Legumlatoribus dicentem, quod Pythagoras Philosophiam suam ab Judæis accepit; inque idem, Hecataei historici librum, de Judæis. Libro secundo, ubi vindicias Jesu instituit, ab Adversarii calumniis, ex propriis Gentilium scriptis eos confutaturus, Phlegonem profert, in libro de temporibus attestantem, Tyberii Cæsaris tempore, quando Christus crucifigebatur, admirandum in modum solem obscuratum, & gravem terræ motum contigisse. Sic & sequentibus libris Origenes, tum Christi, tum Mosis, & Scripturæ divinæ, adversus Celsi convitia, præstat se egregium & cordatum defensore ac patronum.

Jam Cyprianus, Tertulliani discipulus, suadente presbytero Cæcilio, à quo & cognomen Cæcili sortitus est, Christianus factus, &, erogatâ omni in pauperes, quod Hieronymus scribit in Catalogo, substantiâ, episcopus Carthaginensis atque pro fide martyrium passus a. cclviii. adversus *Demetrianum* scripsit, in Christianos omnium malorum, quibus orbis concutiebatur, causam, ob neglectum Deorum cultum, conjicientem: *Sed enim cum dicas plurimos conqueri, quod bella crebrius surgant, quod lues, quod fames sæviant; quodque imbres & pluvias serena longa suspendant, nobis imputari; ultra tacere non oportet, ne jam non verecundiæ sed diffidentiae esse incipiat quod tacemus, & dum criminationes falsas contemnimus refutare, videamur crimen agnoscere.* Quod idem argumentum postea tractarunt Arnobius, Lactantius, Augustinus, & Orosius: atque ante illos attigit quoque Origenes, in Matth. xxiv. Tract. xxviii. & Tertullianus, in Apologetico: prætexentes sane ad odii defensionem illam quoque vanitatem, quod existiment omnis publicæ cladis, omnis popularis incommodi Christianos esse causam: *si Tiberis adscendit in mœnia, si Nilus non adscendit in arva, si cælum stetit, si terra movit, si fames, si lues, statim, Christianos*

ad

ad leonem. Hoc nempe statim Gentiles loquebantur. Apud Augustinum, l. II. de civit. Dei, c. III. *Pluvia defecit, causâ Christiani nominis.* Jam verò respondet Cyprianus: *non enim sicut tua falsa querimonia & imperitia veritatis ignara jactat & clamat, ista accidunt, quod dii vestri à nobis non colantur, sed quod à vobis non colatur Deus.* Indignamini indignari deum, quasi aliquid boni male vivendo mereamini, quasi non omnia ista quæ accidunt, minora adhuc sint & leviora peccatis vestris. &c. Et miraris in pœnas generis humani iram Dei crescere, cum crescat quotidie quod puniatur? Nec dicatis mala accidere, quia dii vestri nobis non colantur, sed satis esse hanc iræ dei censuram, ut qui beneficiis non intelligitur, vel plagis intelligatur. Contrà in mundi senectutem, & appropinquantem ruinam causam transfert defectuum, qui in mundo observantur: *qua in parte (quia ignarus divinæ cognitionis & veritatis alienus es) illud primo in loco scire debes, senuisse jam mundum, non illis viribus stare quibus prius steterat, nec vigore & robore eo valere, quo antea prævalebat.* Hoc etiam nobis tacentibus, & nulla de scripturis sanctis prædicationibusque divinis documenta promentibus, mundus ipse jam loquitur, & occasum sui rerum labentium probatione testatur, non hyeme nutriendis seminibus tanta imbrium copia est, non frugibus æstate torrendis solita flagrantia est. Hæc Christianis imputas, quod minuantur singula mundi senectute? De quo argumento nunc non est dicendi locus. Atque suis, nempe Christianis, mox addit, *viget apud nos spei robur, & firmitas fidei, & inter ipsas seculi labentis ruinas erecta mens, & immobilis virtus, & nunquam nisi læta patientia, & de deo suo semper anima secura.*

Scripsit Idem de idolorum vanitate libellum egregium, quo & Gentilium Deos false ridet atque exagitat, & unum Deum & Christum prædicat: *Si autem aliquando dii nati sunt, cur non hodie quoque nascuntur? nisi forte Jupiter senuit, aut partus in Junone defecit. Cur vero deos putas pro Romanis posse, quos sæpius videas nihil pro suis adversus eorum arma valuisse? Romanorum autem vernaculos deos novimus: est Romulus pejerante Proculo Deus factus & Picus, & Tyberinus, & Pilumnus, & Consus, quem Deum fraudis, velut consiliorum Deum, coli Romulus voluit, postquam in raptum Sabinarum perfidia pervenit. Deam quoque Cloacinam Tacius adinvenit & coluit, Pavorem hostilius atque Pallorem, mox à nescio quo Febris dedicata. & Acca, Flora, meretrices, hi dii Romani.* Iterum de suis aureo hoc epiphonemate concludit: *quod est Christus, erimus Christiani, si Christum fuerimus secuti.*

Arnobius Afer, sub Diocletiano Principe, adversus Gentes, seu Na-

tiones edidit libros septem, adhuc catechumenus, dum Siccæ in Africâ Rhetoricam docebat, & somniis, uti Eusebius in Chronico auctor est, ad complectendam fidem impelleretur, Episcopis, difficulter credentibus, veram & sinceram hominis mundo & inanibus declamationibus assueti, esse conversionem; ut persuaderet, libris istis scripsit contra pristinam religionem, quibus veluti quibusdam obsidibus baptismum haud ægre impetravit. Scripsit sub an. ccc l i. nam ita ipse lib. i. *trecenti sunt anni ferme, minus vel plus aliquid, ex quo cœpimus esse Christiani, & terrarum in orbe censeri*, & lib. ii. *ante trecentos annos*, inquit Adversarius, *religio vestra non fuit*. Scribebat autem ea occasione, quâ & alii inter Christianos, quod ipsis à Gentilibus omnium malorum, quæ eveniebant, imputaretur causa, quasi ob neglectum Deorum cultum, eumque translatum in Christum illis indignantibus: *postquam esse in mundo Christiana gens cœpit, terrarum orbem perisse, multiformibus malis affectum esse genus humanum: ipsos etiam cœlites derelictis curis solemnibus, quibus quondam solebant invisere res nostras, terrarum ab regionibus exterminatos*. & pag. 3. *quid est istud, quod dicitur inventam esse labem terris, postquam religio Christiana intulit se mundo, & veritatis absconditæ sacramenta patefecit?* In quâ primum depellendâ calumniâ, & retorquendâ, tum exagitandâ veteri superstitione, docte & eleganter, denique exponendis rebus Christianorum, totus est. *Nil sumus aliud*, inquit, *Christiani, nisi magistro Christo summi Regis ac Principis veneratores: nihil, si consideres, aliud invenies in ista religione versari*. Hæc totius summa est actionis: hic propositus terminus divinatorum officiorum, hic finis.

Firmianus, qui & Lactantius dictus, ob lacteam in dicendo suavitatem, Arnobii discipulus, totidem ac Magister, adversus Gentes libros composuit septem, præterea & alios, quos Hieronymus recenset, & Honorius Augustodunensis. Scripsit illos, quo tempore Nicomediæ Rhetoricam docebat, ac penuriâ discipulorum, ob Græcam videlicet civitatem, uti Hieronymus auctor est, ad scribendum se composuit: quod & ipse his testatur, lib. v. *ego quum in Bithynia oratorias litteras accitus docerem, contigissetque, ut eodem tempore Dei templum everteretur, duo extiterunt ibidem, qui jacenti atque abjectæ veritati, nescio utrum superbius, an importunius insultarent*, Hieroclem intelligit, & Porphyrium, quorum hic tres libros evomuit contra religionem, nomenque Christianum, alter ille composuit libellos duos: non contra Christianos, ne inimicè insectari videretur, sed ad Christianos, ut humane ac benigne consulere putaretur, in quibus ita falsitatem

Scri-

Scripturæ Sacræ arguere conatus est, tanquam sibi esset tota contraria. Illis autem commotus Lactantius ad scribendum pro Christianis se dedit. Hi ergo, de quibus dixi, cum præsentem me, ac dolente, sacrilegas suas literas explicassent: & illorum superba impietate stimulatus & veritatis ipsius conscientia, & (ut ego arbitror) Deo, suscepi hoc munus, ut omnibus ingenii mei viribus accusatores justitiæ refutarem, non ut contra hos scriberem, qui paucis verbis obtineri poterant, sed ut omnes, qui ubique idem operis efficiunt, aut effecerunt, uno semel impetu profligare. Inciderunt autem hæc in annum ccc. i.

Atque animadvertens, tum quæ alii ante ipsum in hoc argumento præstiterant, tum quæ ipse desideraret, istâ facundiâ rem Christianam tractavit, ut nemo disertius, & cum Tullio comparari non modò, sed æquari mereatur, si non præponi, & non immerito censuerint multi, hunc Autorem pueris terendum in scholis esse, ut ejus unius lectione, castigatis nonnullis, quod etiam in aliis fieri necesse est, simul & Christianæ fidei rudimenta, & Latini sermonis elegantiam, atque fabularum gentilium, quibus oppidò magis quam decet, adolescentum animi nunc imbuuntur, vanitatem, addiscerent.

Vide, quæ carpat in Minutio, quæ in Tertulliano, quæ item in Cypriano, lib. v. cap. i. *Ex iis, qui mihi noti sunt, Minutius Felix, non ignobilis inter causidicos loci fuit. Hujus liber, cui Octavio titulus est, declarat quàm idoneus veritatis assertor esse potuisset, si se totum ad id studium contulisset. Septimius quoque Tertullianus fuit omni genere literarum peritus, sed in eloquendo parum facilis, & minus comptus, & multum obscurus fuit. Ergo ne hic quidem satis celebritatis invenit. Unus igitur præcipuus & clarus extitit Cyprianus, quoniam & magnam sibi gloriam ex artis oratorie professione quæsierat, & admodum multa conscripsit in suo genere miranda. Erat enim ingenio facili, copioso, suavi, & (quæ sermonis maxima est virtus) aperto, ut discernere nequeas, utrumne ornatior in eloquendo, an faciliior in explicando, an potentior in persuadendo fuerit. Hic tamen placere ultra verba, sacramentum ignorantibus non potest, quoniam mystica sunt, quæ locutus est, & ad id præparata, ut à solis fidelibus audiantur. Denique à doctis hujus sæculi, quibus forte scripta ejus innotuerunt, derideri solet. Audivi ego quendam hominem sane disertum, qui eum immutata una litera Cyprianum vocaret, quasi quoddam elegans ingenium, & melioribus rebus aptum, ad anileis fabulas contulisset. Quid si accidit hoc ei, cujus eloquentia non insuavis est, quid tandem putemus eis accidere, quorum sermo jejunus est, & ingratus: qui neque vim persuadendi, neque subtilitatem argumentandi, neque ullam prorsus acerbicatem adre-*

vincendum habere potuerunt? Quidquid sit de iudicio ejus & censurâ, quam in Autores illos stringit, id verum est, quod hic significat, ad ingenium Adversariorum & Gentilium, cum quibus, & quocunque tempore agitur, attemperandam disputationem esse, & videndum, ne quid in defensione rei, quam suscipimus, justè queant desiderare. Eodem in libro, cap. iv. *Quamquam Tertullianus eandem causam plene peroraverit in libro, cui Apologetico nomen est: tamen quoniam aliud est, accusantibus respondere, quod in defensione, aut negatione sola positum est, aliud instituire, quod nos facimus, in quo necesse est, doctrinæ totius substantiam contineri, non defugi hunc laborem, ut implem materiam, quam Cyprianus non executus est in eâ oratione, quâ Demetrianum, sicut ipse ait, oblatrantem, atque obstrepentem veritati, redarguere conatur, quia materia non est usus, ut debuit: non enim Scripturæ testimoniis, quam ille utique vanam, fictam, commentitiam putabat, sed argumentis, & ratione fuerat refellendus.* Nullibi verò mentionem facit sui Arnobii, quod indicio est, eodem tempore illum scripsisse, ut ejus libros videre nondum potuerit.

Cæterum Lactantius, primum quidem totus est in profligandâ Gentilium superstitione, & ostendendâ errorum origine, duobus primis libris; deinde & Philosophorum falsâ sapientiâ, libro tertio: unde pergit ad religionem Christianam defendendam, lib. iv. & Christianorum vitam, adversus rabiem & injustitiam persecutorum, libro quinto: quod superest, ultimis libris, de vero Dei cultu, ejusque præmio seu beatâ vitâ, prosequitur. *Vir, inquit Eusebius, in Chronico, omnium suo tempore eloquentissimus, sed adeo in hac vitâ pauper, ut plerumque etiam necessariis indiguerit, nedum deliciis.* Extremâ senectute Magister Cæsaris Crispi, filii Constantini, in Galliâ constitutus fuit.

Eusebius Pampbili, sic denominatus à Pamphilo martyre, Cæsareæ Palæstinæ episcopus, scripsit ad ann. cccxxx. de *Preparatione Evangelica* libros xiv. quibus iter ad Evangelii veritatem præparat, ut loquitur, illis, qui à Gentilismo ad Evangelium accedebant: quibus digne præparatis, aliis *Evangelicæ demonstrationis*, Christi & Evangelii veritatem explanat. Prioribus, adversus variam falsamque Gentilium Theologiam, egit: de Phœnicum, Ægyptiorum, Græcorum, Atlantorum, Phrygum Theologiâ, & arcanis eorundem mysteriis, exagitans tam religiosam, quam naturalem ipsorum Theologiam: quippe duplex omnis Veterum de Theologiâ doctrina fuit, vel ad cultus & religionem Deorum; vel per explicationem mysticam ad Philosophiam naturalem. Utrumque

Chri-

Christianis Scriptoribus examinandum fuit. Disputat autem, tum ex ipsis Gentilium, adversus eos, opinionibus; tum ex scriptorum inter eos nonnullis monumentis, quæ, absque eo foret, ignoraremus, jam vero in fragmentis apud ipsum, magnolitterarum usu, leguntur. Verùm dum bene quidem ostendit, pleraque & potissima alios à Græcis, Græcos à Judæis accepisse, & qui inter Philosophos præstantissimi, certatim Ægyptum petiisse, ut inde monumenta Mosaicæ ac Judaicæ doctrinæ haurirent, latius aliquando provehitur, à Philosophis quoque agnitam aliquatenus S. Trinitatem, attamen acceptam traditione à Judæis, contendens. Quod quidem minus aliquantum, quam quod alii ex naturâ & ratione mysterium illud Gentilibus cognitum asserunt; attamen & illud quoque ex nimio, sive erga veritatem, sive Gentilium Philosophiam, affectu potius, quam rei veritate dictum habeo. Quò etiam faciunt, quæ de Dei verbo substantiali, de tribus hypostasibus, de generatione Dei æternâ, ex Platone, & Platonice eruit, libro *Præparat. xi. cap. x.*

Quemadmodum verò in libris Præparationum, adversus Gentiles; ita in aliis, *Evangelicarum Demonstrationum*, adversus Judæos disputationem instituit. Ibi Gentilismum profligat, quo everso, animoque à Paganorum superstitionibus soluto, & ad doctrinam Euangelii recipiendam nunc præparato, veritatem ac divinitatem Christi & religionis pergit demonstrare.

Porro *lib. 3. cap. 9.* adducit testimonium Porphyrii, infidelis, & Adversarii Christianorum, ex libro, de Philosophiâ selectorum, ubi Christo honorificum perhibet testimonium, dicitque, religiosum fuisse, & in cœlum subvectum, ejus animam, propter egregiam sapientiam, honore illo affectam, & in cœlesti campo collocatam, ab ignorantibus Christianis coli, *ipse igitur pius, & in cœlum, ut pii solent, subvectus.*

Quem Eusebius servavit ordinem, ut primum tomum Præparationis Evangelicæ scripserit adversus Gentiles, & alterum Demonstrationis, pro veritate Christi, & religionis Christianæ; eundem tenuit *Athanasius*, ad a. cccxl. oratione primum *contra idola*; inde alterâ, *de incarnatione Verbi*. In initio libri, vel orat. de incar. *Quem Judæi quidem, inquit, in jus vocant, Gentiles irrident, eum nos supplices adoramus, ut magis ex manifestata Verbi humilitate major atque auctior in ipsum surgat nostræ devotionis affectus. Eo enim majus habet sue divinitatis testimonium, quo magis apud infideles irridetur.* In priore hoc habet singulare, quod non tantum contra idola agat, sed & præcipua, quæ pro iis moveri possunt argumenta, ponat ac
con-

confutet. Quemadmodum, quod excipere solent, ludibria Deorum suorum quæ narrantur, non veras historias, sed figmenta esse inanium Poëtarum; quodque dicunt, haud immerito videri coli mundi naturam, & partes, quæ tantorum bonorum homini causæ sunt &c. ad quæ prolixè respondet.

In posteriori *de Incarnatione Verbi*, quo utriusque libri ostendat juncturam, exorditur ab illo, quo finierat primum, quodque ibi quasi attigerat: *Satis quidem in his, quæ præmisimus, de execrabili errore & superstitione Gentilium diximus, quo pacto scilicet initio simulachra inventa sunt, quodque ex malitiâ homines hujusmodi sibi nefarium instituerunt cultum. Sed & pauca per Dei gratiam de Paterni Verbi deitate significavimus, deque illius in omnibus providentiâ atque virtute, ut scilicet solus bonus Pater per ipsum cuncta disponat, & omnia moveantur ab ipso, & in ipso vivificata latentur. Age nunc Macari fidelissime, quæ sunt reliqua videamus, ac religiosa devotione de incarnatione Verbi, deque divino ipsius adventu ad nos, pro viribus differamus.* Unde nil ultra dubitamus, quin uterque liber eodem pertineat, sitque, quod Hieronymus significat, primus & secundus contra Gentiles, neque necesse fuisse diverso utrumque titulo prænotare. Agit hic in antecessum de creatione, quam adversus Epicuræorum, & Platoniorum sententias tuctur; deinceps de Verbi incarnatione, ejusque ad nos, in corpore, adventu: tum de præstantiâ & divinitate Christi, æque adversus Judæos, ac Gentiles.

Julius Firmicus, circa a. cccl. ad Constantinum, & Constantem, Augustos, librum fecit *de Mysteriis, & Erroribus profanarum Religionum*: ubi tam ridet vanas Gentilium superstitiones, atque idola, quam confutat interpretationem illorum per rationes physicas: ut quod Ægyptii aquam, Phryges terram, Assyrii aërem, denique Persæ ignem, aliis nominibus & mysticis sacris coluerunt. Quod & Athanasius fecit, in Oratione ad Gentiles. Tum Deorum nefanda vitia & scelera exagitat, eorumque qui illos colunt, dementiam. Ut verè dicere potuerit, quod *semina pene omnium scelerum à Diis suis peccantium turba collegit.* Et ut perditus animus impunè facinus posset admittere, ex præcedentibus facinorum exemplis majore sè autoritate defendit. Dixerat, *si Dii sunt, quos colitis, cur eos lugetis? cur eos annuis luctibus plangitis? si lachrymis & luctu digni sunt, cur eos divino honore cumulat is? Unum itaque è duobus facite, aut nolite eos lugere si Dii sunt: aut, si luctu eos dignos putatis ac lachrymis, Deos eos appellare nolite, ne luctibus ac lachrymis, vestris, majestas divini nominis polluat.* De sacris Liberi, Profer-

serpinæ, Attis, & Osiridis loquitur. Denique per Ægyptiorum Serapin, Josephum Patriarcham, Ægypti, tempore famis, servatorem, intelligi docet, & Serapin dictum, quod Saræ esset pronepos, Græco sermone quasi Σαργὸς πατρὸς: quamvis alii aliam ejus nominis ostendant derivationem: de quo videndus Woverius in Notis ad Auctorem.

Gregorius Sasimorum primò, tum Nazianzenus, episcopus, Hieronymi præceptor, & a. ccc. lxxxix. obiit, in *Serluteuticis* Orationibus, vel invectivis adversus Imp. Julianum, Gentilium cedos errores atque idolatriam mascule impugnat, præcipue in priori, ubi historiam Juliani pandit; dumque ejus apostasiam exponit, & castigat, simul etiam vanitatem Gentilismi, & Idolorum & Poëticæ, & Philosophicæ detegit, ac perstringit. Oratione alterâ gesta Juliani porrò pertexit, & mortem ejus narrat, quodque diu ante, quam hominem ejusque indolem attentius introspexisset, de eo vaticinatus fuerit: *ô quale malum Romanorum alit respublica!* quod quamvis præfagissem, inquit, precatus tamen etiam sum, ut vates fierem falsus.

Aurelius Prudentius, vir consularis & insignis admodum Poëta, a. cccxc. scripsit *Apotheosim*, seu hymnum in infideles, sed brevem: verum in duobus contra Symmachum, virum valde disertum, libris eò est plenior, quod *nemo desertior* illo Symmacho haberetur, qui post in tuto collocatam Christianorum religionem, turbare eam, & scriptis impetere eloquentibus summo studio annitebarur:

*Credebam vitiis ægram gentilibus urbem
Jam satis antiqui pepulisse pericula morbi,
Nec quicquam restare mali, postquam medicina
Principis immodicos sedarat in arce dolores.
Sed quoniam renovata lues turbare salutem
Tentat Romulidum, patris imploranda medela est,
Ne sinat antiquo Romam squallere veterno.*

Atque in secundo adversus Symmachum, ejus semper dicta carmini suo præfigit, quibus pro Diis suis, eorumque honore acerrime pugnabat. Quare in præfatione inquit:

*Hactenus & veterum cunabula prima deorum,
Et causas, quibus error bebes conflatus in orbe est,
Diximus, & nostro Romam jam credere Christo.
Nunc objecta legam, nunc dictis dicta refellam.*

Cæterum profligato per tot tantasque Veterum disputationes Gentilismi

mo remotior, converſis quoque, ad fidem & deſenſionem ejus, Imperatoribus, rarius ſcriptum à Chriſtianis adverſus Gentiles fuit, operaque Scriptorum quaſi diſtracta contra hæreticos.

*Sic nunc poſt hyemem, vimque truciſ freſi,
Quo jactata ratis tunc ſapientia eſt,
Cum ſub ſacricolis territa regibus,
Vix paſſo poterat currere carbaſo.*

uti loquitur Prudentius: neque tamen deſuerunt, qui in Paganifimi reliquias calamus ſtringerent, eumque porro penitus confoderent.

Inter quos & *Johannes Chryſoſtomus*, qui a. cccvi. r. in exilio obiit, adverſus Gentiles librum ſcripſit, ſeu in *Babylæ* Martyris acta & mortem commentarium, quo teſtatur imminutum Gentilium numerum & vim: *Quod ſi quis dixerit ſupereſſe etiam nunc civitates, eandem quam olim ſuperſtitionem circa idolorum inſaniam præ ſe ferentes, is primum admodum paucas numerabit.* Narrat etiam lamentum aliquod Sophiſtæ pro *luco Daphnes*, cœlitus incenſo, cujus cauſa in *Babylam* Martyrem, & præſens ejus ſepulcrum conjiciebatur: *Quale ô Jupiter laborantis animi laxamentum perdidimus? quàm Daphnes regio tumultibus vacua erat? quanto etiam templum ipſum magis vacuum? utpote in quo natura ex ſeſe quaſi portum in portu fecerat, ambobus quidem admodum tranquillis, altero tamen majorem tranquillitatem præſtante. Quis non ibi mortem? quis non ibi timorem? quis non ibi luctum poſuiſſet? quis præterea fortunatas inſulas inibi deſideraſſet? Adeo diſfertis & magnificis verbis ſolebant res Deorum ſuorum declamitare. Quibus reſpondet ordine Chryſoſtomus.*

Adverſus Gentiles præterea librum ſcripſit, probans, quod *Chriſtus eſt Deus*: at quomodo? non ex S. Scripturis, quas Gentiles repudiant; ſed ex eo, quod omnes ſciunt, & diffiteri nemo poteſt, quod Chriſtianorum genus Chriſtus plantavit, quod omnes ubique per orbem eccleſias fundavit, divinæ potentiæ ſplendidiffimum argumentum; neque ad id armis uſus, aut bello, ſed per humilem, at ſimul efficacem, Evangelii ſui Prædicationem, à paucis, neque iis nobilibus, aut ſophiſtis, ſed ſimplicibus viris, bonis, & abjectæ ſortis. Veræ certe atque adorandæ divinitatis magnum indicium. *Primum autem cum gentibus nobis certamen ineundum. Dicet enim utique gentilis: Unde manifeſtum, quod Chriſtus eſt deus? Ante omnia igitur hoc præſtruere oportet, & ſponte ſequentur alia omnia. At non à cœlo petenda demonſtratio, neque ab aliis id genus. Nam ſi ad gentilem dixerò, creavit cælum, vel terram, vel mare: non me feret: Incredulus enim eſt.*

est. Si dixerò, Mortuum excitavit, cæcos curavit, dæmones fugavit: neque hoc accipiet. Denique si dixerò, quoddam regnum & ineffabilia bona promiserit, hoc non solum non credet, sed & ridebit. Unde igitur illum, maxime si idiota est, instituemus? Non aliunde quam ab his, quæ inter nos & illum confessæ sunt, & quæ in dubium revocare nequit. Nam quoddam cælum fecit, & alia quæ dicebam, non sustinebit ut sibi nunc suadeantur. Quæ igitur sunt quæ & ille fecisse Christum confitetur, & non contradicit? Quoddam Christianorum genus plantavit Christus. Neutiquam enim contradicet, quod omnes undè quaque ecclesias orbis Christus fundarit. Hinc faciemus demonstrationem virtutis Christi, & ostendemus ipsum Deum. Etenim non est puri hominis, in tantis rebus, orbem terræ, marique, tam brevi tempore comprehendere, & tam absurdis moribus præventum, tantisque malis irretitum liberare humanum genus: & non Romanos tantum, sed & Persas, & omne (ut sic dicam) barbarorum genus. Insuper quod hæc confecit, nullis usus armis, nullos faciens sumptus, nullos movens exercitus, nulla prælia committens, sed per undecim viros principum, ignobiles, viles, rudes, idiotas, pauperes, nudos, persuasit tot hominum tribubus: idque non præsentibus solum, sed & futuris. Quid? quot subvertit leges patrias, abolivit consuetudines inveteratas, evellit stirpes tanto tempore radicatæ, & pro illis suas alias implantavit? Abduxit ab his in quæ propensi eramus, & in ardua & difficilia induxit.

Augustinus, Hipponensis in Africâ Episcopus, qui in obsidione Hipponis suæ à Vandalis, tertio mense obiit a. ccccxxx. die xxvi. Augusti, postquam Roma à Gothis Vandalisque, sub Rege Alarico, vastata erat, & calamitatem illam Pagani Christo ac Christianis exprobrarent, in vindictam videlicet contemptorum Numinum: cur calumniantur temporibus Christianis, ideo dicentes urbi accidisse illam calamitatem, quia Deos suos colere destitit? 1. de Civit. Dei, c. xv. Unde ortum vulgare proverbium refert, l. i. c. iiii. pluvia defecit, causa Christiani. Quocirca Augustinus causam Christianorum suscipiens, scripsit de Civitate Dei libros viginti & duos, mundum totum in duas dividens partes, bonorum & malorum, fidelium & infidelium, illam Dei civitatem, quæ Ecclesia est, hanc Diaboli appellans. Atque primis decem libris adversus Gentiles, eorumque tum superstitiones, tum falsas criminationes; reliquis duodecim pro doctrinâ Christianâ disputat, eamque vindicat strenuissimè. Perplexæ quippe sunt istæ duæ civitates in hoc seculo, invicemque permixtæ, donec ultimo iudicio dirimantur, inquit, lib. i. cap. xxxv.

Ab initio falsè ridet splendidam Romanorum fatuitatem, qui Diis Trojanis,

janis, semel misere devictis, suam urbem & felicitatem committebant custodiendam, scil. qui seipsos servare minimè potuerant: *Victos Penates, victosque Deos* Virgilius dicere non dubitat;

Sacra, suosque tibi commendat Troja Penates.

Jam, inquit Augustinus, *quæ dementia est, existimare his tutoribus Romam sapienter fuisse commissam, & nisi eos amisisset, non potuisset vastari? immo vero victos Deos tamquam præsidēs ac defensores colere, quid est aliud, quam tenere non numina bona, sed dæmonia mala?*

Et libro tertio ostendit, quantas clades ac infortunia passi fuerint etiam olim Romani, sub Gentilismo, antequam ipsis Christus aut annunciatum aut notus erat, graviora quidem, quam à receptâ Christi fide: ut non inde calamitates temporum derivandæ sint, quod non colerentur Dii, quum eadem & graviora illos presserint, quantumvis Diis haud segniter cultis.

Libros priores tres quum edidisset (videtur enim per partes illos composuisse) non defuerunt, qui ex Paganis se opponerent, iisque pararent responsum: de quibus in fine libri quinti loquitur: *Tres priores cum edidissē, & in multorum manibus esse cœpissent, audiui, quosdam nescio quam responsum scribendo præparare. Deinde ad me perlatum est, quod jam scripserint.*

Quum verò undecimum adornaret, *Paulum Orosium* discipulum suum, qui Hispanus natione Africam petierat, Augustini audiendi causâ, hortatus fuit, ut eâdem de causâ, quæ ipsum incitavit ad scribendum suos de Civitate Dei libros, nempe ut calumnias Gentilium, quibus in Christianos, ob neglectum Deorum, culpam occupatæ & devastatæ à Gothis Romæ, conjiciebant, repelleret, *Historiam* contexeret, quâ ostenderetur, quantis non bellis & calamitatibus jactatus semper orbis, ac Romanum imperium fuisset, sub omni retro Gentilitate: quare hic istius argumenti composuit a. cccix. libros septem, qui in Ms. quod est Bibliothecæ Ultrajectinæ, titulum gerunt, *de cladibus & miseriis antiquorum.*

Atque ita vidimus præcipuos primorum sæculorum Scriptores qui ex professo Religionis Christianæ veritatem, contra Gentiles, tutati fuerunt: illis nempe sæculis, quibus cum Gentilismo coram concertandum fuit, utpote ex quo Ecclesia colligebatur. Neque bruto solum affectu, & armis adversi Christianis erant Gentiles; sed sermone & scriptis disertis ac subtilibus fatis, pugnabant pro aris & Diis suis: adversus quæ & voce & scripto vicissim defendenda fuit Christi Religio, atque solo docendi modo & virtute propaganda. Tempus illud fuit primorum quinque sæculorum, dua-

duabus distinctum periodis, primâ usque ad *Constantinum* Imperatorem, qui Christianæ Religioni templa aperuit, & patrocinium commodavit publicæ potestatis; inde ad *Julianum*, qui à Christianismo, sædo & horribili lapsu deficiebat ad veterem paganismum, & sic expulso & represso vires reddebat ac vitam. Post quod etiam superatum scandalum, non tantum negotii Ecclesiæ cum Gentilibus fuit, ac quidem cum domesticis hæreticis. Et mirum videre est in antiquis illis Scriptoribus, quomodo literatam Gentilitatem, quæ armata sæculi & Philosophorum eruditione erat, profundâ & meliori literaturâ expugnarint. Ut non aliunde melius sive de doctrinâ Gentilium, sive ejus vanitate instrui queas, ac ab illis, quibus quotidianum cum Gentibus commercium, & studia apud ipsos posita, illam rerum suppeditabant copiam & usum, quem apud eos cum stupore observes, & justius, quam alibi, discas. Nec vetera tantum exposuerunt & tractarunt, sed quæ novi Scriptores suis quoque temporibus pro Gentilismo, & contra Christum, adferebant. Uti Theophilus Autolyicum, Minutius Cæcilium, Origenes Celsum, Cyprianus Demetrianum, Porphyrium Apollinarius, sed qui hodie non extat; alii Symmachum, vel Julianum, & suos, quos non nominat, non minus autem habuit, Lactantius, alii alios, inopia assertorum veritatis incitatos ad eam scriptis impugnamdam. Nam primis illis temporibus, dominante Gentilismo, plures hic habuit patronos, quam antagonistas. Quod Lactantius significat, l. 5. cap. 1. *Ergo quia defuerunt apud nostros idonei. peritique doctores, qui vehementer, qui acriter errores publicos redarguerent, qui causam omnem veritatis ornate, copioseque defenderent: provocavit quosdam hæc ipsa penuria, ut auderent scribere contra ignotam sibi veritatem.* Postmodum verò magis cum hæreticis conflictandum Ecclesiæ Christi fuit. Quippe grave, & impossibile Diabolo videbatur, cum Gentilitate suâ expulso, quiescere: quare aliâ viâ adoriendam Ecclesiam, ejusque fidem putavit, excitatis cominus adversariis, in ipso scilicet Ecclesiæ gremio, variarum hæresium auctoribus; denique & domesticis *ψευδολογούς*.

CAPUT SECUNDUM.

De recentioribus & modernis scriptoribus adversus Gentiles.

AB Antiquis ergo Scriptoribus, quos *Patres* nuncupamus, factò transitu omnium fere sæculorum, quibus ab hisce disputationibus feriæ
M 3 viden-

videntur fuisse Ecclesiæ, ad *nostra* accedo tempora, vel nostris proxima. Ab anno quingentesimo, ad quingentesimum, supra millesimum, integro fere millenario parum vel nihil fere hoc in argumento scriptum reperias, si excipias fortè unum *Thomam Aquinatem*, qui scripsit Summam contra Gentes, & obiit An. m cc lxxiv. Nonis Martii, in Monasterio Fossæ Novæ, prope Terracinam, quo tempore Neapoli, ubi docebat, evocatus erat à Gregorio x. ad Concilium Lugdunensè, cum Græcis disputaturus de processione Spiritus S. aliisque articulis, cujus acumen & eruditionem in istis desiderabat Papa. Sed moriebatur in itinere, annos demum natus quinquaginta, in numerum Sanctorum relatus à Johanne xii. Istam verò Summam contra Gentiles scripsit, præter famosam Summam Theologiæ, totaliorum Summis & commentariis postea auctam, ut si non Theologiæ, at laboris certe & studii Monachalis summam appellare meritò possis. Summa autem hæc contra Gentiles, melius inscribenda fuerat Theologia naturalis: adeo totus disputat unice de rebus Theologicis, ex ratione rationali, ad Gentiles non magis, quorum nullam fere facit mentionem, quam ad suos Scholasticos. Neque iudicium probo, verius adulationem, Johannis Baptistæ Egnatii, cui Summam hanc Thomæ conferenti, cum veterum, Tatiani, Apollinaris, Tertulliani, Firmiani laboribus contra Gentiles, videntur isti oleum & operam, quod dici solet, perdidisse. Opus aliàs in se doctum & elaboratum, atque commentariis illustratum Francisci Sylvestris: qui huic operi intentum fuisse Autorem opinatur, quando ab Ludovico Francorum Rege exceptus convivio, ad mensam, tamquam ex profundo somno experrectus, manu mensam percussit, exclamabat, conclusum esse contra Manichæos; & ad socium conversus dicebat, surge & scribe. Quamvis Bzovius scribat, Annal. Tom. xii. mensæ Cardinalis Legati assedisse, quo tempore volumen istud contra Gentiles elaborabat, & simile fere passum, ac illud quod ad Regiam mensam ipsi evenisse, referunt.

Raimundus Sebon, vel de Sebonde Theologus & Philosophus Hispanus, Raimundus Sabeide, scribit in Catalogo, de Scriptoribus Ecclesiasticis, Abbas Trithemius, & claruisse ait temporibus Sigismundi Imperatoris, & Eugenii Papæ, Ann. m cccxxx. confecit *Theologiam naturalem*, vel lib. Creaturarum sive de homine: quem in Gallicum transtulit Michaël Montaigne, filius, & inscripsit Patri; nuper in compendium contractus & editus à Comenio. In quo Auctor acute ex rebus creatis adscendit ad probandum tum Deum, tum divina: sed revera largius sibi indulgit, quam pro-

probare queam, dum singulos, & maximè supranaturales quoque fidei articulos ex eodem naturalis demonstrationis filo deducere & probare conatur: ut in Deo Sacrarum Personarum Trinitatem, generationem Filii: quod ulterius corrumpit interpres Gallicus, qui in argumento capitis XLVI. illam vocat alterius naturæ creationem; ex creatione quidem argumentetur; at non ut ad aliam creationem; gravis enim hic error foret in Theologo. Eodem pede pergit ad singula Religionis capita, de Angelis, eorum lapsu, de Christi incarnatione, morte, de Sacramentis Ecclesiæ &c. ex naturali semper ratione disputans, magis laudem acuminis, quam soliditatis promeritus.

Hieronymus Savanorola, Ferrariensis, vir, quod etiam hostes ejus testantur, sæculo suo maximus, *declamator ardentissimus, & multarum litterarum apprimè eruditus*, inquit Auctor additionis, ad Trithemium; nec modò litteratus, sed *magnæ apud litteratos omnes auctoritatis, Christianæ disciplinæ concionator egregius, admirabili omnino doctrinâ postquam Florentinum populum eò compulerat, ut ab Alexandro Pontifice Maximo, atque adeo ab Ecclesiæ Romanæ institutis dissentiret*, verba sunt Jo. Pierii Valeriani, de Litteratorum infelicitate, lib. II. publice in foro Florentino, cum fociis, combustus fuit. Ille quoque *Triumphum crucis* fecit, sive libros de veritate fidei quatuor: Christum sub symbolo triumphantis in curru exhibens, & ad currus imaginem omnia referens & tractans capita religionis: stylo supra quam in aliis scriptis, vel illo sæculo consuetum, diserto: quod in Prologo fassus, *consuetæ simplicitatis nostræ metam, paululum in hujus operis stylo transgredimur*.

Omitto *Petrum de la Cavalleria*, Hispanum, cujus extat *Zelus Christi* contra Judæos, Sarracenos, atque Gentiles, cum notis Martini Alphonfi Vivaldi, a. c. ccccl. cujus meminimus, in lib. *contra Judæos*.

Anno mccccxcix. obiit *Marsilius Ficinus*, Florentinus, præclarus Philosophiæ Platoniciæ sectator & columen, qui scripsit *de Religione Christianâ*, & fidei pietate opusculum, adversus Infideles, Judæos, Muhammedanos, & Gentiles, ad Laurentium Medicem, cujus, ut familiæ istius progenitorum, tum Patris Petri, tum avi Cosmi, erga se liberalitatem in præfatione valde deprædicat. Impressum primò Argentorati An. MDVII. denuò Ann. mdcxvi. Bremæ, accurante, qui etiam notas addidit, Doctore Ludovico Crocio. Maxime autem pro Christianâ religione agit, eamque exponit & confirmat quantum ex Gentilibus, aliisque fidei Adversariis potuit.

Ludo-

Ludovicus Vives de Veritate religionis Christianæ, libros conscripsit quinque, in quibus primum adversus Gentiles disputat, tum cæteros infideles. Et prudenter atque acutè ex ratione colligit ea, quæ sibi sumit probanda: *naturali luce verum indagabimus, quando hæc sola inter nos & repugnantes relicta est, tamquam via, qua insistamus ad aliquam vestigationem veritatis.* Sed tamen etiam plus æquo ei concedit, quando hæc scribit lib. 1. *quandoquidem Deus in humanos animos de sua luce lucem derivavit, etiam post naturæ casum tantum reliqui fecit nobis, quantum si conservaretur & excoleretur, profecto in via nos siferet salutis.* Cæterum de Trinitate quum loquitur, agnoscit primum, ex ratione non constare, sed postquam revelata à Deo est, tutò eà explicari & defendi quoque posse. *Hoc nulla unquam hominis ratio, nullum judicium, nullus mentis vigor esset per se consequutus, Christus edocuit. 1. 11. & mox, antea quam veritatem eam Christus retingeret, neque veritatis, neque rationum venisset ulli unquam hominum in mentem: sed postquam veritatem à cælesti, seu potius magistro Deo accepimus, rationes se nobis cæperunt ostendere atque aperire.* Quamvis quas producit, parum nobis probentur. Aliàs eleganter & ingeniose hominem adducit ad Dei agnitionem, cultum, & beatitudinem in eo quærendam, hinc etiam ad alterius vitæ cogitationem & spem. Quippe ad vitam naturalem non tantâ opus mente vel intelligentiâ, quum & animantia eam degant absque ratione, & inter homines non minus fatui vivant, quam sapientes, neque minus perfruantur vitæ gaudiis, quin fere vitam hanc solam si spectes, juxta Græci illius effatum, in nihil sapiendo vita fit jucundissima. Quare in alium finem, & usum longe præstantiorem homini datam mentem, neque optime ei futurum, nisi fruatur re optimâ, & quæ implere amplitudinem desiderii ejus queat, colligit: Nihil autem implere desiderium ejus posse, præterquam solum Deum. Ergo in conjunctione cum Deo sitam esse summam ejus felicitatem. Cumque conjunctio cum Deo in hac vitâ non possit esse talis, quâ efficiamur beati, restare alteram vitam, in quâ illa sit, & obtingat homini, hic quousque vivit, misero. In cujusmodi collectionibus & argumentationibus Auctor satis est felix meo judicio, & perspicuus.

Ludovicus Granatensis dedit *Catechismum*, seu introductionem ad Symbolum fidei, in gratiam præcipuè infidelium Ethnicorum: vastum opus, nec inelegans, quod ex Hispanico in Gallicum transtulit Nicolaus Colinus: ad Granatensem verò pro editione suorum operum extat Breve Pontificium, Papæ Gregorii XIII. a. MDLXXXII. Quatuor partibus constat

Cate.

Catechismus, quinta quæ accessit postea, est ferè præcedentium repetitio aliqua, & explanatio: quibus primò de creatione mundi tractat, & creatorem ostendit Deum: atque integram ferè interjungit physicam, & explanationem hexæmeri; quæ ut alia similiter intermixta, parte secundâ (quâ de excellentiâ fidei & Religionis Christianæ disputat) longa Martyrum historia, deinde & miraculorum, neque satis probatorum, libri molem valde extendunt. Parte tertiâ de mysterio redemptionis, ex naturali lumine ostendit, quam conveniens tota illius œconomia sit, non tantum non contra rationem, sed & cum eâ mirum quam bene conveniens: quod per doctrinam de peccato originali, de hominum redemptione, per incarnationem filii Dei, & satisfactionem, multis & acutè declarat. Parte quartâ, de mysterio redemptionis differit ex principio fidei, sacrâ nimirum Scripturâ, & præcipuè Christum esse verum Messiam, adversus Judæos, demonstrat.

Philippus Mornas scripsit de *Veritate Religionis Christianæ* librum, Gallice primum, tum eundem, instigante eodem, qui scribendi illius auctor fuerat, Huberto Langueto, in Latinum convertit, adversus Atheos, Epicureos, Ethnicos, Judæos, Muhammedistas, & cæteros infideles. Ubi etiam, quod alii, ex ratione confirmat articulum S. Trinitatis: non quidem ex naturali ratione eum investigare, aut probare intendens, sed ex S. Scripturæ revelatione agnitum ex ratione quoque confirmat, & comprobatur. Unde & Trinitatis aliqua in mundo & in homines videtur sibi deprehendere vestigia: qualia observari posse credit, postquam aliquis ex Scripturâ de veritate illâ edoctus est, atque etiam apud præcos Philosophos eadem tradita, quem in finem nonnulla illorum profert testimonia, *cap. 6.* Quæ omnia malim præterire. Nam, utcunque sciam, longe distare, ex ratione per se probare Trinitatis mysterium velis, vel, ut non quidem prius & ex se per rationem, at re ex Scripturis assertâ, creditâque, eam quoque confirmare rationibus aliquot seu documentis ex naturâ petitis; existimo tamen nec hoc, neque illud commode fieri: quoniam mysterium illud adeo supra naturam est, & *οὐκ ἐν* supranaturalis revelationis, ut in naturâ nullum ejus vestigium, aut ratione naturali, ostendas. Nullum in mundo aut naturâ exemplar, utcumque trinum aliquod referens, ita Trinitatem Divinam exprimit, ut non tam possit trahi in partem fidei adversam, quam faventem: adeo vel non fundatur in verâ trinitate aliquâ, quodcunque hic adferri solet, vel non in trinâ subsistentiâ, quin diversam trium naturam multiplicemque arguat; certe non Trinitatem, cum summâ ef-

sentia simplicitate, qualis hic omnino creditur: illorum verò quodcumque etiam sumas, veritati plus obest, quam juvat.

Quid ergo, dices, repugnat naturali rationi, S. Trinitatis fides? minime vero: & hic ratio potest ostendere contra Adversarios, hanc non repugnantiam potius, quam cum eâ convenientiam: repellere quasvis falsas in contrarium ratiocinationes, & veritatem fidei & rationis vindicare hac parte licet, quia nimirum verum vero non potest esse contrarium, non vero ex ratione aut naturâ tamquam principio, disputare. Distingue ergo, aliud esse, rem ex ratione *probare*; vel si non probes, at ostensam aliunde, hinc tamen *confirmare*; vel neque hoc proprie, nec illud, sed simpliciter *defendere* cum ratione, ita ut nihil probationis argumentique hinc petatur, duntaxat adversus abutentem ratione, & falso ratiocinantem, ostendas ejus sophisticam, & tuearis veritatem.

Mysterium S. Trinitatis in Deitate, probari ex ratione nequit, neque etiam ostensum ex Scripturâ, ratione aliâ præter Scripturam, aut aliquo mundi vel naturæ documento defendi opus habet: sufficit rationi hoc assignemus operis, ut in suo sphæristerio, ubi & quousque rationibus contenditur, ratione rationem profliget, aut tutetur; atque ut ostendat, quomodo non sit contraria rationi fides. Quare quod ad testimonia, quæ ex Philosophorum & Ethnicorum scriptis pro adstruendâ Trinitatis doctrinâ adferri solent; vel ea proferuntur ideo, ut quis probet, ratione philosophicâ illos indagare & scire potuisse hanc de Deo veritatem; vel ut ex antiquâ traditione, & tandem ab Hebræis, uti constat, atque à multis copiosè probatum, pleraque sapientiæ, & præsertim Theologiæ Ethnicæ in Ægypto, ex monumentis doctrinæ Mosaicæ fluxisse: quorum illud, uti à verò alienum, rejicimus; hoc autem admitti potest: videndum verò, ne in omnibus minus certum solidumque, & pii affectus potius, vel erga Veteres, quam judicii sit argumentum, & sæpe vel non dicta ab illis talia sint, quibus adscribuntur; vel non in illum sensum, quem alii volunt. At verò non unus Pleseus est, quin vero vix aliquis ante eum, qui non argumentum illud retineat, pluresque post eum, & hodie eandem viam insistunt, qui sive ex ratione, sive ex testimoniis Gentilium veritatem Trinitatis commonstratum eunt, nostro quidem judicio, omnino frustra.

Petrus Charron, Gallicè scripsit de tribus veritatibus, *Les trois verites*, contra Atheos, Idololatrias, Judæos, & Muhammedanos, hæreticos & schismaticos: quorum facit quinque religiones in mundo præcipuas, *lib. 2. cap. 1.* non satis bene, uti ostendit ei Franciscus Junius, qui libris ejus

con-

continuum adjunxit censuram, *Confrontation*. Tres illas veritates ponit, quod tenenda sit religio, quâ unus adoratur, & colitur Deus; adversus Atheos, & Gentiles: Deinde quod vincit Christiana religio; hætenus bene: sed cæteras, Judaicam, Muhammedanam, cum Christianâ componere, tamquam species religionis, nimia est socordia. Denique ex Christianis, præfert Romanam; & in hujus gratiam quidem potissimum suos istos libros adornavit, cujus defensionem incumbit prolixissime, adversus Philippi Mornæi tractatum, *de Ecclesia*. Libro primo multis rationibus, adversus Atheos, probat Deum esse, tum naturalibus, five externis, ex consideratione mundi; five internis humanis, ex sensu & consensu hominum; tum supernaturalibus, ex Dæmonibus, miraculis, prædictionibus, &c. Deinde providentiam Dei multis argumentis, contra Epicureos: Et libro secundo variis probationibus excellentiam ostendit religionis Christianæ: Sed tertio omninò nugatur, pro Romanâ.

Hugo Grotius, quod argumentum primò linguâ vernaculâ tractarat verbis Belgicis, prosâ oratione quoque prosequutus est libris quinque, de veritate religionis Christianæ, ad Hieronymum Bignonium, quibus de Deo & religione, tum Christianâ differit, & veritate ac auctoritate Novi Testamenti: inde adversus Gentiles primum, deinceps adversus Judæos, denique Muhammedanos: commendatque Auctores ante se qui scripserunt, à Philosophicâ subtilitate Raimundum Sebundum; à Dialogorum varietate Ludovicum Vivem; & maximâ tum eruditione, tum facundiâ Mornæum. Postea & Annotationes in superiora edidit singulari libro.

Johannes Micrælius, Theologus Stetinensis, a. c. 1610. edidit *Ethnophronium*, contra Gentiles Dialogum, aut Disputationem, quâ præsertim loquitur, de animæ humanæ immortalitate: neque contra Gentiles modò, sed & Socinianos. Tum. lib. 2. de Deo, ejusque unitate, & lib. 3. de verâ religione.

Atque illi sunt, in Gentiles qui calamum strinxerunt sive olim, sive posteriori & nostrâ ætate, Græci, Latini, Patres, & Recentiores, quarumcunque linguarum, nationum, & sectarum, qui pugnarunt cominus, eminus, cum præsentibus, vel præteritis, apertis aut occultis, Gentilismi patronis & studiosis.

Alii sunt, qui non tam *Disputationem* adornarunt contra Gentiles, quam de iis scripserunt tamen & exposuerunt *consilium* vel modum cum iis agendi, de quo suo loco etiam loquemur, & ad argumentum hoc non minus spectat, quam illa.

Quales sunt, *Joh. Fredericus Lumnii*, in lib. *de Extremo Dei judicio & Indorum vocatione*, ann. c1510 lxxvii. ubi ostendere laborat, & Euangelii prædicationem ad omnes gentes certissimum signum esse adventus Christi instantis, & Indorum populum postremum esse qui convertatur ad Christum, ac tum fore finem: neque obstare Judæorum conversionem, quæ & unâ fiet, & brevi admodum peragetur tempore. Ad quæ non tantum applicat Matth. 24. 14. *& predicabitur hoc Euangelium regni in toto orbe, in testimonium omnibus gentibus: atque tum veniet finis.* sed quoque Jes. 18. 2. ex Vulgatâ versione; præter alia Veteris Prophetiæ loca.

Præ omnibus verò legi & commendari meretur *Josephus Acosta*, qui in Americâ inter Peruenſes diu vixit, & operi incubuit, *de procurandâ Indorum salute*, libris sex, Latinè primum, postea etiam Hispanicè. Qui hoc agit negotium, & sedulò instat, missis antiquis & ab usu hodierno remotis, etiam obviis rebus, quomodo Indi, præsertim Peruani tractari, & quibus rationibus ad fidem Christi converti queant. Quæ operi incommodent obstacula, quæ cavenda scandala, quæ vivendi & agendi cum illis optima sit ratio, exponens. Ut qui post ipsum idem tractarunt argumentum, ejus etiam operâ & observationibus usi fuerint atque adjuti. Inter quos est *Antonius Possevinus*, Biblioth. libro 9. ubi tractat de juvandis Indis. Atque libro decimo, de Japoniis differens, interferit prolixam dogmatum Japoniorum refutationem. Acosta autem, in Proœmio, *Immensum opus existeret*, inquit, *sigillatim de omnibus disputare; operæ pretium duxi, ut barbaris omnibus accommodatius scriberem, Peruensium maxime habere rationem.* Idque feci duabus ex causis, una quod hæ provincie mihi notiores essent, ut aliquid certius afferrem: altera, quod hoc Indorum genus veluti medium mihi inter cætera visum est, ex quo facilius veluti extrema judicari queant.

Acostæ adjungo scriptorem, hoc in argumento non utilem modò, sed fere necessarium lectu, *Thomam à Jesu*, Carmelitani Ordinis Monachum, qui etiam illius Acostæ tractatum appellat aureum, & omni eruditione plenum. Neque ex Ludovico Vive, quem *fuse & doctissime* hoc argumentum fatetur prosequutum; uti & Hieronymo Savanarolâ, quem *acute & erudite* egisse testatur, dubitat transferre complura in disputationem, quam contra Gentiles habet, libro undecimo. Scripsit libros 12. *de procuranda salute omnium gentium*, editos Antverpiæ ann. c1510 cxi. Qui ad argumentum istud præter complures Romæ Bibliothecas, præsertim Cardinalis S. Severinæ, qui animarum conversioni à Gregorio XIII. & Clemen-

te VIII. præfectus, plurima in hanc rem collegerat, multos insuper Ms. codices de Infidelium conversione ad fidem percurrisse se, & optimam inde pro hoc negotio selegisse methodum, scribit in Præfatione. Cujus Cardinalis Catechismus Generalem, antea non editum operi suo subjungit.

Præcipue attendi debet, atque à nobis expendetur suo loco, quod habet *lib. III. de Congregationibus erigendis, & instituendis Seminariis, ad propagandam fidem*: quorum aliqua in usu Romæ sunt, autore imprimis Gregorio XIII. qui magno ære cum alibi, tum in urbe Collegia erexit, Germanicum, Britannicum, Neophytorum, Græcorum, Maronitarum, &c.

Quibus addere licet, ob aliquam argumenti affinitatem, Philippi Roventii, præfati Ultrajectini Episcopi, Tractatum *de Missionibus ad propagandam fidem*, ann. c1515 cxxvi. Qui seorsim primò, denique & conjunctim editus unà cum Ejusdem libris de Republicâ Christianâ. Quamvis non tam ad infideles convertendos, quam hæreticos, uti vocat, in Belgio adeundos, institutus sit.

Inter Nostros, unus duntaxat, quod sciam, argumentum nostrum tractavit, qui & in Orientali Indiâ aliquamdiu egit, *Justus Heurnius*, Joh. fil. in Admonitione *de Legatione Evangelicâ ad Indos capeßendâ*: cujus exemplari & nos donavit aliquando, vir & doctus & impenſe pius, Ecclesiæ Buranæ, in Dioceſi Ultrajectinâ Pastor, ubi & obiit: qui nunquam, quod testatus aliquoties fuit, ex Indiis fuisset reversus, si eam fidem ac promittitudinem apud Politicos rerum moderatores ibi reperisset erga se, & scopum ac munus suum, quam negotii pondus postulabat. Qui & ejus sententiæ se ostendit, quod ante mundi finem, Evangelium apud omnes gentes sit prædicandum, c. 1. & quum laborabitur in adducendis ad Christum Gentilium reliquiis, quod tum Judæi, ex Gentilium illorum æmulatione, convertentur quoque, cap. 4. & pag. 166. scribit, *Israëlem tum convertendum esse, quum plenitudo gentium advenierit; ibique exordium conversionis eorum futurum, ubi adhuc Ethnicismus dominatur, cujus sinu decem tribuum reliquie forventur*. Hos statuit, cum Gentilium futurâ conversione illuminandos sacrâ veritate, uti Apostolorum ævo prior fuit tribus Jehuda ad fidem adducta: quin ex conversis Judæis fore, qui reliquis tribubus veritatem aliquando sint annunciaturi, sibi colligere videtur ex Hof. 6. 11.

Apud Anglos idem ostensurum se pollicitus quidem in libri titulo, *Imago mundi & regnum Christi, sive Regnum Lapidis & Montis, & Gentiles*

conversum, ac Judæos restitutum iri, *Joh. Yates*; sed quod titulo illi responderit, vel se dignum fuerit, nil attulit; ad regimen Ecclesiæ, nescio quâ occasione, non delapsus, sed sponte se accingens per totum librum, & pro Episcopis impotenter satis disputans, adversus Presbyteros, quos honoris ergo Puritanos passim appellat.

potius Infamia

Nec prætereundus Tractatus Belgicus *Johannis le Maire*, Concionatoris Amstelodamensis, qui prodiit ann. c. 1641. Astrum Gentilismi ad claram lucem Evangelii: ubi sub forma Catechesis Gentilem instruit ad amplectendam fidem Christi.

CAPUT TERTIUM.

De libris Sibyllinis eorumque autore, & Pæmandro Mercurii Trismegisti.

Quia verò ex *Sibyllis*, earumque testimonio, multi inter Veteres & recentiores, intrepide argumentantur pro veritate religionis & articulorum fidei, prætereundum non videtur, quid de illis statuere, & num ex iis quoque disputare debeamus.

Primus inter antiquos Sibyllina adduxit Justinus, in Apologiâ, adversus Gentes: quem sequuti reliqui, ad eandem quasi lineam, Athenagoras, Clemens, Tertullianus, Lactantius, Eusebius, Augustinus, alii. Neque aliquid aliud arbitror recentiores ad idem faciendum adduxisse, quam Veterum exemplum, quodque ex præjudicio alienæ autoritatis sequi solet, ne quidem inspectis, aut examinatis ipsis Sibyllinorum oraculorum, qui jactabantur, libris. Nuperos dico, Mornæum, Charronum, Ludovicum Vivem, Augustinum Steuchum, Joh. Wolfium, Crocium ad Marfilium Ficinum, Antonium Gubertum in Apologetico, Gentiletum, Montacutium, Micrælium; miror verò maxime, non alterius sententiæ fuisse Boxhornium, in Historiâ universali: mitto alios, qui vestigiis illis insistant, & Sibyllina argumenta, ceu vera, ceu oracula, adducere solent.

Magnus vir Josephus Scaliger fraudem Sibyllinam subolsfecit, detexit, castigavit, uti aliàs, ita in epistolâ ad Casaubonum, quæ inter epistolas ejus est lib. 11. epist. cxv. *Quid pseudosibyllina oracula, quæ Christiani Gentibus objiciebant, quum tamen à Christianorum officinâ prodissent, in Gentium autem Bibliothecis non reperiuntur?* Hinc jam Casaubonus, in Exercitationibus ad Baronium, non modo eandem sibi de scriptis Sibyllinis senten-

tentiam esse declarat, verum & argumentis nonnullis confirmat. Ut, hinc primo, quod contrarium Dei verbo videtur, mysteria fidei, qualia sunt de Deo uno, & sacrosancta Trinitate, de Verbo Filio Dei, de Christo nato ex virgine, de ipsius Passione & cruce &c. Gentibus clarius fuisse proposita, quam Israëlitis, peculiari Dei populo, quem suamet ipsius, & Prophetarum voce Deus erudiit. Deinde, quandoquidem se Sibyllæ antiquiores Mose faciunt, sequeretur, quod longo tempore antequam Lex per Mosem populo Dei tradita, manifestata jam fuissent religionis arcana Gentilibus, iisdemque sæpe verbis, quibus in N. Testam. longo adeo tempore post fuerunt expressa. Tertiò, quod apud Platonem, Aristotelem, Theophrastum, & tot alios è Paganis, curiosissimos omnium disciplinarum scrutatores, eorum, quæ hodie apud Sibyllas miramur, nullum penitus extet vestigium. Postremò, quod primis Ecclesiæ temporibus extitere quam plurimi, qui facinus palmarium judicabant, cœlestem veritatem figmentis adjutum ire, quo facilius videlicet nova doctrina à Gentium sapientibus admitteretur. Ex quo fonte uti manarunt tot libri apocryphi, quantumcunque à priscis Theologis sæpissime citati, laudatique; ita & libros illos, quos vulgo æstimant pro Sibyllinis, censet. Hæc Casaubonus. Adversus quæ nihil prorsus adfert quod quempiam morari possit, Andreas ille Eudæmon Johannes, qui Casaubonum allatravit, non refellit, in *Castigat. Exercit. lib. I. cap. 5.* Pseudepigrapha quoque censet Capellus contra Rosweydam, cap. II.

Nuper argumentum hoc copiosè, eruditè, atque solidissimè discussum à celeberrimo viro, Davide Blondello, tractatu Gallico, *des Sibylles*: qui lectu dignissimus tum propter diffusam eruditionem, quâ & alia antiquitatis Ecclesiasticæ simul explanantur, tum accuratam ac plenam hujus rei tractationem.

Atque cum eo statuo, non uti Casaubonus, *multa fuisse inserta carminibus Sibyllinis, ad veritatis Christianæ confirmationem*; sed totum scriptum, quantum est, quod quidem hodie extat, & in Eruditorum versatur manibus, esse supposititium, sub Sibyllarum nomine ab aliquo, quamvis vetusto, & Christiano auctore, male confarcinatum editumque, ex piâ (uti volunt) fraude, pro causa Christianæ religionis, quo apud Gentiles, auctoritate oraculorum, quæ semper summæ venerationis fideique iis fuerunt, potentius commendaretur: sed consilio pessimo; neque enim ulla vel minima falsi specie veritas probari aut persuaderi amat. Quare nihil commune cum Veteribus Ethnicorum Sibyllis habere nostras illas, minus easdem esse, existimo.

Quo

Quo autem integrè de tota re judicetur, non negamus, antiquissimas illas & famosas Veterum, seu Romanorum, seu aliarum Gentium Sibyllas aliquas extitisse, quamvis nesciamus pro certo affirmare, quot, aut quales fuerint; cæstro percitas, & vaticinandi spiritu, quali Dæmon solet aliquando homines, aut Vates suos corripere creditur, saltem opinione ista apud Gentiles valuisse: sed quæ cantarunt, aut dixerunt, medullam & fundamentum superstitionis ac idololatriæ Ethnicæ continebant, quare ex his petebatur, quis Numinibus cultus, aut ritus vel placandis vel honorandis impendendus esset. Unde & sacri flamines illorum libris asservandis & custodiendis præpositi, primò Duumviri, postea decemviri, denique quindecimviri.

Aliqui putant, unam tantum Sibyllam fuisse, sed quæ à variis variè denominetur, & hinc plura sortiatur nomina, pro ratione scribentium etiam varias regiones. Alii duas, vel tres, vel quatuor, plerique decem faciunt. Ita libros à Sibylla Cumanâ Tarquinio oblatos recensent alii novem, & bis ternos combustos, servatis venditisque eodem precio, quo omnes ante licitata fuerat, sed risa repudiataque à Rege, reliquis tribus; alii tres, atque ex iis combustos duos, uno solo redempto. Quidquid ejus sit, constat, post custodita diu Sibyllina carmina in templo Jovis Capitolini, & sub terrâ quidem in arcâ lapideâ, attamen cum incendio Capitolii, quod evenit anno urbis DC LXXI. absunta, hinc Legatos à Senatu quaquaversum missos oracula repetitum quæcunque Sibyllinorum usquam reperirent, eosque cum ex aliis Italiæ urbibus, Asiaque, tum potissimum ex Erythræâ multos versus retulisse, quibuslibet promiscue oblatos descriptosque, sed qui fidem sui ut facere nequiverunt, ita neque accepti habitique eo loco, quo priores libri, fuerunt, quum farrago potius viderentur quorumcunque fatidicorum scriptorum, quæ pro Sibyllinis se supponebant, non ipsa. Unde postmodum & censura haberi librorum Sibyllinorum cœpit, & multi ceu falsi atque adulterini ex illorum numero ejecti.

Præcipuam de Sibyllis historiam breviter habet Lactantius, atque ex M. Varrone, quam legere est Institutionum ejus libro primo, cap. 6. Ne alios dicam, qui de Sibyllis permulti egerunt, earumque nomina & vaticinia summatim exposuerunt, quales Sixtus Senensis, in *Bibliotheca*, lib. II. Possevinus, in *Bibliothecâ*, lib. de Poëticâ, & in Apparatu. Et quando Cornelius Tacitus, Annal. lib. 6. Tiberium refert increpassè Caninium Gallum Quindecimvirum, quod librum aliquem Sibyllæ sibi repertum inter ceteros ejusdem Vatis, non autem eo quo decebat more, recipi pos-

stulasset, dubitat, una, an plures Sibyllæ fuerint. De Augusto Suetonius, in ejus vitâ, cap. 31. *Quidquid fatidicorum librorum Græci Latinique generis, nullis vel parum idoneis auctoribus vulgo ferebatur, supra duo millia contracta undique cremavit: ac solos retinuit Sibyllinos: hoc quoque delectu habito: condiditque duobus forulis auratis sub Palatini Apollinis basi.* Sub arctâ & religiosa sacerdotum custodia servabantur, neque cuiquam illos introspicere, aut consulere licebat, nisi ex Senatusconsulto. Nam inde tum in Republica, tum religione scita petebantur, quæ utcumque sua autoritate confirmabant, aut turbabant & innovabant. M. Tullium Duumvirum, scribit Valerius lib. 1. cap. 1. quod culeo insutum in mare abjici jussisset Rex Tarquinius, ideo, quod librum Sibyllinum Petronio Sabino dedisset describendum. At isti fuerunt Veteres Sibyllarum libri.

Hodie quos habemus, Christianis visos lectosque & olim, & nunc, ii constant octo libris, qui & seorsim excusi, & inter Orthodoxographia, atque etiam in Bibliotheca Patrum Tom. 1. edit. Colonienfis, & Tom. 8. Parisiensis, extant. De Græco hexametro in Latinum hexametrum eos transtulit & annò 1546. Basileæ edidit Sebastianus Castalio.

Queritur nunc: Num hi libri octo carminum, seu oraculorum Sibyllinorum, sint antiqui illi Veterum Sibyllarum, apud Gentiles, præcipuè Romanos, tantopere celebratarum, custoditarumque, & θεόπνευστοι, sive per Dei Spiritum inspirati, & consignati? Sunt qui affirmant, ii que multi, qui putant, quod apud Israëlitas Moses ac Prophetæ; hoc apud Gentiles fuisse Sibyllas: ut nempe hoc pacto Deus etiam Gentilibus veritatem, atque religionem prædicari curarit. Qui negant, pauciores sunt. Plures his, qui distinguunt, & non quidem omnia, aliqua tamen supposititia censent, cæterum multa quoque Veterum Sibyllarum, sive veræ, sive falsæ Vates fuerint, oracula nostris hisce contineri, illa præsertim, quæ pro fide & veritate religionis Christianæ ex illis à Patribus, aliisque adducuntur.

Corruptelam inesse, utcumque pro earum fide & autoritate cæteroquin stat, Possevinus quoque agnoscit, & cum eo alii. Inter Remonstrantes, Auctor *Gymnasii Ultrajectini cap. 61.* Joh. Georgius Dorscheus, Augustanæ Confessionis Theologus, lib. *de Admirandis Christi*, & alii complures.

Nos verò multis adducti rationibus in eam devenimus sententiam, quæ simpliciter negat, libros nostros Sibyllinos esse vel antiquarum Gentilium Sibyllarum, vel θεόπνευστοι: statuimus verò, sub antiquis Sibyllarum no-

minibus hæc conficta & supposita à quopiam maleferiato Christianæ professionis homine fuisse, ut sub tali mangonio & specie apud Gentiles, Sibyllinorum semper avidissimos religiosissimosque, tacite rem Christianam faceret hoc commendatiorem, quod eam in suis Archivis clare & prolixè expositam reperirent.

Quin olim etiam fraus notata, exprobrataque Christianis, à Gentilibus, fuit: quo minus illis Sibyllinis, uti suis, Gentiles acquieverint. Hinc apud Origenem Celsus Christianos per ludibrium Sibyllistas appellat, qui *Sibyllam vatem putant*, lib. v. & lib. vii. apertius ait, appolita & afficta Sibyllinis à Christianis esse permulta, vel sub Sibyllarum nominibus edita & commendata: *Dein nescio quo pacto*, inquit Origines, *hic voluit, ut Sibyllam potius Dei filiam diceremus, quam Jesum: decernens vel hujus scriptis adscripsisse nos multa. & maledictis referta.* Credo quod in ansam exprobrandi sumferit Celsus, de Sibyllâ pro Dei filiâ quasi habitâ, quod videret Christianos in probandâ causâ Christi ad Sibyllas, ut vates, quæ de Christo tam aperte scilicet concionatæ, crebro provocare.

Constantinus, in Oratione, ad cœtum Sanctorum, apud Eusebium, lib. ult. de ejus vitâ, super vaticiniis Sibyllarum de Christo, addit τὰς πάλαιος ἔανθρῶπων ἀμείβην. Quodque multos dicit illud suspicatos, benè notat Casaubonus, non de Paganis solis accipi debere, sed etiam de Christianis viris eruditis & judicii limatioris, quibus de fraude subolebat. Indeque est, quod Augustinus, lib. xviii. de Civit. D. cap. xlv. sic loquitur: *nisi forte quis dixerit, illas Prophetias Christianos finxisse de Christo, quæ Sibyllæ nomine, vel aliorum proferuntur.* Et cap. seq. postquam fluctuasset in suo de Sibyllis judicio, *non incongrue creditur fuisse & in aliis gentibus homines, quibus hoc mysterium revelatum est, & qui hoc etiam prædicare impulsi sunt, si ve participes ejusdem gratiæ fuerint, si ve expertes, si ve per malos Angelos docti sint, quos præsentem Christum, quem Judæi non agnoscebant, scimus fuisse confessos.* ac tandem concludit: *sed quæcunque aliorum prophetiæ de Dei per Christum Jesum gratiâ proferuntur, possunt putari à Christianis esse confictæ.* Rem acu tetigit.

Quapropter haud adeo novum & temerarium videri debet, quod re uberius nunc exploratâ, & veritate, quæ temporis filia non sine ratione dicitur, in apertum productâ, Sibyllinorum librorum falsitatem aperte arguimus, idque multis & certis argumentis, tum libris istos octo Sibyllinos, quos habemus, non continere antiquarum Sibyllarum oracula, sive,

sive, non verè esse Sibyllinos, falsoque istud nomen præscribere; tum non esse divinæ vel revelationis, vel authoritatis.

Auctores librorum vel carminum horum faciunt se Vates, Spiritu Prophetico arreptas, Θεοπνύστες, Sibyllas, easque vetustissimas, quin ipso Mose antiquiores, Noachi primam sobolem, videlicet ejus nurum. In initio libri primi,

*Aggredior primo generis mortalis ab ævo,
Usque ad supremum divinè pandere cuncta,
Quæ fuerint mundo, quæ sint, quæ deinde sequantur.*

Ἀρχεὶς ἐπ' ἐξατίησι θεοφιδύσω τὰ ἔκαστα,
Ὅσσοι περὶ γέρονεν, πόσσι δ' ἔσσει, ὅσσοι δὲ μέλλει
Ἔσσει δὲ κόσμῳ.

Se prophetaturam dicit: quidquid ad mundi usque finem eventurum sit. Et in libri secundi medio, atque etiam fine:

Verum jam singula pandam,

Quæ mala sint homines passuri quasque per urbes.

Et libro tertio, atque ita passim, agi se à Dei Spiritu, & excitari ad promenda vaticinia, ait. Hæc se Erythræam nominat & Babylone oriundam quidem, sed Græcis vaticinantem, Dei summi prophetissam, Sibyllam, à Noacho prognatam, atque ejus nurum: οἰστρομαντῶ, θεοφιδύσαν, σίβυλλαν, μαινομένην, Θεῶν μεγάλῃ δὲ θεοφῆν. De Noë,

Τὴ μὲν ἐγὼ νύμφη, καὶ ἀφ' αἵματός αὐτῆς ἐπύθην.

Atque libro quarto quæ loquitur, similiter Sibyllam se vocat, & audire populum vult,

dicit quæcunque Sibylla,

Veridicas sancto fundens ex ore loquelas.

σιβύλλης

Ἐξ ὅσῃς σήμερον φωνῶ θεοχέοντος ἀληθείᾳ.

Lib. v. de Cumâ, ubi Sibylla Cumana:

Κύμη δ' ἡ μῶρε σὺν νάμασι ποῖς θεοπνύστις.

Cuma autem demens cum tactis numine Lymphis.

Deum ibidem ait,

Τερετῶρε θεῶν πάντων θεοπνύτων.

Libro octavo:

Ipse mihi Deus hæc sibi decreta omnia dixit,

Perficietque meis quæ sunt dicta omnia verbis.

Tantum in eo fitum arbitrabatur quicumque hæc confinxit, sit lectores

crederent illas esse θεοπνεύστους, ut tam sæpe hoc repeteret, pluries, quam Prophetæ, qui extra omnem ambiguitatem à spiritu divino acti fuere, vel alii scriptores sacri hoc de se testati fuerunt.

Sed distinctè singula colligamus, quæ adversus istos five libros, five auctores aut Sibyllas suppetunt falsi plurima argumenta. Primum ergo non esse θεοπνεύστους, ita evinco. 1. Quia à spiritu actos se jaçant adeo vehementer, ut extra se positæ, sui ultra non fuerint compotes, neque sensus ipsis & mens constiterit, aut sciverint, quid proferrent. Quod indicium est, non inspirationis divini spiritus, qui non privat Prophetas usu sensuum aut rationis consueto; sed documentum raptus maniaci, vel Diabolici, atque ejus, qualem in prophetiis & extasibus Montani hæretici, suorumque vetus Ecclesia olim condemnavit. Initio libri secundi præfatur:

Corpore tota stupens trahor huc, ignara quid ipsa

Eloquar: ipse sed hæc mandat Deus omnia fari.

Nunquam autem Deus sic corripit Vates suos, ut mens turbetur. Corripit quidem, ut mens elevetur ad contemplanda cœlestia & divina, sed intelligebant semper quid agerent, & sæpe ad objectas vel visiones, vel Dei effata, dum Spiritus patiebantur inspirationem, optimè sui compotes, ad singula respondebant. Contrarium est hominum cæstro furentium, & insensatorum, qui à Dæmone turbantur ac rapiuntur extra se, & mentis sensuumque suorum usum:

Οὐτ' ἔμοι μοίσιχα Νῆξ' φρενὸς ἤλασεν εἶπω.

Hic mihi verberibus mentem quatit acribus intus.

Uti loquitur nostra libro quarto. Quare libro tertio Deum precatur, ut paulum temperet à vi, quæ ipsi, dum numine agitata, fiebat.

Ut mihi divino requieta à carmine mens est,

Orabam magnum genitorem, vis ut abesset.

Sed mihi suggestit vocem sub pectora rursum,

Perque omnes terras præcepit vaticinari.

Unde etiam se insanam μαννομήλω habitam ab hominibus, in fine libri testatur.

Deinde probō, non divini spiritus esse nostra Sibyllina, quia, non solum nimis crebro jaçant divinam inspirationem, qua concussæ fuerint, sane multo crebrius, & majori cum fastu, anxie videlicet, ne fidem impetrarent, quam unquam hoc egerunt veri Dei Prophetæ: quin & sibi adscribere, quæ nec Vates, neque homo ullus arrogare ausit, videlicet rerum fere omnium notitiam, usque ad numerum hominum, arborum, foliorum, astro-

astrorum, piscium, etiam arenarum, quem se exploratum habere splendide, & crasse mentiuntur. Quæ libro octavo loquitur:

Οἶδα μόχλους γαίης, καὶ πάταρον ὑδροχόου
 Καὶ πρεσβίων ὄντων τε, καὶ ἰσχυμένων, νεκρῶν τε,
 Οἶδ' ἀεθμὺς ἄστρον, καὶ δένδρεα, καὶ πόσα φύλλα,
 Τετραπόδων νηκτῶν τε καὶ ὀρνιθῶν πεπελιῶν.

*Novi ego arenarum numeros, mensumque profundum,
 Tellurisque sinus, tenebrosa que tartara novi,
 Quot fuerint homines, quot sint, quot deinde futuri,
 Astrorum numeros, stirpes frondesque quot usquam:
 Quot sint quadrupedes, quot pisces, quotque volucres.*

Tertio, quomodo divini illi libri habeantur, qui immiscent multa profana, & Veteris idololatriæ & superstitionis nomina, sermonem, ritus, adeoque formam exprimunt? Unde passim hic legas multa de Jove, Junone, Marte, Neptuno, Plutone, Erebo, Erinii, Mercurio, Phæbo, Nymphis, Vulcano, Acheronte, campis Elysiis, de bello Titanum contra Saturnum, lib. 3.

*Pugnaruntque inter sese, Saturnus, & ipse
 Titan. at Juno, Tellusque, Venusque coronis
 Gaudens, cum Vesta que Ceres, pulchra que Dione,
 Inter eos litem sedarunt.*

Defatis, & de Parcibus lib. 5.

*Tu quoque deplora tua tristia fata Corinthe:
 Nam cum te geminæ volvendo stamine Parcæ
 Nentes deducunt fallaciter aufugientem.*

Quarto, falsa quoque nonnulla continent contra Theologiam, & religioni Christianæ adversa. Libro primo faciunt Deum authorem mali:

*Postremò longè pejorem condidit, atque
 Planè illaudatam stirpem Deus, atque malorum
 Artificem, multò illis intolerabiliorem:
 Scilicet horrendos, fantes infanda, gigantes.*

Libro secundo ponunt reditum Eliæ Thisbitæ in mundum: quod Angeli Uriel, Saniel, & Azaël,

*Quæ mala quisque hominum patra verit ante scientes,
 E terris animas tenebris caliginis omnes
 Judicio sistent.*

Porro & igneo flumine tempore Judicii, quod omnes ingredi debent;

quoque alii purgabuntur, alii discruciabuntur, igne primum, tum rota flammea, & quod

Ter tantum solvent, quantum fecere malorum.

Blondellus inter alia, quatuor dogmata, seu errores capitales notat librorum Sibyllinorum. 1. descensum & detentionem omnium animarum in inferno, ad diem resurrectionis. 2. mundi ultimo die combustionem, quam ceu *Purgatorium* faciunt animabus & corporibus Sanctorum. 3. conservationem *Paradisi* terrestris, ut loci, in quo sancti post resurrectionem se sint oblectaturi. 4. Regnum temporale à Christo in hoc mundo erigendum *mille annis* ante diem iudicii. De quibus, ut & de iis, quæ inde sequuntur, oratione pro mortuis, *Purgatorio*, &c. eruditissimè ibidem disserit.

Quinto, etiam *futilia*, absurda, inepta multa referunt, certe spiritu divino, quin humana sapientia, & commendatione indigna. Libro primo *Adw* ita appellatum, quia eò primus descenderit Adam; libro secundo,

Nimirum Deus is finxit tetragrammaton Adam,

Qui primus fictus fuit, & qui nomine complet

Ortus, occasus, austrum, boreamque rigentem.

Quasi in Hebræo, uti in Græco, ad cuius litteras hic attenditur, esset tetragrammaton אדמ Libro tertio Homerus notatur, quasi sua ex oraculis Sibyllinis furatus:

Hic res Iliacas scribet non sicut habebunt,

Sed clare, verbisque meis utendo, modisque,

Primus enim volvet librorum scripta meorum.

Isque vel in primis ornabit belligerantes,

Hæctora Priamiden, & Achillea Peliona.

Adde quæ Blondellus collegit lib. 1. cap. 3. de Sibyllis.

Atque illa satis superque ostendunt, non esse scripta Sibyllina Θεόπνευστα, detrahendamque iis speciosam istam vestem esse, qua imponunt, dum pro divino scripto, quod inspirationis atque autoritatis supra humanam sit, veneunt, & commendantur.

Secundo loco facile est ostendere, neque esse illa eadem cum antiquis Sibyllarum oraculis, quorum Gentiles adeo religiosi custodes, cultoresque fuerunt. Ibi autoritatem, hic etiam *antiquitatem* Sibyllarum explo- dimus. Non sunt hæ nostræ adeo antiquæ, ac se faciunt, non Ethnicæ Vete- res, tantopere omnibus celebratæ. Fuisse aliquid ejusmodi Vatum, at

neutiquam à Dei spiritu actarum, sed vel à Dæmone, vel à mentis suæ phrenesi, non omnino negamus, incerta quamvis valde sit de illis historia: verum quæ habemus carmina Sibyllina, antiqua illa esse, quæ Ethnicis sacra fuerunt, nemo opinor, qui ista legerit, & vel leviter modò examinarit, in animum inducere poterit, ut statuât. Nempe si perpendimus:

I. Sibyllinos Nostros libros ex manifesta æmulatione complecti summam historiæ tum Veteris, tum N. Testamenti. Quorum illud iis non videtur convenire, quia sub V. Testamento erat ea Judæorum prærogativa, & περὶ πάντων super alias nationes, quod illis erant credita Dei eloquia. Rom. 3. 2. Quod Jacobo verba, & Israëlī statuta sua significabat Deus, non ita alteri cuiquam genti, Psalm. cxlvii. 19. 20. Non etiam N. T. historia illis convenit, quia sic saltem sequitur, non illius antiquitatis esse scripta hæc Sibyllina, ut ante Mosē, & à Noachi nūru fuerint edita.

Primus Sibyllinorum nostrorum liber historiā sacram persequitur usque ad destructionem Jerusalem: secundus commentatur diatyposim extremi iudicii, ex Matth. 25. Reliqui ferè repetunt eadem, vel magis explicant, & variis commentis nugisque interpolant. Plurima vel citantur ex Scriptura S. vel etiam retinent verba cum illā eadem. Quale illud quod libro tertio legitur, & convenit cum Jesa. xi.

Cumque lupis agni &c.

Græca omitto, quo consulam brevitati. Lib. 8. citatur Genes. i. 29.

Sic ait omnipotens: faciamus imaginē, fili.

Loquitur de creando homine; atque ad locum quidem illum Scripturæ satis manifestè respicit, sed vana metaphrasi pervertit: Idemque post iterum repetitur:

*Condamus hominem proprium, nostræque figuræ
Persimilem, atque auram vitalem demus habere.*

Atque in fine libri, refertur responsum Angeli ad Mariam, partum virginem obstupescentem:

mira est mortalibus hæc res:

Sed res nulla Deo patri natoque stupenda.

Tum quæsitum repertumque à Magis puerum Jesum:

Divinamque Magi stellam coluere recentem.

Monstratusque Dei præcepta sequentibus infans

Est in præsepi, quem fascia circum.

Ex quibus satis apparet, non ante, sed post Scripturam editos Sibyllinos illos libros esse, atque ex ea desumptos.

II. Quin dogmata & myſteria religionis noſtræ etiam difficillima, *a-*
pertius atque explicatius in libris Sibyllinis continentur, quam in Prophe-
ticis Vet. Testamenti: quod nemo credet Deum voluiſſe, ut Gentilibus,
& per ſcæminas ejusmodi fatidicas, ſacra veritas, quæ à ſeculis multis dici-
tur abscondita fuiſſe in Novo Testamento, certius ampliusque fuiſſet pro-
poſita, quam ſuo populo, quam fidelibus & piis, quamque ipſis adeo
Patriarchis ac Prophetis. Sane quidquid eſt vel Chriſti, de utrâque ejus
naturâ, incarnatione, paſſione, vel de Deo, & SS. Trinitate, vel de totâ
N. T. hitoriâ, longe clariuſ hoc exponitur & docetur in ſcriptis Sibyllinis,
quam Propheticis: neque Apoſtoli ipſi tam exploratam & diſtinctam ſem-
per & initio habuerunt cognitionem omnium de Chriſto, quam libri pro-
dunt Sibyllini. Quod nemo ita ſe habuiſſe ſtatuet; vel Sibyllas Prophetis
præferendas, atque Apoſtolis.

De Johannis præcurſoris Chriſti Baptiſmo, & doctriâ, de ſingulis
Chriſti miraculis, quod

*Placabit fluctus: in deſertiſque locorum,
Large panibus ex quinis, & piſce marino,
Millia quinque virum ſatiabit, reliquiaeque
Bis ſenos cophinos implebunt virginis almæ.*

Non hæc ſciverunt Prophetæ Veteris Testamenti, ac Sibylla ea, quæ
ſingitur loqui *lib. 1.* Uti neque Apoſtoli, antequam evenirent, quæ de
paſſione, & morte, & reſurrectione, atque adſcensione Chriſti porro
fatur:

*Sed manibus paſſis cum menſus cuncta, coronam
De ſpinis tulerit, nec non latus ejus arundo
Fixerit acta manu, cujus cauſa tribus horis
Nox tenebroſa die medio, monſtroſaque fiet:
Tunc hominum generi magnum Solomoniæ ſignum
Templa dabunt, Ditis cum tecta profunda ſubibit,
Nunciet in vitæ redditum quo morte peremptis.*

*Sed poſtquam triduo lucem repetiverit, atque
Monſtrarit ſomnum mortalibus, atque docendo
Cuncta illuſtrarit, cæleſtia tecta ſubibit
Nubibus inſectus, cum lætum liquerit orbi
Pactum Euangelii.*

Et libro octavo:

Contudent alapis palma (proh crimina) divum.

Felle fames ejus, sitis illudetur aceto.

Hanc apponet ei gens scilicet hospita mensam.

Scindetur templi velum, mediumque diei

Nox tenebrosa tribus premet admirabilis horis.

Quis jam ultra asserat illa apud Gentiles Sibyllam prædixisse, & tanto quidem tempore, antequam evenerint, neque potius ex Evangelicâ historiâ descripta esse? Mitto, quæ de nomine Dei tetrasyllabo habet, *libro primo*; aliaque.

III. Uti Judæis, & dignitati gentis illius adversum est, quod ante tempora N. Testamenti Deus Gentilibus, non modò æque ac illis, sed & supra eos revelasset fidei & religionis mysteria; ita nec convenit cum illo *Gentilium statu*, qualem eorum fuisse Scriptura declarat, quando de Gentilibus, ante tempus Evangelii, loquitur, quod sine Deo, & exsortes testamentorum promissionis fuerunt in mundo, Eph. 2. 12. quodque illos Deus in præcedentibus seculis sivit suis ipsorum viis incedere, Actor. 14. vers. 16.

IV. Hoc etiam fidem librorum Sibyllinorum convellit, quod *vaticinari* volunt de rebus pluribus, & significantius evidentiusque, quam Scriptura ipsa: quo non solum suos homines, quibus indultæ videlicet ejusmodi Sibyllæ sint, digniores Israëlitis facit Sibyllinorum auctor, atque multam partem Christi discipulis, prout dictum, verum & libros suos divinis V. Novique Testamenti scriptis doceret anteferendos. Hic de Byzantio, Galliâ,

Gallia, difficiles quæ montibus accolis Alpes.
de Phrygiâ, Laodiceâ, Corintho, multisque aliis Asiæ urbibus varia eructat, de quibus nulla in S. Scripturâ mentio est vel vestigium. Aliquoties hoc repetit de Samo, Delo, & Româ vaticinium:

Εἶσαι καὶ σάμῳ ἀμυγῶ, ἐσθὶ τῷ δῆλῳ ἀδελῶ,

Καὶ ῥώμῃ ῥύμη.

Nempe *libro 3. & lib. 8.* paulò inversum: aliis iterum verbis *lib. 4.* Denique Romanorum Imperatorum aliquos fere de nomine designat, *lib. 8.*

V. Hactenus ex consideratione Scripturæ petitis argumentis evicimus, libros nostros Sibyllinos, nec divinos esse, nec Gentilibus traditos: ostendimus porro, antiquas Gentilium Sibyllas neutiquam cum nostris conve-

nire, neque nostras cum illis: ut frustra credas, Sibyllina nostra oracula esse ea ipsa, quæ Gentilitas suspexit.

Ac primò quidem ex *materia* & argumento librorum Sibyllinorum utrorumque, Veterum inter Gentiles, nostrorum inter Christianos, vel quatenus ex inspectis nostris, & ex Antiquorum de suis commemoratione, aut citatis ab Antiquis Sibyllarum, atque apud nostras non occurrentibus, & vicissim ignoratis illic iis, quæ in nostris leguntur, concludere licet, non eosdem utrorumque esse libros. Antiqui Sibyllarum, sive apud Romanos, sive apud alias gentes, libri, nil nisi promtuarium fuerunt ipsorum superstitionis & idololatriæ, nil continuerunt præter effata Dæmonum, de nominibus, ritibus, & cultu numinum, vel si quid ex ipsorum placito in Rep. cum superstitione novandum aut firmandum erat, si placandus Deus aliquis, si mactanda ei etiam ex humanis hostia, si instituenda supplicatio, aut quod offerendum sacrificium, aliudve quod religionem eorum concernebat, ex Sibyllinis petebatur, *secreta civilium sacrarum* continentibus, inquit Valerius Maximus. His præerant sacerdotes, nihilque adeo illa, quam ipsorum religio, quæ etiam ab illis trahebat vim, commendabat. Tacitus, lib. 15. Annal. *Mox petita à Diis piacula, aditque Sibyllæ libri, ex quibus supplicatum Vulcano & Cereri Proserpinæque.* Apparet, quorsum fecerint libri Sibyllini, quid argumenti continuerint, quid docuerint introspecti. Aulus Gellius, lib. 1. cap. 19. Noct. Attic. de libris Sibyllinis Tarquinio oblatis: *libri tres in sacrarium conditi, Sibyllini appellati. Adeos quasi ad oraculum Quindecimviri adeunt, cum Dii immortales publice consulendi sunt.*

Jam verò nostri Sibyllini, quos volvimus, legimus, examinamus, nihil minus continent, quam ista: idolorum Gentilium quidem subinde nomina & numina commemorant & idololatriæ nonnulla, non autem ea docent, nedum fœda, aut superstitiosa, & sacrilega vel immania illa, quæ veterum Romanorum oracula nonnunquam præscribebant. Imò nostros libros si consulissent unquam Romani, alique Gentilium, nihil prius in iis deprehendissent, quam condemnatam suam idololatriam, & prostituta Numina, eorumque simulacra. Eum enim in finem unice scriptos apparet, uti Gentilium idololatriam atque errores confunderent. Ipsum horum initium est, vel introductio: *Εἰς Θεὸς &c. Unus Deus*: cui attribuitur rerum omnium creatio, libro tertio:

Fœdis servistis simulacris, &c.

Post:

*Tot simulacra deum statuentes luce carentum,
Ex quibus effectum est ut tam sapiatis inane.*

Eodem libro iterum :

*At nos æterna errantes à lege Tonantis,
Morte caducorum statuas, & signa virorum,
Numina facta manus, fatui ornabamus honore.*

Libro quinto :

*Quoque Deo lapides & ficta animalia multa
Religione colunt.*

Atque similiter libro septimo, & octavo, non uno in loco.

Huc accedit, quod si audiamus illa, quæ Veteres Philosophi, aut Scriptores ex Sibyllis suis adducunt, apud nostras non legantur; iterum, quæ in nostris, & quæ quidem potissima sunt, antiquis nusquam lecta aut visa fuisse. Argumento, quod longe diversi utrorumque libri sint, Sibyllini Veteres, à nostris; illi Ethnici, nostri Christiani.

Quare neque sententiæ Hugonis Grotii, viri cæteroquin summi, ad stipulari queo, existimantis Annot. in Evang. Matth. II. I. *Sibyllina oracula, non quidem nova illa, quæ citant Christiani, sed vetera Romæ à xv. viris asservata, nihil aliud fuisse, quam versus Græcos Judæorum.* Atque ex illis desumptum, quod Cicero recitat, opus esse, ut si salvi esse vellent, eum qui Rex esset Regem agnoscerent; itemque Virgilii Idyllium quartum, novi cujusdam regni pollicitationem continens. Ad quæ nihil adferre necesse est, præter ea quæ Blondellus respondet, alii que ante ipsum dixerunt, non ad Messiam posse vel debere applicari, quæ Virgilius hîc, aut Cicero ibi memorant. Illud autem, Sibyllina oracula versus videri Judæorum, isto argumento revinco, quod non Judaicam religionem, sed superstitiosam Gentilium idololatriam, & quæ maximè quidem Judaicæ contraria erant seu dogmata, seu Numina, commendabant. Quare nec à Judæis petita, nec cum Christianis, ut Sibyllina hodie, convenientia ullo pacto fuisse, credendum est.

II. Antiqua Sibyllarum carmina & libri jam olim *perierunt*, quando non semel, sed variis vicibus Capitolium, vel locus, ubi asservabantur, conflagravit. Non ergo hæc nostra, illa sunt. *Post exustum sociali bello Capitolium*, inquit Tacitus, quæsitæ fuere Samo, Illo, Erythris, per Africam etiam ac Siciliam, & Italicas regiones. Deinde iterum sub Nerone: denique sub Honorio, quidquid ultra Sibyllarum superstes videri poterat,

nominis plus, in speciem, quam rei, concrematum à Stilicone fuit.

Ante Sibyllinæ fata cremavit opis.

Nec illæsa tot incendiis Sibyllina fuerunt, nec servata Gentilibus, minus Christianis. Qui unde illa fuissent nacti?

III. Linguae Græcæ usus non ita antiquus, ut à Noachi tempore, ejus nurus Sibylla, non Græce tantum, sed carmine quoque oracula sua cantasset, atque celebrasset.

IV. Neque tam vetusta signorum celestium nomenclatura, quæ in Sibyllinis occurrit, lib. v. Leo, Capricornus, Taurus, Orion, Virgo, Aries, Draco, Pisces, Cancer, &c. neque proverbium illud,

Μη κίεη καμάρην.

Ne move camarinam, immota enim melior.

Legitur autem lib. III. Quod unde sumtum, vide apud Erasmum, in Adagiis. Uti etiam quod *Sardonium resum* dicunt, lib. I. De quo similiter consulendus Erasmus.

Denique, quum tam arctâ & religiosâ custodiâ à Quindecimviris custodita semper fuerint apud Gentiles Sibyllina oracula, unde quæso in Christianorum manus tam facile devenissent, ne ipsis quidem Gentilibus, vixque eorum Sacerdotibus Quindecimviris nota? vel quomodo non illud tempus signatum fuisset in Annalibus, vel à Gentilibus, vel à Christianis, quo tanti scilicet thesauri possessione deturbati Gentiles, istum Christianis liquissent? Hæc, aliaque quæ adferri præterea possunt, atque ab aliis adferuntur, confirmant, non esse hos Sibyllinos libros illos, quos Gentilis antiquitas habuit, & superstitiose venerata fuit, falsoque Sibyllas illas jacuari istorum Auctores.

Quid, dices, ergò de libris illis statuendum, quod feceris judicium? sane non sunt *Θεόμυστοι*, non divinæ revelationis, vel auctoritatis, non Gentilium Sibyllini, non antiquitatis illius priscæ à mundi primordio, quæ omnia sibi frustra arrogant: sed, primò scripti post tempora Christi, & consignati Evangelii, adeo argumentum & summarium Scripturæ Vet. ac Novi Testamenti æmulantur satis manifestè. Vaticinantur quidem, at de illis, quorum notitiam ex sacris habent, aut quæ primum, vel postremum Christi adventum spectant, de rebus intermediis, vel quæ extra Scripturam sunt, parcè loquuntur, vel conjecturantur; denique quisquis, *Christianus* Auctor librorum istorum fuit: nam conversionem suam prædicat lib. I. I. versibus etiam suprâ notatis:

At nos æternâ errantes à lege Tonantis, &c.

Expressissimè in fine octavi libri, se Christianam religionem fatetur:

*Nos igitur sancta Christi de stirpe creati
Cœlesti, nomen retinemus proximitatis,
Latitæ memorem servantes religionem.*

Libro secundo loquitur de Martyribus, & Virginibus, eorumque præmio cœlesti, à Christo illis dando:

*Ornabitque probos, æternaque præmia reddet
Tëstibus, ad mortis certamen euntibus usque.
Virgineis vero, qui pulchre currere pergent,
Æternum munus dabit.*

Scriptum fateor vetustum quidem, visum lectumque primis ævi Christiani Theologis, probatumque imprudenter, nempe Justino, Athenagoræ, Clementi, Tertulliano, Lactantio, aliis: sed ne cui hoc supra modum mirum videatur, sciendum, illis & Theologis & temporibus non semel ita impositum fuisse falsis & commentitiis, in re videlicet Christianâ, scriptis. Cujusmodi genii & styli fuerunt scripta illa apocrypha, Abgari, Regis Edesseni epistola ad Christum, & Christi ad eundem; Euangelia Jacobi, Nicodemi, Epistola Lentuli, Pontii Pilati de Christo, Pauli & Senecæ, de quibus alibi diximus, ejusque commatis plurima.

Atque eodem consilio aliquis, quisquis tandem fuerit, cogitans quantæ auctoritatis apud Paganos fuissent Sibyllæ, & quomodo revinci sæpe nollent erroris sui Gentiles, nisi in ipsorum archivis ostenso Euangelio, quantumque roboris haberet in disputatione cum iis, quæ continua erat, prolatum ad hominem argumentum ex propriis ipsorum scriptis, & religione, commentus libros Sibyllinos fuit, mentitus à Sibyllis profectos, quibus Christum, & veritatem Christianæ religionis astruxit, & Gentilium condemnavit errores, idolaque.

Difficile fuerit, in tantâ Apocryphorum copiâ, quis istorum Sibyllinorum forte auctor haberi possit, augurari. Familiam ejus aut sectam, cuius fuerit, credo deprehendemus; sed an ipsum quoque Auctorem, valde ambigo.

Ex Gnosticorum hæresi fuisse, ex duobus præcipue conjicitur: tum quod hujus mentionem facit, quæ se fingit Sibyllam, lib. 3. καὶ γνωστὸ πατὴρ φήσας σίβυλλαν: *me dicent Patre Gnosto Sibyllam.* tum quod sibi arrogat tantam rerum omnium scientiam, quantam cuiquam, præterquam Deo, tribuere nefas est, omnium stellarum, arborum, piscium, arumarum, & quidquid futurum est. Quæ ipsissima καὶς est Gnosticorum,

à vanâ, & arroganti rerum omnium, præcipue divinarum cognitione, sic appellatorum.

Cum quibus, ut paria facientes, conjungendi Millenarii, seu Chiliaſtæ, cujus ſectæ in Veteri Eccleſiâ plurimi fuerunt, & non exiguus promotor, quiſquis fuerit, Sibyllinorum auctor. Origenes, lib. 5. contra Celſum, eo loco, quo Celſo reſpondet Chriſtianos appellanti Sibylliſtas, & varias illo rum ſi ctas objicienti, Gnoſticos memorat: ſint, inquit, qui ſe Gnoſticos, id eſt, cognitores promittant. Magnus Blondellus designat duos, quibus, vel alterutri, ſcætum hunc, ex multâ, magnâque ſuſpicionem adjudicat: *Her mam* quidem primùm, qui frater Pii, Rom. Pontificis fuerit, atque obiit a. cl. & celebris fuit ſcripto, quod *Pastorem* inſcripſit, & publice quidem in Eccleſia legi, atque à Patribus paſſim citari ſolebat, quo de alibi, ubi de *Theologiâ Patrum*, diximus. Qui lib. 1. viſione 11. (adeo inſtitutum Hermæ convenit cum Sibyllinis & argumento, quod viſionibus occupatur, & Auctore) anum, quæ ſibi in viſione multa revelârat, tradideratque libellum, monita quædam pœnitentiæ continentem, populo tradendum, putavit Sibyllam fuiſſe.

Hermæ iſtum librum, qui paſtor appellatur, ut hæc addam, ſuo tempore adhuc ignotum pene Latinis fuiſſe, auctor eſt Hieronymus, in Catalogo, utut tantæ apud Græcos celebritatis, ut non modò multi Veterum Scriptorum ex eo paſſim teſtimonia adducerent, ſed quoque in Græciæ Eccleſiis publicè legeretur. Clemens Alex. ſæpius. Libro Stromatum, ſive Centonum primo: *Pastor quoque Angelus pœnitentiæ, ad Hermetem, de Pſeudo-Propheta &c.* Origenes cautè, homil. vii. in Numer. *Quod autem dies peccati in annum pœnæ reputetur, non ſolum in hoc libro, in quo nihil omnino eſt quod dubitari poſſit, oſtenditur, ſed in libello Paſtoris, ſi cui tamen Scriptura illa recipienda videtur.* Citat nihilominus & alibi eundem Paſtoris librum, homil. x. in Jeſum Navæ. in Matth. homil. xxx. & xxxi. Periarchon. lib. 1. cap. 3. & lib. 2. cap. 1. lib. 4. cap. 2. *Quod nos etiam in libello Paſtoris, qui à nonnullis contemni videtur, designatum videmus.* Unde quoque in Philocaliis, quæ tabularum inſtar ex Scriptis Origenis collegerunt duo ejus ſtudioſiſſimi Nazianzenus, atque Baſilius, adfertur, cap. 8. Athanaſio citatur, lib. de incarnat. verbi. ille quoque *Paſtoris perquam ſane utilis liber.* Tertullianus, inter Apocrypha aperte collocat, in libro de Pudicit. *Sed cederem tibi, ſi Scriptura Paſtoris, que ſola mæchos amat, divino inſtrumento meruiſſet incidi, ſi non ab omni concilio Eccleſiarum etiam veſtrarum inter apocrypha & falſa judicaretur, adultera & ipſa, & inde patrona ſocio-*

rum.

rum. Atque eodem libro postea iterum *apocryphum* Pastorem appellat. Comuni inde sententiâ pro apocrypho damnatus liber fuit: etiam in Ecclesiâ Romanâ, à Papâ Gelasio. Utcunque Stapletonus dicat, quod si præfens Ecclesia illum in canonem S. Scripturæ referret, pro canonico, æque ac epistola Jacobi, haberi deberet. Nempe liber, in quo multa noxia, faciente quoque Bellarmino; & qui hæresibus & fabulis oppletus est, uti ait Johannes Mariæ, Magister Palatii, in librorum horum Censurâ, quæ est in Bibl. Patrum, poterit à Papâ, siquidem ei lubitum, transformari facile in divinum & canonicum.

Alterum conicit Auctorem Sibyllinorum Blondellus *Montanum*, Prophetiis & extasibus celebrem, à quo Montanistæ. Phrygius ille erat, & in laudem ac commemorationem Phrygiæ gentis, supra alias, creber est pseudo-Sibyllinorum Auctor.

Forte nec *Papias*, Hierapolitanæ in Asiâ Ecclesiæ episcopus omittendus erit, qui Johannis Apostoli auditor, præcipuus opinionis chiliasticæ patronus fuisse & auctor perhibetur; quemque Hieronymus, præter quinque volumina Explanationum sermonum Domini, edidisse, ait, mille annorum Judaicam ἀντίρροπον. Quidquid de Auctore Sibyllinorum sit, utut incertus sit, ipsos verè suppositios esse, equidem non ultrà incertum arbitror.

Haud aliter quam de Sibyllis, judicandum quoque de *Mercurio Trifmegisto*, cujus hodie extant libri, & ex quibus, contra Gentes disputaturi, plura nonnunquam adferunt Theologi, seu Veteres, seu recentes, præcipue ex libro, qui *Pœmander* inscribitur. Græce scriptus, in Latinum à Francisco Flussate Candalla conversus, & commentariis tricubitalibus oneratus est ab Hannibale Rosselo Calabro. Qui nescio quid non in suis commentariis corradat, Theologiam, Philosophiam omnem, Topographiam, etiam Trajecti meminit *lib. 5. comment. 11. dial. 5.* & se Trajecti, in urbe Episcopali, dicit omnes sacros ordines accepisse. adeo multam rerum quarumcunque farraginem huc advocat.

Dicunt, Pœmandrum ab ipso Mercurio Ægyptiacè primum scriptum, atque post etiam Græce. At non ex Ægypto versum, docet satis sermo & stylus Græcus, neque hic antiquus valde, sed communis, & qualis in postremis Græcorum scriptorum legitur. Nedum ut ante Mosem extiterit, ejusque scripta Pœmander præcesserit: quod persuasum nobis velint ejus mangones, Candalla, in præfat. ad Cæsarem Maximilianum, atque ad Lectorem, & alii. Confer Possëvinum, in *Apparatu*.

Ne-

Nemo vel primum ejus caput leget, ubi de Deo agitur & creatione, Pœmandro (qui Christum opinor designat) Mercurium alloquente, & instruente, qui non genium Platicum, & in materiâ, & in sermone obfervet. Totus est Platicus, nisi quod inspergat ex S. Scripturis nonnulla, quæ malè imitatur passim, & pervertit, præsertim articulum de Trinitate, & Incarnatione.

Suntque valde aliena ab istis Mercurii Trismegisti libris, quos nominat Clemens Alex. Stromat. lib. 6. unum, qui hymnos Deorum continet, tum memorat illorum *μυσσοφαισιν*, hoc est, quæ ad ritum mactandorum vitulorum spectant, & *βιβλία ιερωσιν*, libros sacerdotales, qui de legibus, de Diis, & universâ sacerdotum disciplinâ loquuntur. Hæc, ut idolatriam testantur manifestissimam, ita toto cœlo discrepant ab hodierno Trismegisti Pœmandro.

Videri de Mercurio illo Trismegisto, ejusque Pœmandro judicium Isaaci Casauboni debet, in Exercitationibus ad Baronium, 1. Quod & confirmat ibidem argumentis: *Quum*, inquit, *omnes scientiæ atque disciplinæ ab inventione Mercurii Trismegisti Egyptii crederentur profectæ, certatim omnes fere scriptores cunctarum scientiarum, aut gloriam illius celebrarunt, aut de ejus nomine suis scriptis gratiam & famam quæsi verunt. Quid igitur miramur, primis illis sæculis nascentis Christianismi, quum tanta licentia libri falsis titulis inscripti quotidie fingerentur; extirpasse aliquem sacris nostræ pietatis leviter imbutum, qui hoc ipsum in scientiâ Theologiæ, & rebus fidei sibi putarit tentandum? Hæc de scriptis in Gentiles, sive antiquis, sive novis, veris, vel falsis.*

CAPUT QUARTUM.

De Deo, quod sit, quod unus, item qualis & quis.

TEmpus est, uti nos ad disputandum cum Gentilibus atque Indis, quorum antea texuimus historiam, accingamus. Quod duplici fit modo, vel extemporaneo, uti se offert aliquando occasio; vel destinato in hanc rem integro scripto, quo ordine ac methodo nunc controversias illas sumus tractaturi. Illic ut res tulerit, inde inchoandum, & curandum imprimis, uti ad *humanitatem*, ubi ab ea remotius aberrant, quod faciunt sylvestres & maximè barbari, adducantur primò; deinceps ad *fidem*. Quod & Acoſta observavit, vel ab alio observatum refert, lib. 3. de procurandâ

Indo-

Indorum salute, cap. 19. *Quorum caput est omnium, quod quidam rerum Indicarum egregius estimator dixit, in barbaris prius esse curandum, ut homines esse discant, deinde ut Christiani.* In tractatione autem præsentis methodicâ & plenâ totius argumenti, quod universum nunc animo contemplamur, & formamus, à primario religionis capite ordiendum, qui est *Deus*. Et præmissâ primùm explicatione, quid eo, quod nominamus *Deum*, debeat intelligi, videlicet Ens supremum, & absolutè perfectum, probandum, quod omnino sit tale aliquod ens; & quod *unum*; & *qualis* ejus perfectio; denique *quis* Deus? Hinc pergemus ad *mundum*, ejus ostensuri *creationem* à Deo, & continuam, quâ ab eo pendet, *gubernationem*: Demum ad *hominem*, & alia.

Fuerunt, qui primò dubitarent, an esset Deus: qualis Protagoras, cujus hæc apud Laërtium vox, *ἐκ τῶν εἰδέναι εἶναι ὡς εἰσιν, εἶναι ὡς ἐκ εἰσιν*; inde, qui impudenti ore palam negare auderent, quales referuntur in primis Diagoras, & Theodorus Cyrenæus, *ἄθεοι* proinde appellati: Cicero, de nat. Deor. lib. 1. *dubitare se Protagoras; nullos esse omnino, Diagoras Melius, & Theodorus Cyrenaicus putaverunt*: adeo non modò periculosum est in hoc negotio dubitare, vel à dubitatione incipere, eamque vel affectare vel fovere quantocunque etiam tempore, ut in apertam negationem proclivis via sit: non autem ab aliquo totâ mente asseri potest, haud dico aliquâ rationis specie, Deum non esse; quin ab aliis, & propriâ conscientiâ, modò vel parum vellicetur, turpissime simul & vividissime unâ sit arguendus & convincendus. Namque uti accedentem ad Deum, primò quidem scire & credere oportet, quod est; ita nihil etiam prius sciri & probari potest illo. Cum negante autem vel dubitante, neque enim cum aliis otiose super hac re disputandum existimo, agam quadruplici modo. Primùm *ex Universi* attentâ contemplatione, & consideratione *tot ac tantarum*, tamque decoro & constanti ordine se habentium, ac ubivis sese offerunt, & in terrâ, & in cœlo, suprâ infrâ & circum circâ, rerum, quas existere qui neget, fatuum se prodit, nec minus & alter, qui id probare satagat, neque enim in istâ amentia seriò sermocinandum arbitror, non saltem hæcenus de Deo; qui verò & videt eas & agnoscit, neque tamen vel millesimam omnium partem, imo ne hæc ipsa quidem quæ usurpat, quomodo non adscendet in cognitionem ejus, quem omnia ista loquuntur, quum sine aliquâ, sine suâ causâ esse non possint? Quum enim singula quæque testentur sui causam, & quo aliqua præstantiora, hoc etiam præstantiorem causam; non possunt non etiam omnia simul sumtâ causam sui adstruere, quam appellamus Deum.

Secundò jubemus hominem retrogredi ad semetipsum, & in propriam intrare *mentem*, cujus vi, & lege, non acceptâ sed innatâ, non duci sed trahi & cogi se, siquidem verum proferre non dubitet, experietur ad Deum, non agnoscendum modò, sed venerandum. Mentem sibi deesse non dicet, quia hoc ipso quod id diceret, eam testaretur, & mentis saltem est dementem se fateri, neque dissimulare vim istam animi potest quis in agnoscendo aliquo supra se Deo. Ne Dicam, quod se ab alio pendere, & non à se existere, negare haud possit, & idem de parentibus verum quoque sit; proprius animus Deum se majorem non potest non sentire & metuere. Nobis vel corpori metus sit à corpore, aut ab aliis rebus sive hominibus, mens sibi nec à proprio corpore metuit, quantum ad se; reformidat tamen aliquid supra se, se majus, id est, & sapientiâ omni pollens & potentiâ, id quod nihil aliud est quam Deus. Et hæc vis in animo est conscientiæ, synteresim dicunt, quâ non se magis cogitur homo nosse, quam Deum suum, si vel nullus obveniret hoc monens extrinsecus præceptor: ubi verò & dici ac doceri audit Deum, non prius explicati sunt termini, quid velint, quin assensum impetrent in animo. Uti si exponas ei, quid & quis sit proximus, qui parens, statim sponte novit, esse diligendos. Ex conscientia videlicet justî & æqui naturali. Et hoc uti non cognoscitur, nisi in ordine ad legem, sic neque potest nisi respectu habito ad Legislatorem.

Quare si quæras penitius, quid illa vis animi & mentis rationalis sit, quâ cognosco vel solâ naturâ duce, esse Deum? explica mihi vim istam, quâ rectum & justum cognosco, non alio etiam monitore adhibito, & diligendum esse proximum, parentem, principem; eadem est vis, lex eadem, quâ scio honorandum esse Deum, ubi ad ætatem atque usum rationis pervenero, quando scire incipio quid sit proximus, parens, princeps; similiter & quid sit Deus. Neque enim vel istorum species innatæ homini, uti neque rerum aliarum, quas & naturæ instinctu cognoscimus esse veras; vel eorum actualis notitia homini adest, à prima inde conceptione; vel, quod alii, actualis fides est in infantibus: sed quæ naturæ sunt, vel naturaliter cognoscuntur, explicante suo tempore se potentiâ rationali, tum sua claritate ita se ingerunt animis, tum mens tali naturâ ab ortu est instructa, & lege, ut ignorare illa nequeat, sed prono impetu in istâ fertur, & agnoscenda & complectenda, utpote in primâ creatione sibi instillata & impressa, quorum neque prorsus interierunt vel extinctæ sunt omnes reliquæ.

Quare

Quare vis illa naturalis cognoscendi Deum, in animâ sive in conscientiâ non est simplex *facultas* intelligendi, quâ quævis alia intelligimus, quorum nobis notitia nequit dici innata, uti Dei: neque *actualis* cognitio, quæ, uti nec rerum aliarum, mox ab homine nato, in ipso adest, & qualis, præsertim Dei, dari nequit, sine sui sensu, indicatione, recordatione, quæ cum Dei cognitione semper jungitur, & ejusdem quoque cultu: neque *species* aliqua Dei, utpote qui speciem sui nec habet, nec habere potest, quare neque facit, neque facere ejus ullam, aut imaginari, aut asserere nobis licet. Ratio est, Dei infinitas. Cujus qualiscunque illa foret species, esset in se vel finita, vel infinita: si finita, Deum non repræsentaret, neque ejus esset quod dicitur species: quod si in se infinita, jam duo erunt saltem infinita, imo plura, pro numero subjectorum, quibus illa species fuerit communicata. Postremò neque homo, neque Angelus, neque ulla creatura infiniti vel rei in se infinitæ capax est; est quidem actus alicujus, quo in objectum infinitum extra se fertur, vel ab eo donatur beneficio quocunque, sed non ejus quod est infinitum.

Deus autem non cognoscitur à nobis per aliquam speciem, uti neque per suam essentiam; sed per *attributa*, quæ & hinc ita nominantur, quod Deo, ad cognoscendum quadantenus ejus τὸ ἀκατέληκτον tribuuntur. Uti sunt, ejus potentia, bonitas, sanctitas, æternitas, &c. Inde in precibus nuncupandis incipimus ab hoc aut isto attributo, uno aut pluribus, nam quodcunque dicamus, nullum aliud excludimus, verùm cætera connotamus, & quam impossibile est omnium divinorum attributorum facere unam speciem, à Deo aliam, ita & Dei. Atque ideo plura facimus attributa, quia uno conceptu comprehendere adæquatè non possumus, vel in ullo quasi speculo aut specie videre omnia, non diversa, uti nobis formaliter, non in Deo, sunt potentia & æternitas, bonitas & omnipræsentia, ac sic de cæteris.

Scio Pontificios Doctores, & qui ex ipforum Scholis prodeunt, paulo aliter philosophari, qui Deo imagines etiam formant corporales: & sane cujus ideam, quæ in mente causa est exemplaris, non potes formare animo, id neque exprimere typo potes vel effigie: at nos rectius docti, scimus, neque Deum sui speciem unquam exhibuisse populo, Deut. 4. 15. neque probasse fictam ullam factamque. Joan. 14. 39. *neque speciem ei dedit ejus videri*. ἀρχιμαίης ὁ Θεός, ἀπλῆς, ἀμεγέλης, ἀπρόσιτος, μὴ φαντασθεὶς μορφῇ πρὸς αὐτόν, inquit Basilii, homil. x. in Hexaëmeron, & ἀρρήτων καὶ ἀείδων vocat Dio Cassius, loquens de Judæis, hist. Roman. lib. 37. Re-

rum corporalium corporalis quoque species hæret in phantasiâ, at non spiritualis Dei. Matth. 28. 3. *erat autem et idéa ipsius sicut fulgur, & vestimentum ejus album instar nivis.* Imo quia formam, vel speciem Dei facere nullo modo possumus, hinc Dei attributa fere concipiuntur terminis negativis, quamvis maxime positivam & entitativam veritatem habeant in ipso Deo, nobis utcunque incomprehensibilem, & propterea magis efferendam notionibus negativis, quam positivis, tutiusque ideo de Deo dicitur quid non sit, quam quid imo.

Aliud est *conceptus* de Deo, vel ejus *species*. Prout in rebus omnibus, quas datum cognoscere, formatur eorum, hoc ipso quod intelliguntur, conceptus; qui propterea in Scholis appellatur conceptus formalis; verum objectivus, seu objectum prout sub conceptum venit, non semper suam speciem fert, non Deus. Cognoscitur ergo, quousque concipitur, sed non ideatur, ut sic loquar. Neque Angeli, vel animæ habes speciem propriè dictam, quamvis quidem conceptum, eumque prout est objectivus, per negationem corporalitatis. Luc. 24. 39. Atque si per ideam nihil intelligatur, quam conceptus de Deo, jam nihil dicitur novi, nisi quod adhibeatur ἀκυρολόγως vox incommoda admodum, & cui cum Papismo melius conveniat, quam cum Reformatione: tum neque dicendum, ex ideâ Deum cognosci, tanquam principio, non magis quam ex conceptu, qui est actus ipse cognoscendi. Quidquid sit, si nihil nos deceat affirmare quod non clare satis distincteque percipimus, hactenus à specie Deo attribuendâ abstinendum, quousque quid novæ rei voce denotetur, clarius meliusque fuerit explicatum.

Cognoscitur autem Deus per attributa in *naturâ* & *Scripturâ* expressa: jam verò de naturâ quia loquimur, præter ea quæ extra se ubique homo videt, divinitatis argumenta, interiori quoque animi instinctu, vi, notatione, lege, synteresi novit, sentit, experitur esse Deum.

Tertiò ad idem probandum, non quidem utor argumento, sed tamen quod animum non minus movere aptum est, videlicet, *nullum* vel argumentum vel argumenti simile proferri posse, quod Deum *non esse* probet aut suadeat. Hic verò quam temere id credat aliquis, ad quod nullâ ducitur probabilitate, in re præsertim tantâ, & universalis fidei, exaggerari multis facile poterit. Atque ita simul animo demes præjudicia vel objectiones, quæ forte convertendum detinent à vero. Neque enim, quod iterum moneo, & nunquam non observari volo, nobis est animus de hoc argumento disputare cum otiosis subtilitatum captatoribus, vel inanibus vili-

tiligatoribus, sed re ad praxim & animum explicatâ ostendere, quæ, quomodo adhibenda arma sint, & si non disputandum, saltem quo pacto agendum, & persuaderi incredulis negotium debeat.

Quare quarto loco *Consensum* adfero omnium gentium, hominumque ad confirmandam veritatem, nullis non agnitam & confessam, nimirum quod aliquis sit Deus. Nec dum enim in hoc inquirimus, quis ille sit. Et hoc testimoniis, vel scriptis multis comprobare superfedeo, satis habens, quod id ipsum de communi hominum consensu in veritatem istam & Gentiles ipsi testentur, & sic argumententur quoque in hac causâ, & de singulis per omnes Gentilismi nationes ostendi queat.

Quod enim nonnulli videntur subinde contrarium innuere, quasi deprehendissent Gentes prorsus omni Deitatis notitia ac sensu vacuas, ejus contrarium inductione factâ demonstrari potest; & puto satis indicavimus in antecedentibus: tum id nonnunquam visi sibi fuerunt quidam observasse in oris Gentium maritimis, ad quas forte appulerant, & quarum incolas non videbant aliquâ tangi curâ religionis, denique & ubi non longo admodum tempore hærebant, ut de singulis potuissent resciscere: ex quo si faciendum judicium, ab his de totâ & interiori regione, vereor ne parum honorifice sæpe de nostris quoque hominibus fuerit pronuntiandum, extremas crepidines accolentibus, & etiam dictis Christianis, si externam demas templorum faciem; adeo parum religionis sæpe præferunt & profitentur, inprimis peregrinis. Quod non probat, nullum Deum iis notum, cultumque.

Atque ita probavimus, vel ostendimus, quod sit Deus: nam neque argumentis id probari voluit Arnobius, in primo contra Gentes: sed, *quisquamne est hominum, qui non cum istius principis notione diem primæ civitatis intraverit? cui non sit ingentum, non affixum, imo ipsi pene in genitalibus matris non impressum, non insitum, esse Regem ac Dominum, cunctorum quæcunque sunt moderatorem?*

Sequitur, ut ostendamus, eundem Deum esse unum, & non plures. Quod primum probatur ex naturâ Dei, quæ quum sit perfectissima, nisi una etiam esse nequit. Habet enim vera Deitas unam, quia summam, & absolutam prorsus perfectionem. Fac plures esse Deos: vel omnem, vel aliquam; & unam eandemque, vel diversam habebunt perfectionem: si singuli aliquam, jam nullus istorum est Deus, quia non omnimode est perfectus, vel omnem & absolutissimam habens perfectionem; neque omnem possunt habere nisi eandem: quoque eandem perfectionem, hoc & naturam,

ram, ac proinde non erunt plures Dii, sed unus, sive eandem habens omnis perfectionis naturam. Diversam perfectionem si habeant, dum alter perfectionem habet, quâ caret alter, neuter erit Deus. Quia Deus dicit ens omnimode & absolute perfectum.

Iterum *varii* illi Dei, vel erunt *à se*, vel *ab alio*: non *à se*, quia æque sibi met dedissent omnem perfectionem, ac tantam: & qui hoc *à se* potest, sibi procul dubio vindicabit omnia, & quidquid ullam sapit perfectionem, atque ita erit unus: sin ab alio sunt; jam hic erit Deus, non item illi.

Vel *pares* erunt illi Dii, vel *impares*: si impares, quis imparem istorum fecit conditionem? non certe sibi ipsi: nam si quidem in suâ potestate habuerunt se perficere, quid ni sibi dedissent majorem perfectionem, & cur non omnem? Tum is potius erit dicendus Deus, qui ista largitus fuerit ipsis, quam ipsi. Pares sunt? aut aliquâ diversitate, aut nullâ? si nullâ, jam non multi, non alii sunt *à se* invicem, sed unus: sin aliquâ, & hanc iterum quis constituit, quis diribuit? Tum inæqualis procul dubio illa diversitas fuerit: sed eam unde faciunt alii, alii patiuntur? Sic vel non sunt multi Dii, vel ad unum referendi. Quemadmodum propterea, ne de antiquis dicamus, qui multitudinem istam fere referebant ad unum summum Jovem, & hodie supra Divorum examina & turbam, constituunt unum aliquem supremum Sinenfes, Siameses, Peguani, Ceilonenses, Bramines, Peruani, & alii.

Porro vel *finiti* erunt multi illi Dii, vel *infiniti*? idque tum numero, tum potestate. Si finiti, quis finivit? tum finiri posse, & finitum habere aliquid, contra Deitatis perfectionem est, & relationem ac dependentiam dicit *à superiore*. Infiniti quoque nequeunt esse plures, nam dum plures, dicis & alios, propriâ videl. infinitate suâ tales, & sic unus dum non est hoc quod alius, sive non habet perfectionem alterius, hac saltem limitatur, quam possidere vel habere nequit, quare non est simpliciter infinitus. Sin verò sit eadem infinitas, vel infinitatis natura in singulis, jam non sunt plures Dii, sed una Deitatis infinitæ natura.

Præterea vel *juncti* sunt, vel *divisi*? Si divisi, illa inter eos incommoda oriri necessum est, quæ Poëtæ fuerunt fabulati, & neque Deorum ordini conveniunt, neque mundi: si juncti, aut *voluerunt* ita, uti plures essent, & non unus Deus, rectorque omnium; aut non *potuerunt* aliter: voluisse, dici nequit, quia sic voluissent singuli se non esse satis perfectos & sufficientes ad hoc præstandum, ad quod nunc plurimorum concurrit opera & con-

consilium; quod quis contra se velle non potest, minime Deus, quum naturæ omni repugnet, & sapientiæ, sibi non omnia tribuere, quæ ad beatitatem faciunt. Si non potuerunt, utcumque voluerint quidem sibi quæ majoris sunt perfectionis, & dignitatis, jam non Dii sunt, qui adeo impotentes, & quorum non nisi ab alio regulari sive potentia potuit, sive voluntas.

Denique vel *subordinati*, vel *coordinati*? utrum dicatur, superiorem hoc arguet, vel superiores: si superiores ajas, idem & de istis interrogabo: ut necesse fuerit tandem devenire ad unum, & hic erit Deus. Adco de Deinaturâ est, esse unicum.

In genere ergo sic ostendimus, & Deum *unum* esse, & non posse dari *plures*: quod & *consensu* ipsorum Gentilium, sive Veterum, sive hodiernorum, proclive est confirmare. *Quæ utilitas manavit ad Orpheum, ex eo quod trecentos & sexaginta Deos confessus est, quos tandem rejecit in testamento suo, cum obiret mortem, asserens, unum esse Deum?* inquit Theophilus, lib. 3. ad Autolyicum. Quemadmodum & hodiernus Brachmannus Padmanaba dixit, Wislhnou & Eswarem esse eundem Deum, variis duntaxat notionibus & relationibus designatum. Atque Cambajenses, alique Indorum populi supremum Numen colunt Permiser. Et Peguani suum Pachacamac. Alii aliter appellant.

Ne dicam, in hac disputatione, & ejus occasione suggeri posse Gentilibus, Christianismum, utcumque Deorum multitudinem rejiciat, quia perfectioni divinæ naturæ prorsus adversatur; ex revelatione tamen Dei, aliquam pluralitatem in illo uno agnoscere & venerari, Patrem, Filium, & Spiritum Sanctum, non tres Deos, vel essentiâ aut perfectione ullâ diversos inter se, nedum divisos, sed ejusdem unius essentiæ *Personas* tres: ut neque fides omnem pluralitatem in Deo respuat, neque tamen Deorum ullam, propter argumenta suprà adhibita, admittat.

Jam & aliæ Dei proprietates exponendæ, ad perfectionem, quam diximus, ejus pertinentes, & quæ ad cognoscendum ritè Deum, tandem & designandum, quod proximè faciendum erit, quis ille demum sit, imprimis pertinent. Quales sunt, quod Deus essentiâ est *spiritualis*, non corporalis: secus ac Gentilium vulgus statuit: quod *æternus*, & nulli alterationi, nedum interitui obnoxius; denique quod *omnipotens*, ut non modo non pati illa debeat, quæ in Diis suis aliquando risit Gentilitas, sed & præstare possit quæcunque vult. Cætera Dei attributa satis per se sequun-

quantur, & illa præ aliis vindicanda sunt, in quibus turpissimè Gentiles errant, & quibus agnitis reliqua etiam facile admittuntur.

Inprimis verò & ante omnia ejus *perfectio* adstruenda, ex quâ reliqua fluunt & demonstrantur. *Perfectio* autem, quâ non modo obinet quidquid in se & simpliciter dicit *perfectiorem*; sed & à quâ procul abest quæcunque *imperfectio*; & quam *perfectiorem* habet modo *eminentissimo*, non tantum supra id, quod in mundanis observatur, sed quoque supra conceptus nostros & quidquid imaginari possumus, infinities transcendit: via, uti dicunt in Scholis, causalitatis, & negationis, & eminentiæ.

Jam, qui est Deus, ille etiam sit *perfectissimus*, necesse est. Nam nullam ipsum habere, dicere nemo sustinet: & si *aliquam*, cur non ulteriorem, cur non omnem? Vel tu ergo *perfectiorem* ejus limitabis & circumscribes; vel alius quisquis demum hoc egerit.

Procul dubio autem, quo *perfectior*, hoc *melius* erit, & tum Deo convenientius, tum optimum Deum habet & colit, quo quis *perfectissimus*. Namque dum minus *perfectum* dicis, *imperfectiorem* ei admisces, & hoc ipso aliquid non Dei, in Deo ponis, quod non modo absurdum, & repugnans, sed quoque ipsis terminis impossibile est. Quare non probabilius modò, sed omnino necessarium, Deum esse absolute *perfectissimum*.

Præterea qui à se est, negative videlicet, id est, à nullo alio, is omnem in se habet *perfectiorem*. Quomodo enim aliquam sibi dedisset, & non omnem? Vel si alter ei tantum *perfectiorem* assignavit, & non plus, hic certe uti major, & tandem maximus, Deus erit, non ille inferior: & hinc omnibus hominibus de Deo celebratum elogium Optimi, Maximi. Suarez, Disp. xxx. sect. 1. *Deus non habet hujusmodi perfectiorem à se effective, sed formaliter seu negative, quia scilicet non habet ab alio, sed ex formali eminentiâ suæ naturæ.*

Tum *possibile* est omnino, ens aliquod *perfectissimum* dari: ergo est. Non quidem est, sive existit actu quidquid *possibile* est: at nihil est *possibile*, cujus non *possibilitatis* ratio & causa fundatur in actuali alicujus potentia, cui *possibilia* omnia objiciantur & respondeant. Et sic quum *possibile* sit, dari ens *perfectissimum*, neque enim repugnat, ut tale actu etiam existat est necessarium; neque frustra tale potest concipi. Atque hoc Deus.

Denique à quo omnis *perfectio* est, & actualis, & potentialis, illud ipsum ut sit *perfectissimum*, requiritur: à Deo autem est omnis illa *perfectio*: ergo;

ergo; five eminenter, in potentiâ causâ; five formaliter, vi infinitæ suæ naturæ, perfectionem omnem in se continens.

Cæterum quod Deus *spiritualis* sit essentiæ, & non corporalis, inde quoque evincitur, quia est perfectissimæ. Nam perfectior est substantia spiritualis omni modo, quam corporalis.

Præter *incommoda* corporis, quæ in Deum non quadrant.

Et corpus *subordinatur* animæ, vel alteri substantiæ meliori: qualis subordinationis repugnat Deitati.

Vel fortasse *totus* erit corpus? & sic nihil minus, quam Deus, utpote infimam sortitus rerum classem & ordinem, quæ tantum sunt, & non vivunt: vel *quantum* ei dabis corpus? non immensum: nam & plurima existunt corpora, quæ Deus ille non est; & iners moles, neque se gubernabit, neque alia: vel si & alteram partem ei attribuas, *animam* videlicet, utra alteram produxit? & quis utramque junxit? si alter? hic potius Deus dicendus erit, quam ille animatus, vel corporeus.

Pari ratione ostenditur, quod non sit corruptibilis Deus, sed absolute *æternus*. Si enim *mutari* potest; ergo & aboleri: si generari aliquando novus; ergo & *interire*: si aliqui, quid ni & *omnes*, ut prorsus nullus aliquando Deus sit? Et unde quod mutantur, vel à se, vel aliunde? *sponte*, vel *invito*? utrumvis dicatur, peræque absurdum erit & profanum. Nemo verò dubitat, quin melior, & major, & perfectior Deus sit æternus & incorruptibilis, *summum illud & æternum*, neque mutabile, neque interiturum, inquit Tacitus de Judæorum Deo: qui certe potior Deus, quam variabilis alius, & continuis mutationibus, casibus, successioni, morti denique obnoxius. Quales Dii Poëtarum: & Gentilium varii. Cicero, lib. I. de naturâ Deorum: *Poëta irâ inflammatus & libidine furenteis induxerunt Deos, feceruntque, ut eorum bella, pugnas, prælia, vulnera videremus: odia præterea, dissidia, discordias, ortus, interitus, querelas, lamentationes, effusas in omni intemperantia libidines, adulteria, vincula, cum humano genere concubitus, mortalesque ex immortali procreatos*. Melior inter Indos Brachmannus Bartrouberti, quando dixit: *Memineris Dei non senescentis, neque interituri, qui summus est, atque omnibus se quærentibus dat intellectum, & omitte cogitationes quasunque alias*. Iterum: *Veneror Deum, cujus ignoratur tempus, vel Spiritus ejus: & nemo scit, quam præbeat animi contentationem, sibi confidentis: non irascitur, verum semper manet idem*.

Ejus denique *omnipotentia* sequitur ex perfectione in omni genere entis,

R

& sic

& sic quoque potentia. Neque aliunde dicuntur possibilia quaecunque, quam ex illius potentia. Uti ergo hæc tanta ab eo *opera*, quæ conspiciuntur, quibus tamen exhaustam potentiam ejus dicendum non est, arguunt omnipotentem factorem; & quaecunque ab eo *petunt* quotidie homines; ita omnia posse eum, quem Deum statuimus, necesse est. Epicharmus Epicureus, apud Clementem Alexandrinum, Stromat. 5. ἀδωκᾶ δ' ἐδὲν Θεός.

Ultimum superest, ut videamus *quis* sit Deus. *Ipsa re approbes, quis sit iste Deus?* inquit Maximus Grammaticus, Gentilis, ad Augustinum, epist. 43. Verbo respondemus, ipse ille, cui, quæ antea de divinâ perfectione dicta sint, competunt, Deus iste est. Unâ eademque operâ probamus, quod, & quid, & quis sit Deus, quia unus. Nam inter varios denotari eum nihil attinet, quia non sunt varii. Hoc ipsum ergo ens, quod est perfectissime summum, est ille verus Deus, non alius, quia nec aliud aliquod tale ens est, præter unum, & hoc unum est quod tale. Simul ergo palpamus verum in naturâ Deum, quo illud quod Deus est cognoscitur. Accedunt alia, quæ de Deo prædicantur ex ejus operibus, quod est creator cœli ac terræ: sed nondum egimus de creatione: quare hætenus ab eo appellari à nobis non potest: nedum ex eo, quod se in Verbo revelavit, Patrem esse, & Filium, & Spiritum Sanctum: in præsens quousque pervenimus, inde & designari debet, ac potest, videlicet quis sit Deus, primò ex notione animi de ipso, duce rectâ ratione, quod hætenus à nobis factum, nimirum, quod est ens perfectissime summum, qui est ille, quem quærimus. Deus: deinde ex relatione rerum ab ipso dependentium, quando dicimus, qui est creator cœli & terræ. Uti enim eleganter Pythagoras:

Εἴ τις ἱπὲρ Θεός εἰμι, πᾶρεξ ἑνός, ἔτ' ὁ Φείλῃ
Κόσμον ἴσον τῷ τῷ γήσας εἰπῶν, ἐμὸς ἔτ'.

*Si quis, præter unum, dicat Deus sum, illum oportet
Parem huic mundum facere, & sic dicere, hic meus est.*

Tertiò ex penitiori & singularissimâ revelatione in Verbo, cognoscitur Deus, ille qui est Pater, Filius, & Spiritus Sanctus; vel etiam uti se manifestavit populo suo, Deus Abrahami, aut Israëlitarum, &c. quem Deum magnum, etiam Prophyrius, quamvis Christianorum acerrimus hostis, confitetur, teste Augustino, lib. 19. de civit. Dei, cap. 22.

Sed naturali ductu homo novit quis sit Deus, nempe solus ille qui est perfectissimus, ipsaque adeo perfectio, cui & creationem postea attribuit, ac alia, quæ de Deo undiquaque cognoscit vera. Saltem non sunt Deus

illi Gentilium *Dii*, sive *antiqui*, sive *hodierni*, qui illis dum successerunt: neutros veros esse ostendunt; non illos, quia hoc defuerunt jam esse & vocari, quod antea fuerunt; hos, quia pridem nati sunt, notique. Eorumque alii *mali*, alii *ficti*, alii *ridiculi*, omnes *falsi*, & *facti*, vel ex *hominibus*, vel saltem ab iis, forte ad denotandas aliquas mundi & *naturæ* partes. Cicero, lib. 3. de nat. Deor. *Jam verò in Græciâ multos habent ex hominibus Deos.* & lib. 1. *Perseus Zenonis auditor, eos dicit habitos Deos, à quibus magna utilitas ad vitæ cultum esset inventa, ipsasque res utiles Deorum vocabulis nuncupatas.* Idem inter Gentiles ostendit Metrodorus Lampſacenus, referente Tatiano, in Orat. *qui neque Junonem, neque Minervam, neque Jovem id esse fatetur, quod existimant, qui ædes & luos ipsis constituunt, sed res quasdam in natura, & elementorum digestiones.* Quod & ex Stoicorum doctrinâ probat Lactantius, lib. 1. cap. 12. similiter Athenagoras, Clemens Alexandrinus, Arnobius, & Augustinus, lib. 6. de Civit. D. cap. 8. *At enim habent ista physiologicas quasdam, sicut ajunt, id est, naturalium rationum interpretationes. Quasi verò nos in hac disputatione physiologiam quaramus, & non Theologiam, id est, rationem non naturæ, sed Dei.*

Vel homines fuisse olim, quos postea pro Diis coluerunt vani miseri-que Gentiles, notissimum. Et sic hodie apud Japonenses, qui strictiori vitâ, & exquisito genere poenitentiae aliquando celebres, inter Numina relati; apud Chineses, qui artibus & scientiis reperiendis clari; apud Decamenſes, vitæ, ut putant, sanctitate eminentes: Siamenses, suos Legum-latores pro Diis habent. Atque de antiquis, inter Gentiles idem ostendit Euhemerus Messenius, quem secutus inter Romanos fuit Ennius, teste Cicerone, lib. 1. de nat. Deorum, Augustino: de Civit. D. lib. 6. cap. 7. Lactantio, lib. 1. cap. 11. Agragantinum appellat Arnobius, lib. 4. Theophilus in primo ad Autolycum, καὶ τὰ μὴ ὀνόματά τιν' εἶναι θεῶν, ὀνόματά τιν' εἶναι θεῶν ἀνθρώπων. Unde ista Tertulliano fiducia, in Apologetico, ita Gentes compellendi: *Deos vestros colere desimus, ex quo illos non esse cognoscimus. Hoc igitur exigere debetis, uti probemus non esse illos deos, & idcirco non colendos, quia tunc demum coli debuissent, si dii fuissent. Tunc & Christiani puniendi, si quos non colerent, quia putarent non esse, constaret illos deos esse. Sed nobis, inquit, dii sunt. Appellamus & provocamus à vobis ad conscientiam vestram, illa nos judicet, illa nos damnet, si poterit negare omnes istos deos vestros homines fuisse.* Cyprianus, in initio tractatus, de idolorum vanitate: *Quod idola Dii non sint, & quod unus Deus sit, & quod credentibus datum sit Deos non esse, quos colit vulgus, hinc notum est: Reges*

olim fuerunt, qui ob regalem memoriam coli apud suos postmodum etiam in morte cœperunt. Et Lactantius, lib. 1. cap. 8. Quomodo ergo, inquiet aliquis, Dii crediti sunt? nimirum quia reges maximi, ac potentissimi fuerunt: ob meritâ virtutum suarum, aut munerum, aut artium repertarum, cum chari fuissent iis, quibus imperitaverant, in memoriam sunt consecrati, quod si quis dubitet, res eorum gestas, & facta consideret, quæ universa tam poëta, quam historici Veteres prodiderunt.

Et lib. 5. c. 20. Incredibilis dementia est, Deos putare, quos fuisse mortales negare non audeant. Vel si tam impudentes fuerint ut negent, suæ illos, ac suorum litteræ coarguant, ipsa denique illos sacrorum initia convincant. Imo ab Eruditis jam diu, & magno studio observatum, sub variis Gentium numinibus servata & culta fuisse primorum hominum, qui in Sacris extant historiis, nomina, ex vetustâ, obscurâque apud Gentes traditione: Adamum, in Saturno; in eodem etiam, uti facile fuit ista confundere, Noachum, & tres hujus, in tribus quoque illius, liberos, partitumque inter illos orbem: in Jano quoque Noachum, utriusque & hujus & anterioris mundi spectatorem; eundemque in Baccho, vitis satore; Tubalkainum, in Vulcano; in Marte, Nimrodum; in Api, Josephum; in Hercule, Josuam, vel in Apolline, uti multis probare allaborat Edmundus Dicksonus, in lib. *Delphi Pheniciſſantes*.

Parum ista, nisi & turpissimos, ac vitæ flagitiosissimæ nonnullos Diis sæpenumero adscripissent, & infanda vitia, turpitudines, scelera in illis quoque comprobassent, & jam docuissent. Salacissimum, & in patrem crudelem, Jovem; intemperantem & ebriosum Bacchum; dissolutam libidinibus Venerem; furentem Herculem; obscenitatis symbolum Priapum; nec dissimilem Hadriani Antinuum, quem suo tempore Deum factum Justinus exprobrat Gentilibus, in Apologiâ; & Athanasius, lib. 1. cujus adhuc monumentum Romæ visitur, in inscriptione Græcâ: Antinoo Ægyptiorum Deo. Quibus ex rebus intelligi datur, non potuisse ullo pacto fieri Deos: quia ne homines quidem probi fuerunt: eaque in vitâ suâ gesserunt, quæ mortem pariunt sempiternam, inquit vere & eleganter Lactantius. Denique de totâ factitiorum Deorum turbâ merito quis usurpet Neronis illud, apud Senecam, in Octaviâ:

Stultè verebor, esse cum faciam Deos.

Neque etiam hic constitit in deligendo Deo errans infania, sed & Diabolum pro Deo coluerunt multi, & olim, & etiam hodie. Athanasius lib. 2. in tantum verò vesanæ impietatis proruperant, ut jam daemones quoque ado-

rarent, desiderijs eorum satisficientes. Hodie id fit apud Brasilienses, & in Novo Belgio Americano: in Africâ, à Ginenfibus, & Guinenfibus: in Orientali Indiâ, à Calecutenfibus, qui eum appellant *Duma*; à Narfingenfibus, ad oram Cormandel, à Sinenfibus, Japoniis, & aliis. De Brachmannis Rogerius, cap. 8. colunt summum Deum, & inferiores, & Diabolum. Saltem ne ipsis aliquam noxam inferat.

CAPUT QUINTUM.

De mundo ejusque creatione & gubernatione.

Illi ergo uti non sunt Dii, neque aliquid habent Deitatis, ita divino honore eos afficere, omisso, quem supra ostendimus, uno & vero Deo, summæ est vecordix & improbitatis. Quum verò multi, uti olim, sic & nunc, pro Deo faciant *mundum*, vel *cælum*, vel in cælo *solem*, & *lunam*: Plinius, lib. 1. hist. cap. 1. *Mundum & hoc quod nomine alio cælum appellare libuit, cujus circumflexu teguntur cuncta, numen esse credi par est, æternum, immensum, neque genitum, neque interitum unquam*: hic omnino expugnandus error est, qui, præterquam iis, quæ jam attulimus, fortissime refellitur istorum omnium creatione & gubernatione à Deo, de quâ nunc dicendum est.

Augustinus, ad Maximum, qui objecerat, Christianos non æque Deum suum ostendere oculis posse, ac Gentiles, epist. 43. *Invenit ille, inquit, quod ostenderet oculis carnis, ego autem non quasi non habeo quem ostendam, sed non habet ille oculos, quibus ostendam. Potuit enim ille oculis corporis sui ostendere Deum suum solem, quibus ego oculis ostendam solis Creatorem. Video quæ fecerit Deus meus, non autem video ipsum Deum meum, qui hæc fecit.* Nam & idem ab hodiernis Gentilibus objectum Christianis legimus, Deum, quem in cælis Christiani dicunt esse, sibi ignotum, quia nunquam visum. Solem autem à plerisque Ethnicis semper pro numine habitum, omnes norunt, & superius à nobis expositum: etiam hodie à plurimis Gentibus religiose coli, & Lunam, tanquam ejus uxorem, alii sororem credunt, Godofridus Carolinus annotavit, lib. Belgico, de *Gentilismo præsentis*, part. 2. cap. 3. Peruani cultum præcipuum impendunt Pachacamaco, ut creatori mundi; deinde Soli, atque Lunæ, tanquam ejus forori: forte uxorem simul & sororem habent, quemadmodum veteres Ingæ, sive Peruani Imperatores, patriâ lege tenebantur sororem sibi uxorem

rem ducere: quod Chinchiroca, Ingarum secundus, de consilio Orejonum, sive Primorum regni, omittens, ductâ aliâ, suam sororem inter virgines Soli sacras clausit templo Curacanche, uti refert Joachimus Brulius, in *Historiâ Peruanâ*, lib. 1. cap. 8. Ultra Andes verò, sunt hi Peruviani montes, Indos habitare scribit etiam, de Coca dictos, qui neque Solem, neque Lunam adorabant, vel quidquam istis inferius, sed aliquem, quem dicebant omnibus illis esse superiorem: Ingarum autem potentia & mandatis querebantur se ad Solis & Lunæ cultum adactos: atque non alii promptius Christi religionem susceperunt. Certe non ineptum erat argumentum, quo in frequenti Orejonum conventu, dicitur usus Viracochi, qui primus putatur supremo Numini Pachacamac summu dominium, & religionem detulisse, inquit: cum necesse sit ad Dei maiestatem magnâ ipsu constantiâ, ac quiete cuncta moderari, Solem arbitrator, qui perpetuo motu discurrit, Deum esse non posse.

Creationem vero Universi, Gentilium alii admiserunt, alii minus: saltem factum dixerunt, alii autem æternu, & neque initium habuisse, nec habiturum finem. Nota est Aristotelis opinio. Heraclitus Ephesius, apud Clementem Alexandrinu, Stromat. v. 1. *ἡσυχίαν τὸν αὐτὸν ἀπὸ πάντων ἔτε τις θεῶν, ἔτε ἀνθρώπων ἐποίησεν, ἀλλὰ ἦν αἰεὶ καὶ ἔστιν, καὶ ἔσται.* Arnobius, adversus Gentes secundo: *mundum quidam ex sapientibus æstimant neque esse natu, neque ullo esse in tempore perituru: immortalem nonnulli, quamvis conscribant eum esse natu & genitu. Tertiis verò collibitum est dicere, & esse natu & genitu, & ordinariâ necessitate perituru.* Diodorus Siculus, in initio hystoriæ, prima hominum generatio apud doctissimos & prastantissimos viros, qui veram naturam & hystoriam tradiderunt, duplex fertur: quidam mundu ingenu & incorruptibilem, & genus humanu ab æterno extitisse, neque habuisse ortu principiu sensere. Quidam genitu corruptibilemque arbitrati, & homines dixerunt generationis initiu tempore esse sortitos.

Factu, & originem aliquando mundu habuisse, neque ab æterno fuisse, colligimus primò ex ejus partibus, quæ capiunt originem, & aliquando intereunt. Argumento sit potissima ejus pars & *μακρότης* homo, *μακρότης* vividissima species, & certu quoddam compendiu. Nos originem habere ab alio, & velimus nolimus aliquando mori, constat: si ego, & parens, & avus; ergo non minus omnes, quousque ascendere libet, ortu suu habuerunt: neque minus nos nunc mundi pars sumus, atque illi suo tempore fuerunt omnes, & sic vicissim. Neque illi magis à *αἰών* orti, ac nos nunc orimur. Namque cur, vel, quomodo id magis

tum evenisset, quam nunc idem nobis? Orti ergo semper homines, & ab aliis. Necesse autem est illis aliquando ortum dederit, qui à se, & tum vitam illis dare potuit, tum auferre. Et hic Deus est. Nam in infinitum ire generatio non potest, & in immensum nunquam non alios reperire, quam qui ab aliis nati, impossibile est, quia non illi magis istam seriem generandi instituere potuerunt quam nos, tantum accipere: & si acceperunt, fuit tandem aliquis ejus dator atque institutor. Quo enim pacto id homines potuissent sequi isto ordine & serie illâ necessariâ, antiquâ, & communi, nisi lege & naturâ istâ datâ ab alio? Accipere eam homines possunt, non dare; non dare sibi, minus aliis, minime verò omnibus. Viget tamen generandi consuetudo universaliter apud omnes. Si quæ autem alia lex, præfertim rationalis, autorem semper habet, tum hæc imprimis, quæ sapientissima, & maxime necessaria, quæque in nullius hæret arbitrio, sed cui obtemperare naturâ duce coguntur omnes: ut superiorem hoc ipso agnoscant, à quo & vim, & legem istam acceperint, omnes. Et si humanum genus aliquando sui originem, & à Deo primo institutore & conditore, habuit; ergo & reliqua mundi, homine multum inferiora: & si pars aliqua, & quidem potissima ab alio facta, non ergo totus mundus initii expers est: & si pars una, quare non alia, & tertia, atque ita Universum, quod partibus suis constat, & tale totum, ac partes ejus sunt singulæ.

Deinde & multa cum homine ac tempore acceperunt initium, atque à parvis principiis accrevit in istam formam & usum, quem nunc habent, antea incognitum & nullum. Ut res alias præteream, & artium multarum, ac scientiarum primas inventiones, à rudibus initiis omnia inchoarunt, quo & originem aliquando habuisse, & antea non fuisse, testatum faciunt. Lucretius:

recensque

Natura est mundi, neque pridem exordia cœpit,

Quare etiam quædam nunc artes expoliuntur,

Nunc etiam augescunt, nunc addita navigiis sunt

Multa.

Sed & ipsæ hominum *Societates*, convictiones, & in civitates ac imperia coitiones & consensus, quorum primi ductus & elementa in Gentium originibus vulgò notantur, argumento sunt, cum iis & humanum genus, & omnia quæ in ususejus necessaria & commoda sunt, aliquando incepisse, neque extitisse ab æterno.

Jam *ordo* ille sapiens, constans, divinus, qui in Universo tam clare & copiose elucet, non à se vel oriri potuit, vel conservari ac permanere tam diu,

diu, idem & admirandus, nisi à superiori omnium causâ fuisset constitutus.

Denique vel à se est mundus, vel à Deo, vel ab aliquo *tertio*. Non hoc, quia extra mundum, & Deum nihil datur. Non etiam illud, quia sic haberet omnem perfectionem, & ipse Deus esset, omnesque ejus partes, viliissimæ etiam in mundo singulæ, Dei partes. Jam verò neque illæ perfectionem habent Deo, id est, Dei partes ut sint, dignam; neque id jam opinor agitur, ut mundus probetur Deus esse, quamvis id sequatur, si à se, & æternus sit, carens principio: quomodo autem Deus erit, cujus partes neque sunt animatæ omnes, neque incorruptibiles, neque æternæ, sed quotidie oriuntur, generantur, fiunt, & quoque intereunt?

Atque ut alia omittamus, antiquorum inter Gentiles, pro mundi creatione, testimonia, ab aliis collecta; quod olim de Indis Megasthenes, apud Strabonem dixit, lib. 15. *ὡς πολλῶν δὲ τῶν Ἑλλήνων ἑμολογεῖν, de multis eos cum Græcis sentire, ut quod mundus & ortus sit, & interiturus, & quod sphericus Deus ipsum pervadit ejus conditor*: idem & hodie apud illos ferè reperias. Ceilonenses enim, & Calicutenses, & Guzarattenses, unum Deum creatorem statuunt cœli, ac terræ: Siamenses, mundum à Deo creatum credunt, & duraturum octo mille annos, tum incendio absumendum, sed sub cineribus superfutura duo ova, ex quibus mas & fœmina prodibunt, homines mundo iterum & incolas reddituri.

Etiam apud Sinenses reliquias deprehendi volunt historicas, sed fabulis ridiculum in modum obvolutas, de creatione primorum hominum, etiam diluvii, quo tempore, ajunt, Deam Amidam in terram descendisse, & quo loco pedem posuit, aquis jam denudato, mox eum conversum in aurum: fuit autem locus Calempluy in Chinâ: tum versam oculis ad cœlum, enixam per utramque axillam, quia non alter locus in ejus corpore ad pariendum erat, qui peccati & miseriæ causâ postmodum mulieribus datus est pudendus, innumeram hominum multitudinem; per axillam dextram mares, per sinistram verò fœminas, & harum quidem partes tres, ad unam marium, quia videlicet populanda erat hominibus terra: ipsa autem pariendi molestiâ delassata occubuit, cujus mortem lugens Luna, hinc maculas adscivit, non abstergendas nisi post tot annos, ac Amida peperit homines, nempe 33333. tum verò luctu deposito totam futuram lucidam.

Quibus missis, deplorandis in fidei & religionis negotio fabulis, accedimus ad adstruendam Dei in mundum *providentiam*, quod asserta creatio-

tionem non est admodum difficile. Neque enim credibile est, quod Deus sapientissimus, producto opere exquisitè perfectò & admirando, deserere aut negligere illud voluit, quasi vel placuisset minus, vel probasset: nam si demum abjicere sua solent & non curare, qui vel ea nolunt, quia displicet, vel non possunt retinere & servare, aut regere, quia viribus præpollet, vel invitis ipsis & contra fas eripitur. Quæ vel in Deo, vel mundo respectu Dei locum non habent.

Deinde, quod videmus tam diu, & tam bene *conservari* totum mundum, ut nec ipse intreat, neque species ejus ullæ extinguantur, documento est, à superiori & potentiori auctore indefinenter fulciri & sustentari. Quemodo enim alias non multa quotidie, uti solet cum rebus à nullo curatis, interirent passim, & deformem atque mutilum, plurimarum rerum neglectu & occasu, redderent Universum?

Præterea uti Creator rebus non dedit tantum consistere, sed & vires operandi, naturis suis convenientes, quas non minus fovet & sustentat, ita *regi* omnia videmus modo & ordine sapientissimo, tum in iis quæ pro ordine constituto sunt, quam quæ extraordinariò fiunt. Et si vel in domo, familiâ, scholâ, aut civitate & imperio, ubi quæque videmus ordine fieri decentissimo, & in usus ac commoda singulorum, non possumus non agnoscere & prædicare sapientiam, cujuscumque illa, tam egregie moderantis; ita in hoc rerum Universo demens & vecors sit, qui spectato singulorum, uti geruntur in cælis atque terrâ ordine, non deprehendat, miretur, colat immensam illam vim divinæ providentiæ, quæ omnia tam sapienter disponit, & fortiter movet, dirigitque?

Quod ut in aliis obscurum sit, in *homine* ejusque gubernatione adeo est manifestum, ut, qui hominis ingenium potest perspicere in rebus ab ipso ordinatis, gestis, non possit quoque in hominum ipsorum regimine observare Dei manum, & humanum genus totum, & universas ejus actiones ac negotia moderantem, regentem, disponentem, in fines sibi præstitutos, nâ dignum se præbet is, nihil unquam ut videre possit aut observare.

Denique nisi Deus omnia regat sapientiâ suâ & bonitate, quorsum est, quod homines eum colunt, *orant*, & præsentem ac futuram ejus opem implorant, vel sollicitè ambiunt, si nihil sciat, vel agat, vel curet sui, aut alieni, sed iners torpeat circa res omnes, quas curæ ipsi esse humanum genus sibi persuadet, & credit, interim turpi otio fruens, res cæco ac in-

fano ductu permittat rotari ac ruere, nullo eas studio vel arbitrio regens aut gubernans?

Hic verò *Fortunam* alii, alii *Fatum* introducunt, pari temeritate, ac insaniâ: *Fortunam*, quâ cæco impetu ferantur omnia; *Fatum*, cui ipse Deus scilicet subiaceat:

Nos facimus fortuna Deam, cæloque locamus.
Seneca in Hippolyto:

*Res humanas ordine nullo
Fortuna regit, spargitque manu
Munera cæca.*

Sive sit Genius aliquis, uti Platonici visum: sive quod Philosophis, causa per accidens agens; aut quod Mathematici contendunt, influxus siderum occultus & efficax, præsertim Lunæ: de quibus videre est, Plutarchum, in libello, *de Fortunâ*; Dionis Chrysostomi *Orationem* LXIII. & seq. Lilius Gyraldus, *Deorum Syntagm.* XVI. & Vossius, *de Idolol.* lib. 2. cap. 43. Quanto melius divinæ providentiæ assignentur, quæ etiam in iis, quæ maxime fortuita putantur, ideo quod eorum causa non æque manifesta, vel inexpectatus est eventus, est liquidissima. Uti quod fortuito casu, aut cæco jaculi ictu forte configitur, qui occidi meretur; casu diccas factum, quod causa proxima, vel manus non deliberatò in istum intendens sagittam, per accidens illud faciat; at procul dubio superioris providentia & vindicta sic moderatur, ut non temere videas pœnam sumi à scelerato, qui ut omnes fugiat, non latet oculum & manum cuncta cernentis & regentis Dei. Claudianus in Rufinum, lib. 1.

*Abstulit hunc tandem Rufini pœna tumultum
Absolvitque Deos.*

Sophocles Tragicus:

Οὐκ ἔστιν ἡμῖν ἑδραία τύχη θεός.
Οὐκ ἔστιν, ἀλλὰ ταυτῶν, ὃ γὰρ
ὡς ἐτυχ' ἐκείτω, παροργισθέντι Τύχῃ.
*Fortuna non est ulla, quam dicunt, Dea,
Non est, sed unicuique si quid contigit
Casuque fit, fortuna nobis dicitur.*

Jam *Fatum* qui ponunt, ex alterâ parte peccant; & tum in Deum sunt injurii, quem nescio quibus Parcarum numinibus adstringunt & subjiunt; tum in causas secundas, quarum vim, usum, & libertatem hoc modo tollunt. Sed nos fato omni superiores sumus: uti Tatianus loquitur, in Ora-

tionem, ἢ μὲν δὲ καὶ εἰμαρμένης ἐσμεν ἀνθρώποι: nisi per Fatum divinam voluntatem, & providentiæ divinæ vim quis intelligat: quo casu, cum Augustino dicimus, *quæ si propterea quisquam Fato tribuit, quia ipsam Dei voluntatem vel potestatem Fati nomine appellat, sententiam teneat, linguam corrigat.* lib. 5. de civit. D. cap. 1.

Cæterum, uti adversus creationem Gentiles aliquando objecerunt, tanquam absurdum, quod sic Deus rerum etiam *vilissimarum*, si omnium in mundo, ergo formicarum, & muscarum statueretur causa: parum attendentes, in istis ipsis vilibus animalculis omnem hominum vim & sapientiam coargui, ut qui tale quid nihil producere arte sua vel ingenio possunt: & tum in ipsis, tum viribus, quibus pollent, eo ipso magis admirandam esse Dei sapientiam, quæ viliora apparent, in quibus non vilescit ejus operatio, uti neque in aliis attollitur: idem, dico, eademque dementiâ, à multis adversus Dei providentiam adfertur, si eâ totum mundum complectatur: quum tamen videamus, & quam istis minoribus etiam vita nostra egeat, & quanta sape istis Deus operetur. Hieronymus, proœmio in epist. ad Philemonem, *quod si non putant eorum esse parva, quorum & magna sunt, alterum mihi conditorem juxta Marcionem, & Apellem, formicæ, vermium, culicum, locustarum: alterum cæli, terræ, maris, & Angelorum debent introducere.* Quod idem sibi objicit Arnobius, II. contra Gentes.

Deinde obvia apud omnes est objectio, quomodo, si divinâ providentiâ mundus regitur, *pius male, improbis bene est*, & fluunt his omnia ex voto, illis secus? Quæ etiam Lucianus Jovi suo objicit, & exprobrat, dum eum ἐλέγχει. Ovidius, Eleg. 8. *Cum vexent mala fata bonos, ignore scite fasso, Sollicitor nullos esse putare Deos.* Claudianus in Ruffinum, lib. 1.

*Sape mihi dubiam traxit sententia mentem,
Curarent superi terras, an nullus inesset
Rektor, & incerto fluerent mortalia casu. &c.*

Sive, ut Seneca rem proponit: quare bonis viris mala accidant, cum sit providentia? ubi non præsupponit modò, sed supervacuum censet ostendere, *non sine aliquo custode tantum opus stare, nec hunc siderum certum discursum fortuiti impetus esse*: & ad ipsam quaestionem adfert certè egregia & solida, quæ quis miretur in Gentilem cadere potuisse. Primò ait, sic Deum agere cum probis, uti cum filiis suis, quos impense amat, & quia amat, variis exercet: *cogita filiorum nos modestiâ delectari, vernularum licentiâ:*

illos disciplina tristiori contineri, horum ali audaciam. Idem tibi de Deo liqueat, bonum virum in deliciis non habet: experitur, indurat, sibi illum præparat. Imo inquit, nihil accidere bono viro mali potest. -- Omnia adversa exercitationes putat. Citat illud Demetrii sui dicentis, nihil sibi infelicius videri eo, cui nihil unquam evenit adversi. Non licuit enim illi, se experiri. Et ipse cap. 5. *semper esse felicem, & sine morsu animi transire vitam, ignorare est rerum naturæ alteram partem.*

Nec ferè aliter respondent ad præsens argumentum Christiani, quousque ex ratione disputant, & rerum naturâ. Cum apud Minutium, Cæcilius objecisset, quod si mundus divinâ providentiâ, & alicujus numinis auctoritate regeretur, nunquam mereretur Phalaris & Dionysius regnum; nunquam Rutilius, & Camillus exilium; nunquam Socrates venenum: respondet Octavius, Christianus miser videri potest, non esse. Dixerat, ut aurum ignibus, sic nos discriminibus arguimur. Quam pulchrum spectaculum Deo, cum Christianus cum dolore concreditur, cum adversum minas, & supplicia & tormenta componitur? cum strepitum mortis, & horrorem carnificis irridens insultat? cum libertatem suam adversus reges & principes exigit? soli Deo, cujus est, cedit? cum triumphator & victor, ipsi qui adversum se sententiam dixit, insultat? vicit eum, qui quod contendit, obrinuit. Similia habet Seneca, cap. 2. de providentiâ, sive libello statim citato.

Quinimo omnes adversus Dei providentiam illo fuerunt usi argumento. Et refellit Cicero lib. 3. de naturâ Deorum, ad productum Telamonis versum:

Nam si curent, bene bonis sit, malè malis: quod nunc abest. Lactantius lib. 1. cap. 2. & alii nonnulli, qui putaverunt deos esse: quid aliud effecerunt, nisi ut nulla esse providentiâ putaretur? quos tamen & ceteri philosophi ac maxime Stoici acerrime retulerunt, dicentes, nec fieri mundum sine divina ratione potuisse; nec constare, nisi summa ratione regeretur. Sed & M. Tullius, quamvis academicæ disciplinæ defensor esset, de providentiâ gubernatrice rerum & multa sæpe disseruit, Stoicorum argumenta confirmans, & nova ipse afferens plurima: quod facit tum in omnibus suæ philosophiæ libris, tum maxime in iis, qui sunt de Natura deorum. Quæ ex Gentilibus, contra Gentiles allata, eo sunt validiora.

Auctor libri de mundo, apud Aristotelem, cap. 6. ἀρχαὶ μὲν ἔν τις λόγος & ἡγεμονία ἐστὶ πᾶσιν ἀνθρώποις, vetus sermo est, & à majoribus proditus inter omnes homines, universa tum ex Deo, tum per Deum esse constituta; & naturam nullam per se sufficientem, aut subsistere posse citra ejus præsidium.

dium. & cap. 1. mundum dicit esse σύμμα, τὰξιν τε καὶ ἀναόσμησιν, ὡς θεὸς τε καὶ ἀπὸ θεὸν φυλαττομένη, quæ à Deo & per Deum asservatur. Et Epictetus, apud Arrianum, *discendum ante omnia, unum esse Deum, omnia regere, omnibus providere; quidquid vero faciamus, dicamus, cogitemus, nihil eum latere posse.* Quare Lactantius recte ad prolatam Epicuri sententiam, vel impietatem, negantis Deum ejusque providentiam, & Ciceronis adversus eum disputationem, lib. 1. *nec difficile sane fuit, paucorum hominum prave sententiarum redarguere mendacia testimonio populorum, atque gentium in hac una re non dissidentium.* Certe & Brachmanni hodie providentiam agnoscunt, quam Brammæ suo adscribunt, uti creationem. & nunquam defuerunt philosophi, & hi quidem magni ac nobiles, teste Cicerone, qui providentiam asseruerunt: quorum aliquos etiam producit Theophilus, ad Autolyicum, lib. 2.

Propter illam de bonis, & malis, quæ in mundo promiscue accidunt, objectionem, aliis visum fuit *duo* constituere rerum *principia*, boni unum, alterum mali, & hoc etiam pro Deo agnoscendum, saltem metuendum esse. Quâ de re Plutarchus, in libello *de Iside, & Osiride*. Quæ etiam apud Persas Theologia fuit Zoroastri, sub symbolo Orimasdis, & Arimanii, illo lucis, hoc tenebrarum auctore. Unde & Manem deliria sua Manichæica de duplici principio, altero Deo, & Hyle altero, hausisse, credibile est: nam Persa natione fuit, & Persicis disciplinis, ope ac sumtibus Viduæ alicujus, instructus. Et ex eodem fonte apud Indos plurimorum sententia, & cultus Diaboli fluit, saltem ne ipsis noceat. Impie prorsus & perperam, quia & mala omnia subsunt divinæ providentiæ, regenti mala, & permittenti, quamvis mala ipsa, quæ verè talia, id est, peccata sunt, non efficiat, sed tantum ob fines, certò ipsi constitutos, eosque in universi bonum, non impediat; sed tum sapientiam in iis, tum justitiam, in puniendis improbis, ostendit ac declarat. Quemadmodum disputationibus Augustini, & aliorum, adversus Manichæos, clarum est.

Cæterum providentiam agnoscunt, ne de antiquis dicamus, hodierni in Indiâ Guzuratenses, & apud Sinenses secta præcipua Philosophorum: qui quò propinquiore veritati, eo & minus difficulter convertuntur.

CAPUT SEXTUM.

De homine, immortalitate & statu animæ post mortem, & mortuorum resurrectione.

PErgimus ad *hominem*, in quo animam rationalem agnoscunt omnes, nisi Dicæarchum fortè excipias apud Ciceronem, & paucos alios, qui nihil esse omnino animum, & hoc esse nomen totum inane contendebat, neque in homine inesse animum, vel animam, neque eum esse quidquam nisi corpus unum, & simplex ita figuratum, ut temperatione naturæ viget & sentit, statuebat. Quale quid de animâ etiam inter Japonios, & Sinenfes plurimi statuunt. Jam verò *immortalitatem* ejus, quam alii in dubium trahunt, alii inficiantur, probare tempus est: nam eo usque nostra processit disputatio. Apud Ciceronem, Tuscul. 1. Epicuræi contendunt, animas esse mortales; Stoici, non negant eas manere post mortem, sed aliquandiu, ajunt, non semper. Miror maxime Plinium, scribentem, lib. 7. cap. 53. *nec magis à morte sensus ullus aut corporis, aut animæ, quam ante nativitatem.* Contrà ejus immortalitatem docuerunt, Musæus, Orpheus, Homerus, Thales, Pythagoras, Empedocles, Plato, Cicero, Druides, Germani, Thraces, alii. Platonem autem ab Hebræis illud didicisse, existimat Eusebius, *Prepar. lib. 11. cap. 14.* Similiter & hodie varix quidem sunt Gentilium de animâ opiniones, at immortalitatem ejus alii non inficiantur. Valde super eo discrepant Sinenfes, etiam Japonii, qui illos in plerisque sequuntur. Negant alii hominibus inesse animam: alii mortalem, ajunt; alii, immortalem: vel ad tempus quidem vivere, in alia corpora migrantes; non autem semper, vel in metempsychosi, vel ab eâ.

Inter Brachmannos esse, qui animas volunt ab æterno extitisse in Deo, tamquam in mari, ex quo postea effluerunt, vel saltem ante creatum mundum fuisse, & post in corpora, tamquam in carcerem, immitti, ejusdemque ordinis & naturæ esse animas bestiarum, & hominum, discrimen à differentiâ corporum oriri; plures tamen statuere animarum immortalitatem, & durationem æternam, auctor est Rogerius. Et Bartrouherri inquit, in Apophthegmatibus, *quis fructus ex lectione Vedam, Poranem, & Fastra, nisi ut adipiscamur Surgam, id est, cælum? Quod est instar lucri mercatorum. Satius est perpetuo Dei meminisse, atque ita servare animam, quæ semper durat.*

Sic autem animæ probamus immortalitatem. I. Ex ejus *substantiâ*; quia est spiritualis: quod patet, ex ejus operationibus spiritualibus. Operatio omnis corporis est corporalis, & materialis, neque ultra vim corpoream excedens: at superior corpore est anima, quæ corpus cognoscit, permeat, & regit, non contrà, ideoque alterius & superioris est naturæ illo. Uno ictu & actu pervolat transvolatque omnia, quod corporale nihil potest, cujusuti natura, sic & operatio habet dimensionem, in longum, latum, & profundum. Quantitatis, & materiæ, in qua est quantitas, est esse extensum; non quod corpus sit extensio, sed extensum, sive materia extensa: spiritus verò rationalis, uti, quâ ratione spiritus est, esse incorporeum, sic quâ parte rationalis, cognoscere ei proprium; non ipsa cognitio, vel cogitatio, aut merus actus, neque enim per essentiam ulla creatura intelligit, sed solus Deus; sed ens, sive spiritus intelligens: & etiam si semper cogitaret, non tamen ipsa esset cogitatio; quemadmodum quæ semper in naturâ moventur, uti sol, cor &c. non tamen sunt ipsa motio, sed substantiæ sic vel aliter moveri natæ: alterum vero alteri non est tribuendum, neque commiscenda inter se, vel corpori attribuenda ratio intelligendi, vel intelligenti animæ ratio corporalitatis: & sic, uti anima & non corpus, in homine intelligit, ita spiritualis est, non corporalis. Corpus non intelligit: nam sic quid ni intelligerent omnis corporis partes? quod non esse factis est manifestum. At si alia præter & supra corpus substantia intelligit: neque enim intelligere est accidens corporis, uti ex allatâ ratione constat: & nulla in homine præter corpus alia sit quæ hoc agat, præter animam, sequitur, hanc, uti intelligentem solam, ita non corporalem esse, sed spirituales. Atqui si est spiritualis, jam nec naturæ nec qualitatis ejusdem cum corpore: ac propterea citra ejus dispendium vel corruptionem, interire corpus potest, & dissolvi. Natura substantiæ spiritualis uti non pendet, neque oritur à corpore, ita ab eodem neque perimitur. Si ergo separari à corpore Spiritus potest, ut corpore intereunte non necesse habeat perire & ipsum, ergo non est mortalis cum dissolutione vitæ & corporis. Quod erat probandum.

Secundò, Cujus *operatio* non dependet in se & naturâ suâ à corpore, ejus neque à corpore pendet existentia: quod si verum, ergo desinente vel non amplius existente corpore, non propterea cessat vivere aut existere anima. Jam verò certum istud in Philosophiâ est axioma, quod qualis est essendi ratio, talis quoque sit operandi, vel quod modum essendi sequitur modus operandi: quæ ergo anima in suâ operatione non est illigata corpo-

ri,

ri, non est quoque in suâ existentia. Operatur quidem in corpore, & utitur tum sensibus, tum speciebus corporeis in phantasia; sed non quasi aliter per se non possit, sed quia in corpore aliter non debet, propter commercium vitæ cum corpore. Interim quandoquidem in istâ operatione excedit naturam & vim corporis ac corporalium idearum, altioris se ostendit esse conditionis & naturæ, quam corpus. Nihil est in intellectu hominis in corpore viventis, quod non fuerit prius in sensu aliquo, & phantasia, vel totum vel ex parte, vel ut causa vel occasione, videlicet rerum corporalium externarum extrinsecus advenientium, & naturalium, atque objectorum hinc cognitorum: verum anima istis nec detinetur, neque assimilatur, sed eas potius assimilât sibi. Eo quod anima cognoscit corpus, quod nequaquam cognoscit seipsum, aut alia, quod à corpore abstrahit, & cognoscit alia, quæ corpus, & corpoream omnem rationem immensum excedunt; denique seipsam, cognitione non modò abstractivâ, sed intuitivâ, probatur operatio ejus spiritualis: & quæ in corpore etiam existens sic spiritualiter operatur, & non corporaliter; ea quoque sine corpore & extra illud existere nata est, & operari. Est cognitio in homine simpliciter rem apprehendens, tum judicans, sive noëtica & dianoëtica, non quod simpliciter apprehendis, eo quod apprehendis, sive clare id facias quomodocunque & distincte, non propterea verum est; quia claritas & evidentia adjuncta sunt cognitionis, non argumentum rei cognitæ; atque uti obscuritas in concipiendi modo non est signum erroris, ita neque simplex claritas, veritatis (uti claritas non est signum veritatis in sermone) sed in judicio dianoëtico, si cum veritate, aut ejus definitione rem convenire cernis, quoque hoc clarius & distinctius, eo melius & perfectius, hinc argumentum veri conceptus petendum venit, nempe ex conceptus veritate, sive conceptus formalis cum objectivo conformitate, non ex nudâ ejus claritate: denique est reflexiva cognitio animi in semet ipsum, quo ad sua recurrens, novit quid ipsa sit, quæque apud se habeat: quæ quum nullum corpus possit, animæ demonstrant diversæ à corpore essentiam, vim, &, liceat ita dicere, supercorporalitem. Unde jam concludimus, animæ à corpore existentiam & durationem, & quod non sit cum corpore mortalis.

Tertio, quod non est *compositum* ex partibus materiæ in se contrariis, quarum altera in alteram agat adversis qualitatibus, seque tandem invicem interimentibus, illud non potest dici mortale: quia non aliunde mors naturaliter existit, quam ex illâ reactione diversarum qualitatum mutuâ, calore humidum, frigore calorem &c. superante. Jam verò hæc quia in ani-

mâ locum non reperiunt, neque enim illa per se calida est aut frigida, vel qualitatibus primis prædita aut obnoxia; non quoque est mortalis, sed per se subsistens à corpore, & immortalis.

Quarto, ex ingenito appetitu immortalitatis, & beatitudinis argumentamur, ad probandam animæ immortalitatem: siquidem natura nihil frustra facit, vel nobis ingenerat: inserit verò omnibus istum appetitum, quo in illa naturâ ferimur: atque uti non potest esse beatus homo, nisi quoque immortalis, neque enim in hac vita se videt obtinere beatitudinem, non certe omnem, quam cupit, & desiderare ac quærere potest; manet, eam servari vitæ, post hanc, alteri. Bestiis & animalibus quem vel quarum rerum appetitum natura indidit, exfatiat quoque, ubi nimirum illa ipsis conceduntur, quibus acquiescunt: homini verò tale impressit rerum plurimarum desiderium, ut in hac vitâ nunquam plene saturetur; nemo etiam existat qui non fateri debeat, plura se concupivisse, quibus nunquam satis ex voto potitus fuit, & tamen illa in se experitur desideria in immensum, & durationis, & cum duratione felicitatis: nisi ergo dixerimus, non modo frustra aliquid naturam fecisse, quod non est fas admittere; sed quoque in præcipua creaturâ circa præcipuum objectum appetitum ejus defecisse; agnoscendum est, animam datam esse immortalem, & beatitudinis omnis, pro ratione vitæ antea, capacem.

Non est gens tam avida & studiosa vitæ longioris, quam Sinenfes: unde qui ejus artem profitentur impostores magno in pretio haberi solent; vel etiam qui alchymiam venditant, quæ duo ad amentiam propè confectantur. Quare contigisse aliquando narrat in epistolis ad Generalem Claudium Aquavivam, Nicolaus Trigautius, a. c. 1609. impostorem aliquem, qui pharmacum prorogandæ vitæ miscere solitus erat ex puerorum mactatorum sanguine, detectum ab aliquâ suarum pellicum, quas alebat domi plurimas, & convictum coram Magistratu, infandam luisse pœnam, decreto ei supplicio, ut ad palum ligato vivo, ex corpore ejus novacula refecarentur carnis frustula ter millia, ut tamdiu vid. protraheretur in mediis cruciatibus ejus vita, qui nefariâ arte vitæ prolongationem fuisset mentitus: quæ ubi ad Regem delata sententia, ut ex more in re tam gravi & insolenti comprobaret, eam non tantum ratam habuit, sed & imparem tanto crimini videri sibi, infligendam tamen, quia majorem non inveniret, rescripsit; atque ita tamdiu ille miser excarnificatus, quamdiu in toto corpore locus aliquis vulneri patuit, in ter mille frustra discerptus. Quæ confirmat lib. I. Commentarii, de expedit. apud Sinas, Christiana, cap.

cap. 9. ubi duplicem hanc notat, Sinarum insaniam; conflagandi argenti, & adipiscendæ, citra mortem, immortalitatis. Cujus utriusque rei præcepta putant à Veteribus quibusdam, quos in Sanctorum numero habent, & post multa præclare ac utiliter gesta, animâ simul & corpore evolasse in cælum, dum hic vivere pigebat, inventa & tradita posteris, eorumque volumina apud eos complura extare, partim excusa typis, partim manu scripta: *ditissimi enim quique post exhausta multa aureorum millia in hujus fraudis apparatu, quotidie in conspectu omnium ad extremam inopiam rediguntur, qui vero sunt in hoc genere felicissimi, adulterinum argentum ita conglant, ut in errorem imperitiores paucos inducant.* Alterum verò studium ita primores occupat, ut in regiâ Pequinenfi, in quâ degebat Trigautius, scribat, paucos fuisse vel ex Magistratu, vel ex Eunuchis, qui non isto morbo conquirendæ immortalitatis laborarent. Atque ex Sinicis Annalibus refert, Regem quendam hoc pacto ab istâ insanîâ liberatum. Paratum erat poculum impostorum quorundam arte, quod haustum immortalitatem allaturum pro certo pollicebatur, à quo quum nullis rationibus avocari per amicum melius sapientem Rex posset, ille, Rege non advertente, poculum clam arripuit & exhaustit: quod ægerrime ferens Rex, stricto mucrone Amico intentabat mortem: ad quod ille intrepide: *itane exhausto immortalitatis poculo me etiam confodi & mori posse putas? sane si vita mihi adhuc eripi possit. nullum quidem admisi crimen, qui non immortalitatem tibi eripui, sed te liberavi fraude.* Quibus dictis Rex illico acquievit, colaudatâ Amici, quâ ab errore revocabatur, prudentiâ. Utcunque verò Sinis non desint viri sapientes, imposturam illam clare detegentes, & qui utramque illam insaniam ipsorum animis eximere allaborant, non tamen efficere possunt, quin quotidie latius serpat, & supra præteritorum temporum memoriam, plures semper occupet ac dementet. Martinius, in Historiâ Sinicâ, lib. 8. Regem illum dicit fuisse Cheum Hinoum, qui ante Christum vixit a. cxi. & neque sic tamen destitit à quærendâ in hac vitâ immortalitate, cui studio qui semel se addixere, difficilimè curantur, quum eam maxime quærant artis chymicæ beneficio, qua non tantum aurum & argentum se facturos credunt, sed & medicinam illam, qua sumta vivant in æternum, quod unum sibi ad felicitatis apicem deesse Sinici Imperatores arbitrantur. Unde titulus ille, quo præcipue delectantur, & vocantur ab omnibus *Vau Vau Sui*, quod decem annorum millia significat, eaque sibi vanè pollicentur. Curarat iste Hiavus sibi extrui palatium ex meris lignis odoriferis, cedro, cypresso, camphura, & id genus aliis, cujus odor

odor ad viginti stadia sese diffundebat: In quo & ingens cuprea pelvis, quæ ros in singulos dies colligebatur, quo uniones, æternæ vitæ mediocris, macerabat, quibus ex impostorum fraude sperabat se futurum immortalem. Jam quo fortior iste in vitam semper prorogandam appetitus, eo & argumentum nostrum, quod attulimus, magis stringit, & hoc minus illi saltem animarum immortalitatem possunt negare, aut trahere in dubium: vel saltem hoc facilius illi redarguendi & convincendi.

Quinto, ex ratione præmii & pænæ constitutæ bonis malisque operibus, ostendimus animæ immortalitatem: quia primum id de omnibus intelligitur operibus, quandocunque & à quocumque præstitis: ergo & constantia, & pietatis quoque sub ultimum vitæ finem, vel contrariis vitiis isto tempore admissis sua quoque posita est merces: at quando conferenda? jam enim instat vitæ terminus, ut nisi post hanc vitam vivatur, illa saltem opera, forte summa & præcipua, destituentur suo præmio. Neque minus tum & sperabit vir justus justitiæ & patientiæ mercedem, quam antea, nec prohibetur id facere, imo nunquam forte vel majora præstitit, aut passus est, vel magis constanter & pie, ut animum spe promissi sustentare & erigere nunquam adeo debeat quam tum: quare si & omnibus operibus, & semper debetur sua merces, atque expectatur, jam & post mortem vivere hominem, & frui illis necesse est. Eo magis, quo in hac vita non satis vel præmii & felicitatis pro pietate, vel suppliciorum pro scelere videntur pati homines, quin probis male, & impiis bene esse vel sapissime observatur. Manet ergo vita, post hanc, altera, in qua omnia juste pro singulorum meritis & conditione distribuuntur & erogentur, bonis, quæ haud frustra expectarunt, bona; malis, quæ non vanè ipsis constituta, neque satis in vita tulerunt, condigna supplicia. Hoc magis, quo, uti Plato scribit, lib. i. Republ. cum jam quis est, ut moriturum se putet, arripit ipsum metus & sollicitudo eorum etiam de quibus antea non cogitavit. Exemplo sit Tiberius, in hac ejus ad Senatum epistola: quid scribam vobis Patres conscripti, aut quomodo scribam, aut quid omnino non scribam hoc tempore, Di me Deæque pejor perdam quam perire quotidies sentio, si scio. apud Tacitum, Ann. vi. Seneca, Epist. cxvii. cum de animarum immortalitate loquimur, non leve momentum apud nos habet consensus hominum, aut timentium inferos, aut colentium. Utor hac persuasione publica. Noti Cæsaris Adriani verus sunt:

*Animula, vagula, blandula,
Hospes, comesque corporis,*

T 2

Qua

*Quæ nunc abibis in loca?
Pallidula, rigida, nudula,
Nec ut soles, dabis jocos.*

Adde Gentilium variorum testimonia, pro animæ immortalitate, apud Steuchum Eugubinum, lib. 9. de perenni Philosophia, & quæ pridem collegit Elias Schedius, Syntagm. 2. cap. 19. de Dîs Germanis.

Non ved prætereunda hoc loco oratio, quam Petrus Martyr, Mediolanensis refert, habitam ad Præfectum Hispanicum, ab homine Americano, sene octuagenario, gravi quidem, sed nudo; in Oceanicis, Decade 1. lib. 3. *Terras omnes istas hætenus tibi ignotas, manu potenti te percurrisse, renunciatum nobis fuit, populisque incolis metum non mediocrem intulisse.* Quarete hortor moneoque, ut itinera duo, cum è corpore prosiliunt, animas habere scias: tenebrosum unum ac tetrum, bis paratum, qui generi humano molesti infensique sunt: jucundum aliud & delectabile, illis statutum, qui pacem & quietem gentium viventes amarunt. Si igitur te mortalem esse, & unicuique pro præsentibus operibus futura merita obsignata memineris, neminem infestabis.

Atque hæc de immortalitate animæ dicta sunt; quæ contra eam adferuntur à Gentilibus, non memini nos legisse, nisi ridicula, quæ refelli non merentur: & ipse Pomponatius, qui in libro de immortalitate animæ, eam quidem ex potestate & voluntate Dei asserit, at vix idem ex naturâ ostendi posse; quare simpliciter mortalem esse, secundum quid verò immortalem contendit, cujus primùm argumenta Javellus, non indignante ipso Pomponatio, tum Sirmundus discussit, peculiari libro, de immortalitate animæ; ille dico Pomponatius, in disputationis & libri sui fine cogitur quoque fateri, mortalitatem animæ, nec à se, nec ab ullo hætenus demonstratam esse, aut omnino demonstrari posse. Quod nobis hoc in loco sufficit, dum nulla in contrarium argumenta adferri possunt, nostris salvis & integris, quæ & hoc probabiliora, quod pro homine loquuntur, in ejus commodum & dignitatem, quo præstat vivere quam mori, & præstantius est in æternum vivere, quam morte extingui & evanescere.

Galeno autem, in lib. quod animi mores, & c. cap. 3. & 9. de placitis Hippocratis & Plat. adversus Platonis, de immortalitate animæ sententiam, objicienti, quod si in vivis adhuc fuisset Plato, eum interrogaturus esset, qui possibile foret, animam rationalem esse immortalem, quum adeo facile per calorem, frigus, humores, & siccitatem alteretur; prorsus etiam cesser, aut propter intensum aliquem calorem præternaturalem,

aut

aut quando nimiam sanguinis copiam homo emittit, aut cicutam bibit, vel alias patitur corporis alterationes: respondet Micrælius, in *Ethnophronio*, lib. 1. *Diat.* 3. *cap.* 13.

Non mori statim & interire cum corporibus animas saltem ii debent agnoscere, qui docent animarum *transmigrationem* de corpore in aliud, quamvis nec sic semper victuras, sed & aliquando extinctas iri, credant. Nihil autem hoc absurdius commento fingi potest, five hominum animas, à morte, in *humana*, five *bestiarum* corpora transire velint: nam diversimode de hoc sentiunt & loquuntur. Judæorum similes conceptus antehac deteximus in libris, de *Conversione Judæorum*: nunc nobis res est cum Gentilibus. Apud quos primi Ægyptii, teste Herodoto in Euterpe, docuerunt animas esse immortales, & corpore intereunte transire in animalia alia, denique iterum in corpus humanum. Et ab his illud hausit Pythagoras: uti docet Eusebius, de *præparat. lib.* 10. *cap.* 3. Ovidius, *Metamorphos.* xv.

*Morte carent animæ, semperque priore relicta
Sede, novis domibus vivunt, habitantque receptæ.*

--- & quoslibet occupat artus

*Spiritus, èque feris humana in corpora transit,
Inque feras noster, nec tempore deperit ullo.*

Gallorum Druides idem credidere, teste Cæsare, lib. vi. de Bello Gallico, non interire animas, sed ab aliis post mortem transire ad alios. Vide etiam Platonem, in Phædone: & Eusebium, de Platone, istâque ejus sententiâ, l. xiv. *Præparat.* c. x. Indi hodie, propter istam causam, erga animalia sæpe benigniores sunt, quam quidem erga homines: quorum animas, prout hic se gesserunt, in corpora alia intrare, post mortem, opinantur. Omnibus præferunt vaccas, animal domesticum, mite, ampli & commodi pro animabus domicilii, quarum caudas à moribundis teneri jubent, ut mox in eas intrare possint: non occidunt, lædunt, vel comedunt, sed impense curant, hospitalia iis curandis fovendisque instituunt, & magna solemnitate celebrant eorum nuptias, præsertim tauri, & vaccæ: in quas multa sæpe ducatorum impendunt millia: quod, se in Indiis agente, in oppido Diu contigisse, Texeira auctor est. Japonii verò amant abire in lupos, quod hoc sit animal non vile, vel infra alia, sed in alios potius dominetur, & omnibus sit terrori.

Neque in animalia tantum transire animas credidere, sed & in *plantas*, in fabas: quam ob causam Pythagoras ab hostibus comprehendi & occidi

maluit, quam in agro fabis pleno se occultare, ne forte illas contereret, dicens, ἀλῶναι μάλλον ἢ παύσασθαι: uti est in ejus vita, apud Laërtium.

Nihil autem ineptius, & quod five cum *hominum*, vel animarum humanarum dignitate; vel statu & irrationalitate *brutorum*, vel denique cum ratione *informandi* corpus aliud, post suum singulis proprium, minus possit conciliari, quam insipida & delira animarum metempsychosis. Unde Lactantius, lib. II. cap. XIX. *Sed videlicet Pythagoræ credidit, qui ut videret homines animalibus vesci, dixit animas de corporibus in aliorum animalium corpora commeari: quod & vanum. & impossibile est: Vanum, quia necesse non fuit, veteres animas in nova corpora inducere. cum idem artifex, qui primas aliquando fecerat, potuerit semper novas facere: Impossibile, quia rectæ rationis anima tam immutare naturam status sui non potest, quàm ignis aut deorsum niti, aut in transversum, fluminis modo, flammam suam fundere. Quare Theophilus, lib. III. ad Autolyicum, meritò δόγμα appellat & δυνὸν ἔα θέμεν.*

Cæterum in immortalī vita, vel fruitur homo *beatitudine*, vel dignas factis luit *pænas*. Illam pueriliter Gentiles in deliciis & voluptatibus, vel rebus aliis corporalibus constituerunt, quæ nec cum gravitate & dignitate hominis conveniunt; nec *desideria* ejus explere valent; ut nil ultra quærat & cupiat; neque *summum* dici bonum possunt, quo semper plura & majora dari possunt & concipi. Quod si verò summa felicitas sit constituenda in *objecto* absolute summo, quo nil excelsius cogitari aut peti potest; & perfectissima ejus *fruitione*, tum non aliud id esse, præter Deum summum, debet, & plenissimam cum eo conjunctionem. Quare non etiam anima tantum, quam ante omnia ad hoc necesse est esse immortalem, sed & corpore tandem semper vivat homo, requiritur, ut totus toto fruatur Deo, in omne tempus vel æternitatem.

Et hoc est quod concupiscit, quia concupiscere potest. Nusquam enim quiescit vel cessat in eo quærendi & cupiendi appetitus, ubi terminari se posse sentit, in infinitum aliquod naturā tendens, & nisi hoc, ubi repererit, saturandus. Quare in nulla re creata, nedum vili aliqua corporis, felicitas & beatitudo ejus, non summa, non æterna collocari potest. Conser Ludovicum Vivem, lib. I. de veritate fidei Christianæ.

Nec *spiritalis* essentiæ anima corporalibus admodum capitur, minime autem expletur: quæ, quantumvis jucunda aut grata extiterint in hac vita corpori; attamen non prorsus omni *molestiâ* in suo singula usu expertia, animæ jam *separatæ* à corpore, & solam medianti perfectionem, satisfacere,

cere, & pro vera, perfecta æterna beatitudine commendare se neutiquam possunt.

In hoc autem argumentum quando inquisiverunt veteres Philosophi, siue quodnam esset summum hominis bonum, in tot sententias ac sectas divisi fuerunt, ut ex Varrone, in libro *de Philosophiâ*, Augustinus referat, ducentas & octoginta octo sectas, *lib. xix. de Civitate D. cap. 1.* quæ hoc uno convincuntur omnes, quod non dicant summum id, propter quod sint appetenda cætera, ipsumque propter seipsum, quum omnia quæ commemorant, semper ad altiora destinentur, quare nec propter se appetuntur, neque supremum illud sunt, in quo liceat homini conquirere, præterquam quod difficultates & molestias in se contineant haud exiguas: uti sunt prima illa quatuor, ex quibus Varro reliqua deducit, & quæ homines naturaliter appetunt, videlicet, corporis voluptas; quies, qua nullam quis corporis patitur molestiam; utrumque illud; aut universaliter prima naturæ, vel in corpore quæ sunt, vel in animo. Errarunt verò, quod in hac vita beatitudinem quæsierunt, aut collocarunt, quæ non nisi æternæ vitæ est propria. Quare Augustinus, cap. iv. *illi autem qui in ista vita fines bonorum & malorum esse putaverunt, siue in corpore, siue in animo, siue in utroque ponentes summum bonum: atque ut id explicatius eloquar, siue in voluptate, siue in virtute, siue in utraque: siue in quiete, siue in virtute, siue in utraque: siue in voluptate simul & quiete, siue in virtute, siue in utrisque: hinc beati esse, & à seipsis beati fieri mira vanitate voluerunt.* Dum videl. in illis ferè beatitudinem posuerunt. Rectius alii cum futura vita eam demum exspectarunt. Elegans magni Catonis vox est apud Ciceronem, de senectute: *ô præclarum diem! cum ad illud divinum animorum concilium cætumque proficiscar, & cum ex hac turbâ & colluvie discedam!* Et Plotinus propterea, non in hac vita animam pertingere ad beatitudinem, sed in cœlis, ait, ubi ad æternitatis statum pervenerit, extra tempus & motum posita, atque in ænum & primum bonum intenta: uti differit haud uno in loco, Enneadum 1. Quomodocunque appellent illa Gentiles, siue antiqui, apud quos sunt campi Elysi beatorum; Orcus, Acheron, Cocytus inferorum, & nescio quæ non?

Acherontia templa, alta Orci, pallida

Leti, obnubila, obsita tenebris loca.

Uti est apud Ciceronem 1. Tusc. quæstionum: *tacitas Erebi sedes, Ditisque profundi Pallida regna*, inquit Lucanus: atque hodierni haud absimiliter: ita cum animæ immortalitate agnoscunt statum aut felicitatis, aut in-

felici

felicitatis manere homines eademque expectare. Apud Lucianum, Jupiter confutatus: *an ignoras Cynisce, quanta supplicia & cruciatus post hanc vitam pravorum & sceleratos homines manere soleant, aut in quanta felicitate victuri sint boni?* Et Clemens, Stromat. lib. iv. merito se dicit admirari Epicharmum, aperte dicentem, *si fueris mente pius, nihil mali patieris mortuus: superius manet in celo spiritus.* & Poëtam Lyricum, canentem: *impiorum vero animæ sub celo volant in cruentis doloribus, sub malorum jugis inevitabilibus: piorum autem in cælis habitant, παράγω μέγαν δέδωκεν ἐν ἑσπερίοις, cantibus beatorum principem canentes in hymnis.* Arnobius, adversus Gentes, lib. ii. *audetis ridere nos, cum gebennas dicimus, & inextinguibiles quosdam ignes, in quos animas dejici ab earum hostibus, inimicisque cognovimus? Quid Plato idem vester in eo volumine, quod de anime immortalitate composuit, non Acherontem, non Stygem, non Cocytum fluvios, & Pyriphlegetontem nominat, in quibus animas asseverat volvi, mergi, exuri?* Tertullianus, in Apologetico: *Itaque & ridemur Deum prædicantes judicaturum. Sic enim & poëta & philosophi tribunal apud inferos ponunt. Sige-bennam comminemur, quæ est ignis arcani subterraneus ad penam thesaurus, proinde decachinnamur. Sic enim & Pyriphlegethon apud mortuos amnis est. Et si paradisum nominemus, locum divinæ amenitatis recipiendis sanctorum spiritibus destinatum, materia quadam igneæ illius zonæ à notitia orbis communis segregatum, Elysii campi fidem occuparunt. Unde hæc (oro vos) philosophis aut poëtis tam consimilia? non nisi de nostris sacramentis ut de prioribus. Ergo fideliora sunt nostra, magisque credenda, quorum imagines quoque fidem inveniunt. Ita ridebant Gentes fidem resurrectionis quoque jam initio nascentis Evangelii, Act. xvii. 32. Audientes autem resurrectionem mortuorum, hi quidem irridebant; isti dicebant, audiemus te de hoc iterum. Cæcilius, apud Minutium, nec hac furiosa opinione contenti, aniles fabulas adstruunt & annectunt; renasci se ferunt post mortem, & cineres, & favillas, & nescio qua fiducia mendacis suis invicem credunt: putes jam eos revixisse. Idem de Cello, & Gentilibus, mysterium illud ridentibus, testatur Origenes, lib. i. Arnobius, lib. ii. *audetis ridere nos, quod mortuorum dicamus resurrectionem futuram. Quid in Politico idem Plato? nonne cum mundus occiperit ab oculis partibus exoriri, & in cardinem vergere qui orientis est solis, rursus erupturos homines telluris è gremio scribit, senes, canos, decrepitos, & cum anni coperint accedere longiores, per eosdem gradus, quibus hodie crescitur, ad incunabula infantie exituros? De quâ Platonis, pro resurrectione, sententia etiam agit Eusebius, Præparati lib. xi. cap. xviii. &**

quod

quod Herum Armenium scribit, decimo, alii ajunt, duodecimo post mortem die, revixisse, Clemens inquit, Zoroastrem fuisse, *Stromat. lib. v.* De quibus videndus etiam Augustinus, *lib. xxii. de Civit. D. cap. xxviii.* ubi mirabilis aliquid, sic loquitur, ex Marco Varrone profert, Genethliacos quosdam scripsisse, esse in renascendis hominibus quandam quam Græci appellant *πενήνεντα*, quam cōfici volunt annis quadringentis quadraginta, ut idem corpus & eadem anima, quæ fuerat in homine conjuncta aliquando, redeant rursus in eandem conjunctionem. Quale quid etiam ex libris Chrysippi Stoici de providentia, profert Lactantius, *lib. vii.* Magna autem Platonis revolutio, quam & hodie Gentilium inter Brachmannos multi statuunt, annos requirit triginta & sex mille.

Quamvis autem articulum de resurrectione, ex sola naturæ luce non putemus posse crui & commonstrari, sed quicumque eam credunt, habere ex Sacra revelatione; aut iis, qui eā nixi, illam tradiderunt, sive à Judæis, sive Christianis, longa vel proxima traditione: existimamus tamen, eam, ubi revelatur & proponitur rationi, non modo non absurdam, sed etiam convenientissimam, neque ulla ratione Deo impossibilem videri, ut qui condere primò corpus potuit, idem etiam reddere ex cineribus valeat, & restituere.

Ut nequidquam vel ejus veritatem, vel fidem illudere aut frustrare Gentiles debuerint, in ventum, vel supra aquam sparsis Christianorum martyrum cineribus, ut ne crederent se unquam resurrecturos. Tatianus, in orat. contra Græcos, *ita natus, & per mortem ad non esse redactus, atque iterum inconspicuis oculis, denuo existam, quamvis enim caro tota incendio consumatur, materiam tamen evaporatam mundus excipit: quanquam aut in fluviiis, aut in mari contabescam, aut à feris dilanier, condor tamen in penu prædixit Domini: quod licet pauperes & impii nesciant, Deus tamen qui regnat, substantiam sibi soli conspicuam, quando voluerit, ad pristinam integritatem reducet.* & Athenagoras, de Resurrectione Mortuorum, nam integrum & eximium de hoc argumento scripsit librum: *neque possibile est, ut Deus ignoret, vel ex parte vel ex particulâ naturam corporum resurrectioni destinatorum.* Neque enim latere potest, quo singula ex tabidis membris abierint, & quæ in se elementorum partes putrefactæ receperint, & in cognatam naturam admiserint, tamen si omnino apud homines id quod rursum universitati elementorum affusum est, infecernibile videatur & indeprebensibile. Si enim corpora, cum non essent, condidit, eorumque principia unde originem trahunt, procreavit; etiam quomodocunque dissoluta, eadem facilitate instaurabit. Me-

minerat jam Tatianus, in Oratione suâ, Zenonis, ejusque sententiæ, quâ statuit, mundo per conflagrationem renovato, eisdem rursus homines ad eandem vitam, eademque facinora resurrecturos: ut Anytum & Melitum ad Socratis accusationem, Busiridem ad tollendos hospites, Herculem ad repetendos certaminum labores & sic porro.

Quippe mundum tandem *conflagrandum* nonnulli docuerunt. Tragicus, apud Clementem, lib. vi.

Εἴσαι γὰρ εἴσαι ναυὸς, legunt alii νέιν & αἰὼν & χρόν & c.

Erit profecto sæculi tempus novi,

Quando ignis effundet refertas copias.

Auratus æther, flammaque ambedet rapax

Terrena cuncta, cunctaque uret perfurens.

Ovidius, Metamorph. i.

Esse quoque in fatis reminiscitur, adfore tempus,

Quo mare, quo tellus, correptaque regia cæli

Ardeat, & mundi moles operosa laboret.

Et Seneca, ad Marciam, & omni flagrante materia, uno igne quidquid nunc ex disposito lucet, ardebit. De fine item mundi futuro Lucanus, lib. i.

sic cum compage soluta

Sæcula tot mundi suprema coegerit hora,

Antiquum repetent iterum chaos omnia, mistis

Sidera sideribus current & c.

Ut minus illud carpere aut ridere in Christianâ doctrinâ debuerint, quod habet de fine mundi, ejusque incendio Cæcilius, apud Minutium: quid? quod toti orbi, & ipsi mundo cum sideribus suis minantur incendium, ruinam moliantur? anceps malum, & gemina dementia cælo & astris, quæ sic relinquitur, ut invenimus, interitum denuntiare: sibi mortuis, extinctis, qui sicut nascimur, & interimus, eternitatem repromittere.

CAPUT SEPTIMUM

De Peccatis Indorum & Gentilium circa cultum Dei.

ATque hæc de iis dicta sunt, quæ in Gentilium fide & doctrinâ reprehendimus, quæ videlicet perperam sentiunt de Deo, de mundo, & homine, ejus videl. animâ, corpore, origine, & fine: sequitur ad ea transeamus, quæ in ipsorum vitâ non minus sunt castiganda, & moribus tum

erga.

erga Deum, tum erga proximum, sive in Dei cultu & proximi, circa pietatem, & honestatem.

Illic quidem, ne de objecto divini cultus, & Diis ipsorum iterum dicamus, vel Dei cultum prorsus negligunt & *omittunt*, vel etiam errant in colendi modo, quem perperam faciunt per *simulacra*, & animalium non tantum sed quoque *hominum* mactationes, sive aliis rationibus *feris*, & *inhonestis*, & *ridiculis*. Quod refer & Diaboli cultum, per *Magiam*, atque *Divinationem*.

Deum ab hominibus esse colendum, modestiores omnes consentiunt. Et suffragatur ipsa natura, tum *Dei*, tum *nostra*, quæ tanto instinctu omnibus hoc imperat & persuadet. Sed in modo colendi ipsum, turpissimè errant. Neque id adeo mirum, quum adeo turpes faciant sibi Deos. Conveniens videlicet Numinibus veneratio, & quod ajunt, dignum patellâ operculum. Athanasius, contra Gentiles, lib. i. *at nunc amores Jovis; impudicitiasque narrantes, aliorumque flagitia, & puerorum violationes, & zelotypias femineas, voluptatis causâ susceptas, metusque ac fermidines, & perturbationes cæteras, id imprimis efficiunt, ut non modo de Diis, sed ne de hominibus quidem honestis prosequuti videantur, verum de turpissimis ac longe ab honestate remotis, finxisse fabulosa*. Vel uti Eusebius loquitur, *quæ si de hominum aliquo dicantur, legibus & consuetudine civitatum, gravissimo supplicio punientur*. de Præparat. lib. ii. cap. vi. de sacris Priapi scedis & obsecenis, vide Lactantium, lib. i. cap. xxi. Illa turpia, hæc *ridicula* sunt. Quod, ut mittamus vetera, quando affectus humanos, & vitia, & symptomata fuerunt venerati; Japonii hodie idola sua quæ colunt, nonnunquam etiam egregie diverberant: præsertim illud, cui cura Regis demandata erat, quo tempore in morbum incidit: quo casu illud abigunt & exulare jubent palatio centum dies; post iterum resumunt, blanditiis demulcent, & pristinâ collocant sede, ne videlicet injuriam illatam gravius ad animum revocet, atque de referendâ vindictâ serio incipiat cogitare. Refert Petrus Delcena, Jesuita, in Epistolis Japonicis, ad Conimbricenses, ann. c1510cliv. Quod & de Sinenfibus testatur Melchior Nunnescius, in litteris ann. c1515lv. Si Dii sunt, & verendi, & colendi, quomodo vapulant? sin verberibus digni & contundendi à nobis, quorsum metuuntur; vel hominibus habentur majores, & venerandi? Proh dementiam! vel affligere quos credis Deos; vel timere, quos ipsos habes in potestate, & sub ferulâ! Quo pacto servabunt aliena, qui seipfos nequeunt, ne castigantur? vel si castigari aliquando ob negligentiam debent, frustra iis credamus.

damus salutem nostram, & aliorum, etiam Regum.

Quid verò magis abominandum, quam humanis hostiis placare, & colere Deos suos? Quod & olim, & hodie Gentiles faciunt nonnullis in locis. Athanasius, lib. I. contra Gentiles: alii, cum ex bello victores rediere, quos ceperant ex hostibus in centenos distribuentes, Marti, quotquot ex numero illo centenario eligunt, mactant. Neque sane Scytharum solum id facinus est, qui barbaricâ naturali feritate aguntur: sed simulacrorum, demonumque nequitia proprium est. Nam & Aegyptii Junoni dudum hujusmodi victimas cadere soliti sunt. Sed & Phœnices & Cretenses Saturnum immolatus filiis placant. Prisci quoque Romani Jovem Latialem mactatis venerantur hominibus. Atque alii aliter, omnesque pariter & inquinabantur, & inquinabant. Cæsar, de Gallis, Comment. lib. VI. aut pro victimis homines immolant, aut se immolatueros vovent, ministrisque ad ea sacra Druidibus utuntur: quod pro vitâ hominis nisi vita hominis reddatur, non posse Deorum immortalium numen placari arbitrantur. Idem & Germanis factitatum, Tacitus auctor est. Quid horribilius, quam parentibus proprios filios, in honorem Saturni, sive Solis, à Phœnicibus immolatos? quod & Israhelitæ imitati aliquando, in cultu Molochi, idoli Ammonitarum fuerunt. Ps. CVI. 37. Jer. VII. 21. Et Carthaginenses, ab Agathocle victi, quod putarent iratum ipsis Deum, ducentis nobilium filiis placare studuerunt. Melius Romani, de quibus Plinius, lib. XXX. cap. I. Cn. Cornelio Lentulo, P. Licinio Crasso Coss. Senatusconsultum factum est, ne homo immolaretur: palamque in tempus illud sacra prodigiosa celebrata. Gallias utique possedit, & quidem ad nostram memoriam. Lactantius, lib. I. cap. XXI. Apud Cypri Salaminem, humanam hostiam Jovi Teucrus immolavit: idque sacrificium posteris tradidit: quod est nuper Hadriano imperante sublatum. Erat lex apud Tauros, inhumanam, & feram gentem, uti Dianæ hospites immolarentur: & id sacrificium multis temporibus celebratum est. Galli Esurum, atque Teutam humano cruore placabant. Nec Latini quidem hujus immanitatis expertes fuerunt. Siquidem Latialis Jupiter etiam nunc sanguine colitur humano. Et usque ad Salvatoris nostri tempora homines Diis apud Gentiles immolatos ostendit Eusebius, Præparat. lib. IV. cap. VII.

Hodie in utraque Indiâ mirum in modum homines se non tantum vulnerant, pungunt, mutilant in gratiam suorum Numinum, sed vivos etiam sacrificant, & vel currui subjiciunt, quo numen vehitur, ipsi autem misere atteruntur; vel ferreis clavis in tergum adactis suspendi se patiuntur & in altum attolli, in honorem nimirum Gangæ, quod scribit Linschoten,

c. XLIV. & Rogerius, *part. II. c. xv.* Atque de Americanis Martyr, in Commentario, de Insulis nuper repertis, refert, quomodo aperto vivi hominis pectore inde cor eruunt, ex cujus calido cruore idolorum labia illiniunt, reliquum fluere patiuntur in lacunam: inde in apertum, cor & extra comburunt, gratum fumum Diis fore arbitrantur. Ex idolis unum est virile, quod inflexo capite lacunam sanguinariam superinspectat, tanquam acceptans sacrificium hostiarum. Et postea narrat, quomodo pueros, idem & de feris refert, quos suis Zemibus, sunt hi ipsorum dæmones, sacrificant, antea per viginti dies magnâ per vicos pompâ circumducunt, qui ab obviis supplici ac venerabundo modo salutantur, quia scilicet inter Divos propediem adscribentur: Alii corpus suum acriter pungendo, sanguinem eliciunt ex linguâ, labiis, auribus, pectore, femore, aliisque partibus. quem offerunt, aut largâ manu receptum ad cælum spargunt, sic placari Deos arbitrantur. Miseri Dii, qui talibus hominum facinoribus ac crudelitate delectantur; miseres verò homines, qui de suo litare ejusmodi Diis sanguinariis & profanis coguntur.

Lactantius, lib. I. cap. XXI. *ab isto genere sacrorum non minoris insanie judicanda sunt publica illa sacra, quorum alia sunt matris Deum, in quibus homines suis ipsi virilibus litant: amputato enim sexu nec viros se, nec feminas faciunt.* Et Augustinus, de Civit. D. lib. VI. cap. X. ex libris Senecæ, de superstitionibus, nunc perditio, *ille viriles sibi partes amputat, ille lacertos secat. Ubi iratos Deos timent, qui sic propitios merentur? Dii autem nullo debent coligere, si & hoc volunt.* Neque sane mirum, tales Deos ab ipsis cordatioribus inter Gentiles, contemptos fuisse ac repudiatos? mirum magis, ab ullis agnitos & honoratos. Quod de Platone, & Socrate, præterquam de Senecâ constat, & pluribus probat Eusebius, de Præparat. L. XII. cap. I. & IV. Adde & Ciceronem, de quo Lactantius, lib. II. cap. III. Nazianzenus, *ἐκλιτ. α. alicubi, veluti apud Lindios, pium est bonum execrari devorantem, crediturque in Dei cedere honorem, si multa in eum jacta fuerint convitia: aut apud Tauros hospitum mactatio; vel Lacedæmonios, puerorum super altari flagellatio; sic Phrygiis pium est, sub tibiæ concentu incidi, aut saltationibus effæminari.* Deque istis sacris Herculis apud Lindum, quod Rhodiorum oppidum est, & maledictis atque execratione celebrari solitis, imo quæ violabantur, si cui vel imprudenti bonum excidisset verbum, eorumque origine, agit item Lactantius, lib. I. cap. XXI. Innumera sunt, quibus Gentiles Deorum suorum religionem contaminarunt ritibus ac cæremoniis ludicris partim, partim inhonestis, & crudelibus. Quod

cærimoniarum dicitur in Actis Martyris Cypriani Carthaginensis, apud Baronium Tom. II. ad a. 261. *Galerius maximus* Proconsul dixit, tu Papam te sacrilegæ mentis hominibus præbuisse? Cyprianus episcopus, Papa & episcopus synonyma sunt, ego. *Galerius maximus* Proconsul dixit; iusserunt te sacratissimi Imperatores cærimoniarum. Cyprianus Episcopus dixit: non facio. & paulo post: nec te pii & sacratissimi Principes Valerianus, & Gallienus Augusti, & Valerianus nobilissimus Cæsar ad sectam cærimoniarum suarum revocare potuerunt.

Universalis fere Gentium error vel superstitio fuit in usu & cultu simulacrorum. Clemens, in Protreptico, Scythæ quidem antiquitus adorabant acinacem: Arabes autem lapidem: Persæ verò fluvium: & ex aliis hominibus iis, qui adhuc erant antiquiores, ligna erigebant insignia, & columnas ponebant ex lapidibus, quæ appellabantur ἑόανα, Ἀλφὰς τὸ ὑποξέειν αὐτὰ καὶ ὕλης eo quod eraderentur & expolirentur ex materia. Postquam autem statuæ illæ vel ἑόανα effigiari cœperunt, dicta sunt θεῖα, ἐκ θεοῦ, quia hominum sortirentur imaginem & figuram. Turpis superstitio, non tantum eorum ratione, quæ per illa denotari voluerunt, sed & cultus ipsis tributi, atque modi sive rituum in iis servari solitorum. Nam sic quoque Gentiles sciverunt distinguere & respondere, se non ipsas imagines colere, lignum, & lapides; verum hoc, quod illis forte repræsentabatur, Numen. Non ipsa, inquit, timemus; sed eos, ad quorum imaginem ficta, & quorum nominibus consecrata sunt, apud Lactantium, lib. II. cap. II. Augustinus, in Psalm. CXIII. videntur autem sibi purgatoris esse religionis, qui dicunt, nec simulacrum, nec dæmonium colo, sed per effigiem corporalem ejus rei signum intueor, quam colere debeo. & apud Arnobium, lib. VI. sed erras, inquit, & laberis, nam neque nos æra, neque auri, argenti que materias neque alias, quibus signa consunt, eas esse per se Deos, & religiosa decernimus Numina: sed eos in his colimus, eosque veneramur, quos dedicatio infert sacra, & subtilibus efficit inhabitare simulacris.

Quæ ita refutat Arnobius: nequaquam videri probabile, Deos, relicto cœlo, non modo habitacula inire terrena, sed & ad hoc compelli quasi dedicatione. Quod an faciant volentes, an inviti, porro quærit: si inviti, non id fieri haud minutâ eorum majestate; si volentes, quid in testulis Dii habent, quod anteponant cœlo? Et, semperne isthic habitant, an aliquando recedunt? si manendi constringit necessitas, quid illis miserius, quos tam firmiter basibus suis unci retinent, & vinctiones plumbeæ? sin autem evolant aliquando, & inania relinquunt simulacra; ergo aliquando non

erunt

erunt Dei signa, & in dubio stabunt homines, quando sacra iis debeant reddere, quando abstinere. Et signa ista quando ab artificibus fiunt parva, aut magna, in illorum videtur potestate Deos contrahere, & ad similitudinem alieni corporis coctare; vel in aliis corporibus eos dilatare & producere. Ergo & in sedentibus simulacris sedere Deos, & in stantibus stare, credendum erit.

Præterea, an in singulis simulacris Dii singuli, an divisi per membra? Unus autem, verbi gratia, Vulcanus esse in millenis simulacris non potest: *Quia, quæ sunt priva singulariaque naturâ, multa fieri nequeunt, simplicitatis suæ integritate servatâ: & hoc amplius nequeunt, si hominum formas Dii habent.* Si divisi per partes sunt in singulis simulacris, jam non toti. Denique, si in signorum visceribus habitant, quid necesse est illos tot clavis, claustris, repagulis servare & custodire, quin custodiam eorum committere animalibus, vel canibus, vel anseribus? Cur simulacra sua, quin & seipfos spoliari patiuntur, abripi, corrumpi, comburi? Cariosos Deos nominat Prudentius, adversus Symmachum, *ut cariosorum venereris monstra Deorum.*

Lactantius ita instat: quum simulacra sint vel mortuorum, vel absentium, in quorum numero reponendi erunt Dii? Si in mortuorum: quis tam stultus, ut colat? Si in absentium, neque ideo colendi, quia nec vident, quæ facimus; neque audiunt, quæ precamur. Si autem Dii absentes esse non possint, supervacua ergo sunt simulacra: nam postquam Deus præsto esse cœperit, jam simulacro ejus non est opus. Tum simulacris potior illorum artifex, & *melior est qui fecit, quam illa, quæ facta sunt.* Et tamen factorem ipsum nemo suspicit, aut veretur; *quæ fecit, timet, tanquam plus possit esse in opere, quam in opifice.* Denique ait, *quisquamne igitur tam ineptus est, ut putet aliquid esse in simulacro Dei, in quo ne hominis quidquam est præter umbram?*

Ex materiâ denique simulacrorum vili & terrestri sic argumentatur: *ista mortalium digitorum ludicra & fragilia figmenta, ex quolibet materie genere formata, quid aliud sunt nisi terra, ex quâ nata sunt? quid ergo rebus inferioribus subjacetis? Quid capitibus vestris terram superponitis?* Clemens, in Protreptico, ego terram calcare didici, non adorare. Ergo, inquit Lactantius, cap. 5. *quanto rectius est, omissis insensibilibus, & vanis, oculos eò tendere, ubi sedes, ubi habitatio est Dei veri; qui terram stabili firmitate suspendit?*

Ex quibus sole clarius apparet, etiam Christianos illorum temporum simula-

mulacra nulla in sacris habuisse, minus coluisse: non templa, magnifice instructa, & variis ritibus consecrata, non altaria. Nam & Lactantius isthic: *quid sibi templa? quid aræ volunt? quid denique ipsa simulacra?* Christiani ipsâ nomenclatura templorum, etiam cum ædes & basilicas construerent sacrorum celebrationi, abstinebant, ut à Gentilibus profectâ, & cum idololatriâ tacitè conveniente: sed loca sua conventicula appellabant, vel ecclesias, & domos Ecclesiarum, vel domos Dei. & apud Minutium Cæcilius: *Christiani nullas aras habent, templa nulla, nulla nota simulacra.* Quod idem Celsus objicit, apud Origenem, lib. 8. & Arnobius lib. 6. in initio: *in hac enim consuetis parte crimen nobis maximum impietatis affingere, quod neque ædes sacras venerationis ad officia construamus, non Deorum alicujus simulacrum constituamus, aut formam: non altaria fabricemus, non aras &c.* ac postea, *numquid enim delubris aut templorum Deum constructionibus honoramus?* Quæ neque dixissent tam aperte, constanter, & concorditer istorum primorum, & puriorum temporum Christiani, neque illis disputassent unquam argumentis, si ipsi simulacra in cultu adhibuissent, & propriis rationibus retundi & coargui potuissent: uti plenius ostendimus pridem in *Examine Bullæ P. Urbani VIII. de imaginibus.* Concludimus, verbis Athanasii, adversus Gentiles: *Agamus itaque Christiani domino Deo nostro gratias, non cælo & terræ, sicut iste disputat, Ciceronem intelligit vel Quintum Lucilium Balbum, apud Ciceronem, lib. 11. de nat. Deorum, disputantem, sed ei qui fecit cælum & terram; qui has superstitiones, quas iste Balbus velut balbutiens vix reprehendit, per altissimam Christi humilitatem, per Apostolorum prædicationem, per fidem martyrum, pro veritate morientium, & cum veritate viventium, non solum in cordibus religiosis, verum etiam in ædibus superstitionis libera suorum servitute subvertit.*

Ex eodem fonte manavit apud Gentiles *Magia*, & non multum ei ab-
 similis, sive per astra & planetas, sive per terrestria, aut animalia, vel hu-
 mani corporis lineamenta, & figuras alias, *divinatio*: prout varias divi-
 nationum facit species in istius argumenti tractatu eleganti, & docto Peu-
 cerus. In quibus malorum Dæmonum cultus intervenit manifestus, alibi
 occultior. Magiam intelligimus *Diabolicam*, non quæ per naturalia ope-
 ratur, vel agilitate & mero artificio humano, licet aliis obscuro & minus
 perscrutabili; illam *naturalem* appellant, hanc *artificiosam*: sed quæ operâ
 Dæmonis peragitur, sive *directe*, & à Mago huic fini adhibiti, & pacto seu
 contractu nefario inter hominem & Diabolum interveniente; vel *indirecte*,
 & ma-

& materialiter aut interpretative, quando illa tractantur, per quæ Diabolum novimus operari. Uti quando characteribus, verbis ignotis & barbaris, amuletis, vis attribuitur, quam nec habent, neque habere possunt. Quod hinc dignoscitur, quando effecta eduntur superantia vim naturæ particularis in istis, qui, vel quibus, operantur. Ut dum superior causa accedere debuerit, ad producendum istum effectum, vel Deus credatur singulari operatione, præter istorum naturam, adfuisse; vel Diabolus: illud facile constare potest, ex operis materiâ, & fine, ne de operante dicam: nam neque in levibus, & causis non gravibus, non iustis, sanctis, atque ad singularem gloriæ suæ in promovendo filii regno promotionem Deus solet extra ordinem agere quidquam, neque potest vel nomē, vel virtutem suam profanare & prostituere: quod si divini nihil subesse videatur, & omnia contrā se habeant, ac diximus, non erraverit, qui Diabolum hic in subsidium venisse, & opem suam, in Dei hominumque odium & ignominiam, admiscuisse statuet.

Ac propterea Magia ista damnanda est, quòd homines à Deo avocat, ad Diabolum, & cum eo religat tum contra Deum, tum contra iustitiam & sanctitatem, denique & salutem suam: quod confirmat tristis & deplorandus Magorum plerorumque interitus: Neque enim nisi ad mala perficienda operam commodat Dæmon, & ut ad nefanda homines miseros protrahat, postremo ad cultum, & religionem sui. Et proinde, quemadmodum à Diabolo, ad Diabolum, totum hoc negotium procedit, ita eidem relinquendum est, neque ullum cum istis frequentandum commercium. Eusebius, de præparat. lib. v. cap. vii. *Magicae autem artis ipsi Dii Gentilium & inventores, & doctores fuerunt. Unde namque homines, quibus daemones cogantur, quam ab ipsis daemonibus discere potuissent?* Tum, idem illud probat ex Porphyrio.

A quo nefando studio, saltem gravi imposturâ, nequaquam absolvimus Apollonium Thyanæum, cujus vitam & res gestas, atque ad Indos profectiōnem, octo libris descripsit Philostratus, nobis antea aliquoties memoratus. Qui & Josepho citatur, *Antiquit. lib. x. cap. xi.* sub nomine Historiæ Indicæ, *Φιλόσοφος ἐν ταῖς Ἰνδικαῖς καὶ Φοινικαῖς ἱστορίαις*. Hoc autem sub Apollonii personâ egisse Diabolum, ut Christi historiam & miracula offuscaret, & haberet quem Christo apud Gentiles opponeret, verosimile. Quare Eunapius, in vitis Sophistarum, existimavit Philostratum opus suum inscribere debuisse, non de vitâ Apollonii, sed *ἡ εἰς ἀνθρώπους Ἰνδικὰς, Dei ad homines accessum*. Imo Alexander Mammeæ Filius,

illum Christo junxit in suo larario; & Abrahamo: uti videre est, apud Lampridium, in Alexandro Severo. Sed Hieroclem philosophum, qui peculiari libro, quem Philaethen inscripsit, Apollonium Christo comparat; Eusebius confutavit, singulari contra Hieroclem scripto. Neque desunt, qui Lucianum faciunt vitæ, seu historiæ de vitâ Apollonii autorem, pro Philostrato. Quisquis sit, impostor impostorem fingit, facit, commendat: etenim conficta esse, quæ narrantur, sive pleraque, sive omnia, tum magnam partem magica, nullus addubito. *Spectrum* non sine ratione Erasmus appellat, in Lucam, *quis Apollonii Thyanaei vitam non velut spectrum quoddam legit?* Et Ludovicus Vives scite, lib. v. de tradendis disciplinis, *magna Homeri mendacia majoribus mendaciis corrigit.* Jam uti memorat, seu fingit Philostratus, Apollonium in Indiâ, cum Jarcâ, vel Hiar-châ rege illa egisse, atque ab eo accepisse, quæ procul dubio magica, si contigerint ita, fuerunt, ita neque hodie à Magiâ immunes Indorum Brachmanni, & qui ultra Indiam degunt Sinenfes, ac Japonii.

Iste saltem usus ex rebus istis faciendus est, ut hinc ad *Spirituum* & Angelorum naturam cognoscendam eos propius adducamus, sine quorum adjumento & ope ista non solent contingere, & quorum apparitiones sæpe sub illis accidunt, ac singulari laude & cultu celebrari nonnunquam solent.

Sed præterquam quod ipsis gentilium moratoribus & sapientioribus exosum Magorum genus, unde & sæpe ab Imperatoribus & Dynastis imperio ac ditione suâ expulsi, *facta & de Mathematicis Magisque Italiâ pellendis senatusconsulta* inquit Tacitus; cum adventu Christi in carnem, tota fere Magorum schola, & maxime celebria loca, & mercatus, & opera corruerunt. Unde Athanasius, lib. II. de incarnatione Verbi, vel contra Gentiles, *quando dæmonum fallacia, insaniaque contempta est, nisi cum Dei virtus, Verbum, & horum, & omnium Dominus mortalium, infirma miseratus, apparuit?* *Quando magiæ præstigiiosa ars atque doctrina calcari ubique cæpta, nisi cum divina Verbi apparitio insinuata est mundo?* & post pauca, *Quid autem de magiâ dicimus, quam illi imprimis admirati sunt?* *Prævaluit illa quidem ante Salvatoris adventum apud Egyptios, & Chaldaeos, & Indos, intuentesque in stuporem vertit: postea vero quam revelata est veritas, & verbum caro factum est, detecta illa penitus atque destructa est.*

Par ratio est *divinationis*: nam alia quum Magia sit *divinatrix*, & *operatrix* alia; & hæc, *præstigiatrix*, vel *effectrix* rerum, quas præfert; sive eas producendo, admirando quidem modo, nequiquam tamen per miraculum, vel aliunde substituendo: omnia utrobique vel *vana* sunt, quæ aguntur omnia; vel *Diabolica*.

Adeo

Adeo inter Magiam, & divinationem, seu indicationem rerum aut futurarum, aut abditarum vanam, & Diaboli adhibitâ ope ac scientiâ factam, maxima est necessitudo. Quod in Juliano notat Nazianzenus, orat. i. erat illi *Asia impietatis schola, ubi circa Astronomiam, & nativitates, nec non prænotionis deliratur phantasiâ.* Tum refert, ut aliquando specum obscurum, abstrusum, subterraneum fuerit ingressus captandæ divinationis causâ: *est enim & id illis divinationis genus, ut de futuris consulturi, sub caligine quadam, cum subterraneis congregiantur dæmonibus, vel quia tenebris magis gaudent (quoniam tenebræ sunt, tenebrarumque, hoc est, pravitatis artifices) vel quia piorum hominum consortia fugiant super terram.* & de vulnere accepto, *mirum, inquit, quum stolidus ille omnia se ex visceribus cognoscere posse putaret, unum hoc vulnus, nempe per propria viscera infligendum, ignoraret.*

Variaë quippe ab antiquo divinationum fuerunt species, prout vel ex terrâ captabantur, & hæc erat geomantia; vel aquâ, & dicebatur hydromantia, ad quam referenda gastromantia, sic dicta à ventricositate ampullæ vitreæ, in quam aquâ plenam puer introspiciebat; & lecanomantia, ex inspectione aquæ, in pelvi. Augustinus lib. vii. de Civit. Dei, cap. xxxv. de Numâ, *quod hydromantiam facere compulsus est, ut in aquâ videret imagines Deorum, vel potius ludificationes dæmonum, à quibus audiret, quid in sacris constituere, atque observare deberet.* Quod genus divinationis, idem Varro à Persis dicit allatum, quo & ipsum Numam, & postea Pythagoram philosophum usum fuisse commemorat. Huc denique faciebat astragalomantia, jactis in fontem talis. Suetonius, in Tiberio, cap. xiv. *cum Illyricum petens, juxta Patavium adisset Gerionis oraculum, sorte tractâ, quâ monebatur, ut de consultationibus in Aponi fontem talos aureos jaceret, evenit ut summum numerum jacti ab eo ostenderent: hodieque sub aquâ visuntur ii tali.*

Vel fiebat ex igne, pyromantia; ex fumo, capnomantia, qui prout vel rectâ adscendebat, vel in orbemolvebatur, aut flectebat in obliquum, ita vel rectâ & prospera prædicebat, aut adversa.

Porro defumebantur ex avibus auguria; ex extis aruspicina: ars Etruscis valde familiaris & celebrata: ex astris, astronomia, quâ Chaldæi excelluerunt: ex mortuis, necromantia; ex facie & habitu corporis, physiognomia; ex manuum lineis, chiromantia; ex oculorum palpitatione, salatio; ex somniis, oneiromantia; ex cribro, coscinomantia; ex securibus, axiomantia; ex fortibus, cleromantia; ex herbis, botanomantia; ex piscibus, ichthyomantia.

Mitto, quæ videbantur, vel audiebantur: uti in homine, monstrum, sternutatio; in aëre, fulgura, tonitrua, aliaque meteora: quæ *quia ostendunt, portendunt, monstrant, prædicunt; ostenta, portenta, monstra, prodigia dicuntur*, inquit Cicero: qui videndus in libris, de divinatione: & de Romanis testatur, quod nihil in bello sine extis solebant agere, nihil sine auspiciis habere domi. Nam & antiqua hæc, & communis, tam olim, quam hodie Gentilium superstitio. Unde Nazianzenus, orat. 1. in Julian. *Astronomiæ verò scientia, nonne Babyloniorum est inventum? quemadmodum Geometria Egyptiorum. Magorum autem superstitio, nonne Persarum? At per somnum vaticinium, quorumnam esse audis, quam Telmischeorum? sicut & auguria nequaquam aliorum sunt, quam Phrygum, qui primi avium volatus observarunt, & motus.* Vide etiam Polydorum, de Inventoribus rerum, lib. 1. cap. xxiv.

Omnia verò, præter ea quæ physicâ nituntur ratione, vel vanè fiunt, vel Diabolicè. Sic Lactantius, lib. 11. *Eorum inventa sunt astrologia, & aruspicina, & auguratio, & ipsa, quæ dicuntur oracula, & necromantia, & ars magica, & quidquid præterea malorum exercent homines vel palam, vel occultè.*

Hodie fere omnes illæ divinationum species in usu quoque sunt apud Indos, & Sinenses. Utrique maximi observatores dierum fastorum & nefastorum, vel faustorum & infaustorum, neque dierum tantum, sed & horarum singularum, quas faciunt triginta in die, totidem noctis: habentque Calendaria, in quibus consignatum, utri dies & horæ felicitatis indices sint, vel infelicitatis, & quid quovis fere momento agendum sit, aut omittendum. Præcipue observant singulorum genisim: & non homines modo, eorumque naturam, corpus, & physiognomiam; actiones etiam, imprimis sternutationem, quam pro malo omine habent; & quoque eorum officia, & vitæ conditionem; sed & animalia, & aves: quorum aliqua habent fausta, infausti ominis alia. Infausta sunt, corvus, canis cibo carens, asinus, bubalus, hædus, simia, si forte occurrant; inter homines, faber, sartor, vidua, cadaver, vel ab exequiis aliquis rediens, vel qui aliquid fert armorum, hæc si obvient, portendunt malum: felicitis contra ominis sunt, occurfus elephantis, camelus, equus liber, caper vel canis cibum ore gestans, felis ad dextram si currat, vel gallus aut lepus si præcurrant, & similia. Jam & in ædificandâ domo vel seligendo ejus loco, quam superstitiose situm ejus expendant ad figuram draconis, à quâ omnem ejus fortunam pendere arbitrantur Sinenses, ante à nobis dictum.

Ista verò omnia quam sint *frivola* & absurda, nulloque *fundamento* nitantur aut ratione, & tum vana ac *falsa*, tum tristes & pravi *eventus*, nemo non videt. Elegantissima & nervosissima fuit Phavorini philosophi, apud Gellium, *Noct. Attic. lib. 14. cap. 1.* oratio, adversus ejusmodi divinatores Chaldaeos, sive Genethliacos, quorum disciplinam non tantum negat istius aut venustatis esse aut autoritatis ac ipsi putant, sed praestigiarum & officiarum plenam ait, ipsosque æruscatores vanos, qui cibum & quæstum ex mendaciis captant. Atque his ferè pugnat argumentis, quæ ideo adhibemus, quod hominis ethnici sunt, & viri philosophi: primum, non satis recte & certè definiri punctum aut momentum temporis illud posse, tam parvum & rapidum, in quo homo nascens fatum accipit; minus si de pluribus quærat, eodem tempore natis. Et quærit, quæ possit evenire, quod tamen sæpe videmus, quod utriusque sexus homines, & omnium ætatum, & diversis stellarum motibus in vitam editi, regionibus, quibus geniti, longè distantibus, tamen eodem fato, vel hiatu terræ, vel tectorum lapsu, aut eadem navi, aliove mortis genere simul intercant, eodem ictu temporis? Quod numquam accideret, si momenta nascendi singulis diversas vivendi & moriendi leges impartirent. Tum cur, hoc si verum, ut per similem stellarum posituram similia apud homines obtingant, non etiam aliquando omnia paria eveniant, & existant simul Antisthenes & Platones multi, genere, formâ, ingenio, moribus, vitâ omni, & morte pari? Præterea, cur non eadem dicuntur de rebus omnibus, saltem etiam animalibus, muscis, vermiculis, echinis, ranunculis, & culicibus, ut quoque istis nascendi fata attribuantur ex motibus siderum cœlestium? Quandoquidem nulla videtur ratio, cur ea siderum vis in hominibus valeat, deficiat autem in cæteris. Quod autem non nunquam ea videntur plane illi prædicere & annunciare quæ vera, & eventu ipso comprobantur, ait, non certa ab illis dici; sed lubrica, & ambigua, & vanâ conjectatione, imprudentes aliquando incidere in veritatem: denique præ cæteris quæ mentiuntur passim, partem veri vix esse millesimam.

Hæc Phavorinus, qui & causam erroris indicat, ex observatâ vi Lunæ aliquâ in motu maris: quos inepte proinde omnia quoque alia à stellis regi colligere, contendit: *quoniam viderent terrena quædam inter homines sita, cœlestium rerum sensu atque ductu moveri, quale est, quod Oceanus, quasi lunæ comes, cum ea simul senescit, adolescitque: hinc videlicet sibi argumentum ad persuadendum paravisse, ut crederemus omnia rerum humanarum, & parva, & maxima, tanquam stellis atque sideribus evincta duci & regi. Esse*

tutem nimis quàm ineptum absurdumque, ut quoniam æstus Oceani cum lunæ curriculo congruit, negotium quoque alicujus, quod ei forte de aquæductu cum rivalibus, aut communi pariete cum vicino apud judicem est, ut existimemus id negotium, quasi habena quadam de cælo vinctum gubernari.

Par denique est ratio cum reliquis divinationum generibus, undecunque petantur, sive ex aëre, aquâ, terrâ, hominibus, animalibus, sive inanimatis, & variis horum & illorum actionibus. Omnibus notum, facinus egregium Mossolami Judæi, quod ex Hecatæo Josephus narrat, primo contra Apionem, qui in exercitu Alexandri M. quando Vates omnes consistere jussisset usque dum ex ave in proximo cepisset augurium, quæ si staret, omnibus manendum fore & subsistendum; sin avolaret antè, progrediendum; sin retro, recedendum arbitraretur: ipse tenso confestim arcu sagittâ avem mox interemit. Quod indignantibus aliis, & præsertim augurè, risit ille omnes, ex ave capturos indicium salutis, quæ propriam ignorarat: quid furitis, inquiens, insani, ex infaustissimâ ave pendendo, quæ salutis suæ nesciâ, nostri itineris rationem & prosperationem indicaret? quæ si præscire futura valuisset, nunquam utique pervenisset in hunc locum, metuens ne sagittâ à Mossollamo Judæo periret.

Quare etiam apud Gentiles sæpe divinandi artes prohibita. Unde Augustinus, lib. 7. de Civitate Dei, cap. 35. *nolo enim dicere, has artes etiam ante nostri Salvatoris adventum, in ipsis civitatibus gentium legibus solere prohiberi, & pœna severissima vindicari.* Deinde & funestæ autoribus extiterunt. Veletiam, suo maximo bono, haud frustra spretæ. Cyprianus, de idolorum vanitate: *ceterum & Regulus auspicia servavit, & captus est; & Mancinus religionem tenuit, & sub jugum missus est.* Pullos edaces habuit Paulus, & tamen apud Cannas cæsus est. C. Cæsar ne ante brumam in Africam navigia transmitteret, auguriis & auspiciis retinentibus sprevit, eo facilius & navigavit & vicit. Qualia etiam apud hodiernos in Indiâ, & Chinâ observata nostris sunt. In regiâ urbe Patanâ regni Siam ita luserat quandoque incolas celebris divinator, grave ubi prædixisset urbi incendium, ut Sinenfes omnes desertâ urbe aufugerent in agros: quum nihil interim tale sequebatur, quod metui deberet. Alibi quum prædixissent harioli, morituum agrum, & Christiani eum curassent, simul & vanitatem viderunt suorum prophetarum, & Christianos illis omnibus esse potentiores atque scientiores.

CAPUT OCTAVUM.

De peccatis Indorum & Gentilium contra vitæ honestatem, imprimis sextum & septimum decalogi præceptum.

HActenus de Dei *cultu*, & quam variis eum modis inquinant Ethnici, malo demone etiam in locum ejus substituto, vidimus: sequitur ea perstringamus, quæ adversus *vitam* honeste & secure degendam, committunt, præsertim contra secundæ tabulæ præcepta, sextum, & septimum, id est, cædendo, & fornicando; quod etiam facit pudenda corporis nuditas, quam agrestiores & minus culti inter eos retinent, in Occidentali Indiâ, sive Americanâ magis, quam in Orientali, quæ istâ haud parum modestior & magis morata: nisi quod in Oriente, apud Guzurattenses, ex pœnitentiâ, vel studio quasi singularis perfectionis & mortificationis, uti Hindoi, & Avadoutæ in regione Cormandel, Braminum multi, nuditatem affectant, velamine aliquo forte obductis, non autem semper, pudendis. Toti nudi etiam in Africâ Guineenses. Unde adeo mirati omnes illi, quando nostros, aliosque homines cernerent vestitos.

Primum autem quia in oculos incurrit ferina *nuditas*; de hac dicemus, inde de aliis. In Guineâ juvenes, ac puellæ omnes nudæ usque ad tempus matrimonii: nisi à Rege impetrent privilegium & licentiam semet vestiendi, quo tempore solemne epulum instituitur, & multâ gratulatione novum honorem auspicantur. Jam olim de Indis Mela, lib. III. cap. VII. *Cultorum habitus, moresque dissimiles. Lino alii vestiuntur, aut lanis, quas diximus, alii ferarum aviumque pellibus, pars nudi agunt, pars tantum ob-scena velati.*

Quemadmodum verò hic à ratione & honestate longius aberrant, ita non multis adeo argumentis, nedum subtilibus redarguendi & convincendi sunt, ut de iis necesse sit quempiam esse vel aliquantùm sollicitum; sed vel ex *naturâ*, quæ tum adversus aliorum, tum cœli inclementiam armat animalia, & ex *honestate* communi, & *exemplo* aliorum, & *commodo*, denique *profectu* singulorum, qui hoc imprimis desueverunt, & induerunt humanitatem, facile instruendi, vel tandem *autoritate* ac potestate constringendi veniunt.

Difficilius est, à varii generis turpitudinibus illos avocare, in quas propensior natura, & procliviores omnes homines, sed præcipuè Gentiles sunt,

sunt, qui tum *fornicari*, tum *adulterare*, & *vaga* libidine in quosvis irruere assueti, neque *polygamia* modò, & *incestibus*, sed *pæderastia* quoque, & infandis sordibus infames vivunt, atque corruptissimi. Apud Terentium, non habetur pro vitio, adolescentulum scortari. Et Geographus Nubiensis, part. VII. Climatis I. de rege Sarandibi, *fornicationem prohibet, nec videt illam. At reges & gentes Indiæ permittunt fornicationem, poculum autem inebrians interdunt: præter Regem Camar, qui tam fornicationem, quam vinum interdicit.* Idem VIII. parte Clim. II. ubi de regionibus Indiæ: *in omnibus regionibus Balasaræ licita est fornicatio, præterquam cum feminis conjugatis. Quod si cui viro libuerit cum filiâ, aut sorore suâ, materterâ, aut avunculâ, modo non fuerint maritatae, commisceri, libere poterit: eodemque modo frater cum sorore. Ecce incestus omne, ac foedissimum genus. Ut non solis Persis illa adscribi mereantur. Eusebius, lib. VI. Præparat. Evang. cap. VIII. Apud Persas lex erat, filias, sorores, matres quoque ipsas in matrimonium ducere: nec in Perside solum, verum etiam quicumque Persarum ad alia climata orbis è patria exiverunt, nefanda hæc matrimonia diligenter celebrarunt. De Brachmannis dixerat; eorum multa millia apud Indos esse, qui tam traditione patrum, quam legibus, nec simulacra colunt, nec animatum aliquid comedunt, vinum aut cerevisiam nunquam bibunt, ab omni malitia abstinent, soli Deo intenti. At verò cæteri Indi omnes in eadem regione adulterii, cæde, temulentia involvuntur.*

Nam & huc spectat commune vitium *ebrietatis*, de quo Acoſta, de Americanis suis, & eorum procurandâ salute agens, lib. I. cap. xx. ait, quod inter omnes Barbarorum morbos, quibus levandis atque tollendis invigilare debet Christiani Rectoris providentia, nullus aut communior, aut perniciosior, aut etiam ad curandum difficilior sit *sbrietate*. Imprimis temulentiam taxat singulari potus genere, ex Maicio, sive Cacao, contractam, aut Tabaco: Nam in quadam, inquit, insulâ cum navigationis commoditatem expectarem, didici ex Tabaco contuso (genus id herbæ est ad permovendum cerebrum mire efficax) servos *Ethiopicos* naribus exor bere vim solitos, gravemque sibi ac diuturnam inde temulentiam excitantes, pro magnis deliciis ducere, ut vix minis plagisque ab eâ consuetudine avelli possent.

Cumque, quâ ratione occurrî malo isti & vitiosæ consuetudini possit, dissertat, aliquibus existimantibus interdendum omni genere vini, & inebriantis potus genere esse; quorum sententiam nihil discrepare ait, ab eâ, quâ nonnulli non ita pridem Romano Pontifici suadendum arbitrabantur, ut generali Ecclesiæ decreto vineæ omnes ex orbe Christiano extirpa-

rentur, relictis tantum in sacros usus necessariis; quod per vini immoderatam vim incredibilia mala dicerent evenire, idque in septentrionalibus præsertim Europæ populis multis magnisque documentis demonstrari; quorum facile explosam dicit sententiam: magis autem recte & utiliter censet, tum publicas & statas computationes cohibendas: & ipsos Censores atque Observatores ad hoc publicâ autoritate constitutos, haud leviter puniendos esse, si minus hoc indicent & curent; imprimis ipsorum Christianorum & Hispanorum detestanda esse exempla, vel qui ebrietate suâ scandalum præbent infidelibus, vel propter lucrum, ad hoc vitium connivent, alioque quovis modo provocant. Cujus hæc verba non piget describere: *quid verò ignaviam dico? de industria perniciēs tanta conceditur, imò verò appetitur propter privatas nescio quas commoditates. Alii Indorum operas larga ebrietate concessa, sibi conciliant. Alii non solum bibere sinunt, verum ipsi quoque temulentiam propinant. Complures officinam siceræ apud se habent, publiceque coquunt, atque divendunt, & apud se compotandi commoditatem offerunt. Neque tam turpis, infamisque quæstus pudet, neque siceram qualemcunque, sed furiosam illam Soram lege contempta vendunt; gladium utro porrigentes insano. Atque hæc nostri Hispani faciunt, lucrumque ejusmodi ex animarum interitu etiam elegantiores religiosioresque captant.* lib. III. cap. XXII.

Cæterum apud Japonios quidem fornicatio licita est; in quem finem prostibula habentur palam, quæ dominis suis adferunt non modicum lucrum. Neque fornicantur tantum impunè; sed & nefando sceleri & libidini ἀσπίτω, etiam ipsorum Bonzii, se mancipant. In Pegu quoque, Transianâ, Patanâ, nullâ vitii, aut ignominie notâ, fornicantur, uti & in regione Cormandel, & Golconda, ubi integra familia Bogaware quæstui corpore faciendo invecundè se exponit. Adeo apud omnes fere gentes fornicatio vix habita pro peccato: quin Deo suo putant se præstare officium nonnunquam, filiam in meretricem alendo & consecrando. Quod in Cormandel sibi visum testatur Petrus de Broeck, in Itinerario. Et jam olim Plato censuit, uxores in communi habendas, tum in Timæo, tum lib. v. de Republica. & apud Scotos id viguisse, testis est Hieronymus, lib. II. contra hæreses Joviniani.

Polygamia passim apud Indos usitata, præsertim apud potentiores, pro ratione facultatum. Et vel uxores etiam plures, vel saltem concubinas sibi adsciscunt. Quas Magnus Mogol scribitur habere ultra mille.

Dumque ista fræna laxant intemperantiæ & libidinibus, neque sanguini par-

ni parcunt, sed cum confanguineis etiam nil verentur rem habere homines turpiter incestuosi. Quod secta Brachmannum Pasenda profitetur, nullo se discrimine commiscens cum parentibus, sororibusque. Et apud Tartaros frequens. Theophilus, ad Autolycum, lib. III. Epicurus, ut satis evidenter impietatem doceret, suadet incestos concubitus: videlicet ut quis cum matre & sorore coëat, quamvis eo tempore extiterint leges, quæ hanc impietatem prohibebant.

Omnia autem superat nefandum scelus Sodomie, cui & olim, & hodie valde addicti inter Ethnicos plurimi, mutantur τῶ φυσικῷ χεῖσιν εἰς τὴν ὁρᾶ φύσιν, ἀρεσες ἐν ἀρεσὶ τῶ ἀχρημοσύῳ κατεργαζόμενοι. Rom. I. 26, 27. & I. Cor. VI. 9. II. εἴτε ἀρσενικοῦται, &c. & tales fuistis antea. Auctor Sibyllinorum Oraculorum, lib. III.

Κεῖ δὲ πρὸς ἀρσενικὰς παῖδας ἀναμίγνυνται ἀνέγους,
Ὅσα πε Φοίνικες, αἰγυπῖοι, ἡ δὲ λατῖνοι,
Ἑκὰς τ' Ἰσχυροῦ, καὶ ἁλῶν ἐθνεα ποικίλα,
Περσῶν, καὶ γαλατῶν, πείσῃς δ' αἰσῖς, ὡς ἑλάνης
Ἀθανάσιο θεῷ ἄγνόν νόμον, ὃν παρέθεσαν.
Nec maribus pueris sceleratè congregiantur,
Sicut Phœnices, Egyptus, atque Latini,
Frugiferensque aliis cum multis Græcia terris,
Persis, & Galatis, Asianisque omnibus, almam
Æterni legem qui contempsere Tonantis.

Quod crimen non tantum Christiani Imperatores Constantinus, & Constantius, severissimis edictis, & capitali constitutâ in pædicones poenâ, sustulerunt è medio, l. 31. Cod. ad legem Juliam, de Adulteriis: adde Novellam LXXI. & CXLII. sed & Plato, lib. I. de legibus, ut τὸ ὁρᾶ φύσιν πόλημα, execratur atque damnat. Quo major infamia, inter Christianos Romanenses repertum, qui criminis infandi elogium & laudem cantare haud erubuit, Johannes Casa, Papæ postea ab epistolis, carmine Italico, quod incipit, *Mestier divino*, & asservatur in Bibliotheca Ultrajectinâ, nobis haud semel visum. Thuanus, de eo, lib. XVI. ad ann. 1555. referens quomodo Espensæus, & ille ad Cardinalatum non fuerint promoti; de illo causam adfert, quia inter concionandum liberius legendam terream dixisset, pro aurea; de isto, quod etiam carmine rem nefandam in juventute laudasse diceretur.

Optime verò ejusmodi probra, non rationibus tantum, ex naturâ re-
stiori, & lege honestatis ei insitâ sumtis, præterea ex commodo atque usu
in hu-

in humana societate necessario, tum meliorum gentium exemplis; sed & auctoritate ac pœnis politicis coërcentur & castigantur. Quod illorum est, qui non modò inter Gentes degunt, sed iis cum potestate præsunt, ac dominantur. Vitiosis & sceleratis magis pœnarum formidine, quam rationibus, aut commendatione virtutis, refrænandis & constringendis. Quod & ipforum quandoque Gentilium leges faciunt, moresque saniores. Unde Tertullianus, in Apologetico: *Video & inter matronas atque prostibulas nullum de habitu discrimen relictum. Circa fœminas quidem etiam illa majorum instituta ceciderunt, quæ modestiæ, quæ sobrietati patrocinabantur. Quum aurum nulla membra norant præter unicum digitum, quem sponsus oppignorasset pronubo annulo: cum mulieres usque adeo vino abstinerent, ut matronam ob resignatos cellæ vinariæ loculos sui inedia necarint. Sub Romulo verò quæ vinum attigerat, impune à Macenio marito trucidata est. Idcirco & oscula propinquis offerre necessitas erat, ut spiritu indicarentur. Ubi est illa felicitas matrimoniorum de moribus utique prosperata; qua per annos ferme sexcentos ab urbe condita, nulla repudium domus scripsit? At nunc in fœminis præ auro nullum leve est membrum, præ vino nullum liberum est osculum: repudium verò jam & votum est, quasi matrimonii fructus.*

Brachmannus Padmanaba, apud Rogerium, lib. I. cap. XIII. fornicationem, pro peccato habuit; & adulterium, ultimo dignum supplicio. Cujus sententiæ etiam gentiles Persas statuit in Guzuratenfi regno, sub Magno Mogolo, Johannes Twist, in illius Descriptione. Quare & apud Sinenses, Gentilium moratissimos, atque unde in alios tum leges, tum mores castigatiores, adulterium morte plectitur, & viro uxorem in adulterio *ἐπ' αὐτοφώρῳ* deprehendenti, fas est cum adultero mox interficere. Sic quoque in Siam, Pegu, & vicinis locis, regnisque. Iphis reorum parentibus, vel proximis cognatis supplicium irrogantibus. Quod & in Japonia observatur. Unde rara apud eos adulteria. Vel si quæ accidunt, terribilem in modum puniunt. Cujus exemplum unum & alterum profert Franciscus Caron, in Descriptione Japoniæ, quod ibi legatur. Imo apud Tartaros eadem mortis in adulteros pœna: quare infrequentiora apud eos quoque criminis istius exempla. In insulâ Ceilon, atque in Bengalâ adulteris præciditur nasus: quâ notâ facile omnibus dignoscuntur.

Porro in altero genere crudelitatis & homicidii, non minus inhumani & detestandi Gentilium mores, quando alios lubenter cædunt, mactant, devorant; neque etiam à seipsis manus abstinere, non solum in cultu Dîs suis præstando, de quo ante dictum, sed & ob privatas causas, & in usum vitæ

communem. Neque in hostes duntaxat ita affecti, ubi eos ceperint, uel Brasilienses; & cratibus, suâ linguâ Boucam appellatis, imponunt carnes assandas, de quibus Lerijs, in historiâ navigationis in Brasiliam, cap. x. sed proximos etiam amicos, & parentes tandem maciant & devorant: quod solemne est Guineensibus. Prorsus quemadmodum Mela, de Indis, quidam proximi parentes priusquam annis aut ægritudine in maciem eant, velut hostias cædunt, cæsorumque visceribus epulari fas & maxime pium est. At ubi senectus aut morbus incessit, procul à cæteris abeunt, mortemque in solitudine nihil anxii expectant, prudentiores eis, quibus ars studiumque sapientiæ contingit, non expectant eam, sed ingerendo semet ignibus, leti & cum gloriâ accerunt. Idem Curtius refert, lib. viii. cap. ix. Unum agreste & horridum genus est, quos sapientes vocant, apud hos occupare sati diem, pulchrum; & vivos se cremari jubent, quibus aut segnis ætas, aut incommoda valetudo est: expectatam mortem pro dedecore vitæ habent. Nec ullus corporibus, quæ senectus solvit, bonos redditur; inquinari putant ignem, nisi qui spirantes recipit. Qui autem in urbibus habitant, eos secus facere addit, nec quemquam admovere leti diem credunt, cui expectare interrito liceat.

Quodque in Indiâ mortuo marito conjuges & concubinæ, domino mortuo servi se in rogam conjiciunt, vel terrâ obruunt, quasi affectum æternum testantes erga suos, & ex observantia, ut iis ministrent in altera quoque vita, res omnibus est notissima. Quam tum Itineraria passim exponunt, tum Rogerius, part. i. cap. xix. & xx. qui & suo tempore testatur, in regione Paliacattensi, juxta nobilem maritum defunctum se in ardentem foveam præcipitasse sexaginta fœminas. Atque ubi moritur Rex Siamensium, non tantum conjuges, & servi, sed quoque Nobiles permulti se conjiciunt in rogam, unâ cum cadavere regio comburendos. Ut appareat non id fieri ex aliqua modò zelotypia erga conjuges, ne alijs postmodum misceantur, vel etiam in vita quid sinistri ab illis metuere necesse habeant, sed ex infano amore quasi & studio erga defunctos. Atque apud Japonios, moriente hero, servi vel viginti aut triginta ventrem discindunt proprium, ut vivere unâ desinant cum eo, cui vitam se debere opinantur: qui ad hoc facinus se mutuò quoque in vitâ obstringunt suo domino, hausto cyatho vini, tamquam singulari fidelitatis inter se sacramento. Tacitus, hist. lib. 2. ad narratum Othonis, quem sibi ipse fecerat, finem, quidam militum, juxta rogam interfecere se, non noxa neque ob metum, sed emulatione decoris, & caritate principis. Ac postea promiscue Bedriaci, Placentiæ, alijs in castris, celebratum id genus mortis.

Apud Sinenses, aliosque frequens, ut quis sibi, etiam alteri, vitam auferat, pro uniuscujusque arbitrio & postulato. Et Geographus Nubiensis commemorat, *part. 10. Climat. secundi*, arborem in Sinâ, juxta fluvium, existere, ex quâ innumeri se præcipites dare soliti super columnam, ex hac in fluvium, quem Paradisi esse credunt, inque eum à morte hominem hac viâ deferri.

Et hîc eadem, quæ adversus superiora dicimus, adhibenda vel argumenta, vel remedia. Nihil enim magis à naturâ est alienum, quam vitam, quâ nihil homini datum carius, nihil præstantius, auferre sibi, aut alteri: & quod ratio omnis servandum primum naturæ beneficium in te, in aliis, dicat, neutiquam perdendum.

Neque in genere alios quoscunque, sed & amicos, atque parentes, à quibus vitam acceperis, & hoc ipsum debes quod vivis, interimere: nec tantum alios, sed & *temetipsum*, quod ne quidem cogitari citra horrorem potest.

Tum varii in utroque genere adhibiti ad perficiendum facinus *modi*, & cautati *finis*, scelus aggravant. Multi id fecere sæpe, & exquisitissimo cum *cruciatu*: ubi præter rem ipsam, agendi modus, autorem Diabolum indicat satis & repræsentat.

Tum occidunt alii, ut *occidant*; alii ut & *comedant* ac manducent; denique ut dignam Diis hinc conficiant *hostiam* & oblationem. Id est, vel ut iis, quos trucidant; vel sibi, dum inde cibum parant; vel postremò Diis; eorumque honori detestando consulere videantur miseri. Quæ cogitare, horrendum; velle, miserum; teterrimum verò est, ipso opere adimplere & præstare.

Martinius, in Atlante, à nullo unquam armorum genere instructi Sinenses, per vias incedunt, quippe arma ac bella gerere hominibus indignum, & indecorum putant, quare milites vilissimo habentur loco, ac pæne uti hostes contemniunt. Si arma adeo, & ipsa nocendi instrumenta; quanto magis damna iis illata, neque hostibus, sed amicis, sed proximis, sed ipsi auctori, execranda sunt.

Atqui de ipsis Sinensibus Trigautius, lib. 1. cap. 9. quod sibi complures violentas manus inferunt, vel bonorum desperatione, malorumque perpeffione fatigati; vel ut inimicis suis impotenter sane, non minus stolidè, ægre faciant: multa enim in annos singulos hominum millia, ferunt, virorum ac mulierum, seipsos in campis, vel pro adversarii foribus, injecto in fauces nodo, præfocare, aut in flumina insilire, haustove levibus aliquando ex causis veneno sibi

vitam eripere. Quod id apud adversarios suos, vel ante eorum fores faciunt, ideo fit, quia Magistratus deinde severe solebat animadvertere in eos, qui ad propinquorum demortui accusationem, deprehenderentur causam dedisse desperationi. Aliis autem non paucis Magistratibus melius, causam horum qui manus sibi intulissent, repudiantibus, nec dignantibus suscipere, inde parciore autophonia, nullo ex his incommodo veniente ad adversarios.

CAPUT NONUM.

De modo persuadendi Religionem Christianam, & inprimis divinitatem Scripturæ.

ATque hætenus de iis vidimus, in quibus ab humanitate, & officio rationis, tum erga *Deum*, tum *se*, & *proximum* aberrant miseri Gentiles: sequitur pars disputationis altera, quæ ad supernaturalia pergimus, & persuadendam iis *Religionem Christianam*.

Quod quidem duplici perficitur modo: ejus *expositione* primùm ingenuâ & verâ, ut quid sit, quam amplectendam contendimus, & defendendam, prius constet; tum *probatione*, & vindicatione, adversus omnia omnium præjudicia & objectiones.

Explicationem ordior ab iis, quæ quadantenus juvantur à notionibus animi nonnullis *communibus* & vulgaribus; inde gradu factò ad altiora & *remotiora* à naturâ ac sensu conscendimus, ad ea sc. quæ meræ sunt & supernaturalis revelationis. Quamquam in ipso usu & tractatione valde inter se connexa: quod omnino etiam esse necesse.

Ergo quum omnes homines peccatores se norint esse ac miseros, neque istum beatitudinis statum attingere, quem sperare possint & concupiscere, hinc ad exponendum præcipuum in religione nostrâ caput, & quod primo quidem animum vellicat, ducimur, quo videlicet pacto à *peccato* & *miseriâ* queamus liberari.

Quid, quantamque *pœnam* mereatur peccatum, exponi debet, & ostendi, tum ex ipsâ rei naturâ, sive transgressionem legis optimæ & divinæ, atque læsione Majestatis Dei; tum tacito sensu & judicio conscientiæ; denique exemplis punitorum, à Deo, vel hominibus, propter scelera sua & vitia.

Jam quum homo, magnorum & plurimorum peccatorum sibi conscius,

scius, vel ferre omnium istorum pœnas, & hic, & in futurâ vitâ, quod neque prorsus diffitentur ipsi, debeat, vel ab iis liberari omnino; & quin hoc melius sit, si obtineri queat, nulli possit esse dubium, cogitandum de remedio.

Hic autem *satis facere* cogitur homo, vel *ipse*, vel pro ipso *alius*. Facile verò ostendi potest vanitas eorum omnium, per quæ expiari peccata sua Gentiles opinantur. Quum hominum nemo sit ferendo pœnas reatum propriorum, nedum aliorum, & sacrificia, & lustrationes ad hoc sint frustra omnes, vel ipsorum iudicio, qui dixerunt,

Ab nimium faciles, qui tristia funera cædis

Tolli flumineâ posse putatis aquâ.

Etiam hodie apud Indos obtinet opinio, per aquas, præsertim Gangis fluvii, uti suo loco diximus, expiari peccata. Quod & olim ipsis creditum Nubienfis Geographus testatur, part. 10. Climatis secundi: *inter Sinarum fluvios est Kalbe: & habitatores Sinarum ad utramque ipsius ripam degentes consuetudine quadam utuntur, ut si quis eorum facinus aliquod perpetraverit, eoque lustrare se voluerit, conferat sese ad hunc fluvium, & hominum turbis astantibus, eique felicitatem precantibus, & gloriam atque æternitatem auspicantibus, in flumen sese immergat & moriatur.* Alias in super vias & modos abluendi peccata & impetrandi eorum remissionem, refert Rogerius, part. 2. cap. 13. 14. 15. per locorum sanctorum visitationem; ablutionem aquâ marinâ, &c.

Tum quia nullâ re certi esse queunt homines à Deo, talibus vel placari ipsum, vel ista ipsi placere; ad alia confugiendum omnibus est. Quod quid sit, explorandum jam venit. Nihil autem convenientius, quam à Deo ipso, in tam arduo & difficili negotio, erudiri. Cumque pro divinâ sapientiâ & potentiâ, non debeat impossibile videri, tale aliquod medium existere, quo miser in gratiam redire cum eo valeat; nihilque verosimilius, quam eum quoque voluntatem suam super hoc significasse hominibus, & in naturâ non extet, sequitur *Verbum* dari debere. in quo illud Deus manifestarit. Hic *Vedam* proferunt Indi; Christiani *Scripturam*, quam habent divinam, & pro Dei verbo. Utrum alteri præferendum sit, vel utrum quæstioni isti de hominis apud Deum justificatione, melius certiusque respondeat, inquirendum. Hanc verò disputationem paulum differemus: nam hætenus quo pacto ad eam deveniatur, præmissâ rerum eâ tradendarum & tractatarum expositione, & ut animi in ejus inquisitionem excitari debeant, modò ostendimus.

De Deo fateor nonnulla sunt quoque nota ipsis Gentilibus. Sed, quum de hoc diversissima adeo, & contraria, & dubia multa, omnia autem valde obscura tradant; hujus etiam causâ, ut quæ de Deo certò & necessario tenenda sint, quæque ipse Deus de se credere homines velit, constare possit, Verbum quoque Dei consulendum esse, liquet.

Neque aliud dicendum de *homine*, ejus naturâ & conditione, de ortu ejus & creatione, statu ac origine, tum miseriæ tum felicitatis, & quæ ipsum maneant ab hac vitâ: de quibus non aliunde quam isthinc, certius sumus edocendi. Et siue de hoc, siue isto, aut illo argumento sermo inciderit aut disputatio, siue de rebus aliis, ad religionem & salutem pertinentibus, isto modo manuducere miseros ad cogitationes de Scripturâ divinâ, ejus necessitate & usu, ad amorem ejus qualem cunque & studium oportet. Uti hac methodo Judæos ad lectionem N. Testamenti; ita Gentiles, ad utriusque.

Isto ergo modo etiam totius Theologiæ licet præmittere brevem & summariam expositionem, vel capitulum aliquorum, pro re natâ: nempe & *Christi* salvatoris, quod, & quo modo nos ab æternâ damnatione liberet: ut Mediator noster apud Deum sit, & redemptor: idem & judex futurus totius mundi: quod natus ex virgine: quo tempore, & loco: & ut indicata ejus nativitas pastoribus, per Angelos; Magis, in Oriente, per stellam: ut vixerit sanctissime, & miracula fecerit, quæ nemo præter ipsum, potens opere pariter & sermone: tandem etiam mortuus, sed innocens pro nocentibus, & justus pro injustis: neque mortuus, nisi ad triduum, quo resurrexit, triumphatis hostibus omnibus, ipsa adeo morte, Diabolo, inferno: qui & post resurrectionem variis se exhibuit visendum & palpandum, ne de illius quisquam veritate dubius hæreret aut incertus: tandem & adscendit palam, claro die, spectantibus hominibus, testibus Angelis, in cælum, ad supremam gloriam capeffendam, unde & regnat in perpetuum, regnabitque.

Sed imprimis credimus eum Dei filium æternum: Deum videlicet unum quidem, sed in *Personis* tribus, esse Patrem, & Filium, & Spiritum sanctum, nequidquam læsâ essentiæ unitate vel simplicitate summâ. Hanc autem, non Dei, nedum Deorum, more Gentilium, sed in uno Deo Personarum pluralitatem admittere nos & credere, quia talem se Deus in isto Verbo revelavit, quod nobis omni exceptione majus est.

Et hunc Deum *creasse* totum hoc universum in principio rerum temporisque, etiam *hominem* primum, cum sceminâ, à quibus totum humanum

genus ortum: bonos parentes primos & optimos factos, atque etiam felicissimos: sed mandato divino *inobedientes* mala innumera accersisse sibi & posteris. Hæc origo peccati & mali omnis, ad quæ singuli dum accumulamus delicta quoque nostra, in istam devenimus miseriam & infelicitatem, ut liberandis vel erigendis nobis simus omnes impares; ad perdendum & damnandum quidem validi satis, nemo autem ad redimendum & salvandum vel se, vel alios.

Hæc autem necessitas data fuit liberatori Christo, ut ex merâ gratiâ, & misericordiâ erga nos veniret, & à morte in vitam, à peccato ad iustitiam, ex miseriâ in gloriam nos vindicaret & assereret postliminò.

Id nos de ipso, atque in ipso *credere* & confidere, salutis in eo fieri participes æternæ. Quo omnino reddimur ejus populus & oves, pro quibus & egit, & passus fuit, & vivit etiamnum quod vivit, & per ejus spiritum, & vitam, ipso, & salute ac redemptione tantâ dignam, convertimur & sanctificamur.

Sic nos Idem aliquando mortuos, & in cinerem redactos *suscitabit*, ad sui exemplum, & vivificabit, judex futurus omnium quotquot unquam vixere, probos assumpturus secum in cælum, ad æternam cum eo gloriam & regnum, improbos verò damnaturus ad infernum. Hæc summa fidei, religionis, & salutis nostræ.

Quæ quia *Scripturis* continentur, credimus esse vera, & ab ipso Deo inibi sic tradita. Quarum veritatem nunc est quod demonstremus.

Interim illud libet subungere iis, quæ hæcenus enarrata sunt. Non videri posse ullam religionem istâ nostrâ verosimiliorem. Tum quia gloriam *Dei* unde quaque facit summam, in ipso, & in omnibus ejus operibus: tum quia infra eum, *hominem* prorsus humiliat, & culpam in ipsum ita conjicit malorum omnium, uti attribuit Deo gloriam bonorum: porro quod convenientissimè tradit rationem liberationis & *redemptionis* hominum ex suâ miseriâ; & *virtutum* omnium, ac vitæ sancte degendæ; denique *beatitudinis* & gloriæ cœlestis.

Non tractat ridicula, vana, superstitiosa, qualia in sacris, uti putantur, Gentilium libris leguntur; sed gravia, utilia, sacra, ad Dei *cultum* spectantia unicè, & hominum *salutem*. Quæ uti nulla alia tradit religio, vel scriptura, quam nostra, tutò inde quoque ejus non veritatem modò concludimus, sed divinitatem.

Non illa tradit, sive Veterum, sive hodierna *philosophia*, vel doctrina aut scientia rerum naturalis: quam in Veteribus risit Hermias, libello ele-

ganti & venusto, *Irriso Gentilium philosophorum*: & quæ nec perfecta unquam doctrina fuit, neque erit, quia duntaxat humana est, & proinde communem sortem imperfectionis, cum aliis non excedens: neque docet illa Vedam, Porane, & Jastra, vel quoscunque sacros libros hodie jactant Brachmanni Indorum, alique: quæ cui videre contingit, examinet quomodo cum *ratione* convenient; vel spirent *divinitatem*; vel denique observet ut *deficiant*, neque omnia complectantur vel exponant, quæ nosse & habere homo avert, debetque, ad plenariam salutem suam & consolationem.

Ad quas notas exploranda hoc in genere scripta sunt, atque ad eas, ut subsistant melius vel nostra, vel Gentilium, videndum.

Scripturæ autem sacræ facile ostendimus primò *veritatem*, tum *divinitatem*, inde parem *autoritatem*. Neque hæc admodum difficulter, vel divisim, sed potius conjunctim.

Et primò quidem, nisi Scriptura sit vera & divina, tum *nulla* est, neque aliquo argumento alicujus scripti veritas aut divinitas probari potest, si non eodem probetur & illa. Cedo quod velis ad illud demonstrandum argumentum, si justum sit, levi operâ probabitur illud competere Scripturæ sacræ. In quâ vel Deus loquitur ad homines, vel per eos: & quæ dicitur loquutus, non in obscuro angulo vel antro, vel forte uni alicui in aurem, ut tenebras affectasse videatur, differuit, sed palàm, multis testibus, sæpe universo populo præsentem, & videntem, & audientem. Quorum veritatem neque recepissent omnes, si ullâ parte fuisset dubia, neque posteris tradidissent tot argumentis, testibus, indicis, signis & miraculis confirmatam, si minus vera fuissent omnia, vel falsa, vel aliquo modo dubia.

Deinde *Scriptores* illi fuerunt viri integri, pii, sancti, in quos suspicio mendacii & falsitatis hoc minus cadere potest, quod ab animo ipsorum, & vitâ, moribusque, tum doctrinâ alienissimæ impiæ artes fuerunt, non decipiendi modò, sed in re tantâ & tam divinâ illudendi Deo pariter atque hominibus. Quod hi fecerunt, si falsi. Sed nec voluissent facere, quia ab animo impetrare impossibile erat: nec cur fecissent, causâ ulla assignari potest; non piis tantum illis, sed & pro pietate, ac veritate doctrinæ suæ omnia perpessus, & neque lucro ullo, vel præmio aut pretio, dignitate, voluptate, aliisque corruptelis, quibus homines in perversa abripi solent, & quorum ipsi quâ doctrinâ, quâ exemplo sectabantur abnegationem, capiendis.

Antiquitatem Scripturæ si consideremus, & si, quod antiquissimum, idem verum est, nulla antiquior scriptura existit in toto terrarum orbe, vel fuit umquam, aut tamdiu perstitit, & constanter adversus omnes rerum tempestates, jacturas, vicissitudines, & interitus superior ubique evasit, quam ista. Homerum Græci jactant, vel si quod Homero scriptum antiquius, & forte incertum magis, quæ omnia magnis intervallis ætatis, certitudinis, ususque superant libri, quos habemus, Mosis, qui Trojanum bellum nongentis fere annis antecessit, secundum Lactantium, *lib. 4. cap. 5.* Quod & à Judæis ostensum sæpe, & Christianis à Josepho, contra Apionem; à Justino martyre; & discipulo ejus Tatiano; Theophilo, ad Autolyicum, libro tertio; Clemente, Stromatum primo; Eusebio, & aliis.

Cæterum Scripturæ *materia* & argumentum, quod tractat, divinitatem ejus demonstrat evidenter. Etenim non nisi sacra tradit & divina, cui uni fini hominem imbuat altiori notitiâ, ut Deum amet, & colat. Quidquid de Deo sciri potest, & debet, quidquid de felicitate nostrâ in Christo, & divinâ per ipsum gratiâ recuperandâ, quidquid de vivendi ratione sanctissimâ & perfectissimâ, ibi edocentur homines, & instruuntur uberrime. Neque enim parcâ & avarâ manu Deus res nobis sacras, earumque notitiam communicat suo verbo, sed valde liberali atque copiosissimâ illas spargit per Scripturam, inde in hominum omnium, quotquot ei fidem adhibent, animos. Etenim inde omnis certa & sublimis de Deo divinisque notitia, & ratio philosophandi optima, quia & certissima, & saluberrima. Quodque in Christianis mirari omnes coguntur, cum quis sapientiæ apud eos, virtutis, & probitatis, mentisque est melioris, inde petitur atque hauritur, tamquam ex fonte vivo, & perenni, & abundante supra modum.

Accedit *efficacia*, quam habet in omnium animis, ad mutandos in melius, & sanctificandos, & tranquillandos omni non tantum in malis solatio, sed gaudio quoque & gloria. Ejus etenim Verbi prædicatione, non aliqui, sed integræ gentes, & mundus ad fidem accessit, & Dei cultum, missis vanitatibus sæculi, & superstitione pristina, & vivendi genere inhumano ac pravo. Neque aliunde cupimus æque de Scriptura judicari, quam ex animo & sensu, quem facit in audientibus eam legentibusque. Denique ex *satietate*, quam hinc demum mens capit rerum omnium, quas scire cupit, & experiri. Sentit quisque in se magnos hiatus & defectus, quos adimpleri natura postulat, tum in genere scientiarum, præcipuè rerum di-

vinarum, tum felicitatis, & quomodo à vitiis expedire animum possit, & ab infinito, quo tenetur, reatu vindicare; ad quæ nihil est quid respondere, quid satisfacere possit, præter unicam Scripturam & Deum in ea de singulis, & ad singula respondentem, respondentem ita, ut serio expensa & applicata variis illis casibus quæstionibusque sola miram animo adferant contentationem & tranquillitatem.

Quod & *martyrum* variorum insignis probat constantia, qui illa sic se habere & esse verissima, omnibus, quæcunque vel excogitare dura mali possunt, & boni pati, exantlatis, & sanguine ac morte sua obsignare fortiter maluerunt, quam negare aut dissimulare vel minimum apicem. Quod non unus vel alter, ut capti mente videri potuissent, sed innumeri, & optimi, atque sapientissimi fecerunt quovis ævo, & occasione quacumque huc adigente, vel invitante.

Neque omittendæ variæ in Scripturis factæ rerum quarumcunque, & præcipuarum, quæ in mundo contigerunt, mutationum *prædictiones*, quæ ita prorsus evenerunt, uti prædictum multis ante sæculis fuerat. Non capta ex rebus vanis auguria, vel Dæmonum arte fabricata ambigua, & fallentia; & Deo ac justitia homines abalienantia responsa; sed Dei omniscii vera certissimaque, ad bonum & salutem hominum facientia vaticinia.

Denique ut omittam *consensum* omnium Scripturæ librorum, & rerum ac materiarum inter se harmoniam exactam prorsus & divinam, non parvum ad hæc momentum habent ipsa *Gentilium* de Scripturis, & cum iis convenientia, variarum rerum, testimonia. Ut Scripturæ veritas quoque ex conscientia earundem in profanis historiis rerum, hoc clarius elucescat & confirmetur. Atque ista de Scripturis sacris, proque earundem veritate dicta sunt.

Quod vero objecerunt Gentiles, styli in Scriptura *simplicitatem*, & quod Scriptores ejus neque sæculi eruditionem affectarunt, neque eloquentiam; adeo non in contemptum ejus vel opprobrium verti debet, ut hoc magis commendet. Quia augusta rerum adeo excellentium & divinarum veritas nec quærit, nec patitur lenocinia & fucum humanæ artis, seipsa, & veritate, & dignitate sua contenta & commendata satis superque. Lactantius, lib. 5. cap. 1. Nam hæc imprimis causa est, cur apud sapientes, & doctos, & principes hujus sæculi, scriptura sancta fide careat, quod prophetæ communi, ac simplici sermone, ut ad populum, sunt locuti. Contem-
nuntur itaque ab iis, qui nihil audire, vel legere, nisi expolitum, ac disertum

volunt, nec quicquam inherere animis eorum potest, nisi quod aures blandiori sono permulcet. Illa verò, quæ sordida videntur, anilia, inepta, vulgaria existimantur. Adeo nihil verum putant, nisi quod auditu suave est, nihil credibile, nisi quod potest incutere voluptatem: nemo rem veritate ponderat, sed ornatu. Non credunt ergo divinis, quæ fuco carent, sed ne illis quidem, qui ea interpretantur, quia sunt & ipsi aut omnino rudes, aut certe parum docti. Et apud Arnobium, lib. 1. sed ab indoctis hominibus, & rudibus scripta sunt. quare & barbaris & solæcismis res nostras obstitas culpabant. Quæ uti diluant, suis locis videri potest. In Actis Felicis, Episcopi Tubizacensis, Scripturas appellant vanas & supervacuas. Legatus enim dixisse ei perhibetur: quare Scripturas non tradis inanes & supervacuas? Quæ calumniæ haud melius quam ipsius Scripturæ sedula inspectione & examine confutari possunt; insuper & vita ac praxi non vana, non stulta, sed irreprehensibili & sancta eorum, qui tum fidem illi habent, tum ad eam vitam suam religiose componunt.

CAPUT DECIMUM.

*De autoritate Christi & Apostolorum, & veritate
Religionis Christianæ.*

Superest, ut pro veritate *Christianæ religionis* nunc pugnemus: quod ex prioribus eo erit facilius, quo inde per se sequitur, religionem ejus purem, id est, puram esse, ac divinam: ideoque brevioribus absolvendum. Non tamen illinc, sed ex naturâ rei sectabimur potius argumenta, quamvis à prioribus haud adeo multum dissimilia.

De *Christo* autem hic dicendum in initio; tum de *Apostolis*, ejus jussu totum orbem docentibus; denique de doctrinâ, quam tradiderunt, sive de *religione* Christianâ ipsa.

Christum verò non impostorem vel magum fuisse, quod infideles calumniantur, sed virum saltem magnum, sanctum, Prophetam, quin Deum, ex operibus ejus constat, quæ utpote in luce posita spectamus in præsentî, & ex iis arguimus, sive ex ejus *vita* sanctissimâ, & omnibus numeris perfectâ; *doctrinâ* vera, & pia, quam docuit; denique *miraculis*, quibus utramque comprobavit.

Vita talis, ut non modo mille homines, neque ipsius Adversarii quidquam contra ipsum adferre potuerint, sed ipsi hostes & judices testimonium dare innocentie fuerint coacti. Neque jam est quod metuamus, ne

quæ alia à prioribus quis contra ipsum objiciat de novo; quum quod tum temporis nulli probare potuerunt, nihil vereamur aliud nunc vim habiturum adversus veritatem tanto jam clariorem, ac clarior omni gloriâ Christi est & virtute.

Doctrina autem ejus qualis fuerit, tum ex Evangelio liquet, tum Ecclesia, sive hominibus ad regulam illam vitam suam instituentibus. De quorum moribus Plinius ad Trajanum Imp. scribere coactus fuit, nihil eos præter Romanorum legem agere, tantum antelucanos coetus frequentare, & canere hymnos Christo, tamquam Deo; ad disciplinæ autem inter se rigorem prohibere homicidia, furta, adulteria, latrocinia, & istis similia. Quare tale genus *hominum* ad supplicium inquiri Trajanus vetuit. *sententiam, necessitate confusam!* Ut mittamus quæ alia ex variis Imp. Adriani, Antonini, Marci, Rescriptis pro Christianis adfert Justinus in secundæ Apologiæ fine.

Christi verò *miracula* quod concernit, nec pauca, nec obscura, & solo jussu patrata è vestigio, in Dei nomine, non Diaboli, cujus regnum & vim destruebant, & ad cultum Dei homines provocabant, confirmarunt tum doctrinam, cujus fuerunt sigilla quædam valde illustria, tum vitam, atque vocationem seu missionem à Deo Patre ad peragendum salutis nostræ negotium.

Dixerunt quidem Adversarii, Magica illa esse, nam falsa & conficta dicere haud potuerunt, quum viderent claudum ambulare, visum cæcis restitui, ægrotis valetudinem, vitam mortuis; sed jam suo tempore & Christus illud diluit, & ipsa rei evidentia confudit. Neque Judæi tantum, sed quoque Gentiles, post Christi tempora idem objecerunt. Unde Arnobius, lib. 1. *occursum est forsitan est cum multis aliis calumniis illis & puerilibus vocibus: magus fuit, clandestinis artibus omnia illa perfecit, Ægyptiorum ex adytis angelorum potentium nomina, & remotas furatus est disciplinas.* Quia noverant Christum in Ægyptum aliquando concessisse, hinc eum ibidem Magicas artes didicisse, & suffuratum nomina, quorum in incantationibus usus solet esse nefariis hominibus, arbitrabantur.

Idem & Celsus objecit Christianis. Quare Augustinus, in Matth. xi. *Pagani dicunt, Dominum Christum magicis artibus fecisse miracula.* Respondet verò Arnobius, *potestis aliquem nobis designare, monstrare ex omnibus illis Magis, qui unquam fuerunt per sæcula, consimile aliquid Christo millesima ex parte qui fecerit? qui sine ulla vi carminum, & sine herbarum & graminum succis, sine ulla aliqua observatione solliciti à sacrorum, libaminum,*

tem-

temporum? --- Atqui constitit Christum sine ullis adminiculis rerum, sine ul-
lius ritus observatione, vel lege, omnia illa quæ fecit, nominis sui possibilitate
fecisse: & quod proprium, consentaneum, dignum Deo fuerat vero, nihil no-
cens, aut noxium, sed salutare, sed auxiliaribus plenum bonis, potestatis mu-
nifica liberalitate donasse.

Jam quia miracula fecit Christus, non quomodo alii homines, qui dun-
taxat ut *moralia* instrumenta concurrunt, non *physica*; sed primum vi &
potestate suâ, tum uti homines in se crederent, denique ad *gloriam* suam, se
Deum esse probavit illis; quia nulli homini vel datum, vel fas est ita agere.

Cæterum *Apostoli* primi Christi discipuli & ministri, ab eo missi in or-
bem universum ad docendum homines veritatem & Christi doctrinam
eam, quæ à malo illos averteret, & in bono confirmaret, atque adduceret
ad salutem, fuerunt rudes quidem & non imbuti sæculi disciplinis, interim
rerum sacrarum callentissimi, & omnium ad religionem necessariorum co-
piâ singulari, per Spiritum, quem in eos extraordinario & stupendo modo
Christus emiserat, imbuti; & vitæ admodum sanctæ & inculpatæ, pleni
Deo, bonis rebus virtutibusque additissimi, flagrantés zelo ad promo-
vendum Dei regnum, & miserorum hominum salutem. Hinc magnam
orbis partem, & mundum in mundo Christo domino & Deo suo subjece-
runt, nullâ vi usi, aut fraude, non armis vel humanis vel Diabolicis, non
propositis voluptatibus & deliciis, quæ inescare homines solent & quo-
cumque trahere; sed ingrata carni & dura, mundo inimica, neque vulgo
placencia, quin abnegationem omnium tum quæ delectant, tum quæ pro-
ficua, imò pro jacturâ omnia æstimare & fumo, præ Christo, & hunc se-
quendum per adversitates omnes, sublatâ unicuique & portatâ cruce suâ,
neque aliter hic licere aut profiteri Christum, aut regnum ejus adire & glo-
riam, docebant: denique & *miraculis*, gratia & virtute Christi patris,
confirmabant. Quodque tali prædicatione mundum domarunt, subege-
runt, triumpharunt Christo suo, primò Christi, & doctrinæ ejus, tum
& ipsorum demonstravit vim, sanctitatem, & gloriam.

Eoque satis retundere accusationem ruditatis & *ἀμαθίας* potuerunt,
ipsis à Gentilibus passim objectam Veteres. Apud Arnobium, lib. 1. *Sed*
ab indoctis hominibus, & rudibus scripta sunt, & idcirco non sunt facili au-
ditione credenda. Ad quod bene respondet, *vide ne magis hæc fortior causa*
sit, cur illa sint nullis coinquinata mendaciis, mente simplici prodita, & ignarâ
lenociniis ampliare. Trivialis & sordidus sermo est. Nunquam enim veritas
sectata est fucum, nec quod exploratum & certum est, circumduci se patitur ora-
tio-

tionis per ambitum longiorem. --- Barbarismus, solæcismus obstitæ sunt, inquit, res vestræ, & vitiorum doformitate pollutæ. Puerilis sane, atque angustæ pectoris reprehensio. Quæ ut redarguat, apud ipsum autorem consule. Cum de rebus agitur, inquit inter alia, ab ostentatione submotis, quid dicatur spectandum est, non quali cum amœnitate dicatur: nec quid aures commulceat, sed quas afferat audientibus utilitates; maxime cum sciamus etiam quosdam sapientiæ deditos non tantum abjecisse sermonis cultum, verum etiam cum possent ornatiùs atque uberius eloqui, trivialem studio humilitatem secutos, ne corrumpèrent scilicet gravitatis rigorem, & sophisticâ se potius ostentatione jactarent.

Atque uti offendebantur vilitate, & conditione externâ Apostolorum, seu virorum Apostolicorum, qui doctrinam Evangelii ad eos defererebant, ita quoque ex tenui sorte vulgi, credentium in eam, & sectatorum Christi, qui pauperiores passim & fortis sexusque inferioris erant, mulierculæ, opifices, nautæ, fellularii, indocti & illiterati. Cæcilius, apud Minutium: Itaque indignandum omnibus, indolescendumque est, audere quosdam, & hos studiorum rudes, litterarum profanos, expertes, artium etiam sordidarum, certum aliquid de summâ rerum, ac majestate decernere. --- qui de ultimâ fecce collectis imperitioribus, & mulieribus credulis, sexus sui facilitatem habentibus, plebem profanæ conjurationis instituunt. At Octavius postea: cæterum quod plerique pauperes diximus, non est infamia nostra, sed gloria. Arnobius, lib. I. despicit nos ut rudes. Idem Celsus objicit, apud Origenem; Julianus, apud Nazianzenum; & Cyrillum: alii apud alios: in quo amovendo præjudicio istorum temporum Patres proinde toti sunt, Justinus, Theophilus, Tatianus, præter eos, quos diximus. Prudentius, de martyrio Fructuosi:

*Tu qui doctor, ait, seris novellum
Commenti genus, ut leves puellæ
Lucos desituant, Jovem relinquunt
Damnes, si sapias, anile dogma.*

Nam impiam & anilem superstitionem vulgo vocabant Christianorum doctrinam. Apud Lactantium, lib. v. cap. II. & XIII. Nam interdum isti muliebrem, anilem superstitionem vocant. Sic & apud Minutium.

Pallidos, tetricos, miseros dicebant. Cæcilius, ad Octavium, de Christianis, coronas etiam sepulchris denegatis, pallidi, trepidi, misericordia digni. Idem & Lucianus illis objicit, procul dubio ex eorum abstinentia, & crebrioribus jejuniis.

Dixerat quoque Cæcilius: *vos verò suspensi interim atque solliciti, honestis voluptatibus abstinētis; non spectacula vīstis, non pompis interestis; convivia publica absque vobis.* Adeo tetrici illis videbantur primi optimique Christiani, morosi, & à communibus rebus ac voluptatibus, quas alii licitas & medias existimabant, abstinētes. Neque hoc se superstitiosos putabant, aut damnandos: nempe qui ex moribus & vita æstimari se cupiebant. Minutius: *Nos igitur qui moribus & pudore censemur, merito malis voluptatibus & spectaculis abstinemus.*

Quodque vel paucitatem credentium objectabant: Arnobius, lib. III. *Neque enim religio Christiana eo esse comprobabitur vera, si ad stipulatores habuerit plurimos: aut conditionem vilissimi vulgi, aut sexus eam profitentium, hoc maxime arguebantur, quod ab illis confunderetur eorum arrogans & insana superstitio.* Lactantius, lib. v. cap. xx. *Fam profecto ab ancillis, quas contemnunt, & pueris nostratibus, error illorum ac stultitia irridebitur.* --- *sciant igitur vel ex hoc ipso, quantum intersit inter verum & falsum, quando ipsi, quum sint eloquentes, persuadere non possunt, imperiti, ac rudes possunt, quia res ipsa, & veritas loquitur.* & cap. XIII. *Nostri autem (ut de viris taceam) pueri, & mulierculæ, tortores suos taciti vincunt, & exprimere illos gemitum nec ignis potest.*

Tum illud quoque primum argumentum est pro veritate religionis Christianæ, & ab Apostolis prædicatæ, admirabilis videl. illa mundi conversio, per simplicem Evangelii Christi prædicationem: non à mundi hujus sapientibus, sophistis, potentibus factam, sed imò adversus eos; non eloquentia & vi humana, sed per unam Evangelii doctrinam, ab agrestibus & rudibus præconibus expositam, tam brevi tempore, nullo humano præsidio, tot tantæque gentes, ab inveteratâ idololatriâ ad Deum, & fidem Christi, à Christo traductas. Neque enim ullus id egit, imò nec conatus unquam præter Christum fuit, qui illa doctrinâ suâ perfecit, per suos, illius doctrinæ nuncios & doctores. Magis enim admirandum & excellens opus videri debet, quando & à quo, & ad quod conversi homines illorum opera sint, propius examinamus.

Profecto dum tantæ difficultatis deprehendimus negotium, unum aliquando hominem, ab errore aut vitio aliquo gravi abducere, & persuadere ei atque imprimere meliorem animum: quanti laboris, & fructus fuerit, tot homines, à difficillimo, & longa vetustate fere in naturam verso morbo, aut potius morte, & à Diabolo liberare, cujus hic profligandum imperium fuit, quod innumeris seculis in miseros illos exercuerat. Neque enim cum

hominibus tantum, sed dæmonibus atque inferni potestatibus res ipsis fuit, ut solus Christus deinceps agnosceretur eorum Dominus, & Deus.

Is, de quo nunquam antea quidquam inaudiverant Gentiles, & jam annunciatum, morte nefaria offendiculo erat, ne in ipsum crederent. Hoc enim Gentiles assidue objecisse Christianis legimus, quod in crucifixum crederent, mortuumque: *quod hominem natum, & quod personis infame est vilibus, crucis supplicio interemptum, & Deum fuisse contenditis, & superesse adhuc creditis; & quotidianis supplicationibus adoratis*, inquit apud Arnobium, lib. i. Apud Minutium Cæcilius, *hominem summo supplicio pro facinore punitum --- ut id colant, quod merentur*. Augustinus, serm. viii. de verbis Apostoli, *de cruce Christi nobis insultant sapientes hujus mundi, & dicunt: quale cor habetis, qui Deum colitis crucifixum. & Lactantius, lib. iv. cap. xvi. Nunc venio ad ipsam passionem: quæ velut opprobrium nobis objectari solet, quod & hominem, & ab hominibus insigni supplicio affectum, & excruciatum colamus*. Sed primò non pro peccato suo Christus tale supplicium meruit, aut sustinuit; non invitum ad hoc raptus, sed sponte adiit, fivitque se malum in modum ab hominibus tentari, quos ut facile erat sibi compescere & prosternere, etiam illo tempore non destitit comprobare: quod autem noluit, indicat aliud, & magnum latuisse mysterium, quod ita fieri oportebat & melius esset; nobis nempe, istâ victimâ expiandis & redimendis. Atque hæc causa passionum istarum erat, luere pro peccatis nostris dirissima, quæ non aliam pœnam erant commerita. Denique non in Deitate suâ Deus, sed in humanâ naturâ patiebatur, divinâ humanam in isto onere sustentante, & conciliante passionibus tanti Redemptoris, dignum ipso, dignum passionibus & morte illâ, pretium. *Mors illa, quam dicimus, assumpti hominis fuit*, inquit Arnobius, *non ipsius: gestaminis, non gestantis: quam nec ipsam perpeti succubisset, tanta si non agenda res esset, & inexplicabilis ratio fati clausis patefacienda mysteriis*. Quod majus Christi opus in eo apparuit, quod ab idolis, & insaniam suâ Gentiles avocare potuit, & adducere ad se, atque ad agnoscendam, & amplectendam crucem suam, in crucifixo ponentes salutis suæ spem, & hunc etiam pro Deo, nequidquam ejus humilitate offensi jam, venerantes.

Neque ab errore duntaxat ad veritatem, ab idolis ad cultum Dei, sed quoque *vitam* inter se honeste degendam, & virtutibus omnibus conspicuam vocati. Qui crudeles antea, feri, inhumani, luxu, libidine, vitiisque diffuentes; postea casti, temperantes, benigni, & amore, quia erga Deum, erga proximum etiam facti fuerunt flagrantissimi. *Habet à Christo*, inquit

vère

verè Arnobius, lib. I. Beneficium jamdudum orbis ingratus; per quem feritatis mollita est rabies, atque hostiles manus cobibere à sanguine cognati animantis ocepit. Eusebius, Præparat. lib. I. cap. III. Nunquam alias in memoria hominum ab aliquo illustri viro, aut populo factum, nisi nunc, suis duntaxat verbis, atque doctrina per universum orbem diffusa, ut omnium jura gentium rectè atque humanitus se habeant, illa ipsa, inquam, jura, quæ ante adventum suum tetra, fœda, immania erant. Non enim jam Persæ, quicum secuti sunt, matres suas nefandis nuptiis cognoscunt, non humanis vescuntur carnibus. Scythæ, quoniam ad eos usque prædicatio Christi pervenit, nec charissimos, falsa religione impulsæ, liberos jugulant. Hæc certè ac talia penè infinita hominum quondam vitam vexabant. Massagetæ ac Derbices propinquos atque affines suos, qui senectute conficiebantur: miserrimos putasse traduntur: ac ideo immolantes carnes eorum, quos plurimi fecerant, epulabantur. Tibareni viros seniores suos præcipitare; Hyrcani rapaci generi avium; Caspii canibus projicere soliti: quæ quidem cuncta religiosissime prius faciebant, nunc verò sola Evangelica virtute undique truculentissima hæc pestis explosa est. Eadem urget Origenes, in primo, adversus Celsum, & quarto: Athanasius, in secundo contra Gentiles: & Chrysostomus, in libro, quod Christus sit Deus, nam inde etiam jure ejus deitatem concludit; considera & cogita tecum, quid sit, in tam brevi tempore omnem sub sole terram tantis ecclesiis impleri, tantas gentes ad fidem transferri, populos persuaderi, ut patrias leges irritent, consuetudinem stabilitam & radicatam revellant, altaria & templa, & statuas & sacrificia, & prophana festa, & immundum odorem, sicut fimum aliquem aboleant, & excitent altaria ubique gentium, in regione Romanorum, Persarum, Scytharum, Maurorum, Indorum, & ultra orbem nostrum. Nam & Britannicæ insule extra hoc mare sitæ, & quæ in ipso Oceano sunt, virtutem verbi senserunt (sunt enim etiam illic fundatæ ecclesiæ, & erecta altaria.) Eademque urgent Lactantius, lib. V. cap. XIIII. & Firmicus, de errore profanar. religionum.

Quod si bella objiciantur, etiam inter ipsos Christianos excitari, & geri solita; quod & Judæi continuò nobis exprobrant: egregie respondet Arnobius; quod si omnes omnino, qui homines se esse non specie corporum, sed rationis intelligunt potestate, salutaribus ejus pacificisque decretis aurem vellent commodare paulisper, & non fastu & supercilio luminis, suis potius sensibus, quam illius commotionibus crederent: universus jam dudum orbis mitiora in opera conversis usibus ferri, tranquillitate in mollissima degeret, & in concordiam salutarem incorruptis fœderum sanctionibus conveniret. Id est, vitia illa

hominum sunt; non doctrinæ, sed doctrinâ abutentium, quæ si recipere-
tur ab omnibus prout decet, & vim suam, contra hominum corruptiones
ubique exereret, jam alta pax animos regeret, & bearet mundum, qui non
aliâ magis ex causâ, quam vi Evangelii ad mutuam concordiam redire po-
test, & coalescere invicem, quo aliud auditur nihil, nisi quod humanos fa-
ciat, nisi quod mites, verecundos, pudicos, castos, familiaris communicatores
rei, & cum omnibus consolida germanitatis necessitudine copulatos, inquit
idem, lib. iv. Et Tertullianus, in Apol. Sed dicet aliquis, etiam de no-
stris excedere quosdam à regula disciplinæ, desinunt tum Christiani penes nos.

Unde fratrum nomen apud Christianos proprium, & familiare. Ar-
nobius, in Psalm. cxxxiii. *Modo dicite mihi, quod convenistis omnes in
unum vos, qui fratres nominamini? aut unde estis omnes fratres, ostendite: de
uno, inquit, patre Christo, & de una matre Ecclesia.* Tertullianus, in Apol.
hinc notam infamiæ inustam Christianis indicat: *vide, inquit, ut invi-
cem se diligant; ipsi enim invicem oderunt: & pro alterutro mori sunt parati;
ipsi enim ad occidendum alterutrum paratiores erunt. Sed quod & fratres nos
vocamus, non alias, opinor, infamant, quam quod apud ipsos omne sanguinis
nomen de affectatione simulatum est.* Id est, quia fratres, se mutuo & foro-
res appellabant, incestibus constare ipsorum matrimonia putabant. Ad
carnem trahentes, quod spiritali modo est accipiendum. Minutius, vel
primò apud eum Cæcilius, *passim etiam inter eos velut quedam libidinum
religio miscetur: ac se promiscue appellant fratres, & sorores, ut etiam non in-
solens stuprum intercessione sacri nominis fiat incestum.* Ad quæ postmodum
suo loco Octavius; *sic mutuo, quod doletis, amore diligimus, quoniam odisse
non novimus: sic nos, quod invidetis, fratres vocamus, ut unius Dei parentis
homines, ut consortes fidei, ut spei coheredes.*

Istorum verò omnium, quæ Christus ita egit doctrinâ suâ, inter gentes
efficax & illustris demonstratio est, quod cum adventu suo idola abegit,
& filere iussit apud Gentiles celebratissima eorum oracula. Quæ circa id
tempus defecisse, & multam ipsis Gentilibus iniecisse admirationem, ipsi
testantur, & probat Plutarchi eximius libellus, *de defectu oraculorum.* Et
Eusebius, Præparat. lib. v. cap. i. *Quod autem post tempora Salvatoris no-
stri, potentia demonum fracta jaceat, ipse Porphyrius Christiani nominis ho-
stis in libro, quem adversus religionem nostram conscripsit, hoc modo testatur:*
*Nunc verò mirantur, inquit, si tam multis annis peste civitas vexatur, quum
& Esculapius & alii dii longè absint ab ea. Postèa enim quàm JESUS
colitur, nihil utilitatis à diis consequi possumus. Hac verba illius sunt. Quem*

eundem vide cap. viii. de defectu oraculorum, ex Porphyrio, & Plutarcho agentem. Nazianzenus, orat. alterâ in Julianum: *non amplius loquitur quercus, non amplius pelvis vaticinatur, non amplius Pythia impletur nescio quibus nisi fabulis & deliriis. Rursus Castalia filebit, & filet, aquaque est non vaticinatrix, sed ridicula. Item Andriensis Apollo mutus, & Daphne planta est fabula deploranda.* Hæc pro Christo, & ejus non meritis duntaxat, sed divinitate, adversus omne genus infidelium, seu Judæorum, seu Gentilium, adhibentur, tanquam argumentum reale, clarum, latissimum, & nullis non evidens, quo integræ gentes, & totus adeo orbis, cum olim, tum hodie semper testimonium coguntur ferre Christo liberatori ac vindici. Comparetur status uterque hominum, olim tenebris infidelitatis submersorum, atque nunc supernâ luce illustratorum, quando nec Deum, nec Christum, nec Verbum, nec salutem suam norant, non quid justum & rectum, ne humanitatem quidem præstabant; jam Deum cognoscentes, magis adhuc ab ipso cogniti, divina & cœlestia meditantur, Angelis propiores degendo nunc, quam olim hominibus. Cujus felicitatis non alia causa est, quam Christus, & religio, quam ipsi debemus, Christiana. Quæ sola uti homines adeo sapientes reddidit, & sanctos, & beatos, ita quin hinc omnibus sese meritò commendat, quis est qui fateri non cogatur?

Accedit Christianorum in ferendis omnis generis malis, & persecutionibus pro veritate illa suæ religionis, admiranda constantia, & *martyria* innumera, non ex aliqua insensibilitate, stupore, jactantia, gloria, aut pertinacia opinionis propriæ, non pro assequendis aut retinendis mundi & carnis vitiosæ rebus aut commodis, quorum causas semper procul habent, sed ex sancti animi & conscientiæ Deo inviolate servandæ sensu, & desiderio promovendi ejus gloriam & cultum: unde in mediis tormentis longa alia eorum facies & tranquillitas, ac hominum vano vel malo aliquo impetu, sive scelerum causa, in morte aut suppliciis, quæ sustinent, furentium, ubi isti placide, serene, pie in Domino obeunt & obdormiscunt, etiam quando lapidibus obruuntur, vel ustulantur, aut gladio, & quovis genere mortis torquentur & excarnificantur. Quæ causa alios sæpe movit, deserta Gentilitate, ad Christi fidem accurrendi, ut similis mortis, nedum vitæ, cum sanctis & fortissimis Christi athleticis, redderentur confortes, Lactantius, lib. 5. cap. 13. *Nam cum videat vulgus dilacerari homines variis tormentorum generibus, & inter fatigatos carnifices invictam tenere patientiam, existimant, id quod res est, nec consensum tam multorum, nec perseverantiam morientium vanam esse, nec ipsam patientiam sine Deo*

cruciatibus tantos posse superare, latrones, & robusti corporis viri ejusmodi lacerationes perferre nequeunt, exclamant, & gemitus edunt. vincuntur enim dolore, quia deest illis inspirata patientia. Nostri autem (ut de viris taceam) pueri, & mulierculæ, tortores suos taciti vincunt, & exprimere illis gemitum nec ignis potest.

Quo majus iterum argumentum est pro Christi religione, quod & contra tot adversitates semper stetit firma, & opprimi vel extingui non potuit: & à Christi inde tempore tot maximis incrementis & victoriis in hominum animis & conversione illustris, non modò orbem pervagata, sed & ad nos quoque post tot secula, hostes, lanienas, clades, intemerata pervenit & gloriosa supra modum. Ejus nempe longa & felicissima diuturnitas.

Sed hinc capiunt, & obijciunt Gentiles adversus religionem non unum præjudicium. Primum, ipsas illas & continuas Christianorum, quibus affliguntur, *adversitates*. Quippe existimant, si ea esset tam bona, tam beata religio, non debere ejus professores tot malis agitari assidue & gravissimis afflictionibus. Quasi verò mala essent, & non id dicerentur verius, quam essent. Nam multis quidem modis profunt, nocent nihil. Quum sint virtutis probationes tantum aliquæ; & exercitamenta, quibus nota & illustrior redditur fides ac constantia, non læditur aut corrumpitur. Et cujus non virtus adversis exploratur, & confirmatur? Nisi tempestates & venti ingruerent aliquando, quomodo naucleri probaretur fortitudo & peritia? vel quando magis militis animus ostenditur, quam in prælio & pugnâ, qui nisi illis provocetur, non cognoscitur? Tum istorum acerbitate & sensu animus Christiania purgatur indies, & à mundo & carnalibus avocatus abstractusque paratur cœlo, alia & meliora hoc studiosius affectans, quo hic magis pungitur, & premitur, non opprimitur.

Atque ita Veteres responderunt, ad eadem sibi à Gentilibus, neque semel objecta. Cæcilius, apud Minutium, ecce pars vestrum & major, & melior, ut dicitis, egetis, algetis, opere, fame laboratis. --- Sed omitto communia, ecce vobis minæ, supplicia, tormenta, etiam non adorandæ, sed subeundæ cruces: ignes etiam &c. Arnobius, lib. 2. cum ergo, inquitis, omnipotenti servitis Deo, & eum confiditis habere salutis atque incolumitatis vestræ curam, cur persecutiones patitur perpeti vos tantas, atque omnia genera pœnarum & suppliciorum subire? Eadem & apud alios occurrunt. Quomodo verò respondebant Christiani? Unum suffecerit audire Octavium, apud Minutium, ad Cæciliū illa, hæc reponentem: itaque ut aurum ignibus, sic nos discriminiibus arguimur. Quam pulchrum spectaculum Deo, cum

Chri-

Christianus cum dolore concreditur, cum adversum minas, & supplicia, & tormenta componitur, cum strepitum mortis, & horrorem carnificis irridens insultat, cum libertatem suam adversus reges & principes erigit; soli Deo, cujus est, cedit; cum triumphator & victor, ipsi qui adversum se sententiam dixit, insultat --- At enim Dei miles nec in dolore deseritur, nec morte finitur. Sic Christianus miser videri potest, non potest inveniri. Vos ipsi calamitosos viros fertis ad cælum: Mucium Scævola, qui cum errasset in regem, perisset in hostibus, nisi dexteram perdidisset. Et quod ex nostris non dexteram solum, sed totum corpus uri, cremari sine ullis ejulatibus pertulerunt, cum dimitti præsertim haberent in potestate? Vide & Lactantium, lib. 5. cap. 22. imo verò cum vexamur, & premimur, tum maxime gratias agimus indulgentissimo patri, quod corruptelam nostram non patitur longius procedere, sed plagis ac verberibus emendat. Ex quo intelligimus, esse nos Deo curæ --- Est & alia causa, cur adversum nos persecutiones fieri sinat; ut Dei populus augeatur. Quod quomodo hinc fiat, porro diligenter exponit.

Est & aliud, quod Gentiles olim oggerant Christianis, nimirum admiscenda ipsorum religione, adauget in mundo mala fuisse, & valde afflictam ubique Rempublicam, hucusque felicem & prosperam. Sed si per vos, inquit, nihil rebus incommodatur humanis, unde sunt hæc mala, quibus urgetur & premitur jamdudum miseranda mortalitas? apud Arnobium, lib. 1.

Quam calumniam ex professo diluunt Augustinus, in libris de Civitate Dei, & Orosius, in historiis, ostendentes, id neutiquam esse verum, quod plura & graviora mala incubuerint hominibus ab ortu Christianismi, quam antea, & propterea Orosius, hortatu Augustini libros suos scripsit, uti id ex historiis antiquorum revinceret. Deinde causam malorum ostendunt illi, alique, non in Christianos, sed Deorum insanum cultum, & peccata hominum conjiendam esse, præsertim in ipsorum ingratitude, qui tantum Dei beneficium, ac Christo & Evangelio offertur, contemnerent & contumaciter ac impie repudiarent.

Quin & impietatem Christianis exprobrabant, ac vocabant eos atheos. Sed non aliâ de causâ, quam quod Deos suos non honorabant, & hoc constanter profitebantur in ipsis adeo flammis, quando, uti loquitur Lactantius, audiebat circumstans populus, inter ipsa tormenta dicentes, non sacrificare se lapidibus humanâ manu factis, sed Deo vivo, qui sit in cælis. Arnobius, lib. 1. ergone impiæ religionis sumus apud vos rei, & quod caput rerum & columnen venerabilibus adimus obsequiis, ut convitio utamur vestro, infausti & athei nuncupamur? Hinc infausta illorum in amphitheatris, ad-

ver-

versus Christianos exclamationes, αἶψα τὰς ἀθέους, tolle atheos, indicantes Christianos. Antoninus pius Imp. in Rescripto, apud Justinum, Apol. 2. καὶ τὴν γνώμην αὐτῶν ἥνπερ ἔχουσιν ὡς ἀθέων κατηγορεῖται, & sententiam eorum, videl. Christianorum, *tanquam atheorum accusatis*. Quod crimen omnes istorum temporum Christiani in Apologiis suis copiose, quod & suprà indicavimus, refellunt.

Alia objectio: quod religio Christianorum esset recens & nupera, ipsorum verò antiqua & probata. Arnobius, lib. 1. *religiones, inquit, impias, atque inauditos cultus terrarum in orbem trahitis. --- execrabilis religio est & infausta, impietatis & sacrilegii plena, caeremonias antiquitus institutas novitatis suæ superstitione contaminans?* & lib. 2. *sed novellum nomen est nostrum, & ante dies paucos religio est nata, quam sequimur.* Unde Christiani passim audiebant novelli dogmatis autores, eosque appellabant Novellos. Suetonius, in Nerone, cap. 26. *afflicti supplicis Christiani, genus hominum superstitionis novæ ac maleficæ.*

Ostendebant verò Patres nullâ operâ, ista ab illis dici non debere, qui quotidie Deos novos facerent, & novas instituerent religiones. Omnia præterea, in scientiis etiam, artibusque aliquando nova fuisse, neque ideo repudianda. Neque ita novam Christianorum esse religionem, quin antiquitate non modo, sed veritate, vi, sanctitate multum superaret falsas quasque Gentilium superstitiones. Solâ autem antiquitate aliquâ, quâ aliquibus jam notior erat hactenus & celebratior Gentilismus præ Christianismo, dum pugnabant Gentiles, verâ antiquitate carebant, & antiquissimâ. Cæcilius, apud Minutium: *hinc perpetuus venerationis tenor mansit, qui longâ ætate non infringitur, sed augetur. quippe antiquitas caeremoniis atque fanis tantum sanctitatis tribuere consuevit, quantum adstruxerit verustatis.* De quo præjudicio & posthac dicendi erit locus. Illud etenim si admittatur, jam nihil corrigi, nihil emendari, nihil perfici poterit in humanis, sed omnia relinquenda erunt, prout accepimus à Majoribus, quantumcunque vitiosa & prava.

CAPUT UNDECIMUM.

Quo docetur Gentilium conversionem ad nos etiam spectare.

Accedimus ad partem operis nostri tertiam, sive ultimam, quâ agendum propriè de curandâ Gentilium nostrorum *conversione*: qui disputationis debet esse scopus, & finis.

Hic

Hic verò duo potissimum sunt agenda: ac primò ostendendum, illud *muneris*, quo Gentilium vacatur conversioni, ad nos quoque spectare, & esse partem nostri officii, neque ita ab Apostolis illud fuisse olim occupatum, qui mundum sua prædicatione illustrarunt, & adduxerunt ad Christum, ut nihil posteris, nil nobis etiam in hoc campo, post eos, laborandum sit: deinde videbimus quid, quo *modo* hic agendum super sit.

Quod ad illud, alta quidem & adoranda illa divinæ sapientiæ est ratio, quâ missis olim sub V. T. gentibus incedere viis suis, in plenitudine temporis eas advocare voluit in locum populi Judaici, propter infidelitatem rejecti; ut hinc spectare severitatem judiciorum Dei, inde profundam misericordiam omnes debeant, quod qui non erant populus, populus Dei factus, & misericordiam assecuti fuerunt, quorum non fuerat miseratus antea, maximè monito tam diu & sæpissime populo Dei prius, ita secum, ita cum Gentilibus tandem actum iri: verùm ut non satis prædicari illa abyssus judiciorum & viarum Dei potest, & quod tum factum per Apostolos omnis gens vidit & testata est; sic peccare eos arbitror, qui beneficium & opus illud vocationis ita restringunt ad solos Apostolos, eorumque ætatem, ut ad nostram curam nihil spectare arbitrentur.

Non quidem dubium est, glaciem per eos fractam, & apertam ad Gentes fuisse viam, maximas etiam nationes ipsorum operâ, Deo agente & benedicente, conversas: sed, uti non omnes tum temporis adhuc innotuerunt mundo mundi partes & regiones, & hoc inter alia distat Evangelii prædicatio à doctrina Judaicâ, quod illa universalis est ad πάντες τὸ ἔθνη directa & ordinata, mansuraque talis usque ad consummationem mundi, quousque illis adfuturus est Christus; certum etiam est, non aliquorum, vel unius seculi esse illam prædicationem, sed omnium, quotquot Apostolis, hac parte quod doctores fuerunt, & discipulos Christo facere tenebantur, successerunt.

Quam illustres & magnifice fuerunt olim in V. T. factæ de futurâ suo tempore Gentilium vocatione prædictiones, & *promissiones*, à primâ inde mundi & Ecclesiæ ætate? Jam tum dicebatur à Noacho, *alliciet Deus Japhetum, ut habitet in tentoriis Semi*. Genes. 9. 27. quod de posteris & Japheti genere dictum, intelligi de vocatione Gentilium debere ad societatem Ecclesiæ, sive Semi, penes quem ad illud usque tempus Ecclesia perduraret, constat.

Nullibi verò magnificentius & uberius illa prædicta leguntur, quam in Psalmis, & apud Jesaiam. Non solum Psalmo secundo, *dabo gentes in pos-*

sessionem tuam, & fines terræ jus possessionis tuæ; sed nominatim Psalm 72. & dominabitur à mari uno ad alterum, & à flumine quaquà sunt fines terræ. Coram eo honorem exhibentes incurvabunt se barbari, & inimici ejus pulverem lingent. Reges oceani & insulani munus reddent, reges Sceba & Seba donarium offerent: denique incurvabunt se omnes reges, omnes gentes servient ei.

Jam Jesaias *תלמא*, & dicit, confluent ad eum omnes gentes, cap. 2. 1. 19. 20. & cap. 9. 2. populus ejus qui ambulant in tenebris, videbunt lucem magnam. 49. 12. ecce illi è longinquo venient, ecce quoque illi ab Aquilone, & ab occasu, denique isti à terrâ Sineorum --- vers. 20. dicent in aures tuas filii orbitatis tuæ, angustus est mihi hic locus, retrocede mihi ut habitare possim: adeo ut dictura sis cum animo tuo, quis genuit mihi istos, cum fuerim orba & solitaria & huc illuc migrans & fugitiva, & istos quis educavit? en ego relictæ fui sola, isti ubinam fuerunt? Sic ait Dominus Jehovab: ecce sustollam ad gentes manum meam, & ad populos efferam vexillum meum, ut afferant filios tuos lacerto, & filie tuæ super humerum portentur. Et erunt Reges nutritii tui, & faminae principes eorum nutrices tuæ, vultu in terram incurvabunt se tibi, pulveremque pedum tuorum lingent. Cap. 60. 3. ut accedant gentes ad lucem tuam, & reges ad splendorem exortum tibi. Attolle circumquaque oculos tuos & aspice, omnes isti congregantes se accedunt tibi: filii tui è longinquo adveniunt, & filie tuæ ad latus tamquam à nutriciis apportantur. 8. Cujus isti, qui ut densa nubes convolant? & velut columbæ ad fenestras suas? nam me insulæ expectabunt, & classes Oceani imprimis, ut adlucant filios tuos è longinquo, argentum suum, & aurum suum secum, ad nomen Jehovæ Deitui, & ad sanctum Israël, quando ornabit te. Denique in fine libri, cap. 66. 18. 19. 20. congregando omnes gentes & linguas, quæ venientes visuræ sunt gloriam meam. Ponam in his signum, & mittam ex his qui evaserint, ad gentes, in Oceanum, Pulem, & Ludum, jaculantes arcu, Tbudalem & Favanem: regiones maxime longinquas, quæ non audiverant famam meam, neque viderant gloriam meam, ut indicent gloriam meam in gentibus. Et adducent omnes fratres vestros ex omnibus gentibus munus Jehovæ, equis, & curribus, & pilentis, mulisque, ac veredariis, ad montem sanctitatis meæ Jerschalaima, ait Jehova, quemadmodum offerunt Israëlita munus instrumento mundo in domum Jehovæ.

Quæ, aliaque ibi, & apud cæteros Prophetas copiose occurrunt in istam rem, & explicandam & amplificandam promissionem, de vocandis ad Deum & Ecclesiam Gentibus. Nam ab ortu Solis usque ad occasum ejus

magnum erit nomen meum in Gentibus, & in omni loco suffimentum offeretur nomini meo, & munus purum: quia magnum nomen meum erit in gentibus, ait Jehova exercituum. Mal. 1. 2.

Hæc autem uti olim *prædicta* & promissa erant, ita in N. T. *præcepta* dedit Christus, uti implerentur. Præsertim quando Apostolis suis dixit, ut irent in mundum universum, & docerent omnes homines, baptizantes eos in nomen Patris, & Filii, & Spiritus Sancti, Matth. 28. 19. *prædicare resipiscentiam & remissionem peccatorum ad omnes gentes, incipiendo à Jerusalem*, Luc. 24. 47.

Incepit autem Petrus, visione primùm cœlesti admonitus & excitatus, ne quid porro impurum haberet, neque etiam homines alienigenas, vel Gentiles impuros ultra censeret, quo minus cum iis versaretur, & tractaret res religionis. Quod Petro agente, & cadente in audientes sermonem Evangelii gentiles Spiritu Sancto, ex Judæis fideles mirati valde, quod etiam in Gentiles donum Spiritus S. effunderetur, hinc primi ex Gentilibus, credentes Cæsareæ baptizati, magnoque gaudio perfusi reliqui Apostoli, & fratres fuerunt, quod etiam gentiles acceperant Verbum Dei: uti refertur in Actis cap. 10. & 11. 1. & tandem omnes Jerosolymitani audientes ista exponentem Petrum, *acquieverunt, & laudaverunt Deum, dicentes, ergo etiam gentibus dedit resipiscentiam ad salutem.* vers. 18. Paulò post etiam Antiochiæ, per verbi prædicationem conversis multis, factum, ut hic primum discipuli appellarentur Christiani, vers. 26. ejusdem capituli.

Hactenus adhuc inter Judæos & Jerusalem hærebat Christi Ecclesia, & simul Judæis Gentilibusque incumbabant Apostoli convertendis. At quando Judæi præfixâ fronte se Evangelio opponerent & blasphemarent, Apostoli Paulus & Barnabas, tradito Judæis quasi repudii libello, altâ voce inclararunt: *vobis quidem primùm necesse fuit loqui verbum Dei: quoniam verò illud repudiatis, & non dignos vos censetis vitam æternâ, ecce, convertimur ad gentes.* Act. 13. 46. & vers. 48. *audientes vero gentes gaudebant, & glorificabant verbum Domini: & credebant quotquot erant ordinati ad vitam æternam.*

Cæterum ad gentes quando abiverunt Apostoli, non vel consilio aliquo suo, aut jactâ sorte, nedum pro linguarum, quibus alii præ aliis polluerint scientiâ, hujus aut illius magis eccellente, variæ orbis regiones illis obtingerunt; sed non aliter quam ductu Spiritus S. perfecerunt omnia. Ita Philippus missus ad Eunuchum fuit, Act. 8. 29. *dixit autem Spiritus Phi-*

lippo, abi, & jungaris currui isti. Sic & Petrus ad Cornelium, Cæsaream; Act. 10. 19. 20. Petro autem de visione instructo, dixit ei Spiritus, ecce tres viri quærent te: verum surgens descendito, & ito cum iis, nihil discernens: quia ego illos misi. Spiritus Sanctus dicit Ecclesiæ Antiochenæ, ut segregarent Paulum & Barnabam, ad opus vocationis & ministerii inter Gentes, Act. 13. 2. & cap. 16. 6. prohibetur Paulus à Spiritu S. verbum loqui in Asiâ: quod neque fivit illis Spiritus facere in Bithyniâ: vocati autem in Macedoniam, viro Macedone in somnio oblato Paulo, & dicente, *perge in Macedoniam nobis auxiliatum*, hinc de voluntate & ductu Spiritus S. certi, magno cum fructu abiverunt illuc prædicatum Euangelium.

Quo minus admittendum, quod vulgo dicitur, Apostolos, antequam Jerosolymâ discederent, *symbolum* istud composuisse, quod vulgo Apostolicum appellatur, singulis tamquam symbolum, articulum conferentibus, Petro primum illum, *Credo in Deum Patrem omnipotentem*; Johanne addente, *creatorem cæli & terræ*; Jacobo, *credo & in Jesum Christum &c.* aliis alia, quæ leguntur in *Sermone* 115. de tempore, sub nomine Augustini: prorsus ex opinione illâ de duodecim Apostolis Symboli auctoribus, in totidem articulos dissectum est, quod longe commodius in plures, vel pauciores distingueretur: & quis non videt, ad Apostolorum conditionem, attribui Thomæ articulum, de descensu Christi ad inferos, atque resurrectione ex mortuis? quum non nisi longo tempore post articulus ille de Christi descensu, in Symbolum fuerit receptus; & pro uno eodemque habitus diu, cum isto de Christi sepultura: neque, illud si fecissent Apostoli, certe Lucas in Actuum historia omisisset, quum minora multa recenseat, & hoc imprimis non fuerat omittendum, quod in tesseram communis doctrinæ, & fidei constituissent, ad cavendas dissensiones. Quasi vel ejusmodi norma eguissent Apostoli, vel humano consilio vastum illud opus convertendarum Gentium directum, & non unico nutu & arbitrio Spiritus S. gubernatum fuisset.

Idem dicendum de vulgata orbis convertendi facta inter Apostolos, quæ vulgò circumfertur, *sortitione*: qua Petrus Romam destinatus fuerit; Johannes in Asiam minorem, ubi ab eo fundatæ sint Ecclesiæ septem Asiaticæ, quarum in Apocalypsi celebris mentio, Ephesina, Smyrnenfis, Pergamensis, Thyatirensis, Sardensis, Philadelphensis, & Laodicensis; qua etiam ad Parthos adscenderit Petrus, uti creditum ex inscriptione antiqua primæ ejus epistolæ, quæ legebatur olim, ad Parthos: atque ad Bafforas,

Indo-

Indorum populum, profectum fuisse, ex antiqua traditione constare, referunt Jesuitarum litteræ ex India, anni MD LV.

De Jacobo nihil dicendum, qui ab Herode in Judæâ occisus fuit gladio, ante Apostolorum discessum. Aët. XII. 2.

Andræas autem missus in Cappadociam creditur, & in Galatiam, Bithyniam, Pontum Euxinum, orasque septentrionales, & Byzantii Christum prædicasse; atque Thraciam, Macedoniam, Thessaliam peragrasse, scribitur Nicephoro, *hist. Eccles. lib. VIII. cap. VI.*

Philippum Asiam superiorem, etiam Scythiam adiisse, tandem anno ætatis septimo supra octogesimum, martyrio diem obiisse, memorant.

Thomam verò ad Parthos accessisse, & Persas, Medos, atque Indorum Brachmannos docuisse. Unde insula S. Thomæ, quæ appellatur, in India; & ad Taprobanam venisse, Nicephorus narrat: atque ex vetusta traditione testantur Narsingenses, aliique Indorum populi, quod ad ipsos Thomas accesserit, uti variorum Itineraria, & epistolæ referunt, atque Oforius, *de rebus gestis Emmanuelis, Portugallie regis, lib. II.*

Bartholomæus in Majorem Armeniam concesserit, atque in Indiam: quod olim Pantæus Christianus Philosophus, ad Indos peregrinatus, confirmavit se variis indicis deprehendisse, & tum Bartholomæi memoriam ibi celebrem adhuc, & Evangelium Matthæi ab ipso descriptum, secum detulisse Alexandriam: uti præter Eusebium, & Hieronymum, testantur alii.

Matthæus docuit Æthiopas, secundum Socratem, *lib. I. cap. xv.*

Jacobus Alphæi, sive minor, cognomine Justus, mansit Jerosolymis.

Simon Cananæus, qui & Zelotes, transiit in Mesopotamiam.

Judas Thaddæus etiam in Mesopotamia docuisse & in Arabia, & Idumæa, creditur.

Denique Matthias, is qui in locum Judæ proditoris surrogatus fuit, Æthiopes.

Quæ an vera sint omnia, haud admodum laboramus. Etenim illa primæ antiquitatis pro certo constare nobis posse, vel traditionem de illis fluere prorsus incorruptam, vix est quod credamus. Et multa adhuc refecimus commentitia plane: ut quod de Maria narratur, eam cum Johanne Ephesum profectam: quod meritò explodit Epiphanius, hæresi LXXVIII. *equidem cum Johannes in Africam instituerit profectiorem, nusquam dicit Scripturæ, quod abduxerit secum sacram Virginem.* Vel de Thoma quod dicunt, eum in itinere tres Magos, qui Christum natum salutarunt, baptizasse,

se, & secum duxisse in prædicatione Evangelii, quod apud Sophronium legitur, & alios.

Incredibile dictu est, quot falsi nominis scripta olim excogitata fuerint historiarum, Actuum, Itinerariorum, etiam Evangeliorum, ab hominibus vanis, superstitiosis, & hæreticis conficta; sed quæ Ecclesia, & Theologi saniores, & Gelasius P. censura sua jam olim proscripserunt & damnarunt. De quibus dicimus alibi, *de Theologia Patrum*.

Neque tantum inter Africanos Donatistas, & Catholicos, quæstio hæsit, utrum ab Apostolis Africa ad fidem esset conversa, an verò longe pòst? Donatistis dicentibus, ad se pertinere, quod dictum, *erunt primi, quierant novissimi. Ad Africam enim postmodum Evangelium venit; & ideo nusquam litterarum Apostolicarum scriptum est, Africam credidisse*. Quibus Augustinus, aliique constanter obloquuntur, contententes, imò ab Apostolis fundatas fuisse Africanas Ecclesias; vel à Petro missos Româ, qui Africanis prædicarint Evangelium. Verum & de aliis manet dubium, an ad ipsos pervenerint Apostoli, vel quando, & per quos Evangelii prædicationem acceperint? Quæ ut facta singulis seculis, notatum variè ab Historicis, & compendio memorat ad singulas temporis periodos Hottingerus, in N. Test. Historia Ecclesiastica, singulis capitibus, seu sectionibus *de Gentilismo*; & Alstedius, in *Thesauro Chronologico*, in Chronologia xxxiv. Conversionis populorum ad fidem Christianam: adde Micrælium, in *Syntagmate Histor. lib. II. sect. I.* Scriptores Pontificii ad Petrum, & Pontifices Romanos omnia referunt, quorum autoritate per totum orbem missi fuerint ad convertendos Gentiles, & ad Ecclesias Romanæ consociandas non tantum, sed subjugandas, varii. Quod post Baronium, & Thomam Bozium, *lib. IV. de signis Ecclesiæ*, & Joh. Vassæum, facit Thomas à Jesu, *de Conversione omnium gentium, lib. II.* Quod primò nec verum, neque si verum esset, inde aliqua autoritas in alias Ecclesias sua opera vel missionariis erectas competeret Romanæ; quia, ne dicamus ita convenisse inter Apostolos, ut Apostolatam Petrus obiret potius apud Judæos, Paulus inter Gentes, Gal. II. 7. 8. quod & labores, & epistolæ utriusque ostendunt, nec minor hac in parte Paulus fuit Petro, quinimo abundantior. Uti ipse satis indicat, Gal. II. 8. Rom. xv. 18. 19. 20. I. Cor. xv. 10. *Plus illis omnibus laboravi.* & II. Cor. xi. 5. Nulla tamen hinc dependentia oritur Ecclesiæ, vel fidelium ad alios, qui ipsis prædicarunt Evangelium, vel medium extiterunt conversionis ad Christum, cui soli subjectæ sunt Ecclesiæ & fideles omnes. Uti ostendit Clar.

D. Voe-

D. Voetius, in *Disp. de Plantatoribus Ecclesiarum*. Etiam in partibus Americanis olim Apostolum aliquem, Thomam imprimis, aut Christi discipulum Evangelium prædicasse, saltem ante postremum, nisi & primum omnium, Hispanorum in oras illas adventum, aliquam rei Christianæ apud illos fuisse notitiam, ex nonnullis colligunt multi, dubito an satis liquide. De quibus videatur Antonius de la Calancha, Peruanus natione, & religione Augustinianus, *hisor. Peruanæ lib. II. cap. II.* & Joachimus Brulius, *hisor. Peruanæ, Ordinis Eremit. Augustini, lib. I. cap. v.*

Quidquid de istis sit, quum factò ad Apostolos Christi mandato, omnes promptos se exhibuerint ad sanctam in universum orbem expeditionem suscipiendam, & quod illi opus perficere non potuerint, tradiderint sequentibus, aliaque indies supra alia orbis loca detecta sint & detegantur, adhibitaque operâ detegi adhuc queant quotidie, saltem nobis & nostro seculo innotuerint ignota veteribus & incerta quamplurima; illam Christi ad suos monitionem, abeundi in mundum, & docendi gentes omnes, in perpetuum vim suam habere, & non unius seculi opus esse, sed omnium, quousque dignatur nobis adesse Christus, promissit autem se adfuturum usque ad consummationem mundi, existimamus.

Est quidem vocatio gentium opus præcipue Apostolicum, & argumentum adventus virtutisque Christi illustre ac efficax, sed beneficium propriè N. Testam. entri, quod cum eo durabit, quousque Evangelium prædicabitur in universo mundo. Ergo sub N. T. sublato populorum discrimine, & intergerino pariete inter Judæos & Gentiles, ad omnes quaquaversum semper disseminari Evangelium debet; præsertim tum, & iis, quibus novarum gentium nomina & loca nota præ aliis sunt & frequentantur. Illud enim rogamus quotidie à Deo, quando petimus, ut adveniat ejus regnum. Quapropter non procul amovendum à nobis est, & rejiciendum tamquam prorsus alienum ab officio nostro, studium & cura pro Gentilibus, eorum conversione & salute juvandâ quovis modo. *Ut reveantur inde ab occasu nomen Jehovæ, & inde ab ortu solis gloriam ejus, Jes. LIX. 19.*

Quem in suam spectamus, quam grata Deo res sit hominum conversio, quam ut magis commendat nobis ipsis, & maxime optabilem significet, non modo præcipit, sed quasi optare videtur, & obtestari omnibus modis, ut homines satagent, ni se velint perditos & damnatos in æternum. Etiam is, cujus operâ aliquis convertitur, dicitur animam *servare ex morte, Jac. v. 20. I. Tim. IV. 16.* Papæ quanta hominis gloria, quanta dignatio clementis Dei, quod & hominem adsciscit sibi quasi in societatem

non operis tantum, sed & honoris, ut in conversione alterius dicatur quoque suo modo illius servator! Maxime verò si quis convertit talem, nempe hominem *Ethnicum*, cujus vel solo nomine miserrimi hominum passim solent designari. Qui in meris intellectus & iniquitatum tenebris sedet, ac reatu inexplicabili, Dei exsors, & Christi, & promissionum, & salutis, quam longe à Deo est, tam prope damnationi, Diaboli miser socius in peccatâ æque ac in culpâ. Istum ex viis suis vocare & ducere in vias Dei, ex potestate Diaboli in regnum Christi, ab inferno ad cœlum, magna cumprimis res est, magnumque beneficium, ob quod non queunt satis dignas & amplas concipere gratiarum actiones Apostoli, in epistolis ad conversos Gentiles, & Ecclesias. Quando vel Jesaias prædicit, vel Matthæus impletum scribit, *Terra Zabulon &c. Galilea gentium. Populus sedens in tenebris, vidit lucem magnam, & sedentibus in regione & umbrâ mortis, lux orta;* quis in illis verbis, & loquentium animis non observat singulare animi gaudium & exultationem?

Nam & hoc nunc etiam considerandum, quod aliquis in isto opere conversionis, ut potest maxime, divino servit consilio, & *promissionibus*, ad homines, de illorum statu ac felicitate factis, præstatque quantum in se, ut impleantur, & vim atque eventum illarum experiantur alii, & nos ipsi, quorum in eo operam Deo placet adhibere. Atque ita imitatores & successores quadantenus *Apostolorum* contingit nos esse, quorum uti felicitati hoc imprimis accedebat, quod Evangelium annunciabant omni creaturæ, & omnem hominem, Barbarum, Scytham, Gentiles quosvis docebant, atque ad Christum adducebant, ejus testes futuri usque ad fines terræ; ita eorum sectatores creat nos Deus, quando illud ipsorum opus ad alios iterum provehimus quotidie, magisque perficimus. Ut quoque cum Paulo dicere liceat, *mibi omnium sanctorum minimo data est ista gratia, inter gentes annunciare impervestigabiles Christi divitias, & illuminare omnes, quæ sit communio mysteriorum occultati à seculis in Deo, qui omnia creavit per Jesum Christum.* Eph. I. 8. Quin hujus potissimum studiosum fuisse Paulum deprehendimus, ut Christum prædicaret potius isthic locorum, ubi à nemine antea prædicatus fuerat, quam ut fundamento ab aliis jacto superædificaret. Rom. xv. 20. 21. Ita porro contendens evangelizare, non ubi nominatus esset Christus, ut ne super alienum fundamentum ædificarem: sed sicut scriptum est, quibus non est annunciatum de eo, videbunt; & qui non audierunt, intelligent.

Quæ nobis nunc eo diligentius præstanda, quod quæ nulla Apostolis,
&

& Apostolorum temporibus fuit itineris ad Gentiles quoscunque commo-
dius, hæc nobis & sæculo nostro sit maxima, non modo cognitis jam variis
Centium locis & regionibus antea inauditis; sed iisdem innumeris, & quo-
vis modo nunc frequentatis, ut non multâ difficultate adiri à nobis vel
extrema mundi partes queant, & tum habitari, tum doceri. Quæ idcirco
magis invitare nos ad religiosam professionem debent, nostro sæculo, &
huic forte studio, admirabili Dei sapientiâ, servata.

Sed quoque ad emulationem provocare nos aliorum, & *Papistarum* ex-
empla debent, qui à longo tempore magno numero & studio, Indiam u-
tramque, & vicina loca certatim adivere, isto saltem prætextu, ut Genti-
les Christo lucrarentur, nisi vel suis, vel Paparum suorum rebus diligen-
tius studuissent, quam Christi. Interim nonnihil etiam illos fecisse pro re
Christianâ, & passos propterea dura multa atque horrenda, inficiari nolu-
mus; sed sequi potius & corrigere ea, in quibus defecerunt, & in unius
Christi honorem vertere, atque miserorum salutem, omnia.

Mitto, quæ alii Monachorum ordines fecerunt, in variis Orbis parti-
bus, pro instruendis Christianâ religione Gentibus, quæ in laudem Augu-
stinianorum suorum proferunt in Historiâ Peruanâ, Johannes de la Calan-
cha, & Joachimus Brulius; in Mexicanâ, Joh. de Grijalvâ: in Historiâ Si-
nensi, de iisdem, Joh. Gonzalvus de Mendoza, omnes Augustiniani:
Jesuitarum, ex primâ Ordinis sui institutione proprium, ut ad Gentes &
Indos eant prædicatum Christi fidem, & religionem. Id enim habet pri-
ma Instituti istius formula, suggesta P. Paulo I I I. in quam ab eo fuerunt
confirmati, an. c. l. l. x. l. primi ordinis architecti decem, qui ob illam cau-
sam Romam advenerant, Ignatius de Loyola, Petrus Faber, Jacobus Lay-
nez, Claudius Jajus, & Paschasius Broët, ac Franciscus Xavier, Alphon-
sus Salmeron, Simon Rodericus, Johannes Coduri, & Nicolaus de Boba-
dilla, qui significabant, se Romano Pontifici *ultra commune vinculum,*
speciali voto adstringi, ut quidquid modernus, & alii Romani Pontifices pro
tempore existentes jusserint, ad profectum animarum, & fidei propagationem
pertinens, & ad quascunque provincias nos mittere voluerint; sine ulla tergi-
versatione, aut excusatione, illico, quantum in nobis fuerit, exequi teneamur;
sive miserint nos ad Turcas, sive ad quoscunque alios infideles, etiam in parti-
bus, quas Indias vocant, existentes; sive ad quoscunque hæreticos, seu schisma-
ticos, seu etiam ad quosvis fideles. Et in Bullâ canonizationis Ignatii Loyo-
læ, factæ ab Urbano VII I. an. c. l. l. cxx I I I. primo Pontificatus sui an-
no, commemoratur, quod ejus societas *Gentilibus convertendis, & Ro-*

mani Pontificis potestati tuendæ ex instituto se totam impendit: Laudaturque, quod dictam societatem à se institutam, ad tria cum aliis Religionibus communia vota quarto adjuncto, per quod peculiarem polliceretur Romano Pontifici obedientiam in missionibus, non petito viatico, etiam ad Infideles, Turcas, Hæreticos, Schismaticos, & quoscunque alios obeundis, confirmandam curavit à Paulo III. Romæ, ubi & obiit Ignatius, an. c1510 lvi. natus in Hispaniâ, in diœcesi Pampilonensi, ad oppidum Aspeithiæ, ann. c1500 cccxc1. Qui prima condendæ societatis consilia cepit miles, an. c1510 lxx11. Quare in Constitutionibus suis singulares habent Regulas pro iis, qui in missionibus versantur, quæ ita inchoant. 1. Cum scopus, ad quem tendit societas, sit, varias mundi partes ex obedientiâ summi Pontificis, vel superioris societatis peragrando Verbum Dei prædicare, confessiones audire, & reliquis quibuscunque poterit mediis uti ad animas, divina adspirante gratiâ, iuvandas; quicumque in hujusmodi missionibus versantur, sibi persuadeant, rem maximi ponderis in societate sibi commissam esse, atque ita se comparare studeant, ut apta Dei instrumenta ad rem tantam esse possint. 2. Quia vocationis nostræ est, vitam agere in quavis mundi plagâ, ubi majus Dei obsequium, & animarum auxilium speratur; unusquisque paratus esse debet, ut in eâ vineæ Christi parte, atque opere se exerceat, quod ipsi commissum fuerit, sive per varia loca discurrendo, sive in quibusdam continenter residendo. Præterea in Catalogo Missarum, & orationum, quas suis præscribunt; Unusquisque Sacerdos singulis mensibus duo sacra faciat, alterum pro Indiis & Gentium conversione; alterum, pro Regionibus Septentrionalibus, & Hæreticorum reductione, & in aliis sacrificiis, & Orationibus eadem Domino commendabit. Reliquis autem, qui sacerdotes non sunt, ex præscripto Generalis injungunt ordinariè, unam coronam, aut tertiam partem Rosarii pro Indiis, & Gentium conversione recitare; quemadmodum alteram coronam, aut tertiam Rosarii partem, pro regionibus Septentrionalibus, & reductione Hæreticorum.

Jam in Historiis suis, & Litteris annuis longe supra verum ebuccinant suorum gesta in Indiis. Quamvis negare nolumus, aliqua certe, nec non egregie ab illis hoc in genere præstita, quæ dolendum quod non magis sincerâ & castâ pro regno Christi, & non suo, vel Papæ, egerunt, & non verius narrarunt, prout gesta sunt, ut fidem mereantur, quæ nunc mendaciorum arguuntur palam. De quibus, præterquam in Epistolis, loquuntur in Historiâ, vel *Imagine primi sui sæculi, lib. III. cap. XII.* & à Jacobo Damiano, in *Synopsi primi sæculi Soc. Jesu.*

Supra omnes verò Franciscus Xaverius, Navarrus, ex oppido Xaverio Pam-

Pampilonensis diœcesis, (Franciscum Aspilcotam Navarrum, cognomento Xaverium, Bzovius appellat, Annal. Tom. xx. ad an. 1542. ubi ejus inchoat historiam) & ex primis Ignatii sociis, cui additus, quo tempore Parisiis ambo studebant, missione Indicâ illustris fuit, adeptusque ideo à Papis titulum, *Indiarum Apostoli*. Qui secundo à societate confirmatâ anno, jussu Pauli III. adhortante Ignatio, petenteque Johanne Lusitanæ Rege, nonnullos, quos in Orientales Indias, ad prædicandum isthic Evangelium mitteret, eò navigavit, auctoritate instructus nuntii Apostolici. Quò ubi pervenit, *multa centena hominum millia* dicitur in litteris Canonizationis convertisse, & baptizasse; & præter Indos, Brachmanes, & Malabares, primus Paravis, Malais, Jais, Acenis, Mindanais, Malacensibus, & Japonibus Evangelium Christi prædicasse: ibidemque, quibus miraculis in vitâ, & post mortem, inclaruerit: quomodo in concione ad diversarum nationum & linguarum populos habitâ, ab omnibus suâ linguâ fuerit intellectus, procul dubio ad æmulationem vanæ interpretationis, quâ nonnulli temere existimant, miraculum prædicationis primæ Apostolicæ Act. 2. in hoc situm fuisse, quod unâ loquentes lingua Apostoli, à variis simul fuerint intellecti, quasi in auditoribus potius hæssisset vis miraculi illius, quam prædicatoribus, confictum. Quod numerosum Badegarum exercitum, in Christianos erupturum solus stiterit, per terrefactis militibus à conspecto juxta ipsum viro quodam nigris vestibus induto: credo, per visionem oblato Ignatio, ad quem, suum Præpositum, Xaverius non nisi flexis genibus scribere solitus fuit. Quod Comorini mortuum suscitavit; & mendicum ulceribus plenum, lotis primum aquâ plagis, eâque mox ebibitâ, sanavit. Quod Mutani, puerum mortuum & jam elatum ad sepulchrum, aquâ benedictâ adpersum, factoque signo crucis, vivificavit: iterum puerum in puteo suffocatum, apud oppidum Combuture, vitæ reddidit, parentibusque: porrò in Iaponia cæco visum restituit. Ad Sinas navigans, deficiente aqua, marinam in dulcem commutavit; qua deinde plurimi à variis morbis sanati fuerunt. Scapham à navi, tempestate avulsam, post triduum, unâ cum hominibus, quos vehebat, ad navem precibus suis salvam reduxit. Ad Moluccas insulas, in urbe Tolo vigintiquinque hominum millia baptizavit, quibus à fide iterum deficientibus, & in urbem confugientibus, effecit, ut mons vicinus tantum emitteret incendium, & ingentem adeo cineris ac pumicum vim, ut & muri solo æquarentur, & horribili terræmotu concussa urbs facile à militibus, quos in vindictam apostasiæ armaverat, caperetur: denique civibus ad pedes ejus pro-

stratis, & testatis pœnitentiam, delicti veniam largitus est. Imaginem Crucifixi, ad sedandam tempestatem, undis immixtam, & vi procellæ absorptam cancer marinus ipsi, ad littus postea ambulanti, reddidit. Præterea prophetico indutus Spiritu aliquando horam dixit, qua sui milites, qui longe aberant, victoriâ de hostibus potiebantur, diemque, quo ejus nunciatus esset adfuturus; de navibus quoque, quod altera naufragium passura esset, altera, qua ipse vehebatur, incolumis appelleret.

Johanni de Arausio, Hispano, ut in commentariis Indicis Emmanuelis Acoftæ, unde pleraque hæc sunt desumpta, & litteris Canonizationis inserta, scribit, instantem prædixit mortem, & quando obiisset, quamvis distaret ducentis amplius milliaribus, suis indicavit, dicens, orate pro animâ Johannis de Arausio, qui modò exspiravit. Nisi id eodem modo scivisse eum dicamus, quo Apollonius Thyaneus Ephesi in concione dixit, quo momento Romæ confodiebatur Domitianus, apud Philostratum, *lib.* 8. vel Iulianus etiam in Oriente resciscibat per familiares demones, quos parhædos vocant, quid in parte Imperii occidentali gereretur. Mercatori Meliapore discedenti, & naufragium passo, incolumitatem, quam promiserat, traditâ ei coronâ Mariæ precariâ, præstitit. Petro Vellio, nunquam necessaria defutura, & mortis horam, prædixit. Tandem meritis, ut Orientalium Indiarum Apostolus ab omnibus salutaretur, dum aditum sibi quaereret in vastissimum Sinarum Imperium, in insulâ prope Sinam, d. 11. Decembris, a. cIdo LII. mortuus fuit, anno peregrinationis sue Indicæ undecimo, ætatis LV. cujus cadaver, quamvis vivâ calce perfusum, ut exesâ carne, ossa saltem in Indiam portarentur, arcâ ligneâ inclusum, & post quatuor menses effossum, tamen ita recens & incorruptum deprehensum fuit, ac si nuper esset tumulatum, spirans ex se odorem longe fragrantissimum, quamvis nullo aromatum genere fuisset adpersum; delatumque in urbem Indiæ celeberrimam Malaccam, eam præsentî peste miraculose liberavit; subinde & sanguine, ex eo defluente: sicuti & Goæ, postquam eò translatus fuit: præterquam quod ubique plurimi ejus intercessione, meritis & cultu, à variis malis, morbisque curati fuerint quaquaversum. Quibus de causis, quæ in Diplomate Canonizationis explicatius habentur, Papæ Paulus v. & Gregorius xv. instantibus regibus Hispaniarum Philippo III. & IV. in ordinem Sanctorum Confessorum Xaverium referendum censuerunt, quodque absolvere morte præventi non potuerunt, perfecit Urbanus VII. Bullâ canonizationis, editâ d. VII. Id. Augusti, a. cIdo CXXIII. primo etiam Pontificatus sui anno.

Non nostros hic recenseo, qui primi in utraque Indiâ Gentilibus annunciarunt Euangelium: & de Belgis aliàs: Galli ab Ecclesiâ Genevensi missi primi in Americam fuerunt, a. c. 1510. Philippus Corguillierius, Petrus Richerius, Guilmus Charterius, Petrus Bordonius, Matthæus Vernevilus, Johannes Bordelius, Andreas Fontius, Nicolaus Dionysius, Johannes Gardienus, Martinus David, Nicolaus Raviquetus, Nicolaus Carmilus, Jacobus Ruffus, Johannes Lerijs.

Quo minus deferendum nobis etiam nunc negotium illud venit, ab optimis quibusque omni sæculo occupatum, ad quos & adversariorum Papistarum frequentia nos provocant exempla. Nisi melius putemus cum Sacerdotibus & Levitis, immoto immitique animo præterire saucios & moribundos in viâ, quam illorum misereri & vulnera lenire ac curare, cum Samaritano.

Sed forte nolentes ac cunctantes protrudet aliquando persecutio, aut domestica publicave calamitas, ut quod sponte aggredi & capeßere opus detrectamus, sævâ quâ tempestate ejecti domibus & sedibus cogamur tandem obire. Uti hunc morem Deo servari nonnunquam videmus, ut oriri procellam jubeat, quâ ad illas oras ejiciantur homines, in quas inscios sæpe & invitos, destinavit arcano suo consilio, aliorum conversioni inservituros. Sic persecutio Jerosolymitana, adversus primos fideles mota sub initiis Ecclesiæ, effecit, ut ejecti urbe, & dispersi per omnes regiones Judææ, & Samariæ, illis annunciarint Euangelium, ad quos, absque eo, non tam cito vel promte ivissent. Quando sub Valeriano Imp. a. c. 257. urgente magnâ in Ecclesiam persecutione, in exilium, & Libyam, aliaque loca deserta agerentur Christiani, ad Gentiles istorum locorum perlatum Euangelium, quo conversi ad Deum fuerunt, & sic istum fructum viderunt suæ dispersionis Christiani inter alios, quem domi non cepissent. Dionysius, apud Eusebium, lib. 7. cap. 11. de persecutione Alexandrinâ: *ad Cephro autem non exiguis catervis una migravit nobiscum, tum fratrum qui ab urbe nos sequebantur, tum aliorum qui ex reliquâ Egypto convenerant, atque ibi Deus quasi januam ad verbum suum prædicandum nobis patefecit. Ac primum, quanquam persequuti neceramus divexati. & lacidibus obruti, postea tamen non parva gentium multitudo, idolis rejectis, ad Deum colendum se convertibat. nam tunc primum verbum Dei, quod nunquam antea acceperant, per nos inter eos disseminatum fuit. Et Deus, proinde atque hujus rei causa solùm illuc nos deduxisset, eo completo ministerio. iterum abduxit. Quippe mirabilis Dei est providentia, in regendis occultè hominibus, & mit-*

tendis vel expellendis isthic, ubi per eos gentes varias illuminet sui cognitione & cultu salutari, ignotas antea & inaccessas. Annon ita, tempore Constantini, apud Indos Metrodorus, & Meropius, philosophus Tyrius, assumtis secum duobus fratribus filijs, Edeſio, & Frumentio, Christum prædicarunt? & Edeſio facto postmodum Regis pincernâ; Frumentio, à rationibus, & magnæ in Imperio potestatis, hic ex negotiatoribus Romanis, qui isthuc veniebant; Christianos compulſit sacra instituere & celebrare palam ac frequenter. Quo postmodum reverso Tyrum, & Frumentio Alexandriam, Athanasius, Alexandrinus episcopus istum, quod perficeret opus Christi semel feliciter inchoatum, episcopum creavit, & ad Indos remisit, qui non doctrinâ tantum, sed miraculis clarus innumeros Barbarorum ad Christi notitiam fidemque adduxit; ut ex Edeſio, Frumentii comite, illa refert Ruffinus, *histor. Eccles. lib. 1. cap. 9.* & post eum Theodoretus, *histor. lib. 1. cap. 23.* Addit & aliud auctor, quod circa idem tempus contigit, Iberorum gentem ad Christum converti operâ captivæ mulieris, quæ vitæ sobrietate, pudicitia, & pietate cum in oculos omnium incurreret, factum ut ad eam quoque, pro more gentis ægrotos per singulas domos aut circumferendi, aut ex singulis inquirendi remedium valetudinis, deferretur ægotans puer, quum ob singularem vitæ rationem omnibus jam admirationi cœperat esse, quæ Christianam se fuerat professâ: hæc autem invocato Christi super infantem nomine, sanum reddidit parenti, unde incredibilis nata apud omnes illius existimatio; maximè accedente Reginæ etiam à gravi dolore liberatione; ut Rex postea per tenebras forte errans dubius itineris, votum tale conciperet, quod si Deus esset ille Christus, quem uxori suæ captiva prædicasset, & se de tenebris istis liberaret, ilico omnibus omissis se eum culturum quoque. Quod factum, & exstructo templo, nomen & religio Christi in illis terris obtinuit, missâque ad Constantinum Gentis legatione, imperati doctores Christiani, qui eos porro erudirent & confirmarent. Quo nuncio accepto scribitur, Constantinum amplius lætatum fuisse; quam si incognitas Romano imperio gentes ac regna suis adjunxisset. Ita verò gesta refert ex ore Bacurii, gentis istius Regis, & in aulâ Domesticorum Comitum, quando cum eo Palæstini limitis duce, Hierosolymis unâ degeret, Ruffinus.

CAPUT DUODECIMUM.

De modo convertendi Gentiles, & quæ hic ab Ecclesiis, Academicis, & Politicis curanda & præstanda sint.

Sed ad nos, atque ad nostra tempora convertamur, & negotium nobis in simili opere ponendum. Quum varia à variis hic requirantur; alia à *mittentibus*, à *missis* ad negotium alia præstanda sunt.

A nobis primum nonnulla Ecclesiasticè, sive ab *Ecclesiis*, alia in *Academicis*, quæ in istam rem faciant; denique & à *Politicis*.

Ab Ecclesiâ imprimis requiritur, ut à se non alienum putet miserorum Gentilium statum, & studium erga illos, sanandos & salvandos; sed, tum instantibus ad Deum, pro illorum conversione, *precibus*, tum curâ *missionum* ad illos destinandarum, partes ut suas adimpleat. Neque enim, quod & supra diximus, illa nos tenere opinio debet, circa solos Christianos, vel Ecclesiæ fidem professos, aut forte vincendos hæreticos, hære studium omne officii nostri, & non quoque ad homines convertendos & lucrandos de novo, & vel à vitæ perversitate, vel errorum & infidelitatis tenebris, seu Iudæos, seu Gentiles, abducendos & vocandos esse: sed quod Christus Petro dixit; tu conversus confirma fratres, id ad nos ita spectat, ut eadem, quâ Deus nos affecit gratia, per nos quoque, quantum quidem in nobis, diffundatur continuò ad alios, & quoscumque, eos imprimis, qui maxime quidem egent. Ergo uti pro aliis orandum, ne ipsorum fides deficiat, ita pro aliis, ut fides eos illustret atque corripiat. Quod in *publicis*, & *privatis* precibus non omittendum, ut & dignos operarios Deus in istam messem emittat, & ipsorum operi copiosissimè benedicat, ut & alias ac peregrinas oves quotidie in caulam adducat bonus Pastor, & fiat ovile unum, atque Pastor unus.

Missiones verò quod attinet, vel Legationem Evangelicam ad Indos, spectamus ibi *mittentes* primum, deinde *missos*, quales & hos oporteat esse, & illos, quidque utrosque agere.

Cumque duplex ratio sit admissionis in S. ministerium, per *vocationem*, ab ipsâ Ecclesia, cui sit ministrandum; & per *missionem*, quæ fiat ab aliis ad Ecclesiam, vel, ubi nulla est, constituendam; vel, ubi Rectores defuncti, aut aliàs laborante Ecclesia, ut opus habeat sibi mitti pastores: extra omnem controversiam præstat prior modus vocationis, ut Ecclesia ipsa dispi-

dispiciat, & quærat, petatque sibi Ministrum, quem judicavit maxime sibi fore utilem. Quod sæpenumero Ecclesiæ sub cruce experiuntur, magno suo damno & dolore, quando coguntur admittere Ministros, ab illis missos, qui privatis acti rationibus tales nonnunquam subministrant, quales non vocarent ipsæ, siquidem pro libertate, ipsis tamen non minus atque aliis propriâ, liceret iis quærere Pastores ad animum, & statui suo non paulo melius convenientes. Sed quia nulla est inter infideles adhuc Ecclesia, ad illos mitti debent, qui judicentur illis convertendis profuturi.

Hoc à quibuscunque fiat, sive *Ecclesiis*, sive Ecclesiarum aut Synodorum *Deputatis*, aut Senatu aliquo vel *Congregatione* ad propagandam fidem erectâ, neutiquam inde ulla autoritas vel potestas illis nascitur: vel in missos, vel Ecclesias ab iis factas: quod in Papatu, ex missionibus sibi arrogare solent Pontifices Romani. Quin ubi periculum est vel missionum malè administrandarum, vel inter mittentes ipsos alicujus dissidii aut offendi- culi, consultum erit, aut vices ad alios quoque devolvi negotii, aut saltem à curæ societate alios non excludi, quum ad omnes Ecclesias & fideles æque pertineat studium juvandi & convertendi Gentiles, ex paritate officii Christiani, & communione Ecclesiarum omnium inter se.

Cæterum uti in Papatu, ab aliquo retrò tempore consultatum fuit super constituendâ *Congregatione de propaganda fide*, ab anno hujus sæculi xi. quo ejus rei consilium suppeditavit in libris suis de Conversione omnium gentium, Thomas à Jesu, (*lib. 3.*) usque ad a. *xxiix.* quo visum P. Gregorio xv. illam erigere Romæ, ex Cardinalibus, Prælati, aliisque Regularibus, addito Secretario, Pontificatus sui anno secundo, x. Kal. Julii: nos quoque eâ de re deliberandum seriò putamus omnibus, quibus Christi religio, & regnum, ejusque promotio, & quotidianus progressus, conversio denique miserorum hominum, & præcipuè infidelium, cordi est.

Papa Gregorius, in Bullâ suâ, quæ extat Tomo tertio Bullarii Romani, editi à Laërtio Cherubino, ita loquitur: *Quamobrem, etsi à fel. record. Romanis Pontificibus prædecessoribus nostris. pastoralis vigilantia, ope, studio, & industria elaboratum fuerit, ne tam multe messi deessent operarii, & negotiatio hæc sancta non negligeretur: nihilominus Nos, ut majori cum vigilantia, cura, & fervore, opus prosequi possimus, & in posterum successores nostri possint; nonnullorum Venerab. fratrum nostrorum S. R. E. Cardinalium peculiari sollicitudini negotium committendum duximus, prout tenore præsentium committimus, & demandamus. Volentes, ut in unum congregati, adhibitis etiam aliquot Romanæ Curie Prælati, & Religiosis viris, ac Secretario, prout Nos*
hac

*Hac prima vice adhiberi volumus, & nominavimus, in commune consulant, tantæque rei nobiscum invigilent, ac tam sancto, & divina majestati grato operi, quanto melius fieri poterit, incumbant. Quod ut commodius præstari possit, semel coram Nobis, ac bis saltem in domo antiquioris eorum, quolibet mense congregentur, omniaque & singula negotia ad fidem in universo mundo propagandam pertinentia cognoscant, & tractent, & graviora, quæ in prædicta domo congregati tractaverint, ad Nos referant: alia verò per seipsos decident, & expendant pro eorum prudentia. Missionibus omnibus ad prædicandum, & docendum, & Catholicam doctrinam superintendant, ministros necessarios constituent, & mutant: Nos enim eis, tam præmissa, quam omnia, & singula alia de super necessaria, & opportuna, etiam si talia fuerint, quæ specialem, specificam, & expressam requirant mentionem, faciendi, gerendi, tractandi, agendi, & exequendi, plenam, liberam, & amplam facultatem, auctoritatem, & potestatem, Apostolica auctoritate, earundem tenore præsentium concedimus, & impartimur. Hæc prima institutio, & forma Congregationis de propaganda fide: quam, ad prædicandum in toto mundo Evangelium, convertendos infideles, & miliones quaquaversum instituendas, erexit Romæ, habendam singulis mensibus; semel coram Papa, & saltem bis in æde Cardinalis senioris. Symbolum ejus, ex Evangelio petatum, hoc est: *Ite in omnes terras, & prædicate Evangelium omni creaturæ.* Et quia multi sumus in tam vastum opus erogandi, ad hoc etiam providit, ut partem ex redditibus propriis, partem ex Camera Papali, sive, ut dicunt, Apostolica, partem ex liberali piorum collatione huc destinaret: ut verò res tanti momenti, in quam magnos sumptus fieri necesse est, per temporalium cum spiritualibus felicem commutationem, nullo retardata impedimento, facilius, & celerius procedat; ultra ea, quæ ex arcâ nostra privatâ suppeditari jam mandavimus, & piorum fidelium liberalitate collata sunt, & in posterum non defutura subsidia in Domino confidimus, cum nostrum, & hujus Sanctæ sedis proprium sit negotium, certos huic operi redditus ex Camera nostra Apostolica in perpetuum attribuemus, eorumque administrationem iisdem Cardinalibus commitemus, prout in aliis nostris expediendis literis plenius continebitur. Tum & nominat Cardinales, quos negotio isti præficit, & Prælatos, ac Religiosos viros, denique Secretarium, primos Collegii istius auctores & patronos. Quam Congregationem, præsertim tempore Urbani VIII. qui Gregorio xv. successit, immensum auctam redditibus, virisque magnis factam illustriorem, cognovimus. Neque enim ex hoc thesauro tantum solvuntur impensæ ipsius Collegii, & litterarum seu Correspondentiarum, uti vocant, sed & missis in loca deserta, aut*

quæ ex inopia, vel hominum malitia, eos alere nequeunt, sufficitur quantum opus habent vel desiderant.

Jam verò apud nos unumquemque, prout sapientiâ valet & judicio, & tum doctrinâ tum pietate insignis est, præsertim quidem zelo Christi & regni ejus promovendi tangitur, interrogo, ut sedulo expendant, an non utile sit, inter Reformatos, hoc magis quo purior doctrina & Dei cultus ab iis stat & curatur, *institui* similem de propagandâ fide Congregationem, quæ continuo in hoc solum incumbat, ut apud omnes, & per totum terrarum orbem, apud infideles, & hæreticos, & schismaticos vera fides & pietas promoveri possit & propagari: denique & suggerat ista, quæ quoque apud nos facerent ad majorem Dei cultum, & vim ac splendorem religionis Christianæ magis spirituales? Deinde, quo *modo* erigi debeat Congregatio ejusmodi, & constitui.

Volo autem, ut sit de propaganda *fide*, & quoque fidelium *pietate*, & dignâ fide, digna fidelibus vita proba ac sancta.

Quod neque tantæ difficultatis videri negotium debet, non modo Pæpistis suo exemplo præeuntibus, à quibus bonum aliquid percipere & discere, quod in usum Ecclesiæ verti possit, haudquaquam erubescimus; sed & naturâ rei idem satis efflagitante ac monstrante; quum uti singuli jam rebus suis, vel alii præterea aliquibus aliis, istud Collegium omnibus omnino consuleret, & quæ ad salutem totius rei Christianæ apud omnes ubique promovendam faciunt, quotidie proferret in medium, huic soli rei vacans & intentum omni studio ingenioque. A quo proinde non possit non magnus expectari fructus, & digna opere merces ac præmium, in egregio & assiduo Christianæ ac Reformatæ religionis profectu.

Res ipsa loquitur, in hunc Senatum conscribendos esse non nisi viros *optimos*, fide, doctrina, judicio, sapientia, ac prudentia, probitate denique, & zelo divino eximios: quos, quo fidelius hoc unum agant, quod diximus, nullo lucro aut stipendio, solâ autem operis dignitate & usu allici velim & occupari. Forte nec solos *Ecclesiasticos*, sed & alterius ordinis viros *Politicos*, & litteratos adscisci in illud contubernium, æquum fuerit & conveniens.

Necessarium autem imprimis, per omnes terras & regiones habere suos *Actores* seu correspondentes Ecclesiasticos, qui continuo ad dictum Collegium perscribant statum fidelium & Ecclesiarum in suis locis: Romæ, Constantinopoli, in utraque India, quaquaversum, sive in terris infidelium, sive Christianorum.

Cognito undique Ecclesiarum statu, juvandi veniunt vel *litteris*, vel *libris*, vel *Pastoribus*, denique collectis & *eleemosynis* sanctorum ad illos missis, ante omnia communicatis sanis prudentibusque *consiliis*.

Ad sumtus verò si minus sufficit *Ecclesia*, qua quidem parte illa maxime apud nos laborat, assueta dicere, *aurum & argentum mihi non suppetit*: vel *Respublica* suppeditet, vel fidelium *collecta* & donationes, denique & *Macenates* egregii ac liberales, quales ad studia quum reperiantur privatorum alenda & fovenda; quid dubitemus, in rem Ecclesiis, & politiis quoque, & fidelibus omnibus, addo & litteris, aliisque passim rebus, per continua litterarum rerumque commercia, proficuum, adfuturos quoque?

Denique ut sumtus desint, ad operis, qualem animo complectimur magnitudinem & perfectionem; non infructuosum, opinor, erit initia ejus facere circulo breviori, nec magis sumtuoso, quam res privatæ ferant, & ab aliquibus *privatim* in hoc conveniatur, ut propriis studiis, animisque in commune hoc bonum laborantibus inchoetur negotium, à pluribus, & majori molimine mox perficiendum & producendum ulterius. Quod facili & utilissimâ operâ præstari posse, vel ab amicis, vel Collegis aliquot, aut facultate Theologicâ, ego mihi persuadeo. De quo & alibi à nobis dictum memini, in Oratione, de *Ecclesiarum inter se Communione*. Suffecerit autem hoc loco & tempore prima istius Collegii posuisse rudimenta & delineationem, quæ ubi placuerint, vel hoc effecerint, ut de eo cum curâ cœperint cogitare quorum interest, interest verò omnium, non defuturos plenioribus consiliis nos pollicemur.

Huc spectat, quod in *Academiis* ad præsens negotium convertendarum gentium, quod nunc in manibus habemus, fieri debere, indicavimus. Videlicet, ut studiosi de hoc quoque argumento benè *instruantur*. Et quare non doceantur à Magistris suis, quomodo cum infidelibus debeant agere, ac cum hæreticis, vel aliis proximioribus? quomodo proferre res Christi, ac quomodo defendere, & probare sua extraneis æque, ac domesticis? Ergo & hoc tractandum argumentum est, tum doctoribus, tum discipulis, ac aliud quodcunque, utpote ad Theologiam & religionem peræque pertinsens, si non magis. Et certum habeo, non sine gravi præjudicio, damno, & offensione illam doctrinæ nostræ ac studii partem à professione nostrâ exulare.

Deinde vehementer scopo conducet, *Seminarium* haberi istorum, qui studiis & exercitiis omnigenis tempestive parentur ad missionem inter Gentes digne obeundam. Qualia apud Papistas, apud Nos quoque subinde habita, constat.

Romæ Gregorium XII. maximo ære instituisse tria & viginti Collegia, seu Seminaria, pro infidelium, hæreticorum, & schismaticorum conversione, Græcorum, Neophytorum, Germanicum, Britannicum &c. refert Thomas à Jesu, lib. III. cap. III. de quibus quum loquitur, dignum observatu est, quæ de Seminario Romano annotat, & vult, ne omnes, qui ad Seminarium Romanum pertinent, in ipsâ urbe Româ nutriantur, ob varias causas: vident enim & audiunt aliqua scandala, tam in Ecclesiasticâ, quam in civili vita, quæ omnino ipsis decent esse ignota. Tum de Seminario pro mittendis ad infideles: Secundum genus Seminariorum addipotest, quod & à viris prudentibus, animarumque zelo præstantibus Summis Pontificibus non semel propositum fuit, nempe ut quædam Seminaria diversorum Religiosorum eligerentur, præcipue illorum Ordinum, qui facilius & fructuosius pro suorum institutorum ratione (quales sunt Mendicantes, maxime observantes & reformati) possent in hoc negotium incumbere. Neque enim difficile valde apparet, ut ex duobus tribusve primariis Religiosorum ordinibus, triginta, quadraginta, vel Religiøsi Romam evocarentur, qui omnes quartum votum emitterent, se per totius vitæ spatium curaturos Infidelium conversionem, iturosque in unamquamque orbis partem à Summo Pontifice, vel à suis Prælati missos. Neque omitto, quod de tertio addit Seminarii genere, quale quid suo tempore maximo cum fructu etiam possit institui: Tertium genus Seminariorum forsitan aliis fructuosius evaderet, si pro singulis nationibus, aut saltem pro præcipuis sectis, singula Seminaria deputerentur, in quibus efformarentur Ministri, qui essent illius sectæ ad fidem reducendæ deputati, ac illius bonum curarent non aliter ac patroni, tutores, aut protectores provinciarum solent. Atque expendi meretur, quod postremo addit: Præterea, cum in Ecclesia Dei innumere sint Religiones, pro salute proximorum procurandâ, institutæ, oporteret aliquam de novo fundari, cujus scopus ac finis particularis, præter orationem, & contemplationem, esset fidei per universum orbem propagatio, & fidei omnium ad Ecclesiæ unitatem fideique veritatem reductio: nam licet plurimæ sint, quæ animarum conversioni studeant, divisa tamen sunt eorum piissima studia ac partim fidelibus, partim verò infidelibus impenduntur. Nulla verò est in Ecclesia Dei hucusque Congregatio erecta, quæ solum animarum conversioni procurandâ destinetur. Quamobrem foret opus Deo longe acceptissimum, si huic functioni Religio aliqua à sancta sede Apostolica institueretur, quæ unice conversioni Infidelium invigilaret, atque inter ipsos ut plurimum versaretur.

In Bullario Cherubini, Tom. II. legitur pag. 283. Gregorii XII.

Instit.

Institutio Collegii Germanici, in Urbe facta, an. cIdo LXXII. Pro alendis & instruendis centum Germanis, sub regimine & institutione Præsbyterorum Societatis Iesu: pag. 308. erectio Seminarii Græcorum, an. cIdo LXXVII. & pag. 358. Collegii Maronitarum, an. cIdo LXXXIV. De Seminariis Clericorum agit Synodus Tridentina, sess. XXIII. cap. XVIII. & quantum rebus suis contulerint, vel Seminarium Anglorum Duacense, vel Colonienſe auspiciis Sasboldi Vicarii Hollandiæ, & Alberti Eggii, Vicarii Harlemensis, erectum circa an. cIdo Ibc. vel Collegium Adriani VI. Lovanii, valde extollit Rovenius, lib. *de missionibus, ad propagandam fidem, part. III.* Et *de Expeditionibus spiritualibus Societatis Iesu* libros quinque edidit Michael San Roman, Palentinus; sed quibus vulgaria nimis tractat pro isto argumento.

Indici quoque Seminarii in Academiâ hac nostrâ aliquando erecti forma & modus legi potest, in Operibus D. Walæi, inter *Consilia pag. 437.* Quo adolescentes aliqui honesti & probi doctrinâ & sapientiâ imbuerentur, auctoritate & sumtibus Præfectorum Indicæ Societatis, quorum opera tandem in convertendis Indis adhibeetur. Neque hic tantum, sed quoque in Indiâ simile Seminarium erigere erat animus, uti §. 19. videre est: quo majori studio, & fructu negotium illud salutare perageretur ab utrisque. Quippe, in Synodis nostris, ab an. cIdo Ibc XLV. in Wourdanâ & sequentibus sedulo actum fuit de instituendo Seminario, & impetranda huic fini, accedente auctoritate D.D. Ordinum, à societate Indicâ, certâ nummorum summâ. Atque in Buranâ Synodo, an. cIdo Ibc. memoratur D. Cornelius Acoley, qui fuerat Gubernator in Bandâ, quod nescio quot nunc nummos ad Seminarium istud donasset.

Jam in usum istius Seminarii modos ejus & regulas conscripsit Walæus non pœnitendas. Imprimis, uti agnoscerent Studiosi, se non eruditione modo, sed prudentiâ, & singulari vitæ asceti ad opus illud parari ac probari debere. Quod ego non ab illis tantum, sed omnibus Studiosis, præsertim S. Theologiæ candidatis jure efflagitem, ut æque vivendi, ac sapiendi & docendi modo studeant præcellere, & in uno non minus se exercent, quam altero, atque cura nostra erga illos se extendat æque ad τὸ πειρασθῆναι bonæ & purioris vitæ, quam doctrinæ, utpote quocunque etiam in loco, vel apud Christianos, vel extraneos, iisdem sacris operaturos singularissimâ ratione, Ecclesiæ, & Christo. Quemadmodum id à Pontificiis curatur in Monasteriis, vel Seminariis suis, ubi vitæ religioſe agendæ non minus studetur, ac doctrinæ: quanto magis apud Reformatos, & refor-

mantes, atque reformaturos. Quare Walæus ibidem, §. 14. *ad pietatis exercitia externa, abstinentiam, tolerantiam, preces, jejunia, pauperum & afflictorum, agrorum visitationes &c.* Addo ego, & catechizationes, in quibus eos exerceri memini in aliis Academiis, idque ex mente Synodi Nationalis, sess. xiv. ubi Genevenses Theologi: *adsuescant Theologiæ studiosi Catechetico officio, etiamque ante publicam vocationem ad illud adhibeantur & excitentur; atque sobrietatis, sanctæ prudentiæ, & Religionis leges, ab ipsius populi necessitatibus discant.* Et Zepperus, de Politia Ecclesiasticâ, in Præfat. pag. 17. *Theologiæ studiosi, ex umbrâ Scholastica, ad officia publica capeßenda producti, primum suum tirocinium ponent in Scholis trivialibus, pueros instituendo, & Psalmodiam in sacris cœtibus exercendo, imo puerorum Catechizationes in publico adjuvando.* & pag. 31. *Catechizationibus puerorum præterea ut intersint operam dabunt, & ministrorum permissu, inque ipsorum præsentia, ipsi quoque his catechizationibus fungentur, quæ quidem munus ipsorum non postrema pars futura aliquando erit.* Et in Synodo Ultrajectina, an. cdo lcc xxxi ii. imponitur Proponentibus, ut in locis vacantibus quoque catechizent. De quibus plura diximus, tum in Tractatu Belgico, *de Catechizatione*; tum in Disputationibus, *de Catechizationibus.*

Ad Walæum redeo, qui de illis, quæ diximus, exercitiis: studiosi, inquit, Seminarii Indici, ad illa peculiariter quoque erunt adhortandi, & qui jam proveciores sunt, in iisdem nonnunquam exercendi, tum ut gratia Dei in eis fiat auctior, tum quia hæc magis in oculos incurrunt, atque animos hominum carnalium ac ferociorum, aut eorum qui adhuc à fide sunt alieni, vehementius commovent, ut doctrinam illam, cujus tales fructus ob oculos habent, majoris æstiment, & diligentius examinent.

Adde leges vitæ, Studiosis in Collegio isto præscriptas, tam de iis quæ cavere, quam præstare debeant, in tota civili conversatione tam intra, quam extra collegium decenter se gerent, gestibusque ac vestimentis functioni suæ futuris congruis utentur. --- Cavebunt sibi ab omni pravo consortio, & locis ipsorum vocationi minime consentaneis: qualia sunt diversoria, sphaeristeria, ludigladiatorum, & similia. Nec intra, nec extra collegium ludis utentur famosis, aut cum scandalo conjunctis: quales sunt aleæ, chartarum pictarum, tripudiorum &c.

Vel siquidem non necesse videatur singulare ad curandam Indorum atque Gentilium conversionem erigere Seminarium, viderint prudentiores, annon huc possint destinari Alumni in Collegiis nostris publici, quorum in Eccle-

Ecclesiis pro præfenti non est tanta necessitas, ut de diminuendo saltem eorum numero laborent Mecænates, & satis aliunde provideri nunc Ecclesiis nostris queat: qui sic etiam in usus publicos, atque ubi magis necessarium, applicarentur. Ac propterea eorum votis aliis hoc forte etiam addi posset missionis ad Infideles.

Quidquid sit, Academiarum istud est negotium, parare, & paratos semper habere missionarios, ad dignam istam, & copiosam, apud infideles, messem. In Epistolis Japonicis, Franciscus Xaverius, an. c1515. *Ubi omnia perlustravero, scribam ad præcipuas Academias Europæ (ut si nihil aliud, in ipsas saltem exonerem conscientiam) quæ tot animabus hic miserè pereuntibus, succurrere possent, easque ad Creatoris sui & redemptoris notitiam traducere. Scribemus autem, cum ea qua par est modestia, ut servi & filii ad majores & patres: quod verò assecuturum me confido, id est, ut ii, qui huc advolare non poterunt, auxilio sint iis, qui se promptos ad tantum Dei obsequium, & ipsius gloriam propagandam, & ad animarum salutem offerent, ut hic participes fiant consolationum & sanctæ voluptatis, quibus fortè ubi modò degunt, miserè frustrantur.*

Ergo illa ab Ecclesiâ; in Academiis ista curanda sunt, in negotium Conversionis, sive ad propagandam inter Infideles fidem: quæ nunc partes item sint *Politix*, sive Reip. in idem opus, inquiramus.

Tria autem in genere ab illis postulamus, eorum *autoritatem*, ad agenda, quæ hac in re agi debent; *subsidium*, quo possint perfici; præterea protectio & *præsidium*, quo defendamur adversus tempestates omnes & adversarios. Neque hic tantum iis opus est, eorum favore, & potentia, sed & in *Indiis*: magnum enim ad res Ecclesiæ ubique emolumentum est in potestate Politicorum.

Atque uti cavere supra modum Ecclesiastici debent, ne rebus alienis & politicis se immisceant, nemo enim militans implicatur negotiis hujus sæculi; ita quoque Politicorum est, illis Dei ministris opem ferre, quos viderint in opere strenuos & fideles, satisque molestiæ perferre à peregrinis & infidelibus, dum iis Christum, & vitam Christianam student persuadere, ut non debeant ulla pati à suis. Et tamen novimus hac in parte graves & frequentes Ministrorum querelas de Politicis, non satis sibi, & Ecclesiæ, & ministerio faventibus; imo qui in causâ fuerunt sæpe aut non longius & felicius producti Evangelii, aut non confirmati locis suis, etiam quod optimi & pii coacti aliquando fuerunt deferere loca sua & stationes in illis oris, quas fideliter obibant, & repetere patriam ac loca alia.

Facit

Facit huc egregia Acoſtæ obſervatio, lib. III. de procuranda Indorum ſalute, cap. XXIV. ubi de concordia Prætoris cum ſacerdote loquitur: ſuper-
eſt tantum, ut civilem omnem poteſtatem admoneamus, uti in adminiſtranda
Repub. Indorum cum Eccleſiaſtica germane conjungatur, ſitque Prætor ſacer-
doti, quod Samueli David, quod Hieremiæ Joſias, quod Eſaiæ Ezechias,
quod Sylveſtro Conſtantine, quod Theodoſio Ambroſio. Facile quidvis per-
ficietur, ſi gladius uterque conſenſerit, ac vaginam eandem induerit. Contra,
nihil ita perturbat, labefactat, evertitque religionem, morumque doctrinam,
ac mutua inter ſacrum proſanumque contentio.

Etiam illud ſummâ Præſectorum auctoritate curatum velim, quod fre-
quentiſſime inter Barbaros accidit, ut emendis & vendendis hominibus ne-
gotientur: non quod nolim emi noſtris Barbarorum mancipia, quibus ad
operas & negotia ſua opus habent, neque aliter impetrare datur; ſed quod
emta à noſtris vel inhumanius habentur, vel iterum quo pretio venduntur
aliis, & infidelibus, improbo, cum perpetuâ ipſorum perniciæ, ad quos ta-
men lucrandos & vindicandos Chriſto, potiſſima Chriſtianorum tendere
deberet opera & profeſſio: qui inter alia lenitate & manſuetudine vinci
debent, aliisſque innocentioris vitæ officiis & exemplis. Quam mercatio-
nem ſuis in Orientali Indiâ prohibuit olim Johannes Luſitaniæ Rex, litte-
ris an. c. l. XLVI. datis ad Prætoſem Indiæ, Johannem Caſtrium, quas
Maſſæus exhibet, lib. XII. Ad hæc certis auctoribus magno mihi meo dolore
compertum eſt, ab Luſitanis hominibus vili pretio cœmta mancipia, quæ apud
Chriſtianos dominos perfacili negotio ad baptiſmum adduci poſſint, Mahome-
taniſ ac barbaris mercatoribus, ad non dubium animorum interitum, uberio-
ris quæſtus cauſa venundari. Id piaculum ne admittatur in poſterum, neu ſervi-
tia ulla niſi Chriſtiano emtori aut licitatori addicantur, gravi cavebis ediſto.
Eandemque mancipiorum mercationem, & inhumanam hominum nego-
tiationem, damnatam à Claſſe Pernambucenſi memini, an. c. l. lxxviii.

Quamvis autem favorem & ſubſidium Politicorum omni modo Eccle-
ſiæ ambiendum cenſeam; non tamen ab eorum vel nutu & arbitrio res reli-
gionis ſuſpendendas arbitror, vel prorſus tradendas illis, abſque quibus
etiam ſubſiſtere nata eſt, ſolo Chriſto ſiſa, & cauſa ejus, quæ & ſua: cui
ſi accedat brachium ſeculare, eo felicius quidem ad oculum ſibi videntur
omnia habere; non autem propterea ei nimium addicanda vel ſubjicienda,
ac ſi abſque eo nihil eſſet, vel poſſet Eccleſia, in rebus ſuis. Quin ad hoc
ſemper annitendum cenſeo, quovis tempore, & quocunque rerum ſtatu,
ſive faventes habeat Magiſtratus Eccleſia, ſive nullos, ſive adverſantes, ut,
quam

quam maxime potest, se sibi vindicet, sua agat sub Christo, ab ejus unius Spiritu pendens & auxilio. Reliquis utatur, ubi commodum, si adsint, sed soli Christo subdita, eum suum caput digne veneretur, ad cujus voluntatem tota se componit omnimodo, siue stet, siue cadat, si cadere potest, in ejus gratia præsentialque secura semper & tranquilla. Digna sunt Hilarii verba, in Auxentium Mediolanensem, quæ audiamus: *ac primum miserari licet nostræ ætatis laborem, & præsentialium temporum stultas opiniones congemiscere, quibus patrocinari Deo humana creduntur, & ad tuendam Christi Ecclesiam ambitione seculari laboratur. Oro vos, episcopi, qui hoc vos esse creditis, quibusnam suffragiis ad prædicandum Evangelium Apostoli usi sunt? quibus adjuti potestatibus Christum prædicaverunt, gentesque fere omnes ex idolis ad Deum transfulerunt? Anne aliquam sibi assumerent à palatio dignitatem, hymnum Deo in carcere, inter catenas, & post flagella cantantes? Edictisque Regis Paulus cum in theatro spectaculum ipse esset, Christo Ecclesiam congregabat? Nerone se, credo, aut Vespasiano, aut Decio patrocinantibus tuebatur, quorum in nos odiis confessio divinæ prædicationis effloruit. Egrege & animose, atque ex vero dicta.*

Nimis fervide ambiuntur sæpe politica, eorum edicta, potestas, gladius, in subsidium rerum spiritualium & religionis, quasi absque illis actum esset de Ecclesia, & nisi illorum auxilio Christus ei non provideret. Quid fecerunt obsecro primi illi, qui non modò nullo Magistratuum subsidio freti, aut armati, sed adversus eos, & armatam in se eorum potestatem, invitis & reclamantibus, Christum & ejus Evangelium introduxerunt in ipsorum animos, terras, & homines, tum temporis, majori copia & fructu, quam unquam postea datis Ecclesiæ Principibus Christianis, & Ecclesiæ non segniter faventibus? Ut doceret nimirum Ecclesiæ Dominus & protector verus unicusque ille, quam non ab hominibus, ope, & potestate humana penderent res suæ, sui que ne nimium illis fiderent tribuerentque, ipsi verò omnia in solidum. Armatus solo Christo, satis armatus est adversus omnia. Idque voluit ille, quando ostendit, & quoties id non ostendit? sub persecutionibus maxime stetit & crevisse Ecclesiam. Malim eo solo stare, absque ullo præsidio humano, & corporali Politicorum, quam hisce solis, absque eo.

Et hoc cogitare debent, ut ad eos nunc pergam, *Missi* ad juvandos & docendos gentiles, tum in *missione* sua, tum *officio*, & tota vita, præsentis operi impendenda.

Primum ergo si desint alia subsidia, quæ ubi suppetunt, utique spernen-

da ne utiquam sunt, sed faciamus deesse omnia, neque ita tamen deferendum opus, vel despondendus animus; quinimo ad exemplum Apostolorum *nudi*, verum Christo fortes satis divitesque, ingrediamur & iter, & negotium, quamvis gravissimum durissimumque: providebit ille, qui dixit Apostolis, quum eos mittebat, *nihil sumite ad iter, neque virgas, neque peram, neque panem, neque pecuniam, neque binas tunicas habete*. Luc. 9. 3. & Luc. 22. 35. *quando misi vos absque crumena & pera & soleis, numquid defuit vobis? ipsi vero dixerunt, nihil*. In cuius unius sollicitudine, cura, promissione quid ni securi sumus, premente quamvis rerum aliarum, tum omnium inopia? Si enim nunquam justum ille deferit, vel etiam si cogatur aut ejus semen quærere panem, attamen neque sic etiam deferit, uti est Psalm. 37. 25. quanto minus destituet istos, dum in ejus opere versantur, ut justos faciant quamplurimos.

In Bullâ Canonizationis Ignatii, ejus Societas offert sese ad missiones obeundas, ad infideles etiam, & quosunque, *non petito viatico*. Et in Præparatione Synopsis Soc. Jesu, à Damiano conscriptâ, de Ignatio dicitur: *annuum inopia levamentum, primo & altero anno in Belgium, tertio insuper & in Angliam, quæ sit à mercatoribus Hispanis*. Similiter de Xaverio, in Bullâ Canonizationis narratur, quod, *cum viatici nomine plurima ei à Prætorè Regio pararentur, homo qui pro viatico ac perâ de Dei benignitate, in cuius Evangelii opus segregabatur, præsumebat; nunquam adduci potuerat, ut quidquam præter vilissimum centonem acciperet: & in navi super funem nauticum dormiebat, ac è mendicato vivebat: ægrotis in vilissimis ministeriis indefessa charitate noctu dieque serviebat*. Ac propterea in Regulis Societatis, ubi de eorum missionibus, habetur, *cum oppidatim missi fuerint ad fructificandum in agro Domini, dabunt operam quoad fieri poterit, ut more pauperum Evangelium prædicent: proinde & pedites vel in toto, vel in parte, iter facient, si eos id Superior præstare posse judicaverit, & ex elemosynis, vel oblatis, cum ædificatione emendicatis vivant; nisi alia ipsis à Superiore sustentationis ratio sit constituta. Si nullum eis à Superiore designatum fuerit hospitium, intelligant sibi ad aliquod hospitale, tamquam ad hospitium pauperum esse divertendum; si tamen honestum id sit, atque ad exercenda ex eo ministeria Societatis accommodatum: alioqui convenientius erit, ut in domum pii alicujus, & exemplaris Ecclesiastici, aliumve ejusmodi locum se recipiant, in quo cum ædificatione manere possint*. Quæ istum in finem adferimus, ut constaret, quo modo illi, qui maximos in Indiis progressus fecerunt doctrinæ Christi, nisi quod sua pessimè adjunxerint, id aggressi fuerint, quâ mente & constantiâ, quidque, ubi

ubi ferat necessitas, nobis etiam pro puritate Euangelii, & regno Christi, honeste æmulari aliquando non minus conveniat.

Quæstio hic est: utrum præstet, mitti eos ad vitam; an ad certum tempus? Melius proculdubio est, ut mittantur pro totâ vitâ, ut sic omnia studia sua omni tempore cogitent impendenda esse huic uni operi, quod proinde sedulitate curent non interrompendâ: at quia metus est, hac ratione difficilius ad missiones alliciendos fore, satius fuerit aliquos mitti ad certum tempus, ubi vix aliter fieri potest, quam nullos, aut minus cupidos. Ad maiorem autem, quæ haberi potest, ædificationem omnia attemperanda sunt.

CAPUT DECIMUM TERTIUM.

Quo ostenditur, quales mittendi Doctores?

HOC de modo, jam & quales mittendos censeamus, exponendum, denique & missi qua ratione in opere conversionis versari debeant, quid agendum ipsis, vel cavendum fuerit, ultimo loco visuri.

Non mittendi eò, quod dolendum summopere nonnunquam accidisse, vel qui vitæ minus castigatæ ac probæ, vel infimi aut nullius fere pretii homines, denique qui id ambiunt non honesta & sancta de causa, sed vel commodi aut lucri ergò; sed *optimi* omnino, nullo vitio aut scandalo notati vel infames, sed pii & probi, imo singulari pietate conspicui, atque aliis omnibus meliores, non inferiores. 1. Pet. 2: 12. *conversationem vestram inter Gentiles habentes bonam: ut in quo vobis obloquuntur tamquam maleficis, vestra conspicientes bona opera; Deum glorificent in die visitationis.*

Neque enim facile exponi, aut dignis satis lacrymis deplorari potest, quantum mali apud Indos dederit turpis & improba nonnunquam Christianorum, qui ad ipsos subinde venerunt, vita, quod opprobrium Christo, & Christiano nomini, damna irreparabilia rei Christianæ: imprimis turpis, & crudelis vivendi ratio Hispanorum in Americâ. *Etenim nomen Dei propter vos blasphematur inter Gentiles.* Rom. 2: 24. Ostendit id Bartholomæus de las Casas, ipse Ordinis Dominicani Monachus, & postea factus episcopus, in libro *de Destructione Indiarum*, per Hispanos, ad Hispaniarum Regem, Philippum 11. ex rebus sibi propriâ experientiâ compertis: qui liber primum Hispanicè conscriptus est, editusque Hispani, an. c1511. tum in Gallicum sermonem, & Belgicum, & Germani-

cum, & Latinum conversus legitur, non sine horrore omnium, & cum primis detestatione Hispanicæ impietatis, atque crudelitatis, quâ viginti hominum milliones dirissimis modis neci dedisse illos, pro explendâ suâ avaritiâ, scribit: ut ostenso auro dicerent miseri Indi, *ecce iste est Hispanorum Deus*: & in Cubâ insula potentissimus Cacycus, sive Dynastes, Hathuey nomine, palo affixus ut combureretur, atque à Franciscano Monacho monitus, ut de cœlo adipiscendo, & fugiendis inferni cruciatibus tandem serio cogitaret, postquam cogitabundus aliquamdiu hæsisset, rogavit monachum, utrum etiam Hispani in cœlo essent? quo affirmante, respondit absque ulteriori mora vel deliberatione, malle se apud inferos agere absque Hispanis, quam cum iis in cœlo. Hæc Casus.

Calveto, in *Historiâ Novi Orbis*, lib. i. cap. xxlii. narrat, eos quando forte Hispanum militem cepissent, in terram prostrato, revinctoque manibus pedibusque aurum in os infudisse, addita exprobratione, *ede, ede aurum Christiane*. & lib. 2. cap. 13. congressum refert Præfecti Hispani, cum Indorum regulo, qui ubi illum interrogasset, quis esset, & cujus rei gratia isthuc venisset? agenti, se Christianum esse, filium Dei creatoris cœli ac terræ; venisse autem se, ut divinæ legis notitia gentes istas imbueret: respondit: *Si Deus tuus jubet ut alienas terras latrocinando, urendo, trucidando, nec ullum sceleris genus prætermittendo, perambules, tibi maturè denunciamus, fieri non posse ut vel ei, vel ipsius legi credamus*. Usque eò non sibi solis nocuerunt Hispani sua immani crudelitate & avaritia, sed & probum detestandum conciliarunt sanctissimæ religioni, ejusque auctori Christo. Faciunt idem omnes alii Christiani, qui iisdem moribus insistant, & vitam degunt professione sua, quam omnium odiis exponunt & contumeliis, indignam. Etenim Gentiles, utcunque barbari & rudes, ex vivendi moribus tamen æstimant homines, & eorum professionem. Eleganter Acosta, lib. iv. cap. v. *Certe barbari fidem nostram de moribus judicant. Proclivius quippe est, quod videas credere, quam quod audias. Raro persuadet factis sermo contrarius*.

Aliquando Xaverius ex Japone, nomine Auger, quæsierat; utrum, si in Japoniam veniret, Evangelio quidem futurus esset locus? respondit, populares suos non continuo his, quæ dicerentur, esse assensuros, sed diu multumque exploraturos primùm, tum quam esset allaturus religionem; tum quidem maxime, an dictis facta congruerent. Quæ probanda in Gentilibus est ingenuitas & solertia: Christianis autem cautelæ loco omninò esse debent. Certe nulla magis remora obstitit hætenus feliciori Evangelii apud

apud Indos progressui, & miserorum hominum conversioni ac salutiquam Christianorum, & ipsorum Evangelistarum propudiosa, atque nefaria sæpe vita. Aliqua ejus rei exempla adfert Calveto, *lib. II. cap. XVIII.* ex Commentariis Italicis Hieronymi Benzoni, Mediolanensis, ubi Barbaros vulgo ita in Christianos loquutos memorat: heus tu Christiane, verat Deus, ne quis per nomen suum in vanum juret: at tu omni, & quidem levissima de causa, assidue juras & pejeras. Jubet Deus, ne falsum testimonium dicamus: vos verò Christiani nihil fere aliud facitis, & alii aliis detrahitis & maledicitis. Jubet Deus, ut proximum tuum tamquam te ipsum diligas, eique sua debita remittas, ut tua tibi metipso condonari velis: vos verò planè contrà facitis: nam & à vobis male tractantur qui minus opibus valent, & si quis quid debeat vobis, vos eum in vincula trahendum & conjiciendum curatis, ac quamquam facultatibus careat, tamen ut perfolvat urgetis, & rigide æs vestrum exigitis. Si inter vos sit pauper aliquis Christianus, ne de vestris facultatibus illi erogetis, remittitis eum ad casas nostras, ut ei eleemosynam largiamur. Alios, avaritiam, & furiosam habendi cupiditatem taxantes, ostenso aureo numismo, mate vel bracteâ, quod & supra ex Bartholomæo Caso audivimus, dixisse refert: en Deum Christianorum: propter hoc è Castellâ in terras nostras venire; propter hoc nos subegerunt, vexarunt, pro mancipiis vendiderunt, & multa in nos ediderunt nefanda: propter hoc bella & prælia inter se agitant, & alii alios mutuo interimunt: propter hoc perpetuò in quieti, aleâ ludunt, blasphemant, diris se devovent, litigant, furantur, alii aliorum uxores rapiunt, denique hujus gratiâ nullum sceleris aut libidinis genus prætermittunt. Quid obsecro à talibus boni expectes, imo quid non mali? Refert ipse ibidem Benzo, se Sacerdotes inter se confabulantes, dicentesque audivisse, se non ob aliam causam, quam ob quæstum faciendum, ex Hispaniâ in Indiam trajecisse. Eaque de causa melioris mentis Franciscanum publice clamasse, nec Sacerdotem, nec Monachum, neque Episcopum ullum in tota India existere viri boni nomine dignum: sed omnes se dedere avaritiæ, atque ubi Indos abundare divitiis intelligunt, eò certatim omnes confluere; & loca illa fugere, ubi magis sunt inopes. Qui propter hanc suam in dicendo *παρρησίαν* captus, & Guattimalam abductus fuit. Hoc addit, se ex Monacho auvisse, Indum Reguli cujusdam filium, Christianum factum, dixisse: se: ex quo Christianus factus sum, per Dei nomen jurare, & per Crucem, & verba Sancti Evangelii, ac per Dei vitam blasphemare di-

„dici: eumque abnego, nec credo: aleari præterea didici, & verum nun-
 „quam eloqui: ensen insuper mihi comparavi, ad ciendas rixas: deni-
 „que ut plane ritu Christianorum vivam, nihil jam mihi præter concubi-
 „nam deest, quam brevi me domum ducturum spero. Heu grave judi-
 „cium Dei, quod in caput suum consciscunt auctores illi, tantum Christia-
 „ni, ut hoc gravius à Christo damnentur! Alterum ipse expertus fuit, quum
 „Indum forte alea ludentem, & blasphemantem corripere, qui sibi conse-
 „stim: nos ex vobis ipsis hæc exempla didicimus. Fuit, quum sciscitare-
 „tur aliquem, num Christianus esset? & responsi loco acciperet: num tu
 „me vis per decem aut duodecim annos servum esse episcopi, & curare ejus
 „mulam? quasi ad hoc soliti facere Christianos. Ex quibus quam verè dixe-
 „rit Acoſta, quilibet æstimet, lib. II. de procuranda Indorum salute,
 „cap. XVIII. *E nostris quidem solent plurimum Indorum veram conversionem
 retardare pessimi exempli mores. Unus autem ædificans, & alter destruens,
 quid proficit eis labor. Nullam revera ego graviolem difficultatem sentio in hac
 causa: propterea quod cum barbari religionis nostræ ignari sint, omnes nos si-
 miles ac veluti unius coloris reputant. Ita crimen hujus atque illius, in omnium
 redundat infamiam, & quod est gravius, ipsum Christianum nomen apud in-
 fideles in odium venit. Et ex sententia Poli, lib. IV. cap. V. Quamobrem
 recte prudenterque scripsit Polus, rerum Indicarum & indagator curiosus, &
 æstimator prudens, tribus ex causis videri sibi, tam multo tempore, tam modi-
 cum promovisse Evangelium apud Indos. Inter quas primam constituit,
 quod exempla prava nostrorum hominum fidem prædicationi Evangelicæ dero-
 garint. Quare non male colligit idem, lib. I. cap. XVIII. Ego vero si plane
 quod sentio dicturus sum, immerito prorsus in causa Evangelii harum gentium
 ingenium naturamque accusari nullo modo dubito &c.* Quæ non ita à Ponti-
 ficis, vel de suis dicta accipienda sunt, ut non nostris quoque applicari
 possint, & debeant.

Contrà quid apud alios, & infideles faciat vel opinio sanctitatis, hinc
 discis, quod narratur Tursellino, in vita Xaverii, & Maffæo, lib. XIV:
 Concionanti in Japonia, in trivio, Fernando, Francisci Xaverii socio, ac-
 currit Japon aliquis, homo insolens, & collectam ore salivam eructat in
 os concionatoris, quam immoto prorsus animo & vultu quum ille abster-
 geret, & institutum pertexeret sermonem, alius è gente ista id videns, at-
 que miratus patientiæ egregium exemplum, sic in animum induxit, non
 posse nisi sanctam adferri religionem ab hominibus tanta virtute præditis:
 unde baptizatur, post eum & alii: atque ita Amaguncium, celebris in Ja-
 ponia

poniâ civitas doctrinam Christi accepit primùm, crediditque. Tantum possunt conspicua virtutis & sanctitatis exempla, etiam apud infideles.

Turpe autem est reprehendi ab infidelibus Christianos, turpius superari, pessimum verò quod inde & obex ponitur aliorum saluti, & Christi regno non tantum, sed quoque Christus & Christiana religio infamatur propterea eos, & proscinditur contumeliis. Accipe de Americanis testimonium Bartholomæi de las Casas, pag. 19. *Hoc præterea addo, me credere, & certis conjecturis assequi, eo tempore, quo hæc omnia in hac Insula patrata sunt, Indianos, ne unico quidem peccato mortali, in Hispanos commissio, teneri, quod hominum mereatur ultionem &c.* De Indis, in Oriente, scribit Pimenta, ad Generalem Societatis, Claudium Aquavivam, ann. c1513c. de Maleis: *Nulla inter eos furta aut latrocinia, & idcirco dum foras procedunt, ædium ostia non occludunt.* De Sinensibus, præsertim Confutio, & ejus discipulis egregia, & quæ pudore suffundere Christianos possint, multa diximus supra. In Epistola Nicolai Longobardi, item ad Claudium Aquavivam scripta, ann. c1515xcviii. de statu regni Chinenfis: *Nono, Chineses, neque enim tædet hæc describere, non modo externarum rerum curam habent, ut pace fruatur Respublica, verum etiam internarum, hoc est, ut animum exornent virtutibus moralibus &c. T. 3.* Tum litteræ Sinenses à Nicolao Trigautio scriptæ, ad eundem Claudium Aquavivam, ann. c1515cx. *Duo potissimum hanc legi nostræ in hoc regno conciliant auctoritatem: alterum est opinio virtutis, quam Sinæ acutissime internoscunt & altissime suspiciunt; alterum, quod hac Magistratum consuetudine nunquam ad quæstum, Sinensium more, abutamur. Hæ, inquam, duæ res palatia nobis Primatum Sinensiam aperiunt. Et, ut hoc obiter dicam, tametsi scientiarum Europæarum fama prima fere sit eorum esca, qui nostrorum familiaritatem expetunt; tamen ubi cum nostris agere cæperunt, ultrò à litterarum ad virtutis æstimationem transeunt.* De Japonibus Xaverius, in epist. ann. c1515xix. *Aleam, lususque omnino refugiunt, quod nihil homine indignius putent, quam rebus iis vacare, quæ animi appetentem ac rapacem efficiant. --- Litteras norunt plerique, quo etiam facilius Christianis ritibus imbuuntur. Unica singuli sunt uxore contenti. Ad omnem honestatem atque humanitatem sunt valde propensi natura, discendique percupidi. Sermones qui de Deo habentur (præsertim cum probe, quæ dicuntur, intelligunt) audiunt lubentissime. A furtis verò tam aversum nec de Christianis, nec de Barbaris populum quemquam videre me memini.*

Audiant ista Christiani qui ubique terrarum degunt, & apud nos quoque, præsertim verò qui apud infideles, ne minus probi sint, quam illi, vel

vel ab iis arguantur, quibus non paria facere debebant, sed anteire & prælucere. Tantum vita, & vitæ exemplum potest, ubi agitur de aliis instituendis, & ad frugem reducendis, atque ad æternam animarum salutem.

Præsertim verò videndum, ut ab *avaritia* immunes sint, quotquot eò, & ad tale negotium mittuntur. Hæc enim non tantum à proposito hominem magnâ vi & impetu avertit, neque finit aliud agere, non tam sanctum & arduum opus, quod uti à vitiis aliis, ita & ab hoc profitetur animum avellere ad altiora; sed neque hominem permittit sibi, quin alium prorsus facit, statu suo prorsus indignum. Omitto in quæ infanda scelera, quas crudelitates, & genus omne nequitiarum, non inducat, sed cogat, & propellat animum una habendi cupiditas, & auri sacra fames. *Radix enim omnium malorum est avaritia*, 1. Tim. 6. 10. Quare ab hoc vitio imprimis puros esse oportet omnes, qui in Indias, earumque loca ditissima mittuntur, sed unice ad lucrificiendas animas Christo. Acoſta, lib. 5. cap. 22. neque enim, quod dicere sæpe soleo, illustriora miracula ad Euangelii commendationem Indis adhiberi possunt, quam ut neque avaritiæ occasione, neque libidinis sinistro rumore, doctrina Ministri Evangelici decoloretur. Quare lib. 2. cap. 1. pessimam fidei propagandæ ac nutriendæ novercam appellat, cupiditatem. Rovenius, de Missionibus, part. 3. Curent quoque qui mittuntur, vel maxime abstinere ab omni avaritia; nam ut recte dicere solebat Beatus Philippus Nerius; qui vult fructum facere in animâ, contineat manus suas à bursa. Ad quod inter alia & hoc movere debet, quod observatum pluribus, bona Indorum male parta rarò auctorem suum longe beasse, vel ejus hæredes. Acoſta, lib. 2. cap. 1. *Mirabile dictu est, quam cito multorum opes effugerint, atque evanuerint, ut ad nepotes ex tantâ re vix aliquid pervenerit, occulto Dei judicio, sed manifesto adeo effectu, ut eas omnes copias præstigias putare homines possint.* Et Brulius, in historiâ Peruanâ, ubi de cæde Atagualpæ, sive Atabalibæ, & prædatione thesaurorum ejus immensorum, ut ex omnibus, qui Camajamal censibus spoliis divites beatique videbantur, vix quinque aut sex familie cum æstimatione super sint, cæteris aut calamitose extinctis aut miseris. Denique ab ipsis Gentilibus addiscere possunt Christiani, & opum constantem contemptum, & quam longè felicius vivat qui plura non concupescit, quam qui habet *φιλᾶργον τὸν τέλειον*, ut præsentibus & paucis sumus contenti. Hebr. 13. 5. In epistolâ Xaverii, ann. c1515 XLIX. Sanè à Japonensibus probè discimus, quam pauca naturæ sufficiant, etiamsi facile conqueratur, & difficulter admodum placetur. Est præterea sobrietas hic in tanto pre-

pretio, ut tametsi Bonzii (qui plurimi sunt) scelerate vivant, idque nullus nesciat, in honore tamen sint & magni fiant, ipsisque obtemperetur, abstinentiæ tantum nomine: nunquam enim carnibus aut piscibus vescuntur, sed herbis ac fructibus solis, & oriza, idque semel in die tantum, & ad mensuram, nec eo qui ex oriza fit potu utuntur. Id potest apud Barbaros etiam vitæ aliquod exemplum, & saltem opinio virtutis, præsertim temperantiæ.

Neque ab istis tantum vitiis est ut se caveant Missionarii, sed quoque ab ambitione, & cupidine regnandi, ne se rebus intrudant politicis, & quæ regimen concernunt externum, quæ ad ipsos non spectant, neque sunt fori sui, qui in negotiis & rebus spiritualibus quo se exerceant habent satis. Magnam verò invidiam creant sibi, & ministerio, quotquot intempestivâ πολυπραγμοσύνη involant in aliena, & dominis dominari se debere putant, scilicet ne videantur regi magis, quam regere. Unde in opinionem adducuntur Politici, vel quod omnes ministri tales sint, aut saltem esse velint, & à ministerio id veniat, quod minus sunt subjecti nonnulli vel morigeri, & pacifici; atque hinc in sanctum ministerium, & innocuos alios, qui tamen non alia curant quam sua, & spiritualia Christi, odium suum exonerant. Rovenius, de Missionibus, part. v. Et quia monet Apostolus, ut nemo militans Deo, se implicet negotiis secularibus, nullo pacto se immisceant negotiis publicis, vel statum Reipublicæ, vel regimen Patriæ concernentibus quoad temporalia, sed quæ salutem animarum ac Dei cultum concernunt accuratius pertractent.

Ut ergo ab omni vitæ scandalo & crimine, præsertim ab opum, & regendi cupiditate oportet esse alienissimum, qui Indorum conversioni daturus est operam; ita quoque ab omni crudelitate, quæ ministra solet esse utriusque. His enim ex causis ad immanes sævitias & ferinas ac Diabolicas atrocitates Hispani devenerunt, quas & exercuerunt in partibus Americanis. Quapropter neque bello censeo adoriundos miseros homines, qui nullam belli præbent causam, neque armis propterea oppugnandi sunt, quod nondum credunt. Quos si per vim & potentiam Christo subicere pergas, nihil aliud agas, quam ut à lege Christi alienissimos reddas, inquit Acolta, in Proëmio. & alibi idem, ipsa fidei primordia ex multâ nocendi licentia non mediocre damnum acceperere. Vide eum, eleganter de hoc differentem, lib. 1. cap. 3. Porro quæstionem in terminis proponit & tractat, lib. 2. cap. 2. an charitatis Christianæ sit, Barbaros bello domare, ut debellati fidei propagationem recipiant? quod quum recte negasset, neque enim illis armis Christus voluit Evangelium suum deferri per orbem & annunciari; neque facienda

mala sunt, ut eveniant bona, vel injusta bella suscipienda, *etiamsi certam salutem vel dimidio orbis allatura videantur*: egregium adfert simile & argumentum ex Augustino, nolente ut alicui in potestate impiorum constituto, & petenti etiam, baptismus conferatur, si ad eum pervenire non possis, nisi deceptis primum mendacio custodibus, sed clausum reputari debere ostium, ubi ad subveniendum animi æternæ salutis solum per mendacium patet aditus: quod magis respondendum, ostium fidei ferro injusto aperiendum non esse, quin clausum potius existimari tunc debere. Quæ ut similiter applicentur, cupimus, ubi per injustum bellum putant sibi domandam hæresim nostram Pontificii alii, & Jesuitæ; nam & Jesuita fuit ille Acoſta.

Progrediens ultra, & hanc format quæstionem: an justis belli causa in Barbaros sit ipsa *infidelitas*, quod Euangelium repudiant? & respondet similiter, quod justa causa non est quoque infidelitas, quæ solum Deum habet judicem & ultorem: & ad suos, si non receperunt vos, inquit Christus, exeuntes excutite pulverem pedum vestrorum in illos: non dixit, stringite gladios, jacula evibrate. Quomodo verò jacula aut gladium intentare præciperet, qui etiam virgam & baculum illis abstulit? & non solum inermes ad prædicandum misit, sed seminudos, sine pera, & argento? Neque enim inquit, ecce vos mitto lupos inter oves, sed oves inter lupos. Ideoque concludit Acoſta, *sive ergo infideles sint, & Christum ignorent, sive annunciatum etiam rejiciant, nobis in illos belli decernendi jus nullum est, nulla honesta causa*. Quod etiam autoritate Thomæ confirmat, & aliorum.

Sed ulterius quærit, nam variè de his disputatum semper fuit: an, sepositâ causâ fidei, ob id possint Barbari debellari, quod *crimina* multa, eaque atrocia forte perpetrant contra jus naturæ? utrum possint cogi, ut ab idolatriâ abstineant, à nefariis sacris, colloctionibus cum Diabolo, à concubitu masculorum, ab incestuosâ pollutione fororum & matrum, & aliis id genus flagitiis? ubi primum eorum rejicit sententiam, qui jus illud penes Ecclesiam, vel Ecclesiæ caput, *Pontificem Rom.* esse statuerunt, plectendi immania Gentilium flagitia; & Apostoli voce damnari eos asserit, qui, cum de incestu inter Corinthios plectendo ageretur, dixit, ea quæ foris sunt, seu Paganos spectant, ad ipsos non pertinere: deinde illorum proponit sententiam, qui id juris *naturalis* esse existimarunt, & proinde ad singulos pertinere, ut quorumcunque scelera contra naturam admissa coërceant & vindicent. Quibus etiam non accedit, quia utcumque satis justum sit, tales puniri, requiritur etiam ut id juste fiat, id est, ab iis qui in illos habent jus

& po-

& potestatem, alioqui brevi omnia turbis, cædibus, & rapinis fore implenda. *Sapientes omnes & nostri & externi eam solam causam bello aggregatendõ equam & justam statuerunt, ad refarcienda damna, & injurias vindicandas, vel suas, vel suorum, id est, civium, aut sociorum, aut eorum etiam, qui iniquè læsi ipsorum opem implorassent. Præter hanc causam acceptæ injuriæ aut violati juris gentium, nullam nostri majores justam agnoverunt, neque gloriæ quærendæ, neque cumulandarum opum, neque amplificandi dominatus, neque verò religionis propagandæ. Vide Acoftam, c. 4. 5. 6. & 7. Adeoque improbat illas belli Indici causas, ut neque in defensione innocentium, qui innumeri miserandum in modum trucidati, veras collocari velit. Quamvis enim natura quidem dictet, tales protegendos, & injuriæ eximendos esse, tamen id bello fieri debere non æque probat, nedum vastationibus, quæ bellum comitari aut sequi solent. Cum enim defensio ista cum minimo lædentis damno adhibenda est, unde neque dominio spoliari barbari possunt aut vitæ, si possunt terrore aut subjectione aliqua contineri, tum verò nullius est rationis eos velle defendere, quorum graviores perpetres cædem. Constat verò copiosissime, bello Indico plures infinitis partibus absumi, quam ulla Barbarorum tyrannide.*

Ejusmodi sententiæ inter Pontificios sunt & alii, quod ad bellum Hispanorum in Indos, & ejus jure. Franciscus à Victoria, in Relectionibus Theologicis, quintâ, de Indis, primò tractat quæstionem, an Barbari, ante adventum Hispanorum, fuerint veri domini rerum suarum, & possessionum? respondetque, quod ita, & quod illis dominium non possit vel negari, vel auferri ideo quod sunt peccatores, vel infideles, vel amentes aut insensati, quia non omnino carent ratione. Quodque *nec à Saracenis, nec à Judæis, vel aliis infidelibus, licet capereres, quas possident, per se loquendo, id est, quia infideles sunt, sed est furtum, vel rapina, non minus, quam à Christianis.* Imo, inquit, neque ab hæreticis. Etiam secundum Cajetanum, 2. 2. qu. 66. art. 8. Tum titulos persequitur, qui non justè prætenduntur, quibus Barbari dicantur venisse in potestatem & ditionem Hispanorum, ut quod *Imperator* sit dominus mundi; vel, quod *Pontifex* est monarchia etiam temporalis in toto orbe, ac propterea potuerit constituere Hispaniarum reges principes Barbarorum, quod tamen factum agnoscit; patet, inquit, quod *Hispani cum primum navigaverunt ad terras Barbarorum, nullum jus secum afferebant occupandi provincias illorum.* Sed neque tertium probat titulum, occupandi illas terras, ex jure *inventionis*, per Columbum; vel, quia noluerunt recipere *fidem* Christi; vel, propter ipsorum *peccata*, contra legem naturæ; vel quia elegerunt sibi Regem Hi-

spaniæ in dominum, quando ipsis fuit oblatum; vel denique ex speciali dono Dei, Hispanis concessio, ad illos, propter flagitia, perdendos: quæ rejicit omnia, ut falsos belli inferendi prætextus & causas. Quo facto, titulos ostendit magis justos & legitimos, quorum primum facit naturalis societatis & communicationis, quo Hispani habuerunt jus peregrinandi in illas provincias, & illic degendi, & negotiandi, sine aliquo tamen nocummento Barbarorum; neque possunt, vel debent ab illis prohiberi, indigne autem prohibiti se tueri, *quantum fieri poterit cum minimo detrimento illorum, quia est bellum duntaxat defensivum*: vel si nocere pergant & perdere, bello experiri concedit, & omnia belli jura in illos prosequi. Secundum titulum constituit, causam religionis Christianæ propagandæ, & in hoc si Christiani impediuntur, vel conversi iniquè habeantur, defendi armis posse, atque juvari. Reliqua apud ipsum videantur.

Neque dubitamus nos, quin primò haud liceat Christianis primis, inferre Barbaris bellum, ex quavis causa sive religionis, sive imperii provehendi, aut castigare illos propter peccata sua, minus verò infidelitatem, ad nos prorsus non spectantes. Verùm ubi communia humanitatis, & quæ legis naturæ ac gentium sunt, maximè ubi & Evangelium ad illos defertur, & miseris vel invitis ingeruntur, non quidem nolentes cogi volo, minime autem bello, sed si male habeant Christianos, omni genere beneficiorum illos afficientes, quin & armis lædant, primùm *defendendos* quavis vi justâ, & si res ad graviora spectet atque bello laceessant benemerentes Christianos, bello etiam legitimo retundi, cum omni moderamine, posse censeo; ita ut ubique appareat, nec bellum velle nos, neque bello cædes intendere, aut rapinas, vel ad nos pertrahere injusto modo vel regiones ipsorum, vel bona. Quare defensivum tantùm bellum probamus hæcenus, non offensivum. Aliis armis, nempe officiis omnis generis & civilibus & religiosis occupandi sunt; aliis protegendis, re ita ferente, etiam nostri, armatâ quoque contra vim vi.

Primùm *docendi*, & instruendi sunt de illis quæ tum justa sunt, tum salutaria, & vitam concernunt honestam atque religionem. Deinde doctores, à Magistratu Christiano, omni ratione & vi sunt *defendendi*, protegendis, juvandi. Jam hos, nil nisi bona, & bene agentes si lædant & cædant Barbari, armis etiam injuriam atque vim eorum reprimendam & coercendam esse, omnino existimamus. Et hoc ordine ad bellum devenitur, justum & necessarium: non ut primò illis bellum inferas, tum doctrinam, sed vice versa, doctrinam primùm, inde si necesse, etiam bellum. Nam hoc

hoc casu, & *societatem* lædunt humanam, ejusque intercipiunt sibi suisque beneficia; & *injuriā* faciunt non innocentibus tantum, sed benemerentibus, omni ratione vindicandam. Et certe omne bellum, ut justum sit, oriri debet ex alterius injustitiā, & tui defensione necessariā, adeoque prius esse defensivum, quam offensivum.

An verò, si alii, si Gentiles, nullam nobis inferant injuriā, interim gravissime peccent in prima juris & naturæ præcepta, à nobis sint puniendi, neutiquam verò nobis subditi, vel ad nos pertinentes, mihi non videtur certum affirmare, quamvis in eā sententiā videam esse viros summos, vide Hugonem Grotium, *de jure belli & pacis, lib. II. cap. xx.* Nos verò pœnam irrogare censemus actum esse dominii & jurisdictionis, & ad eum pertinere qui sit constitutus *δικαστής* vel in quem alii potestatem judicandi puniendique contulerint. At vero si simpliciter aliis in alios liceat pœnam exercere, propterea & bellum indicare, quod gravissime peccant, valde lata aperietur porta interpretandi scelera illa, quæ & qualia esse debeant, ad belli & pœnæ, extranco inferendæ, justitiā, & nunquam non ansa captari poterit belligerandi. Sed hæc aliis relinquimus plenius discutienda. Quare ut revertamur ad id, quod diximus, nequaquam Indi bello aggrediendi, quia sunt infideles, vel ad fidem cogendi armis aut vi. Etenim, quod ex Gregorio adfert Acolta, *qui fidem asperitatibus propagare volunt, suas magis quam Dei causas probantur attendere.* Vide & Marquardum de Sufannis, de Judæis & infidelibus, part. I. cap. XIV.

Porro requiritur ut ad convertendos Indos missus cum *virtutis* omnis studio emineat, tum *charitate* imprimis erga homines, & *zelo* regni Christi. Hæc enim præcipua arma & subsidia sunt, ad tantum opus agendum necessaria. Quorum vim & fructum non alio exemplo opulenter demonstrare possum, quam Apostoli gentium, qui ut illis præcelluerit, arseritque, ex omnibus epistolis videre est, dum monuit omnem hominem, & docuit omnem hominem, in omni sapientia, & stitit omnem hominem perfectum in Christo Jesu, uti loquitur Col. I. 28. 29. *ad quod laboramus.* ἀγωνίζομεθα ἕως τοῦ ἐνεργῆσαι αὐτοῦ τὴν ἐνεργεσίαν ἐν ἡμῶν ἐν δυνάμει, inquit valde emphaticè.

CAPUT DECIMUM QUARTUM.

Quo monstratur modus & mediata Doctoribus, ad conversionis opus promovendum, observanda, negativa & positiva.

IAm cum nostro, quem formamus, Missionario, tendamus ad Indos Gentilesque, & quid ibi, ac quomodo, agere opus sit, consideremus. Ubi primum occupabitur, in eximendis animo præjudiciis, quibus laborant vulgò Gentiles & occupantur adversus doctrinam veritatis, & Christi disciplinam. Quæ quum sint varia, excutienda singula sunt & refellenda imprimis: sive quæ petunt ex præsentis suo statu, ut in eo maneant; sive à difficultate & incommodis mutandi religionem; sive denique à Christianâ religione aut professione. Uti vulgò ex istis capitibus præjudicia duci solent.

Ac primò quidem commune omnium præjudicium, quod à *Majoribus* peti solet, & eorum religione πατερομυθότης, Gentiles etiam tenet, satis difficulter ubique extirpandum. In historiâ Peruanâ Brulli, part. II. cap. IV. Dæmon Indo converturienti loquutus dicitur inter alia: *ingrate, itane cultu Solis, qui te, qui universum mundum produxit illuminatque, deserto, pictum aliquem arboris truncum, imaginem notat Pontificiam Crucifixi, adorare paras? ubi est amor, quo Quacas tuas, quo tuos Maliquis & Majores prosequi suevisti? nostrâ ope amicitiaque timebaris & honorabaris ab omnibus, abundans deliciis, vitam fortunaque, quibus volebas, auferens, atque imperans legionibus agilissimorum & fortissimorum spirituum. Quis te, barbare, fascinauit?* In Commentario Dieghi de Torres, de Rebus Peruanis, pag. 45. respondet Curacha senex, *patrios nostros mores deponere, capillosque, ut alii faciunt, abraderenolumus.* Apud Lerium, in Historiâ Brasiliensi, cap. XVI. inquirunt Barbari: *postquam diuturno usu his assuevimus, si nunc repente avitum morem exueremus, apud vicinas gentes ludibrio & derisui essemus.* Lib. I. epistolarum, de reb. Japonicis, pag. 183. Petrus Alcaceva tres refert captiones, quibus Diabolus Japoniorum animos consuevit fallere: primò, quod dicunt, quid fiat in altero seculo quis novit, quis ex eo unquam fuit reversus? deinde leges Japoniorum traditas à viris sanctis jactant tanto nunc tempore perdurasse: tertio, legem verò Christi feram esse, neque ante ter mille annos latam.

Idque ab omni ævo Gentiles tenuit, quotiescunque melior doctrina illis

illis allata fuit, ut Majores caufarentur, à quibus ea erant edocti, quæ mutare, adversus observantiam & venerationem illis debitam fore, existimabant. Apud Minutium Cæcilius: *quanto venerabilius ac melius antistes veritatis majorum excipere disciplinam, religiones traditas colere, Deos, quos à parentibus imbutus es, timere?* Apud Prudentium, lib. II. Symmachus: *Suus cuique mos, suus cuique ritus est. Jam si longa ætas auctoritatem religionibus faciat, servanda est tot seculis fides. Et sequendi sunt nobis parentes, qui feliciter secuti sunt suos.* Unde lib. I. de Hercule,

*Ut semel obsedit gentilia pectora patrum
Vana superstitio, non interrupta cucurrit
Ætatum per mille gradus. tener horruit hæres,
Et coluit quidquid sibi met venerabile cani
Monstrant atavi. puerorum infantia primo
Errorem cum lacte bibit. & paulo post:
Ex atavis quondam male cæpta, deinde secutis
Tradita temporibus, serisque nepotibus aucta
Traxerunt longam corda inconsulta catenam,
Mosque tenebrosus vitiosa in sæcula fluxit.*

Lactantius, lib. II. cap. VII. *Hæ sunt religiones, quas sibi à majoribus suis traditas, pertinacissime tueri, ac defendere perseverant: nec considerant quales sint, sed ex hoc probatas, atque veras esse confidunt, quod eas veteres tradiderunt: tantaque est autoritas vetustatis, ut inquirere in eam, scelus esse dicatur. Itaque creditur ei passim, tamquam cognitæ veritati.* & cap. VIII. *Sed hoc eos fallit, quod Majorum nomine posito, non putant fieri posse, ut aut ipsi plus sapiant, quia minores vocantur, aut illi desipuerint, quia majores nominantur.* & lib. V. cap. XX. *A quibus si persuasionis ejus rationem requiras, nullam possint reddere, sed ad majorum judicia confugiant, quod illi sapientes fuerint, illi probaverint: seque ipsos sensibus spoliant, ratione abdicant, dum alienis erroribus credunt.*

At verò uti alienis oculis videre non possumus, ita nec sentire & statuere de rebus imprimis religionis & Dei debemus fide vel auctoritate *alienâ*. Sed & errare potuerunt Majores, æque ac nos, & alii. Denique si simpliciter sequendi essent antiquiores, & premenda eorum vestigia, nihil, non quidem mutari, sed neque corrigi posset & emendari, quum tamen innumera in virâ quotidianâ occurrant, quæ correctionem exigunt & admittunt. Unde Tertullianus, in Apolog. *Nonne & vos quotidie experimentis illuminantibus tenebras antiquitatis totam illam veterem & squalentem silvam le-*
gum

Quum novis principalium rescriptorum & edictorum securibus truncatis & cæditis? Nonne vanissimas Papias leges, quæ ante liberos suscipi cogunt, quam Julæ matrimonium contrahi, post tantæ auctoritatis senectutem, heri Severus constantissimus principum exclusit? & sic porro. Augustinus lib. II. contra Gentes: Itaque cum nobis intenditis aversionem ex religione priorum, causam convenit ut inspiciatis, non factum: nec quid reliquerimus, opponere, sed secuti quid simus, potissimum contueri. Nam si mutare sententiam culpa est ulla, vel crimen: & à veteribus institutis in alias res novas voluntateque migrare, criminatio ista & vos spectat, qui toties vitam consuetudinemque mutastis: qui in mores alios, atque alios ritus priorum condemnatione transfistis. Et accuratè postea distinguit, dicens: non ergo quod sequimur, novum est, sed nos sero addidicimus, quidnam sequi oporteat, & colere. Dixerat: Religionis autem auctoritas non est tempore æstimanda, sed numine: nec colere qua die, sed quæ cæperis, convenit intueri.

Neque difficile est respondere similiter ad quævis alia præjudicia, quæ vel ex humilitate Christi petunt, vel Christianorum, aut ab incommodis mutandæ vitæ Ethnicæ cum Christianâ. Quæ eadem adversus Judæos olim excussimus. Ne dicam, quod magnum scandalum, & exscandalo præjudicium Gentilibus præbent mali Christianorum, præcipue eorum, qui ad convertendos ipsos mittuntur, mores. Acoſta, lib. II. cap. XVII. *E nostris quidem, solent plurimum Indorum veram conversionem retardare pessimi exempli mores.* Adde eundem lib. IV. cap. II. XII. XV. XVII. Sic & Tartaros olim, pronos quidem ad recipiendam Christi doctrinam, & hac de re jam agentes cum Galliarum Rege Ludovico IX. dejecit à proposito mala Christianorum vita, cum professione suâ minime congruens. Quod in vitâ illius Regis narrat Joh. de Serres, ad an. 1257. Annon nefandum, quod scribit Thomas Gage, Anglus, in Detectione Occidentalis Indiæ, cap. 3. sibi pro certo esse exploratum, ex triginta vel quadraginta missionariis Monachis, tres eorum patres esse defidiosos & nequam, jam ante scandalî notatos & vitæ profligatæ? Atque utinam hic tantum culpandi essent sectarum aliarum homines, & Monachi!

Jam & aliud ex dissolutis Cleri moribus oritur malum, priori etiam gravius, quo plures inficit, prout facilis est transitus à vitâ ad doctrinam, sive malâ, sive bonâ, utrobique ad sui similem: & semper ferè ad actiones suas componunt homines doctrinam, ut quando à doctrinâ sanâ actiones ipsorum nimis palam discrepant, ut laxam valde & ἀνὴρωον vivendi viam, quam sectantur, doceant etiam, & laxiores ubique forment regulas ac di-

sci-

disciplinam. Quando non tantum unum præceptorum minimorum, sed & plura maximorum solvunt, & ad placitum hominum carnalium doctrinam inflectunt, magis, quod execratus Christus fuit, quodque pseudopropheta adscribit, affectantes, ut bene de se loquantur omnes homines, quam puritatem fidei & bonæ conscientiae.

Contrarium quoque Rovenius commendat suis Missionariis, part. III. in hæc verba: *non studeant placere hominibus sequendo laxiores sententias, sequantur potius tutiores, & paulatim majorem invenient apud omnes auctoritatem, ut in Anglia suos expertos fuisse testatur Cardinalis Alanus, & in Hollandia sacerdotes passim experiuntur, quod quo plus hominibus indulgetur, relaxando rigorem Ecclesiæ circa jejunia, festa, & similia quæ ad domandam carnem conducunt, deteriores evadunt.* Intelligamus nos ea quæ verè carnem domant, missis institutis vel superstitionibus Papalibus. & part. v. *non persuadeat sibi, se indulgentia & conniventia cum hereticis, vel frigidis catholicis aliquid effecturum, vel si laxiores sententias sequatur, & disciplinam Ecclesiæ ipsis relaxet: experientia enim ostendit, quod exacte disciplinam Ecclesiæ, & antiquas Patrum consuetudines, sacrosque canones sequendo plus apud illos vincimus, & plures ex animo conversos, & sinceriores Catholicos cum exactæ disciplina, jejuniorum, mortificationum, aliorumque carni minus placentium observantia, quam nimia condescensione & relaxatione, quæ in principio quidem arridet, sed paulatim etiam ipsos indulgentes viliores reddit.*

Porro inter ea quæ cavenda Ministris Evangelii in primo ad Infideles accessu & institutione sunt, hoc etiam colloco, ne *Disputationibus*, & subtilitatibus nimium teneras aures obtundant, quæ sæpe etiam parum conducunt provectionibus. Instituant eos in primis & confessis Christianismi capitibus, & quæstiones prudenter vitent ac dissimulent, ut possunt, vel quæstiones cum Gentilibus quæ sunt, tractent potius, quam quæ agitantur cum Christianis, & simpliciora urgenda quam subtiliora. In epistolis Indicis, Xaverius, an. 1544. *rationes autem quæ populo huic illiterato, rerumque omnium ignaro dantur, non tam exquisitæ esse debent, quam sunt, quas ad amussim doctores scholastici tradiderunt.* & Thomas à Jesu, de Convers. omnium gentium, lib. IV. cap. VII. *imprimis rem hanc potius privatis colloquiis, placidâ institutione, ac præcipue oratione ad Deum cum morum puritate ac vitæ exemplo conjuncta perficiendam, vel ipsæ in Ecclesiâ gestæ testantur: quibus compertum est eos, qui ab hereticis ad Catholicam fidem ac religionem aliquando convertuntur, potius ex spiritus sancti tacito instinctu, & mansueta Catholicorum institutione, quam argutis Disputationibus exci-*

tari ac promoveri. Quod confirmat historiâ tum Spiridionis, viri simplicis & senis, in Concilio Nicæno, cum superbo & acutissimo Philosopho con-
gredientis, eumque convincentis; & Alexandri Constantinopolitani, si-
mili efficacîâ simplicitatis Philosophos confutantis. Quorum exempla fa-
tis sunt nota.

Jam ad ea progredimur, quæ apud Indos omnino adhibenda sunt ei,
qui cum fructu illorum conversionem curaturus sit, sive ad affirmativa, &
positiva media, postquam de negativis diximus, quæ summo opere cavenda
judicavimus. Ubi primo quidem loco venit cognitio *linguæ* istius, quâ
cum illis loqui & agere possimus. Quod ante omnia curandum. Acoſta,
lib. iv. cap. vi. *mibi attentè sæpe diuque de salute Indorum procurandâ cogi-
tanti nihil commodius, uihil certius venire solet in mentem, quam ut homines
probatî, atque integri, sermonis Indici curam susciperent, familiarissimam
consuetudinem haberent, copiamque ad dicendum sibi pararent cum arte, tum
exercitatione diuturna.* Ideo Christus Apostolos suos ituros in mundum
primò instruxit notitiâ linguarum admiranda, effuso in illos copiose admo-
dum Spiritu sancto; quod nunc labore parari debet & industriâ.

Linguæ addiscendæ sunt, vel Indis *proprie*; vel illorum aliquibus saltem
intellectæ, quales sunt Hispanica, & Lusitanica. Proprie aliæ sunt *commu-
niores* multis regionibus & populis; aliæ singulis *peculiares*: & harum ma-
gnus oppidò in Oriente, & in Occidente est numerus.

Sed imprimis oportet nosse communiores, qualis in Orientali Indiâ est
Malaica, vulgarissimi usus, uti fere apud Europæos est Gallica: ad quam
percipiendam edita nunc sunt Grammatica, Colloquia, Dictionaria, Ca-
techismi, & similes libri alii.

Ad linguam Sinensem intelligendam multum contulit Jesuita Riccius,
cum aliis libris, quorum in epistolis fit mentio, tum Calepino Europæo Si-
nico, præter ea quæ in Atlante Sinico, Martinii, & Appendice Golii, huc
facientia occurrunt.

Linguæ Japonicæ Grammaticam scripsit, & Lexicon, Jesuita Ferdinan-
dus, missionibus Japonicis celebris. Atque post epistolas Japonicas libro
quinto specimen exhibetur litterarum & vocum Japonicarum ex diploma-
te Regis Dungi.

In Occidente Americâ, lingua Varaquiana omnium latissima est, &
obtinet in Paraguay & Brasiliâ, quam Jucatanî intelligunt, & Magel-
lanici.

Apud Lerium, cap. 20. Colloquium legere est inter indigenas Tovou-
pi-

pinambaultios, Brasiliçè ac Latinè conscriptum, aliaque ad linguæ istius notitiam facientia. In Ingarum imperio Peru lingua generalis à rege Guainacapâ introducta viget, quam appellant Quicham, neque illa admodum ardua: ejusque rationem explicuit in historiâ suâ, ultimus Ingarum Garcilasso.

In superioribus provinciis lingua obtinet, quæ vocatur Aimara, neque ipsa valde difficilis, vel à priori multùm abhorrens. Jam & Grammatica linguæ Aimara Romæ excusa, curâ Dieghi de Torres, cujus extat *derebus Peruanis* Commentariolus. Apud Latium, de *Orig. Gentium Americanarum* varia leguntur de linguâ Huronum, ex Dictionario Gabrielis Sagardi, & de linguâ Mexicanorum, & Maquaasiorum, qui in ea parte Americæ degunt, quæ à nostris Novum Belgium appellatur, & aliorum.

Thomas Gage, in fine historiæ suæ Grammaticam exhibet linguæ Poncechi, sive Pocoman, usitatæ circa partes Guatamalæ, & vicinas.

Denique Jesuita Petrus Pelleprat, in Relatione Gallicâ, de Missionibus Jesuitarum, in Americam meridionalem, istorum hominum linguam exposuit, editâ ad eam *introductione*, a. c. 15 clv.

Linguæ autem illæ, quas nosse Missionarius debet, vel discuntur *hic*, vel in *Indiâ*, primis, ubi advenit, annis. Melius autem censeo, ut si non tota hic perfectè, Rudimenta saltem ejus ponat ante profectiorem, ad lucrandum tempus. Quod & consilium est Walæi, *ut uno aut altero ante discessum anno, in linguâ illis regionibus usitatissimâ nonnihil instruatur. In quem finem discipuli erit vir aliquis probus, linguæ illius peritus, qui ex illis partibus ad nos rediit. Alioquin enim tempus reditus eorum ad nos sæpe appropinquat, priusquam linguæ apud Indos usitatæ peritiâ habeant: unde inter regionum earum indigenas minori cum fructu versari possunt.*

In Orientali Indiâ, in Gymnasio Goënsi habent Jesuitæ singulares Professores & Doctores linguæ Indicæ, pro Missionariis. In Occidentali Dominicanis, inviolabili statuto observant, ut venientes eò Hispani totum primum annum impendant soli studio addiscendi sermonis. Vide Acostam, *lib. 4. cap. 6. & seq. de peritiâ linguæ Indicæ necessariâ. Unde in Concilio Limensi, in Americâ, statuerunt, confirmato à Sixto v. act. 2. cap. 4. quod refert Thomas à Jesu, lib. 11. cap. 3. quâobrem ita quisque instruendus est, ut intelligat Hispanus Hispanice, Indus Indice; alioqui quantumvis bene dicat, tamen verbum illius juxta Apostoli sententiam, sine fructu est. Quocirca nullus Indorum de cætero compellatur orationes, sive Catechesim latine discere, cum sufficiat, multoque melius sit, suo idiomate pronunciare, aut si qui ipso-*

rum velint, possunt etiam Hispanicum, quo multi nunc utuntur, adungere. Præter hæc aliam aliquam linguam ab Indis exigere superfluum est. Hactenus Concilium, cujus memores uti sint Pontificii alibi etiam, ubi linguæ peregrinæ usum in sacris urgent, rogamus. Neque dubium, quin illud notetur, quod quoque reprehendit Jesuita Acosta, lib. 4. cap. 3. recitatur bis terve in hebdomada symbolum, idque Hispanico idiomate, cæteræque orationes eodem modo: jubentur deinde Hispanica isthæc ediscere, ac memoriter recitare, quorum ne syllabam quidem intelligunt, & pronunciant ridicule. Vulgaris ac tritus doctrinæ tradendæ iste est modus.

Jam ad quid linguæ Indicæ cognitio, nisi primum ad Conciones apud ipsos linguâ suâ habendas, ut eas intelligant & amplectantur? Ubi necesse, uti concio non modo ad captum auditorum, qui sunt vel infideles, vel rudēs, instituat, ac proinde simplex sit; sed pietatem ubique spiret & inculcet, ac propterea & sancta sit; nusquam non vera: & prudens concionator ea tractabit, quæ temporis & loco conveniunt, neque infrequenter, ut tempestive & non tempestive instet, ea docendo quæ animos movere possint & convertere ab infidelitate, & malâ vitâ, ad fidem & sanctimoniam. In epistolâ Ormutinâ, sive Ormutio in Persiâ scriptâ a. c. 1511. Gasparus Jesuita: *Dominicis, reliquisque festis diebus tres à quodam nostræ Societatis conciones habentur, una mane ad populum in maximo templo: altera pomeridiano tempore ad servitia, sive mancipia, ad quam audiendam etiam frequens populus convenit: tertia in publico valetudinario ad ægros.*

Tum ad repetendas domi conciones non sine magno fructu populus convenitur. In Epistolâ Japonicâ Balthazaris Gagi, a. c. 1519. *Bongiani Christiani in more positum habent, Dominicis diebus nunc in unam domum, nunc in alteram, prout forte contigerit, convenire, ut de rebus spiritualibus inter se colloquantur, ubi congregati sunt, è domo nostra fratrem evocant, qui concionem illius diei illis in memoriam revocet. Atque in alterâ, scriptâ à Johanne Fernando, ann. c. 1511. vesperti iisdem Dominicis diebus, & festis, privatim conveniunt, triaque in quibus potissimum sese exerceant, diligunt: primum, ut summam Christianæ doctrinæ auditam in memoriam revocent, quo sane multum proficiunt. Estque exercitium hoc nullis non commendandum & usurpandum, ad faciendos dignos & copiosos ex concione auditâ fructus, apud infideles non modò, sed quoque Christianos.*

Denique & usum suum habet non contemnendum, quod Concionatores aliquando locum mutant, & qui hic magno cum fructu docuerunt, etiam alibi locorum adhibeantur, tum ut fastidium vitetur, in quod longiori con-

consuetudine facile incurritur apud quosvis, tum ut majori cum fœnore in alios subinde agros inferatur idem doctrinæ sacræ seminium. Quod è re Ecclesiæ est, etiam alibi observari, præterquam in locis infidelium. Thomas à Jesu, lib. 4. cap. 11. *At id quidem Ministris non difficile, infidelibus autem per commodum foret, ut in missionibus loca subinde mutantur, doctrina verò eadem ubique repetenda sit, ut parvulis lac Evangelii præbeatur.*

Concionibus proximè succedunt & succenturiantur, quibus & multum auxiliantur, juniorum *Catechizationes*, quibus adolescentes, vel cujusunque sint ætatis rudiores in primis fidei elementis familiaria loquio & tractatione instruuntur, cujus usus in omni Ecclesiâ, & Judaicâ, & Christianâ perpetuus atque admodum laudabilis semper fuit, uti in singulari hoc Tractatu pridem ostendimus. Atque etiam ostendit hoc anno, in Disputatione de *Theologia Catechetica*, ex Deut. 6. v. 6. 7. 8. 9. Joh. Hottingerus. Jam & ad infideles convertendos aptior, quod est familiarior & accommodatior ad quorumvis captum agendi ratio. Quam uti in Europâ à Reformatis didicerunt Pontificii, & hinc usurparunt, ita eâdem æmulatione, docti cujus necessitatis & fructus sit, haud segniter adhibuerunt in utraque Indiâ apud Infideles. Unde in eorum epistolis frequentissima hujus commemoratio, & laudationes perpetuæ. Prævit exemplo Vetus Ecclesia Christiana, quæ hoc medio Gentiles adduxit & paravit fidei ac baptismo, præ cæteris Augustinus episcopus, in aureo tractatu, de *Catechizandis rudibus*; & ante eum, Cyrillus, Jerosolymitanus Archiepiscopus, in suis, quas scripsit *κατηχόσεις*. Hinc veterum gloriatio, ad Gentiles ipsos: *doceant isti hoc modo, si qua illis fiducia veritatis est, loquantur, hiscant, audeant inquam disputare nobiscum aliquid ejusmodi; jam profecto ab eniculis, quas contemnunt, & à pueris nostratibus error illorum, ac stultitia irridebitur*, verba sunt Lactantii, lib. 5. cap. 20. Quin & ipsi Gentilium sacerdotes idem æmulati postea fuerunt apud suos. Jodocus Schoutenius, de religione Siamensium, præcipui ritus & ceremoniæ, quibus cultum Diis suis præstant, sunt, conciones, catechismi, cantilenæ horis matutinis & vespertinis. Hoc nomine præsertim commendant Pontificii Xaverium, de quo in Commentario rerum Indicarum, Emmanuel Acosta, *ad sextam ferme horam diei versatus in opere, quamquam summa corporis defatigatione, nullum tamen intermittebat diem, quin aliquid pueris è catechismo explicaret*. Vide & Josephum Acostam, de procurandâ Indorum salute, lib. 4. cap. 21. & 22. *De fructu ex Catechizandis Indis sperando*. In Epistolâ Ormutinâ, cujus & suprà fecimus mentionem, *quotidie pueri ad pietatem instruuntur*. De rebus Japonicis, epistolarum libro tertio, *quid enim si videatis pueros*

centum, ac puellas, bis quotidie Catechismi causa convenientes, qui paucis ante diebus dicati Diabolo fuerant, jam Christianos templum ingredi? Certe sedulo & frequenter huic exercitio incumbendum, ubi suus inde speratur fructus. Imo hac tum causa Jesuitarum institutum primò approbatum fuit à P. Paulo 111. ann. cId Io XL. quia pueros, & personas rudes ea qua ad Christianam hominis institutionem sunt necessaria docendo, se cum pluribus jam annis exercuissent; tum conditione & nominatim commendatam habeant institutionem puerorum ac rudium in Christianâ doctrina decem præceptorum, atque aliorum similium rudimentorum, quæcunque secundum circumstantias personarum, locorum ac temporum illis congrua videbuntur. Et in confirmatione Instituti, à Julio 111. ann. cId Io. L. ad puerorum ac rudium in Christianismo institutionem, societatem potissimum esse institutam.

Atque illi quidem hætenus recte duplicem catechizandi rationem adhibendam censuerunt, unam breviorē & simpliciorē primis incipientibus, prolixiorē alteram provectioribus. Acoſta, lib. 5. cap. 14. Hac autem omnia ut Catechistæ doceant, & Indi percipiant, opus in primis est duplici quodam Catechismo, uno compendiariorum & brevi, quem memoriter etiam, si fieri potest, addiscant, ubi summa sit eorum omnium, quæ ad fidem, & mores homini Christiano necessaria sunt, altero uberiore, ubi eadem amplius dilucidiusque dicantur, & copiosius confirmentur. Alibi, lib. 4. cap. 3. reprehendit eos, qui Indorum in discendo accusant tarditatem, quum si recte examinentur omnia, culpa in docentes potius conjicienda videretur. Atque id inprimis in tradendo catechismo usu venit, ut à docentis dexteritate & solertiâ pendeat discipuli, ut apte respondere queat, promptitudo & profectus.

Neque prorsus improbo morem, quem in Papatu observari sæpius vidi cum catechumenis, etiam apud infideles ab iis adhiberi litteræ ipsorum testantur, uti præmiis aliquibus alliciant excitentque ad discendum puerorum animos. In litteris Ludovici Frois, Goâ datis, an. cId Io LX. præmiis etiam & munusculis in hunc usum excogitatis lætamur, & erigimus pueriles animos, eaque diligentioribus largimur. In aliis Sebastiani Ferdinandi, Goâ scriptis, an. cId Io LXIX. Ad hæc Dominicis diebus vespere decem è nostris ad Catechismum exercendum in quinque paræciarum hujus urbis templa se conferunt, quorum in singula conveniunt præter cæteram turbam pueri ducenti, trecenti, ac prope quadringenti, adeo studiose & alacriter, ut lubenti animo discendi causa lusus pueriles relinquunt. Excitantur autem præmiis quibusdam. Quamvis quod de numero dicunt, dubito an pariter sit admittendum.

dum. Vix enim fidem apud me reperit, quod Goâ item scripsit an. c. l. lx. Emanuel Teiscera, ex suo catecheterio biennii spatio ad baptismum promotos 16000 homines, exceptis sceminis, quibus in aliâ domo præficiunt *matronas*. Nam & earum operâ utuntur quoque in tradendâ catechesi. In prioribus illis litteris Sebastiani Ferdinandi, *Catechumenis, qui quidem sexus virilis, præest frater unus. Fæminæ separatim, ac longius habitant, quarum est cura penes mulierem ex Ethiopia, ejus rei valde peritam: itaque suo munere tam scienter ac sedulo fungitur, ut in ipsius diligentia prudentiaque nostri magnopere conquiescant.*

Sed quæ de incredibili numero baptizatorum literæ illorum Indicæ identidem narrant, cum judicio legenda. Henricus Henríquez, an. c. l. lx. viginti millia scribit baptizata. Antonius Quadrus, an. c. l. lx. primo Januarii, quinquaginta: vigesimoquinto ejusdem mensis, centum & viginti novem: vigesimo septimo Februarii, centum & triginta duo: secundo Aprilis, ducentos & quatuordecim: quarto Maji, centum & viginti: 28. Maji, baptizati dicuntur octoginta quinque: 29. Junii, centum nonaginta octo: 6. Augusti, trecenti & quindecim; & sic porro, jam trecentos unâ baptizatos, jam centum & quinquaginta, quingentos & quadringentos, & quingentos commemorat. In Goënsi insula, an. c. l. lxvi. baptizatos scribit Ludovicus Frois, quadraginta duos; anno sequente, octoginta; at an. c. l. lxviii. mille nongentos & sedecim: an. c. l. lxix. tria millia, ducentos & sexaginta: an. c. l. lxx. duodecim millia septingentos quadraginta duos. Johannes de Beyra, in litteris an. c. l. lxiii. uno die supra quinque nonnunquam millia; atque unâ hebdomadâ supra quindecim millia ad baptismum admissos, refert. Et an. c. l. lxix. hominum plusquam viginti millia dicuntur conversa, in rerum Indicarum Commentario Emm. Acoſtæ. Martinus de Valentia, in epistolâ an. c. l. lxxi. ad Matthiam Wénisse, de fratrum Minorum regularis observantiæ profectu in Nova Hispania, editâ cum Narrationibus Ferdinandi Cortesii, ut verè loquar, non hyperbolice, plusquam decies centena millia Indorum sunt à filiis vestris baptizata, quorum quisque præsertim illi duodecim, qui missi sunt una mecum à Reverendissimo Domino Cardinali S. crucis, patre nostro fratre Francisco de Angelis, cum esset minister generalis, plusquam centum millia baptizavit. Et in aliâ, quæ sequitur, epistolâ, per manus fratrum nostrorum ordinis S. Francisci de regulari observantiâ, baptizata sunt plusquam ducenta quinquaginta millia hominum. Hæc optarim potius vera esse, quam ut credam, saltem ritè instructos primùm in Christi fide, & tum

tum fuisse baptizatos, vel etiam eorum, si tales forte nati fuerint parentes, ego non admitto, qui abunde satis scio, quam temere ac fordide in hoc opere versari soleant, & vel nil aliud doctos, quam crucem formare, aut gestare, vel recitare aut *Pater noster*, aut *Ave Maria*, dignari baptismum, denique plures etiam vi ac minis, aliave de causa cogere ad suscipiendum baptismum. Quomodo millenos ad baptismum actos memorat Joh. Gage, *Hist. Americanæ*, cap. xx. Atque hoc nisi esset, quæstionem in scholis non moverent, vel agitarent tanta contentione, utrum invitis liceat erogare baptismum? vel infidelium filiis, invitis parentibus? Vide Thomam, 2. 2. quæst. x. art. 111. & ejus commentatores. Scotum, in IV. Dist. IV. quæst. x. Azorium, Tom. I. *Instit. Moral. lib. v. 111. cap. xxv.* Sed & aliud schema politicum subest illis narrationibus Indicis, de tanto baptizatorum ab iis numero: ut habeant nimirum hinc, quod objiciant defectioni aliorum in hisce regionibus, ad hæreticos, uti loquuntur, sive ad Reformatos. Quod vel titulus libri *Rerum à Societate Jesu in Oriente gestarum* statim indicat, quando additur, quod in eo lectores *videre possunt, quomodo nunquam Deus Ecclesiam suam deserat, & in locum deficientium à verâ fide, innumeros alios in abditissimis etiam regionibus substituat.* Ne dicam de nummis, quos ex promiscua illa multitudine, ad Ecclesiam quasi coacta, quotidie emungunt. Joh. Gage, Anglus in historia Indiæ Occidentalis, cap. xv. se præsentem fuisse scribit Episcopo Chiapensi, Bernardino de Salazar, quando unius mensis spatio ex confirmatione puerorum lucratus fuit mille sexcentos ducatos.

Sed revertamur ad Catechismum, ante omnia baptizandis infidelibus necessarium. Profecto magni usus in Ecclesia, ad instruendos, & convertendos homines est catechesis juniorum, qui ubi huc pervenerunt, ut non jam modo respondere ad interrogata possint, sed & inter se mutuo *περὶ φη-7δ' φη*, alios etiam & majores vel parentes quoquo suo exemplo, *ἀνδ' ἀ-78*, lucrifaciunt; & sementem præbent, ex qua suo tempore Rectores & Pastores Ecclesiæ lecti valde firmum reddunt ejus statum atque florentem. Solent autem Neophyti, ex conscientia novi luminis & gratiæ ipsis factæ, præ cæteris esse diligentes, ad idem beneficium, quod ipsis contigit, aliis etiam fervidè communicandum, & de suo igne plures accendendos. In epistola Japanica Petri Dalcenæ Jesuitæ an. c. 1610 LIV. *Sed ad novorum Christianorum diligentiam & fervorem venio. Inter omnes unus est, qui præ cæteris tantum ad concionandum, Christumque omnibus persuadendum incensus est, ut in eâ quâ habitat urbis parte, vix ullâ familia reperiat, quæ Christiana-*

nos non habeat: ut omittam multos alios, quos etiam alibi ad suscipiendam fidem induxit. Certe ex talium seminario posset aliquando prospici Ecclesijs Indicis, ut minus necesse haberent pendere ex ope & missionibus nostrorum.

Deque illo exercitio Catechumenorum Arias Sanctius, in epistola, an. c1510 LXXI. *ubi Deum rite precari sunt, unus eorum ex Catechismo Japonicè scripto nonnulla recitat, de quibus deinde differunt inter se.* Jam Alexander Vallignanus scripsit Catechismum sermone Japonico. Brevem Catechismum Indico sermone, & Anglico, in gratiam Coloniarum Anglicanarum in America, & isthic loci infidelium scripsit an. c1510 CLVII. Abrahamus Peirson. Atque Thomas à Iesu, lib. XI. cap. IV. exhibet Catechismum seu Brevem Instructionem pro rudioribus Gentilibus ad Christi fidem conversis ex Indico translata, & à Synodo Novæ Granatæ approbatam, non ineptam, si nonnulla omittantur, quæ frustra inferunt neque ad rem faciunt, de immaculata Virgine, de Pontifice Romano, & remedio Confessionis auricularis, atque mandatis Ecclesiæ.

Denique quo majus pretium catechesibus concilient, etiam Missæ loco valere volunt, casu necessitatis. In epistola Nicolai Nunnis, Ternate scripta, an. c1510 LXXIX. *Dominicis festisque diebus ad Catechismum cuncti conveniunt, quæ res Missæ implet vicem sacerdotum inopiâ.*

Iam quum tria doctrinâ nostrâ intendamus, primum ut *norint* auditores ea, quæ scire ipsorum interest; tum ut *faciant*, quæ omnibus Deus imperat; denique ad hoc & *precari* possint, ut divinam in omnibus opem & benedictionem adipiscantur: multa pars operæ Evangelistæ est, docere bene precari Deum: non præscribere ad globulos pronunciare *Pater noster*, & *Ave Maria*, quæ præcipue inculcant Pontificii, & inde fere Christianos æstimant ubi illa fuerint assequuti, sed vere & ex animo orare Deum, quomodo orari vult, in nomine Iesu Christi. Modum docendi Gentiles hunc servant Papistæ, à quo si demas posteriora, de cultu Mariano, nil adeo tolles, nisi addas nonnulla vel copiosius explices, de justificatione hominis peccatoris coram Deo: *modus Gentiles docendi*, sic scribitur in epistola Japonica Iohannis Ferdinandi, *primum, quod ipse Deus sit, docemus* &c. pag. 225. T. I. *dum hæc aguntur, orationem Dominicam ediscunt, salutationem Angelicam, Canticum vespertinum B. Virginis, atque hoc pacto instructos demum baptizamus.*

De cantionibus quod observant, uti omnino ad nostrorum exemplum, Psalmos cantantium magno multorum bono & admiratione, hoc quoque

æmulati fuerunt Pontificii, sic opera omnino danda, ut sacræ cantiones discantur à quibusvis, etiam Gentilibus, dum cantu aliquo passim delectantur homines & trahuntur, quo vanæ & spurcæ cantilenæ exulent, & opprimantur melioribus. Sed neque improbo, ut in cationum formam redigantur *precationes* quotidianæ: quod apud Germanos familiare: non ut non aliter orent homines, sed ut sic etiam possint. Deinde ut & *Catechismus* metro recitari, cantarique possit, non dubito quin opus futurum esset non infructuosum. Tentavimus id ante annos aliquot, Catechismo nostro Heidelbergensi ad melodiam Decalogi revocato, sed avocarunt alia nos aliò, felicioribus ingeniis non admodum difficile opus commendantes. Acosta, de Indorum salute, lib. v. cap. xxii. *pueri & rudiores simpliciter & memoriter catechismo imbuuntur, idque statis diebus & horis partim canendo, partim recitando.* In memoratis jam aliquoties litteris Sebastiani Ferdinandi, *statis præterea diebus magnâ alacritate conveniunt ad Christianæ fidei ac discipline rudimenta publice decantanda. & postea, ut nullus esset urbis vicus, qui non Christiani Catechismi vocibus personaret.*

Cæterum uti Christiana disciplina nec mores, nec artes & scientias vulgares detestatur, sed ornat magis & perficit; ita quoque apud fideles illorum usus magnas vires habet ad flectendos & alliciendos animos ad altiora. Familiaris & officiosa *conversatio* haud parum valere solet apud omnium animos. Maxime ubi gentiles vident non tantum quævis illis à nobis offerri officia, sed in ipsorum gratiam tam longum & difficile iter suscipi, tantummodò ut illos instruamus & doceamus optima quævis atque salutaria. Nos nostra postponere & deferere, ut ipsos adeamus & juvemus, cum tanto nostro labore ac dispendio! Quod argumentum scio illos nonnunquam movisse ad attentionem, & seriam investigationem doctrinæ à Christianis, ipsis propositæ. Xaverius, in epist. Iapanicâ, an. c. 1541. *mirantur maxime, nos è tam remotis orbis partibus, Lusitaniâ nimirum in Japoniam, quæ 18 milliariorum millibus distat, eo solum nomine venisse, ut ipsis res divinas, & viam æternæ salutis per Christi fidem demonstraremus.* In Commentario Iohannis Hayi, de Rebus Peruanis, est epistola Diegi Vazquez, quâ scribit, in primâ se ad Indos concione hoc urfisse quam maxime, quod parentes, & omnia sua reliquisset in patriâ, tantum ut illis subveniret in iis, quæ animæ æternam concernerent salutem: ad quæ postmodum intellexit à Procuratore Regio, Indam propterea serio flevisse, quod ille in suorum gratiam parentes dereliquisset suos. Adeo hoc afficere mentes ingenuas, & rationales aptum est.

Et Gentilium multi sunt amantes *litterarum* & philosophiæ; uti Sinen-
ses Mathematicæ, quâ scientiâ magnum sibi apud illos aditum locumque
paravit olim Iesuita Mathæus Riccius, & nuper Martinus. Medicinæ
etiam studiosi, adeo ut illorum Medicos nostris in praxi; utcumque in
theoria & disputationibus Europæos illis anteferat Martinus, in præf. At-
lantis: *ut plurimum simplicibus ac decoctis medicamenta conficiunt. Ustiones
fricationesque adhibent, sectionem venæ non item, quam illi gravissimum er-
rorem autumant. Fejunio potius aliisque refrigerantibus sanguinem ad debi-
tam temperiem reducunt. Ajunt, non ideo quod ferveat in ollâ, effundendum
jusculum, sed si compescere velis, ignem subducendum. Pulsuum adeo præcla-
ras habent perceptiones, ut ex eorum notitia occulta etiam quandoque detegant
ulcera. Pulsuum motus sex in qualibet notant manu, tres principes, totidem ordi-
nis inferioris, qui omnes ad varias corporis partes pertinent: primum ad cor,
ad hepar alterum, tertium ad ventriculum referunt, atque ita deinceps ad alia
membra alios. Dum ægrum visunt, mediam tenet horam pulsuum horum ex-
ploratio, summa cum quiete omnium, nec sine decumbentis fastidio, quam mox,
unde oriatur intemperies, & qua sit in parte corporis, facile indicant, & recte
dijudicant. Principem Medicinæ, celebrant Imperatorem Xinnungum,
qui solers naturæ indagator, vires herbarum sedulò scrutatus, non in
alieno, ut multi solent, sed in suomet corpore periculum fecit, quid in stomacho
ad concoquendos cibos, aliisque in membris aut morbis efficerent, cui malo
creando vel extinguendo sufficerent. inquit Historia Sinica, lib. I. Hinc li-
bros habent de herbis, plantis, simplicibus medicinis, ita instructos & fi-
guris ornatos, ut Dioscoride vel Matthioli nostris nihil indigeant. Atque
in omni philosophia exercitatissimi. Quamvis paulo aliter philosophentur,
ac nostri solent. Quinque constituunt elementa, aquam, ignem, lignum,
metallum, & terram. Aërem non faciunt elementum, qui illis nil nisi ma-
tris telluris halitus est, quæ nos alit uberibus suis & nutrit, dum in terris
degimus, morientes verò ablaetat, & sibi tradit ac suo juri.*

Tum facile à litterarum, ad virtutis studium ducuntur, quam Sinen-
ses imprimis rebus aliis omnibus præferunt. Unde observatum, quum Pe-
quini, mors Riccii palam ab omnibus, Gentilibus etiam, deploraretur, ne-
minem inventum qui diceret, quod insignis fuisset Philosophus, aut ma-
thematicus, sed omnes eum commendabant à virtute & probitate. Qui
illos ita litterarum irritamentis continuò illiciebat, ut in isto genere suis
aliquando nimius videretur. De cujus obitu agit Trigautius, *de exped.*
Christ. apud Sinas, lib. v. cap. xx. Atque isto modo Sinen-
sium vincun-

tur ingenia, & captatur commodissime occasio de rebus fidei & divinis cum illis differendi. Imo ope horologii affabre facti, & oblato Regi, aditus Riccio suisque factus in urbem regiam; atque in palatium admissi fuerunt, saltem ut horologium disponderent, quâ in re Eunuchis, quorum cura est horas rite ordinare sub pœnâ capitis, valde gratificabantur, & per istos quibus solis Rex se visendum præbet, commendabantur Regi, ut homines sibi valde necessarii. Quare tandem regio diplomate admissi, an. cId Ioc xi. & rogati fuerunt, ad Sinicorum fastorum errores emendandos, suosque Mathematicarum disciplinarum libros Sinico sermone edendos. Qua via pervenerunt ad istum locum & dignitatem, qua in Sinensium imperio hactenus admirandum in modum rerum potiti sunt Iesuita. Quorum historiam jucundum & utile est legere in litteris Nicolai Trigautii, ad annum cId Ioc x. & xi. *Et verò eo sunt ingenio Sinæ, ut scriptis facilius, quam disputandis congressibus convincantur*, inquit.

Interea quævis captanda occasio cum illis *congregiendi*, & insinuandi Christum. Nam hoc ipsum illi referunt inter admiranda, sicut in litteris Trigautii refertur quoque, quod quotiescunque Christianos adeunt, de quacunque re cum iis acturi, semper aliquid de Deo suo ingerunt, unde colligunt, illos Deo suo plenos esse, & velle ejus doctrinam omnibus votis propagatam. Nam & libenter interrogant, moventque quæstiones. De Iaponensibus Xaverius, *omnino ducem sequuntur rationem, ut qui maxime, vulgoque omnes eo usque curiosi ac molesti sunt in percontando, ut finem nullum faciant vel argumentandi, vel nostra responsa cum aliis communicandi*. Istorumque quæstiones aliquas proponit in epistola sua Iohannes Fernandus: *domum ad nos convenere Japonii, ut variis nos interrogationibus fatigarent. Quæsitum est, ex qua materia Deus animam condidisset? Nam corpus quidem è quatuor constare elementis non ignorabant. Qui esset color animi, quænam esset species? Demones quidnam essent? Cur homines tentet Diabolus, sitque eis vehementer adeo infestus? Cur, si erant cuncta, quæ Deus fecerat, bona, Luciferum spiritum malum & contumacem creasset? Percontabantur alii, quid esset Deus? ubi esset? num aspici posset? alii, cur Deus, cum sit adeo clemens, aditum gloriæ tantis difficultatibus circumseperit? Denique tantus erat à matutino tempore usque ad vespèram hæc & alia sciscitantium numerus, domus ut oppleretur*. Atque illis audiendis & solvendis vacandum impigre, sine ullo fastidio, & supercilio.

Valde etiam capiuntur quibuscumque humanitatis & charitatis officiis, quæ vel ipsorum pauperibus, vel ægrotis, vel mortuis denique, impenduntur.

tur à Christianis. Apud Japonenses quum mos esset pauperiorum infantes, mox ac nati erant, pede collo impresso occidere, quia putabant, pauperibus vitâ non esse opus, quam in miserâ traducerent; Christiani Pædotrophium erexere, in quo infantes illorum etiam Gentilium alerentur, sumptibus Christianorum: quæ res vehementer illorum animos commovit, conspectâ istâ tantâ Christianorum in infantes suos commiseratione & benevolentia.

Xaverium jactant, quod solitus fuerit, *ægrotos & vinctos invisere, valetudinaria frequentare, vel in iis habitare potius, quo commodius ægris ministrare posset, quibus & viventibus interdum noctuque summo cum labore, cunctis admirantibus, præsto erat, & mortuorum cadavera suis ipse manibus funebri linteo rite ad sepulturam infuebat.* Nam nosocomia Christiani, ubi poterant, in usum quoque Gentilium extruebant. Quod illi valde mirati, non poterant non eorum doctrinam probare hætenus quoque, quorum ista cernebant opera.

In epistolâ Indicâ Henrici Henriquez, *diligentiam enim ac pietatem erga ægros illorum, qui in eo curantur, priusquam vidiſſent, ne cogitatione quidem assequi poterant.* Et in epistolâ Japanicâ Johannis Fernandis, *Parentalia, & medicamenta quæ miscemus, quæque in Nosocomio exercentur opera, maxime homines gentiles ad Christi fidem impellunt.* In epistola Japanica Eduardi Sylvii, a. c. 1515. multum movet, *excitatque Gentiles, quam exercemus, mortuorum inhumatio &c.* pag. 118.

Cumque, ut loci, ita neque animi unius sint Gentiles, delectu facto, illos vel primùm adoriendos existimo, qui cæteris *moratiores*, & hoc à ratione recta, deinde & fide minus videntur alieni. Quales sunt, in Oriente, Sineses, & Japonii: in Occidente, Mexicani, & Peruenſes. Apud quos & litterarum cultus, & morum disciplina, & certi regiminis forma, quamvis apud alios plus vel minus, à longo tempore viguerunt. Suntque imprimis ſciendi & virtutum avidiſſimi Sineſes, & poſt eos Japonii, unde novam ſibi religionem annunciari minus ægre admittunt.

Nescio an in ſtuporem, an pudorem majorem agant nos egregia cum aliorum, tum Sineſium imprimis dicta, facta, ad virtutem compoſita, & quæ nullis aut Græcorum, aut Romanorum philoſophis cedere opus habent, Christianorum certe plurimorum vitam condemnabunt ſupremo die. Non de *Confutio* dicam, ſummæ & irrefragabilis apud eos authoritatis philoſopho, ejuſque ethica, cujus fundamentum, ex primo ejus libro, hoc ponit Martinius, hiſtor. Sinicæ lib. 4. *Magna, ſive magnorum virorum doctrina*

in eo posita est, ut cum quisque seipsum perfecit, alios quoque perficiat, sic ut omnes unum, hoc est, summum bonum consequantur. Sed sui ipsius perfectio in eo consistit, ut quisque lumen naturale in se accendat clarumque reddat, ita ut à lege naturæ præceptisve à natura in se nungquam exeret. Quod quia sine verâ rerum cognitione scientiaque fieri non potest, inde philosophi danda est opera, per quam quæ agenda, quæve fugienda sunt, scientiam habeamus. Hac scientia consilia nostra dirigimus; hac voluntatem, hoc est, utriusque actiones perficimus, ut nihil sentiamus, nihil velimus, nisi quod est rationi consentaneum. Exinde corporis etiam existit sensuumque perfectio, & in omnibus externis actionibus apta ex virtute constitutio, quæ nungquam proventura est, si non è bona mente, velut è fecunda terrâ, efflorescit.

Quid præclarius eo, quod idem Confutius, totidem fere verbis habet, ne facias ulli, quod pati nolis? Adeo ut Martinius, quod tamen ipsi relinquero, verisimile teneat, eum verum Deum agnovisse: nempe quandoquidem eo tempore non erant apud Sinas idola, neque eorum cultores, & unum cœlum venerabantur, ipseque rationem à cœlo nobis infusam, idque quod in cœlo est, sine figurâ perfectissimum & summum esse, docebat. Quin imò à Philosopho Sinensi, sed Christiano, sibi probatum ait, ex libro Chimcieu à Confutio scripto, ipsum prævidisse Verbum carnem futurum, idque non dubiâ spe præcepisse, adeoque annum in Cyclo Sinico, quo illud futurum esset, cognovisse.

Neque de Mentio dicemus, proximo à Confutio, qui philosophiam à Confutii nepote, Sutio, didicit, quem cum senex aliquando Mentius interrogasset, quid in bonâ reip. administratione præcipue esset spectandum, atque ille respondisset, *populi lucrum*; excipere Mentius: *atqui vir probus ac sapiens pietatem ac justitiam populum docet, regitque virtutis utriusque præsidio. Tu contra, quamobrem lucrum primò querendum censeas, haud sanè intelligo?* Tum Sutius, si recte calculum ponas, eadem est utriusque sententia. *Germanum lucrum, de quo loquor, nonnisi ex pietate atque justitia existit.*

Erat & Mentii tempore alia Chungcii cujusdam philosophia, qui nefas putabat quidpiam attingere, quod cum injustitiâ ullam videretur habere communionem; quod vel ipsum injustum haberet, vel ab injusto ortum. Unde neque paternas aedes inhabitabat, quod crederet à malis viris factas, neque communem facile cum aliis capiebat cibum. Quare quum fratri aliquando par anatum oblatum dono esset, ad matrem se convertens, monebat ut videret bene, ne donum vel ab injusto veniret, vel ex causa non satis justa.

Sed

Sed & facta ipforum videas ac exempla, in quovis vitæ genere, præsertim civili. Audias hic Taikangi Imperatoris fratrem, ei regno privato & exuli dicere, instar Antonini alicujus Romani: *ab Uo avo nostro hæc est imperanti dicta lex. Populum amandum, non spernendum, aut opprimendum. Hunc enim regni radicem esse, cujus robore & constantia regni quoque firmitatem niti. Aurigæ similem esse, qui aliis præest, qui verò sex equos putri fune colligat, annon ei caute agendum? Quâ eadem equorum similitudine ita postulus legitur Imp. Ulxius, mortalis vitæ cursus est haud minus velox, quam currius, quem sex equi rapiunt. Sed quod ad regendam remp. præclare Xunus Imp. ad suos Præfectos: tum demum morem mihi gerite, cum, quod bonum & æquum erit, impera vero.*

Imprimis in formando Regis exemplo occupatur ipforum philosophia. Qualungus ex Sinenfium Proceribus facile primus, ad Imp. Kieum: *Principis boni est, suis recte vivendi legem non tantum dare, sed esse, si solida pace velit cum sibi subjectis frui.* Yangus, ad Imp. Hienum: *quod leges non servantur à populo, inde est, quia primò contemnuntur à summis, quorum exemplum ad alios quodam quasi jure devolvitur.* Unde lepidum regis Ci dictum, quod in proverbium apud Sinas abiit, quando Præfectos voluit laudare, *quatuor Præfecti mille stadia illuminant.* De aulâ, Sieyus aliquis ad Confutium, *qui magnos quærent honores in aulâ, magna quærent pericula.* De imperii dignitate Tangus Imp. *ad imperii nomen haud secus atque ad ingentis præcipitii conspectum exhorresco.* Quantæ simplicitatis Yaus Imperator, qui eam in salutationibus quoque & titulis amabat? Pretiosam supellectilem, & gemmas ac lapides pretiosos contemnebat, venereas cantilenas non audiebat, neque habitabat domos ornatas & laqueatas. Belli pacisque studium ex vero æstimavit Cicungus, apud Imp. Moum hac usus oratione: *clara Imperatorum atque excelsa virtus pacem magis, quam bellum amat. Arma non tractant nisi coacti, semper invisa, semper calamitosa sibi, populo, ærario, denique non victis magis, quam victoribus.*

In magnâ autem veneratione habent Præceptores suos & præfectos morum. Ipsi Reges quando à Philosophis de re aliquâ utili & necessariâ moneri solebant, flexis genibus ea excipiebant. Nunquam discipulus adversâ fronte præceptoris confidet, sed in loco semper humiliori. Idque non modo tum, quando ei dat operam, sed per totam vitam. Semper illum præceptorem nominat, qui titulus apud Sinas præcipuus, & se discipulum. Chingus à Patre Uo relictus erat imperii hæres, nondum ejus per ætatem capax, interim à Præceptore Pekino juxta Parentis demortui sepulcrum

exstructâ domo habitabat, si quando autem delinquebat, spectante puero verberibus excipiebatur Præceptor, tum ut qua pœna dignus ipse esset agnosceret, tum ut vel amore Præceptoris, ne eum pœnæ subjiceret, à malo abstineret. Factum ut ludens imperator cum fratre juniore Yo, dato ei per jocum codicillo, regulum creasset: ibi tunc Pekinus, *promissa Imperatoris etiam inter ludendum pondus habere debere. Cautos quidem esse principes oportere in loquendo: magis autem fidos in præstando.*

Major etiam, uti decet, erga parentes reverentia, & tanta hæc quidem, ut filius nunquam ad altiore dignitatis gradum adscendat, quam pater. Quod si verò contingat filium honores in Rep. adipisci quibus pater functus non fuit, cum patre, quamvis mortuo, titulum tamen communikat.

Adversus injuriam, quam cordate, quod in vitâ Imp. Kingi legitur, *nulla res est quæ magis virtutem augeat & ornet, quam acceptæ injuriæ contentus?* In vita Lieupangi, *magnarum mentium est, condonare, quæ non aliâs magis magnitudinem suam ostentant, quam cum negligunt oblatam occasionem ulciscendæ injuriæ.*

Atque ita varia habent benevivendi præcepta & exempla, quæ quis iuste miretur apud remotas illas gentes reperiri. Huc enim incumbunt perpetuò, ut virtutem apud se & suos promoveant. Quod Tangu Imp. voluit eximia in pelvi, ex qua se quotidie lavabat, epigraphæ, *indies te renova, & iterum eodem die te renova.* Soyungus philosophus, ad Chingum Imp. *Calamitates, quas cælum minatur, effugiendi, ne dubita, facillima hæc est via, si vitio extricati, virtutidemus operam; ille sunt inevitabiles, quas vitiis ipsi nobis facimus.* In vita Wtingi, *scire quid rectum sit, haud est difficile; sed facere quod rectum scias, difficillimum.*

Quæ & similia probe dicta, & facta, in laudem gentis, ex ipsorum Annalibus proferri possunt, ut non sine causa dixerimus, moratoribus Gentilium nonnihil juvari rem Christianam posse: & in illis insistendum, qui quousque cum ratione recta melius conveniunt, hoc etiam minus à doctrina nostra discrepant. Ne dicam, quod in Atlante Sinico Martinius refert, pag. 44. & 145. olim, ante multa sæcula, Christianismum in Sina notum fuisse & acceptum. Quod Armeni dicunt, per suos factum, in ipsis Ecclesiæ nascentis primordiis, uti Paulus Sanfidius auctor est, sibi ab Armeno quodam episcopo significatum, in *Descriptione rituum & morum Japoniæ*, inserta epistolis Japonicis. Eâdem continetur quoque, apud Japonenses celebrari dictum aliquod ceu antiquam Prophetiam, unam omnium

omnium mortalium tandem aliquando futuram esse legem: quod in rem suam verti à Christianis potest.

Præcipuè id agendum, ut primores, *magistratus*, & Principes sibi concilient Christiani, quorum unus Christo lucrifactus immensa præstare in profectum rei Christianæ apud subditos potest. Quod in Sinensi imperio patuit, Rege à Jesuitis occupato.

Præsertim illud usu venit in Monarchico regimine, quale est apud Sinas. Unde Trigautius, in litteris ann. cIo Iocx. è Sinarum regno scriptis ad Claudium Aquavivam: *in hoc incumbimus, ut magistratus nobis ac Deo concilemus, futurum posthac ipsimet ajunt, ut vulgus eorum auctoritatem sequatur.* In epistolâ Henrici Henriquez: *equidem verbis exprimere non possum, quam magnum experiamur ad quidvis efficiendum ex favore Procerum præsidium.*

Vehementissime obsistunt Euangelio *Bonzii*, qui sunt illorum religiosi, & turpiter plerumque vivunt, & hac de causâ resistunt, quod ipsorum flagitia deteguntur, unde ipsorum auctoritas apud populum, & quæstus vilescunt. Melchior Nunnesius, in epistolâ Japonicâ a. cIo Io LVIII. *sunt autem Bonzii cum regni proceribus affinitate conjuncti, nobis verò, quod plebi eorum scelera fraudeque detegimus, iniquissimi, tantisque mendaciis populum onerant, nihil ut Euangelio in his terris majori impedimento esse videatur.*

Majori cum fructu agitur apud plebem. Xaverius, epist. a. cIo Io XLIX. *minus errorum & peccatorum invenio in plebejis & idiotis, quam in Bonziis, quos veluti patres & doctores venerantur. Hi enim ad omne genus vitiorum, etiam à quibus natura abhorret, adeo sunt propensi, ut ea ne in minimis quidem malis habeant, & nihil dissimulent, palamque sit omnibus, viris, feminis, & pueris.*

Nihilominus quantæcumque se ingerant difficultates, non cedendum, sed eundem contra fortiter ac audenter, Deus causam non deseret, sed perficiet pro nobis, atque in nobis, si non hic, alibi, & fin minus hoc tempore, certe alio, semper suo. Confer Acoſtam, lib. I. cap. III. & seq. *Indorum veram conversionem ad fidem perdifficilem esse, dicunt. Est sane. At illud non oſcitanter cogitare oportet, semper fidei prædicationem fuisse difficillimam, & fructificationem Evangelii laboriosorem longe existimatione nostrâ.* Xaverius, in epistolâ an. cIo Io XLIX. *Didici etiam remedia, quæ in hujusmodi casibus adhibenda sunt, inter cætera id unicum est, non dejici, sed forti animo hosti obsistere, & de se diffidendo omnem in Deo fiduciam vireque collo-*

care, neque vel minimum timoris signum dare: & cum talem tantumque habeamus defensorem, tutoremque, nihil de victoria & triumpho dubitare.

Cæterum nihil in toto hoc negotio majori cum fructu rimari atque expendi posse cenſeo, quam ut diligenter introſpiciamus, quâ ratione alii ante nos in Gentilium oras atque regiones primam rei Chriſtianæ notitiam introduxerunt, ut eorum exemplo atque methodo edocti, idem & longe melius tentemus, quibus uti religionis majorem puritatem indulſit Deus, ita quoque pro ea provehenda flagrantiorẽ addamus zelum oportet. Quare ex uſu erit ſpectare, quo modo Pontificii, imprimis Jeſuitæ, difficultates illas perruperint, & in utramque Indiam, tum Japoniam, & Siam Chriſti nomen importarint primi.

Deque Americanis partibus parum eſt, quod dicamus, quia non imitanda vi, ſed crudelitate omnibus deteſtanda, non pro Chriſti adeo regno laborarunt, quam Hiſpanico, in magnum & irreparabile illius detrimentum. De quo ipſi ſectæ illius ſocii, ſed hoc longe meliores, quod magis ingenui, palam & audacter fuerunt conquæſti, apud Cæſarem, & Reges.

Sed diſcere aliquid licebit, ex Jeſuitarum ingreſſu, & progreſſu quem fecerunt Evangelio, verſus Orientem. Primò in *India*, inde *Japonia*, ultimò in *China*: ſic enim ſe habuit curſus Evangelii, ab India in Japoniam, hinc in Chinam navigarunt ejus Præcones, quamvis Pontificii, interque hos primus Xaverius, hinc Indorum dictus Apoſtolus. Hic enim, poſtquam Luſitaniæ Rex Iohannes, quos in Indiam, prædicandi cauſa mitteret, à P. Paulo III. per Oratorem & Legatum Petrum Maſcareniam, impetrarat, ex Ignatii Loyolæ primis fociis duos, nempe Franciſcum Xaverium, & Simonem Rodericum, Luſitanum, hoc in Luſitania detento ad erigendum in Conimbricenſi Academia Collegium, miſſus in Indiam fuit Xaverius, an. cIdo XLII. cum præfecto Indiæ Regio, Martino Alphonſo Sola, itineris comite ſacerdote Societatis Italo, nomine Paulo. Atque Goam in India appulerunt anno ſequenti cIdo XLIII. menſe Majo. Ubi cum jam nonnulli ſaltem ex Luſitanis eſſent Chriſtiani, tum in his confirmandis, tum convertendis Gentilibus aliis, omnem operam inſumſit docendo publice ac privatim, præſertim Catechetica inſtitutione, & omnibus porro charitatis officiis erga laborantes, ægrotos, & mortuos.

Hic prima Jeſuitarum ſedes ac ſchola, in qua & Theologia, & artes liberales docebantur, & linguæ Indiæ agebant doctores, ut ſine interprete poſſet tradi Indis Evangelium: amplius ſexcentos, ajunt, huc confluxiſſe undique ſtudioꝝ cauſa adoleſcentes & pueꝝ, Brachmannum, Perſarum,

farum, Arabum, Æthiopum, Guzurattenses, Decamenses, Bengaleses &c. loco propter emporium celebri & commodo. Ubi an. cId Id Lx. dicunt, conversa hominum plusquam viginti millia, quorum duodecim millia & septingentos in Collegio à se instructos baptizarint Jesuitæ. Quod mihi supra fidem videtur. Atque inter eos complures Regulos, principes, ac Dynastarum liberos: quorum opera mirum in modum postea in profeminando Evangelio fuerunt usi. Atque id prudenter sane, ut quorum auctoritas apud alios plurimum potest, imprimis alliciantur, quo per eos via pateat ad convertendos reliquos. Quod diligenter operam passim dederunt illi, & curandum aliis commendarunt, ut ad plures isthac via perducatur Evangelium.

Hinc in Cocino, urbe distante Goa trecentis milliaribus, aliud erectum Collegium, ex quo excursiones factæ in proximas insulas Maldivanas, aliasque. Unde porro Damanum progressi, & Colanum, ex quo in Taravancorensem oram Evangelium attulerunt, *Colani, ut Goæ, & Malacæ, pueris præsertim erudiendis invigilarunt.* Sic & Comorinum, & Ceilon, & Socotoram, aliaque loca, usque ad Ormutium, quod in sinu Persico est, adiverunt, atque imbuerunt notitia Evangelii. De quibus videre est Emmanuelem Acostam, in Commentario, de rebus Indicis, usque ad an. cId Id Lxvii. præter epistolas Indicas variorum.

Iam Xaverius, dum Goæ agebat, tum ex mercatoribus, tum ex Iapone quodam (qui illuc confugerat ob commissum homicidium, ibique baptizatus fuerat, cum duobus famulis, ipse antea nominatus Anger, à baptismo autem Paulus, & famulorum alter Iohannes, alter Antonius baptizati) multa intellexisset de Iaponiis, quod gens esset sciendi valde avida, & de qua spes erat non inanis cum fructu ibi prædicandum Evangelium, magno incendebatur studio illos adeundi.

Quare an. cId Id Lxix. Goâ illuc iter instituit, assumtis secum è societate duobus, nempe Cosmo Turriano, & Iohanne Fernando, Hispanis, una cum Angero, sive Paulo illo, & duobus ejus jam baptizatis famulis, qui ob linguæ & gentis notitiam, magno usui erant, in alloquendis & instruendis Iaponiis: ipse ad hæc facultatibus Lusitanix Regis juvabatur, & in Iaponiam pervenit an. cId Id Lxix. d. xvii. Kal. Septembris, primus Christianæ doctrinæ in istis locis præco, appulitque Cangoximam, quæ Angeri patria erat, unde statim in familiam istam amicosque admissus Xaverius fuit, mox ad alios.

Quia verò solus ille Paulus Iaponicè loquebatur, per eum omnia efficiebat

bat Xaverius, & domestici ac propinqui ejus ad fidem conversi, in lingua addiscenda ipse sedulo occupatus: atque per interpretem agens cum Cangozimanorum regulo, veniam non habitandi modò impetravit, sed quoque docendi religionem, & congregiendi ac disputandi cum quibuscunque, etiam illorum Bonziis sive religiosis. Cumque prima in Iaponia Ecclesia esset Cangoximana, per Bonziorum imprimis artes atque sollicitationes effecit Diabolus, ut mutato Regis animo, revocaretur prius editum, & poena sanciretur in desertores avitæ religionis, qui peregrinam aliam sive Christianam reciperent.

Hinc cum mercatoribus Lusitanis navigavit Xaverius Firandum, inde Amaguncium, neque adhuc ritè callebat linguam, sed utcunque eam loquens, & recitans ex libro, ab Angero scripto, nonnulla Christianæ fidei, etiam sic nonnullos, novæ doctrinæ cupidos, indefatigabili industria, (nam in compitis ac triviis bis in die dicitur concionatus) convertit.

Perrexit Meacum, celeberrimum totius Imperii urbem regiam, ubi quam primùm appulit, de compellando Rege sollicitus fuit, atque impetranda venia docendi. Nam id studiosè curavit ubique, ut gratia nobilium, Gubernatorum, & Regum obtentâ, hinc & liberius liceret agere, & fructuosius. Neque abs re, certe, ubi illa impetrari datur. Sic ipse antea scripserat Ignatio Loyolæ an. cō 1549. d. xix. Kal. Februarii, prima consilia adeundi hæc loca exponens: *equidem primùm eorum Regem, deinde Gymnasia & Academias adire constitui, magno (ut spero) cum questu animarum.*

Ubi verò Meaci intellexit alienum à se Regis animum, quod bello omnia flagrarent, & averfarentur novum atque Europæum vivendi morem, Amaguncium remeavit, & hujus Regi, ad captandum ipsius animum munera obtulit, quæ Meacensi destinarat, videl. monochordium, horologium, aliaque, majori cum successu. Nam quum offerret ipsi Rex vicissim magnam auri argenticque copiam, missis illis petiit docendi facultatem, & impetravit, publico confirmatam edicto. Valde autem muneribus ejusmodi capi Barbaros, iisque tum in Iaponia, tum China aditum paratum fuisse advenis Christianis, ex historia constat.

Sed jam & vestitum cum elegantiori commutarat Xaverius, & quia in illis multum hæreere Barbaros intelligebat, splendida veste incedebat, duobus tribusve assumtis famulis, quando adibat Regem. Etiam in gratiam Bonziorum, quo minus offensos experiretur, carnibus abstinebat ac piscibus, quibus illos vesci nefas videtur.

Et hic Socii frequentia concionum, quas bis in die plerumque habebant, tum collationum post eas, & familiare institutum, egregiam in urbe fundarunt Ecclesiam; post eam in altero quoque oppido, Bungo nimirum, ab ipso Bungorum Rege evocati, præsertim ut in Lusitani Regis amicitiam, quam ambibat propter bella, quibus occupabatur, admitteretur. Quem in finem ad Proregem Indiæ & litteras dedit, & Xaverium misit, amicitie pararium. Quâ occasione ille, uti decuit, haud segniter usus, Bungi plurimos Catechismo per socios suos instrui curavit, postea & baptizari, fretus Regis auxilio, qui suis & locum concessit habitandi, & docendi percommodum. Neque isthic tantum, sed & apud finitimos Reges, regionesque, ingenti totius Japoniæ bono, ac fructu. Quippe Christiana res, ethnico Rege favente, magnis deinceps auctibus crevit, uti Turcellinus, in vita Xaverii, auctor est. Quin & Rex ipse, quamvis post Xaverii obitum, Christianus factus, & ab eo Francisci nomen assumpsit, post quem similiter Proceres ac Dynastæ alii ad fidem conversi sunt.

A discessu Xaverii, qui in Iaponia fuit per annos duos, non minorem operam in convertendis Iaponiis posuerunt ejus socii, Cosmus Turrianus, Johannes Ferdinandus, Balthasar Gagus, Eduardus Sylvius, Petrus Alcaceva, & deinceps Caspar Vilela, Almeida, Frojus, aliique, quorum nomina in epistolis Iapanicis celebra.

Atque initio quidem, uti cum prædicatione Evangelii semper agi solitum, ab hominum vulgo & pauperioribus acceptum fuit, hoc magis, quo à Bonziis pauperes contemni consueverant & posthaberi; postea demum à nobilibus, atque dynastis; tandem & à Regibus: tres enim Christiani facti tandem, Rex Bungi, Omuræ, & Arrimæ, qui filios & cognatos suos postea miserunt Romam, ad Gregorium XII. an. c. l. lxxxiv. atque inde reversi multis cum donariis, Iesuitis impetrarant à Pontifice, & Hispaniarum Rege, uti soli in Iaponia dominarentur, & absque eorum consensu nemini Lusitano, aut alteri Christiano liceret in Iaponiâ sedem figere vel domicilium, nullique jam in toto regno alterius ordinis monachi agerent aut sacerdotes, sed soli illic omnia obtinerent; facultate etiam impetratâ, ut, contra ordinis leges, haberent quoque episcopum. Usque dum mutatis rerum vicibus, & obortâ contra ipsos, & Christianos omnes persecutione, ab an. c. l. lxxxi. miserandum & longe crudelissimum in modum, omnes perempti fuerunt & extincti, & hodie nemini Christiano in tota liceat agere Iaponia. De qua persecutione immanissima extant libri quinque Nicolai Trigautii, ejusdem qui antea scripserat, è Sinenſi regno in Euro-

pam redux, de Christiana expeditione apud Sinas, ex Matthæi Ricii, ejuldem Societatis Commentariis, libros totidem. De quo Antonius Sanderus, lib. III. de Scriptoribus Flandriæ, *Nicolaus Societatis Jesu, natione Belga, patriâ Duacensis, cum oratoriam Gandavi docuisset, addisceretque linguas peregrinas, & Cosmographiam calleret, professionem in orientis solis Indiam à Præposito Generali Societatis tandem obtinuit. Eò itaque profectus, Chinenſibus non sine animarum egregio fructu Christum annuntiavit, inde (quod mirandum est) pedestri itinere in Germaniam & Belgium reversus.*

Scriptit etiam de horrendis cruciatibus & necibus martyrum Iaponiorum, ab an. clc lxxxi. usque ad an. xxix. oculatus testis, nomine Belgicæ Societatis in urbe Iaponiæ Nangefacque isto tempore agens, Regnerus Gisberti, cujus historia subjuncta est Descriptioni Iaponiæ, quam edidit Franciscus Caron. Haud facile alibi legere est magis truculentos enecandi homines modos & diriores artes: quæque olim Christianis facta leguntur in gravissimis persecutionibus, & cum interentorum Christianorum cadaveribus, cineribusque, ut mari commiserint hostes & vento abolendam omnem eorum memoriam, eadem hic quoque factitata leguntur.

Et quamvis inter illos plurimi fuerint, apud quos exigua valde Christianæ rei notitia, Papisticis quibusdam superstitionibus magis assueti, quam veræ pietati; certum tamen est fuisse etiam, eosque primæ ætatis adolescentes, qui digna responderunt persecutoribus, & magnum animum opposuerunt illis, & præſenti neci. Nam utcunque superstitionunculis suis, etiam primis Christianæ fidei elementis tradendis, non defuerunt omnino doctores.

Incertum, ex quâ causa originem ceperit tanta in Christianos Ianiæna. An ex Hispanorum intoleranda arrogantia & ambitione? an Jesuitarum insolentiâ? unde primum invidia populi & Magnatum adversus eos orta, inde utriusque partis pugnæ & cædes eousque exacerbarint Japonenses contra Christianos, ut simul omnes extinguendos arbitrarentur. Non dicam, quod multis visum, Belgas, Anglosque ex odio in Hispanos, etiam Japoniorum animos ab illis alienasse, ut sibi, vel propter commerciorum commoda, devincerent. De quibus malim legi, quæ Varenius habet in fine Descriptionis Japoniæ, quam ut hic exhibeantur. Magis dubio caret, Bonzios, ex diuturno Christiani nominis odio, continua malorum omnium in Christianos fuisse flabella & incentores, utpote omnibus modis sibi adversantes, præſertim suis vitiis flagitiisque, doctrinâ aliâ & sanctiori.

Duas

Duas mali totius causas commemorat Trigautius, lib. 1. cap. 4. remotiorem unam, quæ Imperatorem maxime movebat, suspicio vid. de potentiâ & dominatione Hispanorum, de proximis Philippinis sibi imminuentium: quam ab Hollandis, Anglisque auctam dicit, recitatione rerum, quas tum Hispani, tum Jesuitæ in terris suis fuerant moliti, & quomodo isthic cum iis ageretur. Nempe religiosos istos haberi ubique tamquam *Hispanicæ monarchiæ prodromos*, & propterea à Principibus pelli regnis & ditionibus suis, ubi artes illorum perviderunt. Quare & Iaponensium Imperatorem palam dixisse, scribit: *si Reges in Europâ, Principesve suis illos regnis & provinciis exterminant; quid est cur injurius in illos videar, si eos ejecero advenas, qui à suis non feruntur?* Propiorem vero causam ponit in perfidiâ duorum neophytorum, Iohannis, Dynastæ Arimensis, & Pauli Daifachi, quorum unus alterum, uterque Imperatorem fefellit, cujus jussu Paulus crematus fuit vivus, & in exilium actus Iohannes, ann. cId Iocxii.

Hinc jam in ipsam religionem Christianam concepta odia, & tum editis, tum tyrannide omnifaria Christiani oppressi, truncati, extincti, adeo quidem, ut hodie ne uni quidem in totâ Iaponiâ liceat esse Christiano, vel Christum, aut ejus religionem profiteri; quorum numerum scribit Regnerus Gisberti, fuisse quatuor centena millia; & suo adhuc tempore, a. cId Iocxxvi. quadraginta millia.

Vam Varenius auctor est, *magnam solertiam & curam adhiberi, non tantum ne per externos & adventantes mercatores aut nautas denuo introducatur Christianismus, sed etiam ne ullum ejus exercitium in Japoniâ peragatur. Constitutos esse à Cæsare præfectos & inspectores, qui appulsas Belgarum naves scrutentur, si quos libros typis impressos repererint, eos auferant, et si ipsi Belgæ ultrò eos tradere teneantur: si contrarium illos fecisse innotescat, vitæ omniumque mercium amissione puniri: atque eandem pœnam illos quoque manere, si in conspectu Japoniorum manibus complicatis preces ad Deum effundere, vel ullo alio Christianæ religionis ritu uti attentent. Dissimulandam enim eis esse religionem, & pro ethnicis quoque haberi à Magistratu Japonensi.* Quod ita se habere, confirmatur epistolâ, à Consule Japonio Nangasacquiense scriptâ ad Gubernatorem Belgicum in India, per supremum mercatorem Joh. Elzerach, a. cId Ioc xlii. d. xxviii. Octob. quam exhibet in Descriptione suâ Franciscus Caron, pag. 56. Mitto Edictum, quod circumfertur nomine Elzeraci promulgatum, a. cId Ioc xlii. d. iv. Augusti, & renovatum à Frid. Goyet, a. cId Ioc xlviii. d. xv. Septemb. in Japoniâ. Qualia certe

certe nulli Christiano sequi fas est, memori ejus, quod Christus dixit, qui me negaverit coram hominibus, eum quoque negaturus sum coram Patre meo. Et certe res atque lucra mundi tanti non debent esse animo Christiano, ut iis tam avarè inhiet, neque malit ea contemnere, quam cum tanto Christi dedecore, & salutis dispendio quærere, quæ non alio fine, longinquo itinere, petere debebat, quam ut unâ Christi notitiam accultum Gentilibus adferret. Metuendum sane, ubi non Dei quoque gloria spectatur in Gentium detectione & aditu, quem nobis singularis ejus providentia indulsit, quin cum ejus ignominia velimus conjuncta nostra negotia, anathema hoc exiturum & rebus, & hominibus ad illa con-niventibus, ne dicam imperantibus. *Verum*, inquit Varenius, dicto loco, *de hoc negotio jam desinamus, ne quorundam lucro magis, quam rei Christianæ studio forum aures dedita opera videamur offendere.*

Cæterum quum Xaverio inter Iaponios agenti identidem ab iis objiceretur, quod, siquidem vera esset Christiana religio, eam jam pridem Sinæ accepissent: tantum Sinarum ingenio & authoritati deferunt Iaponii, à quo pleraque sua acceperunt: Xaverius ipsos *Sinenses* adire constituit, eâdem operâ lucraturus Sinas & Iaponenses. Quare, postquam a. c. 1510. d. xvi. Kal. Septemb. venerat in Iaponiam, atque isthinc abiit a. c. 1511. mense Novembri, conscensa nave in Indiam rediit Goâm, hinc Malacam, ut inde pergeret in Chinam: at in itinere morbo correptus, perficere consilium nequivit, in Sinenfi littore mortuus circa Cantonem, in insula Sanctiano, ubi commerciorum causa Sinenses & Lusitani solent convenire, distatque à continenti passuum millibus nonaginta ann. c. 1511. d. 4. Non. Decembris, ætatis suæ anno circiter lv. atque Indicæ peregrinationis xi.

Quod ergo ille perficere non potuit, neque Sinarum fines urbesque ingredi, sociis ejus traditum, præcipue Alexandro Valignano, Italo, qui à Præposito Generali, totius Indiæ Visitator constitutus erat, & Sinenfi expeditioni destinabat Michaëlem Ruggerium, quoque Italum, & Matthæum Ricium. Qui ex portu Amacaensi, ubi mercatorum Lusitanorum erat statio, Scianquinum, ab urbis Prorege, invitati, locum acceperunt extruendi sibi domum, Proregis diplomate munitum, quo significabatur, illos Sinarum fines attigisse commendatos à virtute atque sanctimonia, atque ideo Proregis authoritate ipsis locum ad habitandum concessum, & ad vivendum suis sumptibus, constituta pœnâ in illos, qui quavis molestia eos afficerent.

Quâ acceptâ facultate & præsidio, cum Sinis variè cœpit agi, de religionis Christianæ capitibus, eaque illis persuaderi. Studuerunt verò initio magis vitæ exemplo vincere, quam disputationibus, ut ita sensim sine sensu traherentur, ipsa vitæ pro illis loquente praxi, efficacissimâ omnium rhetoricâ. Scripto præstabant plura, quam vivâ oratione, & verbis. Amant enim Sinenfes scriptionem, præsertim qualis sua est, per notas hieroglyphicas. Tum temperantiâ & modestiâ movebant multos, quâ nihil se ab Sinis petere, solum conferre illis velle bona maxima, & salutaria, testabantur. Neque minus commendabatur divina religio hinc, quod & cum naturæ lege, omnibus innatâ, & antiquissimis Sinarum legibus scriptisque probe conveniret, eaque non everteret, sed perficeret magis atque exornaret.

Jam quia ad Primores, & Regem quærebat via, & hunc nemo adit præter Eunuchos, hi muneribus capti fuerunt, præsertim mathematicis, & per hos ipse Rex. Quâ in re magnam operam præstitit Societati, & rei Christianæ P. Riccius, Christophori Clavii, Mathematicorum facile principis, quem Romæ aliquot annis audierat, discipulus. Qui, partim per *tabulas Geographicas*, partim per artificia & instrumenta mechanica, præsertim quidem *horologia*, dici non potest, quantum apud Sinenfes effecerit, & quid non impetraverit.

Tabulas ita componebat, ne ultra Sina in orbis totius angulo conspiceretur, quod valde eos offendebat, putantes Sinam totum orbem esse, ideo Thien-hia nuncupantes sive quidquid sub cœlo est. Ergo in tabula sua Sinarum imperium conjiciebat in locum medium, & annotationibus illustrabat, quibus inspergebat nonnulla divinæ veritatis, hætenus ipsis ignota, quibus gustum caperent sublimioris disciplinæ. Eo modo effectum, ut & majorem de exteris, & Europæis conciperent opinionem, quam hætenus foverant, deque rebus suis sentirent modestius, neque tanto metu tenerentur ultra Christianorum, ut quorum terras tam longe à suis distitas conspiciebant.

Sed & alterum non minus potens fuit ad Regis & Magnatum gratiam conciliandam, per instrumenta Mathematica, factis à Matthæo Riccio sphaeris astrologicis ex ære, & ferro; globis quoque, quibus vel cœli, vel terræ facies representabatur; item gnomonicis horarum indicibus, quas vel domi depingebat, vel in laminis sculpebat, & Magistratibus variis mittebat dono. Imo quia talibus Sinenfes valde oblectari & capi constabat, Româ etiam mittebantur, quæ vel pictura vel fabrica excellebant. Nam & misit Claudius Aquaviva, Societatis Generalis, quatuor horarias machi-

nas perelegantes, tres pensiles è collo, quartam in mensa collocari aptam, omnes opere admirandas, & sonò. Ad Matthæum verò Riccium inusitatus quotidie fiebat hominum concursus, ad visendas ejus operas, inter quas nil æque mirabantur, ac horariam machinam grandiore, quam in usum domus, & totius viciniae ita statuerat, ut manus ferrea index horam transfuentibus monstraret, ære verò grandiusculo horas etiam absentibus significaret, cum omnium stupore, maxime quidem quod nullo pulsante per se ipsa sonum daret.

Lepidum est, quod narrat Trigautius, lib. iv. cap. xiii. de Rege, cujus cum Mater peteret videre Horologium, quod per se pulsaret, Sinæ enim ligneis malleis pulsare campanas suas solent, ille ne forte Regina Mater illius amore capta sibi illud rogaret, quod negare inurbanum videretur, mandavit machinæ præfectis, ut laxatis rotis juberent conticescere, quo facto mutam machinam sprexit Regina, & ad filium remisit.

Vehementer etiam mirabantur vitrum trigonum, quod lapidem sine pretio pretiosum appellabant. Quod cum aliquando Matthæus Riccius Proregi offerret dono, ut acciperet adduci non potuit, sed sapienter renuit, narratæ ex Annalibus suis historiolâ: olim Vir aliquis Religiosus gemmam habens admodum pretiosam, eam dederat viro alteri primario, & quoque virtutis professori, quam hic mox reddebat, dicens, hæc gemma semper erit tua, neque enim eam alteri dabis, nisi qui se virtutis sectatorem profiteatur tecum, quod qui fuerit professus, jam non accipiet eam, sed relinquet tibi, atque adeo semper manebit tua. Quo dicto vitrum quoque illud Matthæo, à quo acceperat, reddebat è vestigio.

Erat & tertium, quod etiam in P. Matthæo admirabantur, atque ambiebant, artem vid. *memoriæ localis*, quam docebat omnium cum admiratione, quod illam studiis suis valde utilem viderent & jucundam. Ea etenim quæ modo lecta erant memoriæ inhærere, & recitari statim non recto tantum, sed & retrogrado ordine, vehementer stupebant. Cujus argumenti edidit quoque Commentariolum, Proregis filio dedicatum, non Parenti minus, quam illi, gratum.

Istis rebus factum, ut per Eunuchos eorum fama ad Regem delata, fecerit quoque visendi cupidum, illa primum, inde & eorum auctorem. Omnia enim ad Regem per Eunuchos deferuntur, & ipsis cura horologiorum incumbit: perque eos tum Rex sua ad alios curat, illis enim solis se dat conspiciendum, & alia apud Regem perficiuntur. Quod ab Imperatore Hoyao defluxisse, qui ministris curam tradidit regiminis, dum ipse in gynæ-

gynæceo se inter foeminarum & spadonum greges oblectabat, derivat Martinius, in Historia Sinica, lib. 2.

Denique tum Rege, tum aliis, Jesuitarum artem & dona remunerantibus, istum locum sibi acquisiverunt in toto regno, & apud omnes, qui & rei Christianæ, & ipsis tantopere profuit, ut & soli rerum ferè potiti in regno hætenus fuerint, & nulli præter eos aditus ad Imperatorem, & rectores patuerit; jam etiam, post vastatam à Tartaris Chinam, & his quoque se insinuant, in spem adducti, hac victoria se in regionem quoque Tartarorum admissum iri, & secum Christianæ fidei Doctrinam.

Hæc ergo quamvis ab illis pridem occupata, nobis quoque diligenter considerata veniunt, uti inde rem faciamus nostram, quia Evangelii. In quem finem omnia illa conquisivimus, & tractavimus, ut rem hanc pluribus commendaremus, & de qua parum aut nihil cogitabatur in Scholis, ostenderemus nostri quoque esse studii, & injiceremus tum studiosorum, tum aliorum animis scintillulas ipsos aliquando incensuras cogitationibus & conatibus in arduum & illustre opus convertendorum Indorum, & Gentilium. Quibus uti Christus abunde benedicat, cujus hic res agitur, est quod oremus, & in hoc finiamus voto, ejus amore, & gloria ad quoscunque, & ultimos terrarum fines, provehenda.

F I N I S.

E R R A T A

Quæ Typo irrepsere, Benev. Lector sic corrige.

Primum à pag. 11. ad 47. in titulo paginario indecens error [quæ scio seductione] admissus est; continue enim, ut facile patet, legendum, LIBER PRIMUS. pag. 28. lin. 12. leg. Pegu, Siam. 32. penult. id est, 33. 25. nuncupant, 43. 11. Formosanis. Coreanis. 49. 5. Confutio, 59. 6. Lappis, 220. 7. à fin. Anger, 221. 2, 3. nefaria 230. 2. media à 232. 9. à fin. partes 237. 9. familiari alloquio.

Kk 2 I N

INDEX Rerum præcipuarum, quæ hoc Tractatu continentur.

- A** Brabam Patriarcha, contra Chaldaeorum Astrologiam disputavit. ob id incarceratus, & relegatus. 17, 18
- Academiae ibi studiosi instruendi de argumento conversionis Gentilium. 211.
215. in Sina dantur plurimæ. 44
- Adulteria morte plectuntur apud Sineses, & Japonios. 171
- Aegyptii maxime superstitiosi. 20. in historia idololatriæ primi. ibid. Solem & Lunam coluerunt. ibid. aquas item. 5. quicquid sani apud ipsos, ab Hebraeis acceperunt. 22. Indorum Brachmanni illis se tradidisse sapientiam jactant. 30
- Africa quando & per quem nostris cognita. 28
- Africa meridionalis gentilismo obnoxia. reliqua Muhammedismo. hæc olim habuit Christianas Ecclesias, & Doctores celebres. 28
- Africa utrum ab Apostolis, an post, conversa. 198
- Africani olim præcipue Solem & ignem coluerunt. 29
- Albus leproforum color Indis. 3
- Alemanii vox unde. occurrit apud antiquissimos. 25
- America nomen habet ab Americo Vesputio. 7
- Americani non una gens, sed variae, & moribus diversæ. 67. Americanorum religio varia. plerique Diabolum pro Deo habent. 69. seqq. Gentium Americanarum origo. vide India.
- Americus Vesputius post Columbum in novum Orbem navigavit. 7
- Anima hominis. Varie de eâ opiniones. 142. Animæ immortalitatem alii in dubium vocant, alii insciantur. 142. alii asserunt. 148. Galenus non agnoscit. 148
- Animæ immortalitas probatur ex ejus substantia. operatione. simplicitate. appetitu immortalitatis. ratione præmii & pænæ. 143---147
- Animarum è corpore migrantium duo itinera. ex oratione Americani senis. 148
- Animalia singulariter curant & fovunt Indorum Bramines. 39
- Animalium esu abstinent Brachmanni Indorum. 31. Secta idololatræ in China. 48. Bonzii Japoniorum. 52
- Apis Deus, Symbolum Josephi Patriarchæ. 21
- Apollonius Thyaneus, magnus. 161. ad Indos sapientiæ causâ profectus. 30
- Apostolorum Christi autoritas asseritur. & prædevotæ objectio rerunditur. 183.
184. eorum vilitate offensi Gentiles. 184, 185
- Apostoli non suo consilio, aut jacta sorte, abiverunt ad gentes. 195, 196. in quas partes terrarum singuli profecti. 197
- Aquas venerantur Aegyptii, & Indii, usque scelera elui credunt. 4, 5
- Aras & templa non habuerunt olim Chri-

R E R U M.

Christiani. 160
 Aristoteles ad Indos sapientiæ causâ
 profectus. 30
 Artes [mathematicæ] multum valent
 ad alliciendos gentiles. 242
 Ascenaz non est Germania, sed Bitby-
 nia. 26
 Astrologia divinationis species. 164.
 argumenta Phavorini contra Gene-
 thliacos. 165. Astrologiæ & Idolola-
 triæ monumenta conjuncta. 20. con-
 tra Chaldaeorum Astrologiam Abra-
 ham disputavit. 17
 Astrologorum copia in Sina, & quid
 præscribant. 49. apud Tartaros. 58
 Avaritia fidei propagandæ noverca
 pessima, doctoribus summe vitanda.
 224
 Avaritia Hispanorum in America.
 75, 76
 Augurii Sinenses dediti. 49. Au-
 gurii vanitatem ostendit Alexander
 Magnus. 166
 autem Quoriam religiosa Gentilium. 171.
 Indorum, 172. Japoniorum, 54, 55.
 172. Sinensium, apud quos vario no-
 mine ea frequens. 173

B

Baneanes [Vaneanes] regni Guz-
 Bratta incolæ, ritibus ac sectis ma-
 xime differunt. sectæ numerantur
 octoginta tres, quarum tres principa-
 les. 39
 Baptizatorum à Pontificiis in India
 numerus incredibilis. 239, 240. 203
 Beatitudo, summum Bonum. de hoc
 sententiæ seu sectæ octoginta octo. 151.

in nulla re creata consistit. 150
 Belgæ plurimum opum suarum debent
 Indis. 2. Belgis frequens ad Indos
 commigratio, non magis ad se ditan-
 dos quam ipsos converrendos contigit.
 1, 2. Belgis mercatu interdictum in
 Hispania, non sine vindice Deo. 9.
 Belgarum classes in Indiam Orientis
 an. 1598. 9
 Bello non adoriendi Gentiles, ut debellati
 Evangelium recipiant. 225. an belli
 justî causa infidelitas, quod repudiant
 Evangelium 226. an possint debellari
 ob crimina contra naturam perpetra-
 ta. 226, 229. belli justî inferendi cau-
 sa quæ. 227. tituli quibus Barbari ve-
 nerunt in potestatem Hispanorum.
 227, 228. quo ordine ad bellum juste
 & necessario devenitur apud Barba-
 ros. 228.
 Bonzii, religiosi Japoniorum 52. eo-
 rum vita & instituta. 52, 53. quin-
 que præcepta fundamentalia. 52.
 Bonzii maxime obsistunt Evangelio,
 cū sint seeleratissimi palam. 249. 254
 Brachmanni, Indorum Philosophi ce-
 leberrimi. proximi à Rege. 30. imò
 Deo proximi. 33. sectæ Pythagoricæ.
 30. ab his Græci Philosophi multa ac-
 ceperunt. etiam Egyptii, prout ja-
 ctant. 30. eorum origo. ibid. discipli-
 na. 36. abstinent à vescendis carni-
 bus. elementa statuunt quinque. mun-
 dum animal dicebant. Solem sacrum
 habent. 31. Astrologiæ, magiæ, di-
 vinationi dediti sunt. 31, 32. 162
 Brachmanni hodierni seu Bramines.

I N D E X

borum res conscripsit Rogerius. 32.
 sacra sua non vulgant. 32. Braminem
 interficere nefas. 33
 Braminum bodiornorum sex ordines in-
 ter se discrepantes. singulorum doctri-
 na seu sententia. 33, 34. Theologia
 ipsorum summa. 36, 37, 38. metem-
 psychosin credunt omnes. 38. anima-
 lia singulariter fovent, praeipue vac-
 cas. 39
 Brachmannum numina, Bramma. 32,
 34, 36. Wisthnou. 33, 36. Esvara.
 34, 36. Legis ipsorum liber Vedam.
 vide sub V.
 Brasiliensibus religionis exigua cura.
 71
 Butta, vitae singularis praeceptor apud
 Indos. 30
 C.
 CAEdes apud Gangem fluvium
 summe scelerata habetur Indis. 5
 Calecutenses Daemonolatrae prae omni-
 bus. 41
 Cambajenses vid. Guzurattenses.
 Cationum sacrarum exercitium. 242
 Capillos Tartari non alunt. 51
 Catechizationum exercitium maximi
 momenti. 237--240
 Ceylon, Zeylan, insula. ibi cultus ele-
 phantum & simiorum celebris. 41
 Chaldei, religione Sabaei. stellas pro
 Diis habuerunt. iisque terram prorsus
 subjecerunt. contra quos disputavit
 Abraham. 17
 China vid. Sina.
 Christum, impostorem vel magum fuisse,
 infideles calumniantur. 181, 182.

Ejus autoritas & divinitas proba-
 tur, ex vita sanctissima. 181. doctrina.
 miraculis. 182
 Christiana religio prae cunctis vero si-
 milis ac rationalis 177. ejus veritas
 ostenditur potissimum ex admirabili
 mundi conversione per simplicem &
 inermem praedicationem. 185.
 Christianam religionem Gentiles impu-
 gnant; quorum praedicia & objectio-
 nes: Christi humilitas, & mors nefa-
 ria. 186. 230. Apostolorum & creden-
 tium vilitas, ac paucitas. 184, 185.
 bella inter Christianos. 187. Christia-
 norum adversitates. 190. quod per
 ipsos aucta in mundo mala. quod essent
 & deo 191. quod religio nupera. 192.
 & deo & deo suis suae religionis. incom-
 moditas mutandae vitae. 230. Chri-
 stianorum mores scandalosi, praeipue
 Doctorum. 232
 Christianam doctrinam & Christianos
 quibus nominibus appellant Gentiles.
 184. Barbarorum oratio exprobrato-
 ria in Christianos. 221
 Christianismus olim in Sina notus. 248
 Christianorum nemini bodie in Japo-
 nia agere licet. 253. & ne denuo intra-
 ducatur Christianismus. summa cura
 adhibetur. 255. vid. Persecutio.
 Christianorum neophytorum fervor.
 240
 Cinnami copia in monte insulae Ceylon.
 41
 Caeli filius Sinensium Imperator appel-
 latur. 43
 Collegia, Seminaria, ad propagandam
 fidem.

R E R U M.

- fidem habentur Romæ complura, ex institutione Gregor. XIII. 101. 212. Seminarium Indicum in Academia Leydensi. 213, 214. Columbus, Christophorus, Genuensis, repertor Indiæ occidentalis. 6. quartum eo navigavit. invidiam passus. lepido problemate æmulos suos excepit. 7*
- Combadaxi Bonzium pro numine colunt Japonii, de quo mira narrant. 55 Conciones habendæ simplices, sanctæ, veræ, accommodatæ; quæ & repetendæ. 236*
- Confutius, summus Philosophus Sinen- sum. 48. 245*
- Congregatio ad propagandam fidem, erecta Romæ à Gregor. XV. 208, 209. consultatio de simili instituenda apud Reformatos. 210, 211*
- Conversio Gentilium [sicut hominum in genere] opus Deo gratissimum. 199, 200. ad nos quoque spectat, & ad omnes Ecclesiæ ministros I. 193. est difficilis. 249. quæ nos ad eam provocare debeant. 200, 201. Conversionem Gentium Deus procurat per calamitates & persecutiones. 205, 206*
- Conversionis Media, ab Ecclesia, Academia, Politicis, curanda. 207. seqq. pro conversione Gentium orandum in Ecclesia. 207. Doctores mittendi. ibid. & quales. 219. seqq. Congregationes & Seminaria instituenda. 208 -- 214. 101. in Academiis studiose ad messem parandi. 211, 215. Linguarum cognitio comparanda; Hispanicæ, Lusita-*
- nica, Malaicæ, Sinicæ (45) Japonicæ, Varaquianæ, Quichæ, Aimaræ. 234, 235. linguæ discuntur partim hic, partim in Indiis. 235. Artes, ac conversatio officiosa multum valent ad alliciendos Gentiles. 242. Conversionem promovet vitæ sanctitas & exempla virtutum. 222, 223. Politica media, si adsint, non contemnenda; interim non nimis fervide ambienda, nec à præsidio humano suspendendum opus conversionis. 216, 217. Bello non adoriendi Gentiles. 225. seqq.*
- Conversionis Modus seu præcepta, à Doctoribus observanda. 230. seqq. Gentiles primo adducendi ad humanitatem, deinde ad fidem. 120. adeoque humaniter tractandi 242. 244. non inhumaniter. 216. vel crudeliter. 225. præjudicia ipsis eximenda. 230. seqq. vivendi laxa via non docenda. 232, 233. Disputationibus non obtundendæ teneræ aures. 233. Conciones habendæ simplices, sanctæ, veræ, accommodatæ; quæ & repetendæ. 236. Catechizationes instituendæ & urgendæ. 237 -- 240. Tria intendenda apud auditores à Doctoribus, ut norint, faciant, orent. 241. Cantiones sacræ exercendæ. 242. Charitatis officia exhibenda. 244, 245. Gentium morationes prius adoriendi. 245. Magistratum benevolentia captanda. 249. Difficultates constantia superandæ. ibid. Exempla præeuntium in usum convertenda. 250*
- Conversionem impedit Christianorum vita*

I N D E X

- vita apud Gentiles scandalosa, propudiosa, nefaria, per latrocinia, avaritiam &c.* 219. *seqq. præcipue mala exempla Doctorum.* 232
Conversioni maxime obsistunt Japoniorum Bonzii. 249. 254. & *Muraquaxi.* 56
Cor hominis, primum principium statuunt Muraquaxi Japoniorum. 56
Coreani, Sinenſium feudatarii, ipſorum ritus ſequuntur. 50
Cormandel. ibi miſerè venerantur demonas. 41
Creationem Univerſi alii Gentilium admiferunt, alii minus. 134. *Colligitur ea ex mundi partibus. 134. ordine diviniſſimo, qui in Univerſo elucet; 135. inductione. 136. Creationis etiam apud antiquos Gentiles dantur teſtimonia. 136. eam agnoſcunt Bramines hodierni. 37. Contra creationem obſectio, diluitur.* 139
Crudelitas & homicidia Gentilium. 171. 245. Hispanorum in America. 75, 76

D

Deū eſſe, quinam dubitarunt. 121.
Deū eſſe, conſtat ex univerſi contemplatione. 121. vi innatâ mentis ſeu conſcientiâ. 122, 123. rationum in contra nullitate. 124. communi Gentium conſenſu. 125. dari enim Gentes omni prorsus deitatis ſenſu vacuâs, gratis aſſeritur. ibid.
Deus non cognoscitur per ſpecies, ſed per attributâ. 123, 124. Conceptus de Deo. 124. Cognitio Dei apud Gentiles obſcura & conſuſa. 176
Deum Unum eſſe, probatur ex natura Dei perfectiſſima. 125, 126, 127. & ipſorum Gentilium conſenſu. 127
Dei perfectio aſtruitur. 128. ſpiritualitas, æternitas, omnipotentia, oſtenditur. 129. Deus quis. 130
Deum unum ſupremum, omnium creatorem & Rectorem, agnoſcunt Bramines hodierni. 36. Baneanum quidam 39, 40. Decamenſes & Malabares. 40. Tartari. 57. Peruviani. 72.
Deum colendum ab hominibus, modeſtiores Gentiliū omnes, naturâ dictâte, conſentiunt, ſed in modo errant. 155
Deum ſuum an & quomodo Chriſtiani oſtendere poſſint. 133
Dii Gentilium varii. aſtra. homines. bruta. fruges &c. 16, 27. homines, iique turpiſſimi. 131, 132. cœleſtes, terreſtres. 21. certi, incerti [ſemidei] Romanus. 24
Deorum Gentilium multitudo. Græci ultra 300 numerarunt. 25. Orpheus 362 numeravit. ibid. ex Heſiodo numerantur 30000. ibid. Japoniorum dicuntur eſſe 13000. 55
Deorum & idolorum Gentilium hodiernorum nomina varia. 33-41
Deos ſuos humanis hoſtiis placant Gentiles. 156. virilibus ſuis litant. 157. vid. Idola.
Diabolus temptationibus ſuis primariò intendit dubitationem de Deo ejuſque veritate, & ut ſe pro Deo ingerat. 14. ipſe idololatriæ autor. 15
Diaboli cultus [Demonolatria] Gentiliſmi

R E R U M.

gno Decam & Malabar, apud Calecutenses, in Cormandel, demonalatria teterrima, miserrima. 40, 41. ubi & demonum quos colunt nomina. Diaboli cultus per magiam & divinationem. 155

Dierum hebdomadae nomenclatura à planetis, à Sabæis est, non facile in melius commutanda. 18, 19

Diluvii apud Americanos notitia & indicia. 61

Disputationibus non obtundendæ teneræ aures. 233

Divinationum variae species. 163. in usu sunt apud Indos & Sinenses. 164. qui iisdem admodum dediti 31, 32. 49

Divinationis & magiae maxima cognatio. 162, 163

Divinandi artes apud Gentiles sæpe prohibita. ibid.

Doctores ad Indos mittendi, quales esse debeant. videl. pietate conspicui. 219.

ab avaritiâ immunes. 224. ab ambitione alieni & crudelitate. 225. eminentes charitate erga homines, & zelo

regni Christi. 229. An ad vitam, vel ad certum tempus mittendi. 219. Locum ipsos mutare proficuum. 236.

Quæ media, quem modum tenere debeant. vid. sub tit. Conversionis.

Druides Gallorum metempsychosin crediderunt. 148

E

Ebrietas Americanorum. 168. provocatur potius à Christianis, quam prohibetur. 169

Ecclesia semper in paucis hæsit. 11

Elephantes coluntur in insula Ceylon.

41. & regno Pegu. 42. bellum ob elephantem. ibid.

Elementa quinque statuunt Sinensium Physici, aquam, ignem, lignum, metallum, terram. 243

Elementum quintum, præter vulgo dicta, statuebant æthera Brachmanini. 31

Epicureorum secta apud Sinenses. 49

Episcopi curam habeant, ut populus Dei paganas ne faciat. 12, 13

Evangelii cursus in Oriente. 250. seqq. prædicationis progressus, in India. 250

Japoniâ. primæ Ecclesiæ ubi 252. Sinâ. 256. 259

Evangelium initio à vulgo & pauperibus accipitur. 253

Exprobratoria Barbarorum ad Christianos. 221

F

Fatum & Fortuna, temere introducta. quid sint. 138

Festum Diabolicum Calecutensium 40. Solis, apud Indos. 31

Floridani Solem venerantur. 70

Fæderis pangendi formula apud Indos. 5

Formosani plures credunt Deos. 50

Fortuna & Fatum, temere introducta, 138. quid sint. ibid. Fortune omnia adscribunt Guzuratensium secta. 40

Franciæ novæ incolæ, Diabolum pro Deo habent, sed non adorant. 69

Franciscus Xaverius, Indiarum Apostolus, quid eo nomine præstiterit, narratio

L1

I N D E X

ratio summaria. 203, 204. Ejus
profectiones Indicae, labores, industria.
250. seqq. studia charitatis. 245.
miracula. 203, 204. Obiit Xaverius
in itinere ad Sinas an. 1552. æt. 55.
256

Fratrum nomen Christianis proprium.
188

G

Galenus animæ immortalitatem
non agnoscit. 148

Ganges, Indiae fluvius, sacer [etiam Viri
nomen] 4. ad quem instituuntur pere-
grinationes. 5. Indorum Rex illi sa-
crificat. ibid. Ex paradiso oriri pu-
tant. idem nonnullis qui Pison. Ex-
ploratio ortus. ibidem.

Gentes dari omni prorsus Deitatis sensu
vacuas, gratis asseritur. 125

Gentiles non nisi ex natura convinci
possunt. 14. immerito accusantur,
quod Evangelium non recipiant. 222.
pudesciunt Christianos quoad vi-
tam. 223

Gentilium nomen antiquum, à profes-
sionis amplitudine. 11. notitia de Deo
& homine confusa & obscura. 176.
peccata circa cultum Dei. 155. seqq.
contra vite honestatem. 167. seqq.
solertia circa religionem Christianam,
an dictis facta congruant. 220. Gen-
tilium multi amantes literarum. 243

Gentilismus semper maximam Orbis
partem occupavit. 10, 11. Antiquo-
rum. 16. seqq. hodiernus. 28. seqq.

Gentilismi ratio in impietate & injusti-
tia, unde ejus descriptio. 14

Gentilitatis reliquæ in pagis diutius
hæserunt, unde paganorum vox. 12

Germani vox unde. 25, 26

Germani pauciores Deos coluerunt, præ-
cipue Mercurium, Herculem, Mar-
tem, Terram, Tuistonē, Isidem. 25, 26

Germania non est Ascenaz. 26

Gigantum memoria in America repe-
ritur. 61

Græci ab Egyptiis multa petivere in
religione & literis. 23. à Phœnicibus
acceperunt literas. ibid. à Brachman-
nis Indorum multa acceperunt. 30.
ultra 300 Deos numerarunt. 25

Guineensibus exigua religionis & bone-
statis cura. 29. eorum nuditas feri-
na. 167. mirantur nostros vestitos.

Guzurattensium secta, earumque Dii.
39, 40

Gymnosophistæ Indici. 30

H

Hercules Germanis cultus. 25

Hertha Germanis terra dicta. 25

Hesus Germanis Mars dictus. ibid.

Hispanorum processus in convertendis
Peruanis crudelitas, avaritia. 75, 76.

Tituli quibus Barbari venerunt in po-
testatem Hispanorum. 227, 228

Historia numinum & hominum apud
Gentiles confusa. 20, 21

Homicidia Gentilium. 171. homici-
diorum diversi fines. 173

Horologia, primum aditum fecerunt
Jesuitis in Japonia, & Sina. 244.

I

Iaponii, religionem, leges, literas, à
Sinensibus acceperunt. 51. unde Si-
nen-

R E R U M.

<p>nensium auctoritati plurimū tribuunt. 256. quorum & scriptio utuntur. 48. Gens tota in quinque ordines dividitur. 52. Regem ut numen venerantur. tres post Regem summæ dignitates. Zazō. Vo. Cubacami. ibid. duo præcipue numina colunt. 53. oderunt mendacium & furtum. ibid. iustitiam quæ ratione administrant. 54. lusuum inimici sunt. ibid. magiæ cultores. 162. Ipsorum αὐτοφωία religiosa 54, 55. numina 13000. 55. Regis idolum tutelare vapulat. ibid. mira & terribilia formant idola. ibid. adulteria morte plectunt. 171. temperantiam in magno pretio habent 224. pauperiores infanticidia in suis exercent. 245. Evangelium, primo præcone Xaverio, admiserunt. 252, 253. post Christianos omnes in regno crudeliter extinxerunt. 253, 254. [unde Martyres Japonii] ac ne denuò introducatur Christianismus, summam curam adhibent. 255</p> <p>Farcas, philosophorum Indorum præcipuus. 30</p> <p>Idola Gentilium vapulant. 48. 55. 155. mira & terribilia formant Japonii. 55</p> <p>Idololatria gentilitia ab astris cæpit. 19. inde ad subcælestia progressus fecit. 21. seqq.</p> <p>Idololatriæ origo à diabolica seductione. promotio varia. 15</p> <p>Idololatrix secta apud Sinenses. 48</p> <p>Jesuitarum, ex prima Ordinis sui institutione, studium proprium, Gentibus Christum prædicare. 201, 202. etiam non petito viatico. 218. Eorum ingressus & progressus, quem Evangelio fecerunt versus Orientem. 250. seqq. Collegia in Indiâ, prima. 250, 251</p> <p>Immortalitas beatitudinis & pænæ. 150. à plerisque Gentilibus agnoscitur. 151. à Decamensibus. 40</p> <p>Immortalitatis affectatio insana apud Sinenses. 146</p> <p>Impuritas Gentilium. 168</p> <p>Incestus liciti apud Indos & Persas. 168</p> <p>India Orientalis, & Occidentalis, sub idem fere tempus Europæis innotuerunt. quando & à quibus detectæ. 6. 59</p> <p>Indiæ Orientalis termini. 4</p> <p>Indiæ Occidentali unde id nomen. 4. alias America. 7</p> <p>Indiarum terræ, unde, quando, quomodo, homines suos & animalia acceperint? 60. seqq. diversis temporibus locis, modis. 67</p> <p>Indiæ Societates. vid. sub lit. S.</p> <p>Indi olim in septem ordines distincti. 29. hodie in quinque familias, quarum quatuor principales. 32. quinta fax vulgi. 33. Aquas venerantur, & Rex fluvio Gangi sacrificat. 5. metempsychosin credunt. 31. Solem adorant. divinationibus dediti sunt. ibid. animalia, præcipue vaccas, velut religiose fovent & curant. 38, 39. incestus apud ipsos liciti. 168. polygamia usitata. 169</p>	
--	--

INDEX

- Indorum nomine plures Gentes vulgo vocantur.* 4
Indorum Reges luxuriosi. majestatem tuentur. 29, 30
Indorum conversio per Franc. Xavierium. 250, 251. vid. Franciscus.
Indus fluvijs religiose habitus. ejus ostia quinque. 4. item viri nomen. ibid.
Infanticidia in Japonia apud pauperiores. 245
Israelitae multum superstitionis assumerunt ab Aegyptiis. 22
Israeliticae religionis ritus contrarii ritibus Sabaeorum & Chaldaeorum. 18
Justitia Sinenfium. 44. *justitiae executio apud Japonios.* 54
L.
L *Actantius in Scholis proponendus.* 85
Lappii, ignem, statuas lapideas, Solem, Lunam, venerantur. 59
Lauzu epicureorum parens apud Sinenfes. 49
Limites partium terrae controversi. 29
Linguae, pro conversione Gentilium addiscende, Hispanica, Lusitanica, Malaica, Sinica (45) Iapanica. Quicha, Varaquiana, Aimara. 234, 235
Lusum inimici sunt Japonii. 54
Luna. vid. Sol.
M.
M *Agia naturalis; artificialis; diabolica, directe, indirecte.* 160.
isthaec, ut superstitiosa, damnanda. 161. *alia divinatrices, operatrix alia.* 162
Magia facit ad Spirituum naturam comprobendam. 162
Magiae cultores Indorum Brachmanni. 31. 32. 162. *Sinenfes, Japonii.* 162. *Tartari.* 58
Magi, Gentilium sapientioribus exosi. 162. *illorum schola cum adventu Christi in carnem corrui.* ibid.
Magneticæ acus usus antiquus. 68. *Sinenfibus ante ac nobis cognitus.* 46
Malabares, demonolatricæ insignes. 40
Mannus Tuisconis filius. 25, 26
Mare nunc, ubi pridem Terra. 63
Mars Germanis cultus, & Hesus dictus. 25
Martyria Christianorum. 189. *in Japonia.* 254
Mathematicæ amantes Sinenfes. 243. *apud quos maxime profuerunt Iesuitis aditumque parârunt Mathematica instrumenta ac studia.* 244. 257, 258. *ut & in Japonia.* 252
Matrimonium laudabile habent Baneanes. 40
Medicinae studiosi sunt Sinenfes. 243. *ejusdam apud ipsos ratio & praxis.* ibid.
Memoriam localem P. Riccius in Sina docuit. 258
Mendacium oderunt Japonii. 53
Mercatus hominum [mancipiorum] improbandus. 216
Mercurius Aegyptiis cultus, ejus libri quadraginta duo. 21. *Mercurium omnino Germania coluit, sub nomine Wodan.* 25
Mercurii Trismegisti Pæmander, ex quo disputant contra Gentiles, & alia quæ

R E R U M.

qua exstant, perinde ut Sibyllina, supposititia sunt 119. valde aliena ab ejus, qui memorantur, genuinis libris.

120

Metempsychosin primi docuerunt Aegyptii: à quibus hausit Pythagoras.

149. eam credunt Indi. 31. [vid. ibi discursus] Bramines omnes. 38. Chi-

nensium secta idololatræ. 48. Tartari. 58. Gallorum Druides idem credere. 148. Nihil eâ ineptius. 149

Metempsychosis in vaccam felicissima habetur. 38

Mexicani plurimos Deos numerant. 70

Ministerium Ecclesiæ. duplex in illud admissionis ratio. 207

Miseria humana naturâ nota. 174. ejus remedium quomodo inquirendum. 175

Mundi creatio, negata. asserta. vid. sub Lit. C.

Mundum conflagrandum Gentilium nonnulli docuerunt. 154. 37.

Muraxaqui, secta Contemplantium apud Japonios, reluctantur conversioni. 56

N.

N Arsingani serpentes colunt. 41
Nedfratres, Nedfri, ignes. ratio neminis & rei. 12, 13

Niger color præ aliis aestimatur Indis. etiam in hominibus. & Deum nigrum putant. 5, 6

Nosocomium seu Hospitale bestiarum, Cambajæ. 39

Nuditas Gentilium ferina, præcipue in Guinea. mirantur nostros vestitos. 167

O.

O Pes ab Indis male partæ non beant suos possessores. 224

Ophir quæ terræ regio. 67, 69

Oracula Gentilium Christi adventu silere jussæ. 188

Orandum in Ecclesia pro Gentilibus. 207

Orbis partium divulsio non semper talis fuit, ut nunc. 63, 64

Orosii manuscriptum in Bibliotheca Ultrajectina. 92

Orpheus 362 Deos numeravit; quos tamen in testamento rejecit. 25

Orium apud Sinenses summe exosum. 46

P

P Admanaba Brachmannus, Abr. Rogerio suorū res communicat. 32

Pagani dicti, qui olim Gentiles, quorū gentilitas in pagis diutius remansit. nomen coarctationis. aliæ vocis origines repudiandæ. 11. In pagis hodieque superstitiones durant. 12, 13

Pagana mulier. semipaganus. paganas facere. 12

Paganorum rituum monumenta. 13

Panjangam Calendarium Braminum. 36

Papa Alexander VI. Castella & Lusitanie Regibus Terrarum loca hereditario titulo distinctim assignat donatque, reliquis omnibus accessu interdicto. 7, 8

Papam non esse Dominum civilem orbis terrarum. 8, 9

Paradisum fuisse in insula Ceylon incolæ. 11 3

INDEX.

le credunt. 41
 Parentum reverentia apud Sinenses maxima. 248
 Paulus Gentium Apostolus & Doctor. 2, 3
 Pauperum cura apud Sinenses. 46. hanc propriam sibi & gloriosam duxerunt Yncæ Peruanorum. 74
 Peru regnum. ibi colunt elephantes. 42. bellum ob elephantiem à Rege Peguano adversus Siamensem. ibid. (168)
 Perfarum lege incesta matrimonia probata.
 Persecutio Christianorum in Japonia crudelissima. 253, 254. ejus causa incerta. 254. conjectura. 254, 255
 Peru regni non verum id nomen. 76
 Peruvianum colunt Pachacamac creatorem omnium, tum Solem cum Luna. 72. 74. 75. Solem intueri nefas ducunt. 73
 Peruvianorum Rex primus Solis filius. 72. ejus instituta egregia. 74. peregrinorum adventus prædictus ab altero. ibid. Peruanorum Reges Yncæ dicebantur. 72. seqq. Solem summum Deum esse Rex Peruanus aubitat, ratione obviâ. 73. Rex Peruanorum ab Hispanis strangulatus & usulatus. ad quos sic transit imperium. 75
 Peruanorum rerum seculum triplex. 72, 73
 Philosophi apud Indos Regibus proximi. 29, 30. dicuntur Brachmanni. 30. & Bramines. 32. de quibus vide f. l.
 Philosophica secta apud Sinenses præcipua. 47.
 Philosophiæ ipsorum summa. ibid.
 Phœnices literas habent à Judeis. 23
 Plato sapientiæ causa ad Indos profectus. 30
 Politia Sinensium optima. 46
 Polygamia apud Indos usitata. 169. 36
 Pontificiorum studium pro convertendis Gentilibus. 201. seqq.
 Præceptores in magna veneratione apud Sinenses. 247
 Prædicatorum Evangelii primorum præmia. 2
 Principia rerum duo à nonnullis constituta. 141. 76
 Prognostica apud Indos. 29
 Prophetia apud Japonenses. 248, 249
 Providentia Dei in mundum adstruitur, ex operis bonitate; duratione; ordine; hominum oratione. 137. Objectiones contra eandem refelluntur. 139, 140

Providentiam ex Gentilibus qui hodie agnoscant. 40. 141
 Pythagoras sapientiæ causa ad Indos profectus. 30. ab Ægyptiis metempsychosin hausit. 149. ab ipso Indi. R 30
Religio Gentilium catachrestice ita dicitur. 3
 Religiones Gentilium. Ægyptiorum. 20. Africanorum. 29. Americanorum. 69. seqq. Baneanum. 39, 40. Brachmannum. 30. seqq. Brasiliensium. 71. Calecutensium. 40, 41. Cambajensium. 39, 40. Ceylonensium. 41. Chaldaeorum. 16, 17. Coreanorum. 50, 51. Cormandelorum. 41. Decamensium. 40. Floridanorum. 70. Formosanorum. 50. Francia nova. 69. Germanorum. 25, 26. Græcorum. 23. Guineensium. 29. Guzuratiensium. 39, 40. Japoniorum. 51. seqq. Indorum. 29. seqq. Lappiorum. 59. Malabarum. 40. Mexicanorum. 70. Nasringanorum. 41. Peguanorum. 42. Peruanorum. 72. Romanorum. 23, 24. Sabæorum. 18. Siamensium. 42. seqq. Tapuyorum. 76. Tartarorum. 57, 58. Virginienfium. 70
 Respublica quid conferre debeat ad negotium conversionis Gentilium. 215
 Resurrectionis fidem rident Gentiles. 152. illi non ex sola naturæ luce commonstrari potest. interim rationi optime congruit. 153
 Rex. In Regis exemplo formando in primis occurrunt Sinensium philosophia. 247. vid. de Sinensium, Japoniorum, Peruanorum, Regibus.
 Rixæ inter Christianos corrigenda per studium convertendi Gentiles. 3
 Rogerius, Abraham, res Braminum conscripsit ex ore Padmanabæ Brachmanni. 32
 Romani Deorum cloaca. 23. quomodo Deos distribuerunt. S. 24
Sabæorum idololatria latissime diffusa. stellis omnem virtutem divinam adscriperunt. 18
 Scortatio apud Japonios licita. 169
 Scripta apocrypha, falsi nominis, in Ecclesiâ plurima, jam olim proscripta. 180, 198
 Scriptores contra Gentiles. Antiqui seu Patres. Græci Iustinus, Martyr. an. 163. pag. 77. Athenagoras, ei coævus. 79. Theophilus, an. 172. 79. Tatianus. 79. Clemens Alexandrinus, circa an. 192. 80. Latini. Tertullianus, circa

R E R U M.

circa an. 199. 80. *Minutius Felix*. 80. *Origenes*, Martyr an. 202. 82. *Cyprianus*, Martyr an. 268. 82. *Arnobius*, an. 302. 84. *Firmianus Lactantius*, an. 302. 84. *Eusebius*, an. 330. 86. *Athanasius*. 340. 87. *Fulius Firmicus*, an. 350. 88. *Gregorius Nazianzenus*, ob. an. 389. 89. *Aurel. Prudentius*, an. 390. 89. *Joannes Chrysostomus*, ob. an. 407. 90. *Augustinus*, ob. an. 430. 91. *Orosius Histor.* 409. 92. Recentiores & moderni. *Thomas Aquinas*, ob. an. 1274. 94. *Raimundus Sebon*, circa an. 1430. 94. *Hieronymus Sarnorela*. 95. *Petrus de la Carveria*, an. 1450. 95. *Marsilius Ficinus* ob. 1499. 95. *Ludovicus Vries*. 96. *Ludovicus Granatensis*, an. 1582. 96. *Philippus Mornæus*. 97. *Petrus Charron*. 98. *Hugo Grotius*. 99. *Iob. Micælius*, an. 1651. 99. Consilium qui exposuerunt cum Gentilibus agendi. *Iob. Fredericus Lumanus* an. 1567. 100. *Iosephus Acofta*. 100. *Antonius Possevinus*. 100. *Thomas à Jesu*. ibid. *Philippus Rovenius*. 101. *Iustus Heurnius*. 101. *Iob. Yates*. 102. *Iohannes le Maire*. 102

Scriptura Sacra veritas & divinitas demonstratur, in genere. in specie ex Scripturam integritate. 178. antiquitate. materia. efficacia. farietate. 179. Martyrum constantia. consensu librorum. 180. obiectio de styli simplicitate diluitur. 180, 181.

Seftarum in religione quarumcunque, quinque capita Epiphania. 16

Seminaria. vid. Collegia.

Serpentes in singulari honore habent Narsingani. 41

Sibylla antiqua. eorum historiam habet *Lactantius*. 104. Des *Sibylles*, *David Blondellus* accurate & plene. 103. *Sibyllarum antiqua oracula* cum nostris non conveniunt. 113. segg. Libri antiqui *Sibyllarum* jam olim perierunt. 115. non potuerunt facile in Christianorum manus devenire. 116

Sibylla Christiana facit se *Noachi nuntium*. 107

Sibyllini libri allegantur à Patribus & Recentioribus pro veritate religionis Christiana. 102. Libri *Sibyllini* quos hodie habemus octo, neque Sibyllini sunt, neque illi veterum *Sibyllarum*. 105 -- 110. totum scriptum suppositum. 103. inter Christianos natum. 106. jam olim notata fraus, ab Ethnicis. ab *Augustino*.

106. & fraudem *Sibyllinam* subolsit *Iosephus Scaliger*. 102. cui accedit *Casaubonus*. 103. *Sibyllina nostra*, post consignatum *Evangelium scripta* 116. eorum autor ex *Gnosticis* 117. forte *Hermas*. 118. vel *Papias* 119. *Sibyllistas*, Gentiles appellant Christianos. 106. 118

Simii albi colantur in Insula Ceylon. 41. *Simii dens sacer ibi à Christianis crematus* 41, 42

Simulacra olim Christiani ne quidem habuerunt. 159, 160. *Simulacrorum cultus*, Gentilium superstitio universalis. 158. impugnatur à Patribus. 158, 159.

Sina vox rectius quam China. 43

Sinarum Regni amplitudo. terra felicissima. 43, 44. A *Tartaris* totum imperium vastatum. 47. In *Sina* olim *Christianismus* notus. 248. denuo per *Iesuitas* plantatus. 250. 259.

Sinarum Tabula Geographica à P. Riccio ibi constructa. 257

Sinenses Deum unum supremum agnoscunt. 47. 50. sunt demonolatra. 50. idolis alias supplicant, alias ea dixerant. 48. *Magiæ*, divinationibus, auguriis, sortilegiis, dediti sunt. 49. 162. segg. *Politia Sinenfium optima*. 46. *Leges fundamentales regni*. 44. *Magistratus inferiores plurimi*. 44. *pauperum cura laudabilis*. 46. *Triplex apud illos secta*, Philosophica. 47. *Idololatrica*. 48. *Epicaurea*. 49. præter has principales alie innumera. ibid. *Philosophia ipsorum summa*. 47. *Virtutem omnibus rebus præferunt*. 47. 243. *Egregia habent virtutum præcepta, & exempla*. 48. 245-248. ipsorum *doctrina & iustitia*. 44. 46. adulteria apud ipsos morte placentur. 171. præceptores in magna sunt veneratione. 247. major Parentum reverentia. 248. otium summe exosum. 46. *Capiuntur humanitatis officiis*. 244. *Studiis sunt addictissimi*, unde in singulis civitatibus *Academia*. 44. *Nobilitas omnis à literis*. ibid. *scriptionis ratio*. 45. *Mathematica sunt studiosi & Medicina*. hujus ratio & praxis. 243. *Astrologorum copia in Sina*, & quid præscribant. 49. curiosi sunt *Sinenses* in percontando. 244. *Typographia, nautica, magnetis, pulveris nitrosi usum ante nos habuerunt*. 46. *Sunt admodum studiosi vitæ proroganda, si ve adipiscenda cura mortem immortalitatis, ut & conflandi argenti, geminâ infamia*. 145, 146

I N D E X

146. *domus* apud ipsos frequens. 173
Sinensium Rex seu Imperator, cæli filius cre-
ditur. absoluta est potestatis. & divissimus 43.
44. solis Eunuchus se videndum dat. 224.
258. Rex novus agrum arat. 46. in Regis
exemplo formando imprimis occupatur *Sinen-*
sium Philosophia. 247. ab insania acquirenda
immortalitatis qua ratione Regum quidam
liberatus. 146
Societates Indica apud Batavos, Orientalis,
erecta an. 1602. ejus primum Capitale redi-
tus annui nunc superant. Occidentalis an.
1621. 10
Sodomie scelus ab Impp. Christianis capitali
pœna sublatum 170. à Iob. Casa Romanensi
carmine laudatum. ibid.
Sol & Luna pro Diis habiti Chaldeis ac Sa-
beis. 19. Aegyptiis. 20. Tartaris. 57. Pe-
ruvianis. 72. Solem intueri nefas apud Pe-
ruanos. 73. Sol an summus Deus, dubitat
Rex Peruanus. 73. Solem sacrum habent
Indi ac Brachmanni. 31. Floridant. 70.
Solis festum. 31
Solis nomina. Bel, Beli. Moloch. Chaldeis 19.
Osiris (Isis, Luna) Aegyptiis. 20. Tham-
muz Sabiis ibid. Adonis. ibid. (72)
Solis filius, Rex Peruanorum primus creditus.
Sortilegiis dediti Sineses. 49
Sortitio Apostolorum pro convertendo orbe non
admittitur. 196
Spiritalia uti pretio non constant, sic graus
tribuenda, eoque magis pro corporalibus re-
metienda. 2 (150)
Spiritalis essentia non expletur corporalibus.
Spiritus bonos & malos agnoscunt Bramines
hodierni. 37. ad Spirituum naturam com-
probendam magia conducit. 162
Symbolum Apostolicum quod dicitur; non com-
positum ab Apostolis ante quam discederent
Hierosolymis. T. 196
T Apuyi, gens fera, numen bonum & ma-
lum statuunt. 76
Tartari capillos non alunt. 51. Deum tu-
num agnoscunt supremum: & alium hoc in-
feriorem. alicubi Solem & Lunam invocant.
57. Magos & Astrologos multos habent. 58.
credunt metempsychosin. 58. Tartarorum
nomen Magnus Chan illustravit. ibid. Reli-
gionem Christianam facile admittunt. lingua
F I N I S.
- iporum non difficilis ibid. Sinas celeritate
obruerunt ac vastarunt. 47
Temperantia apud Japonenses in pretio 224.
Sinensium temperantia seu austeritas. 14, 46
Templa & aras non habuerunt olim Christiani.
Templa Calcutensium. 41 (160)
Terra Germanis Heitha, pro Dea culta. 25.
Terrarum loca à Papa Alexandro VI. Castel-
le & Lusitania Regibus hereditario nomine
distinctim assignata & donata, reliquis omni-
bus accessu interdicto. 7, 8
Tharxis urbs in regione Ophir. 69
Theologia summaria expositio. 176, 177
Trinitatis SS. mysterium ex ratione probari ne-
quit, etsi rationi non repugnat. 98
Tuiskon, Tuison, heros Germanorum pro Deo
cultus. 25, 26
Tuyschen vox unde. 25
Typographia usum Sineses ante nos habue-
runt. V. 46
Vacca apud Indos (Brachmannos) in sin-
gulari honore. 33. vacca & tauro nu-
ptias celebrant sumptuose. 38, 39. vac-
cam occidere summum nefas. 39. eidem se-
pulturam adornant. ibid. metempsychosis in
vaccam felicissima putatur. 38
Vedam, sacer legum liber Brachmannum 5, 32.
35. ejus quatuor partes. quid singula conti-
neant. 36
Virginienfes multos Deos faciunt. 70
Virtutem omnibus rebus præferunt Sineses.
47. 243. egregia habent virtutum præcepta
& exempla. 48. 245-248
Vita prolonganda studium insanum apud Si-
nenses. 145, 146
Vivendi laxa via non docenda. 232, 233
Vocatio Gentium durabit ad finem seculi. 199.
de vocatione Gentium prædictiones. 193
W.
W Odan dictus Mercurius Germanis. un-
de Wodensdag, Woensdag. 25
X.
X Averius. vid. Franciscus.
Y.
Y Nca Peruanorum Reges dicebantur. 72.
leqq.
Z
Z Eylan. vid. Ceylon.

AUCTOR LECTORIS.

SI quis ex me forte quærat, quid rei nos impulerit, ut, quum tot sint domi controversiæ, in quibus exerceri Studiosa Juventus, pro more Academicarum, disputando solet, tot nomina diversarum hæresium, ne schismata dicam, & nova quotidie ex aliis exorientia litigia, quasi veterum non esset plus satis; ad Infideles excurramus, & non cum Judæis, pro quorum convictione & conversione nuper egimus; non cum Muhammedanis res nobis sit, quorum deliria alio in scripto exposuimus, exponere enim illa refutare est; sed ad Gentiles & Indos pergamus, inquisitum primò non sine labore, quid sententiæ sint in religionis negotio, si quod ipsis attribuendum videtur; tum quomodo cum eis disputare conveniat; denique & quo modo ad ipsorum conversionem procedendum sit, quem omnis disputationis decet esse finem & scopum: huic respondemus, illam ipsam incepti nobis causam extitisse, quod novum & inusitatum captavimus disputationibus argumentum, quia controversiarum & contentionum domus tantus est numerus, lites & amaræ prælia linguæ, ut justum facile creent animo fastidium, dum eodem tramite identidem recurrunt, exiguo sæpe cum fructu, saltem non tanto, qui operæ pretium exæquet.

Arctam salutis vix viam discernere est

Inter reflexas semitas.

Tam multa surgunt perfidorum capita

Tortis polita erroribus.

Ut egregie loquitur Prudentius. Tum ita videri multis observabam, quasi nil ultra agendum sit Theologo, quam disputare posse cum Pontificiis, cum Sociinianis, Anabaptistis, Remonstrantibus, atque id genus hominibus, securis de longe pluribus præter illos, & de muneris sui erga istos partibus, quod est docere, convertere, & salvare, quantum in nobis est, omnes πάντα ταῖς ἐν. Neque enim existimo ista sic dicta Apostolis, ut non ad omnes pertineant Apostolorum, in communi opere ministerii, pro conditione N. T. successores. Quare ut Studiosi in tempore docerentur de illis etiam cogitare, & dum Deus varias gentes patefacit nobis, atque ad eas parat aditum, Majoribus nostris incognitas & inaccessible, sciamus officii nostri quoque esse de propagandâ ad illos fide, & curandâ eorum salute ire in consilia, ideo hæc schediasmata apparavimus, & Disputationum loco dedimus Juvenibus Studiofis sustinenda publico examine. Quorum ut nomina & diligentia aliis commendentur, ideo hic exhibere æquum duxi.

PETRUS WITTEWRONGEL.

CORNELIUS TESSING.

PETRUS CASIER.

M m

JOHAN-

JOHANNES OBRY.
 JOHANNES TRESENIER.
 JOHANNES du CARTEL.
 JACOBUS FABRICIUS.
 GERBRANDUS van LEEUWEN.
 JACOBUS RHYNSDYCK.
 SAMUEL à DOORES LAER.
 RUDOLPHUS VOLTELEN.
 LAURENTIUS à GAESBEECK.
 PETRUS van CRIMPEN.
 NOACH van FRANCKEN.
 JACOBUS VASSEUR.
 THOMAS BURCHARDUS VOLTELEN.
 ABRAHAMUS BRÆDIUS.
 LAURENTIUS HEMLINGH.
 ALBERTUS à RODENBURGH.
 BARTHOLOMÆUS HEYNEN.
 CONRADUS RUYSCH.
 CORNELIUS van BASHUYSEN.

Matthias Nethenus lectori benevolo S. P. D.

Prefens, de Conversione Indorum & Gentilium opus, Clarissimus Vir, nosterque in Christo frater dilectus, *D. Iohannes Hoornbeeck* p. m. per modum disputationum, in Academia Lugduno-Batava, publicè examinandum proposuit, & anno 1662: inchoatum, mense Januario, uti tunc quidem conceperat, absolvit, & triginta disputationibus, in typographia Academiae, impressis præcedentem præfixit ad Lectorem allocationem. Verum cum ab eo tempore incidisset in historiam navigationis Anglorum Reformatorum in Americam, & legisset, quo modo & successu illi, in cæcis & miseris illis hominibus, ex potestate Satanae & regno tenebrarum eripiendis, & ad communionem Dei in Christo traducendis, laborassent; eodem anno 1664. trigessimam primam conscripsit disputationem, reliquis adjungendam, eamque more præcedentium, die 28. Junii in Academia, ventilandam proposuit, Respondente *Iohanne Arckelio*; cujus proinde nomen, in præcedente Respondentium indiculo, non comparet. Ille verò sicut Dominos Ordines Indiæ Orientalis Societatis Curatores, in Zeelandia, studiorum suorum fautores, & promotores habuerat, quibus & disputationem illam, honoris & gratitudinis ergò inscripserat; & Præceptore *D. Hoornbeeckio* didicerat, quomodo Indorum conversio suscipienda esset ac provehenda; ita postea, in Indiam Orientalem profectus, se operi ipsi accinxit; cujus ut & aliorum isthuc Symmystarum, eidem operi incumbentium, labori Deus gratiose benedicat. Cæterum Autor, ante obitum suum, opus hoc ad novam editionem præparans in duos libros dispescuerat, & primum quoque librum in sua capita, præfixis argumentis, distribuerat. Verum à Deo ex hac vita ad meliorem translatus in secundo libro idem præstare non potuit. Quod ergò abrupto, per mortem ipsius, operi deerat, ego rogatus, publico Ecclesiæ Dei bono, supplevi. Deerat verò in exemplari mihi tunc exhibito & Præfatio hæc & trigesima prima disputatio; neque ego hanc deesse suspicari poteram, eò quod trigesima etiam ultima in titulo dicebatur. Cum ergò superiore mense Martio incidissem in exemplar harum disputationum, ubi præmissam videbam hanc præcedentem Autoris Præfationem, & in fine additam disputationem trigessimam primam; id Typographo, amico nostro, per literas significavi. Qui etsi Operis & Indicis impressionem jam absolvisset, noluit te tamen hoc Præfationis, & notabili disputationis trigessimæ primæ auctario fraudare. Quod serius acceptum & à me relictum Caput. xv. & ultimum libri secundi constituit. Ut ere his tuo commodo & vale in Domino Scribebam Ultrajecti anno 1669. 5. Idus Aprilis.

CAPUT

CAPUT XV. & Ultimum.

Quo ad imitationem proponitur exemplum felicitis conversionis Indorum & Gentilium in America per Reformatos & pios Anglos.

ID operæ dedimus antehac ut ex scriptis & narrationibus Papistarum, imprimis Jesuitarum, quando suas in Indos commemorant expeditiones, indagaremus, & cum judicio seligeremus rationem agendi, quam servarunt cum miseris Indis orbis utriusque, & Sinensibus, & Japoniis, quâ Christum ejusque religionem iis quadantenus significare & inculcare studuerunt. Sed uti in agro variis herbis, partim salubribus, partim venenatis referto, suspensio pede incedendum fuit, & sollicitè admodum noxia à bonis discernenda. Jam quid à Nostreis discere liceat, Euangelium non tantum purè quod ad doctrinam, sed & sanctè tradentibus, modo & fine Evangelicis, atque idcirco eximiam Dei in labores suos benedictionem expertis, videbimus: nimirum Anglis, qui ab a. MDIO C XLIII. patriâ exules, partes Americanas adiverunt, suis quidem primò, sed & Gentilibus Euangelium ministraturi: quod & tam feliciter ab iis factum, ut non modò multi Indorum conversi ad Christum, & veram in eo religionem, sed & varii in Indorum linguam conversi libri sint pii ac utiles, Catechismus, & orationes, atque jam Biblia istâ procudantur linguâ.

Angli isti ex primis fuerunt Thomas Mahu, Johannes Eliot, Thomas Shepard, & alii: quorum certe exilium gentibus illis fuit, quod de Pauli cæcitate dictum Veteribus, eam fuisse totius orbis illuminationem; sic isti per illos à spirituali exilio, quo hæcenus fuerant sine Christo, alieni à testamenti promissionis, destituti spe, & athei in mundo, reducti fuerunt ad civitatem & contubernium Dei in Christo. Exulabant verò Angli à persecutionibus Episcoporum: quemadmodum olim Apostolorum tempore persecutio mota adversus Ecclesiam Jerosolymitanam, fideles dispersit per regiones Judeæ & Samariæ, Act. VIII. 1. 4. 5. *isti verò dispersi perrexerunt, evangelizantes sermonem, Philippus autem pergens in urbem Samariam, prædicavit illis Christum.* & tandem expulsi à Judæis Apostoli omnibus locis, conversi ad Gentiles fuerunt, iis prædicaturi Euangelium, quo se indignos præstiterant illi. Act. XIII. 45. 46. 51. Tali occasione Deus & olim, & hodie utitur, ad expellendos in messem suam ministros.

An similem & apud nos aliquando adhibiturus sit, novit in cujus manu Ecclesiarum altra sunt, quæ collocat & movet loco, quo sibi placitum.

Primus Indorum in Novâ Angliâ, qui ad fidem transivit ex Gentilismo fuit quidam Hiacomus, qui longe aliâ de causâ primum Anglos accedebat, quam conversionis & fidei, nimirum curandæ valetudinis. Atque uti Christus in diebus carnis suæ inter homines agens, eos, qui corporis curandi causâ ad ipsum veniebant, etiam spiritali ope juvabat & salvabat; sic corporis curam in multis convertit ad sublimiorem animæ, occasione istâ impetrandam quoque. Sed Hiacomus ille, quæ perpetua conversorum fors est in mundo, indigna à suis passus est ideo, quod Christi fidem amplexus, Deos patrios, atque cognationem omnem Christo posthabuisset.

In Orientali Indiâ, in regno Pegu, quando aliquis deserto Gentilismo Christi fidem est professus, uxor tamquam mortuo Funus ei adornat & sepulcrum, fasque ipsi novum quærere maritum. Atque in Calecutensi regno, qui vel attingit alterum, doctrinæ & religionis à suâ diversæ, contaminari credunt & reddi impurum.

Sed ad Americanos in Novangliâ, ad fidem adductos. Quam primum aliquod Anglis cum Gentibus intercessit commercium, & quâ vel autoritate pollebant, vel vivendi consuetudine, itum in varias leges fuit, quibus & Gentilium inordinati mores circumscriberentur, & sensim ad modestiam ac pietatem formarentur ipsorum animi. Quare ab a. c1o Io cXLVI. poenæ politicæ constitutæ in reos ebrietatis, magiæ, mendacii, furti, polygamix, & quotquot vel contentionibus, vel fornicatione, adulterio, homicidio, similibusque vitiis se polluerent. Jubeantur etiam observare preces, & Dominicum diem Dei cultui sacrum; ut sic & à pristinâ vivendi intemperantiâ, & ad religionis aliquem sensum commodè adducerentur. Nam legibus, & exemplo sensim provocabant illos ad modestiam Christiani. Unde factum, ut Parlamentum Anglicanum a. c1o Io cXLVII. d. xvii. Martii, felices istos Evangelii in Novangliâ considerans progressus, decreverit manus operi pie & alacriter admovere, & inquirere in cujusvis generis media, per quæ & doctrina, & pietas apud Barbaros magis magisque promoveretur.

Jucundum verò & utile erit accipere singularem agendi rationem, quam in alliciendis & persuadendis miseris hominibus observarunt. Primum testabantur palam, idque opere comprobabant, se neutiquam res & bona, opesque eorum quærere, nec vexare eos velle aut opprimere, quod ipsorum Sachim seu Principes faciebant. Norant etiam ut hac ratione Hispani exosum reddiderant Indis Christum, ejusque Evangelium. Verum unice

se cupere ipforum bonum, & comoda quævis, & æternam denique in cœlis salutem ac vitam, dare, nil auferre se paratos esse, contendebant.

Magnâ diligentia incumbabant addiscendæ Barbarorum linguæ, quâ familiariter cum ipsis agere possent & loqui, neque per interpretem vel pauca loqui, vel potissima omittere, cogerentur. Linguæ usu excellebat Johannes Eliot, qui vulgari frequentissimè ad illos fuit concionatus. Etenim assiduitate docendi publice & privatim, in vicis & domibus, monendi & instruendi, catechesibus indefessis, precationibus Ecclesiasticis, & domesticis, quas ipsi religiose observabant, & alios idem facere docebant, rem Christi admirandum in modum promoverunt. Et certe vel illis mediis regnum Christi adducitur, vel nullis. Et quibuscunque curæ est, quod profitentur se velle, nisi in istis sedulò laborent, satisfaciunt neque sibi unquam, neque aliis.

Hunc etiam inter alia servabant morem, ut finitâ concione liberum esset infidelibus, quæcunque interrogare. Quod propterea ab illis fiebat, ut hinc cognoscerent, non tantum qua parte minus essent eruditi illi; sed quoque ut, occasione quæstionis ab ipsis motæ, præberetur semper argumentum alia & alia enucleatius tractandi & exponendi; tum quoque, ut hoc modo familiaritas cresceret spiritualis de sacris quibusque materiis quocunque tempore & loco agendi. Neque concionem solvebant, nisi aliquid in medium fuisset prolatum, vel ex sermone præmissio, vel undecunque sumtum, quod omnes exerceret.

Mirum verò audire, quas nonnunquam quæstiones moverint. Prima fuit proposita à muliere Indicâ, quæ rogabat, an siquidem, orante suo marito, ipsa nil proferret ore, sed animo tacitè sequeretur orantem, valeret oratio? putabat enim, nisi verba proferret, orationem non constare. Altera quoque à muliere fuit proposita quæstio: num bene oraret maritus, qui interim dum orabat, non tamen deponeret iram suam in uxorem? Præcipuæ passim quæstiones institutæ circa usum & vim orandi. Qui eximius fuit fructus precationum, ad quas identidem monebantur, & simul argumentum, se non oscitanter, sed cum studio orare.

Ab sene aliquo quæstio proponebatur de suo filio, petebatque consilium, quid facturus esset cum immorigero & contumace, qui neque verbum Dei vellet audire, à patre monitus; neque ebrietatem omittere, sæpe etiam increpitus? Alio tempore quæsitum: cujas esset Christus? Quam longe abinde distaret ejus natale solum? ubi nunc degeret? & quomodo ejus absentis possent reddi compotes? Iterum de precibus, quænam essent rectæ & bonæ? an fœminæ, absente marito, liceret in sylvâ loco aliquo so-

itario preces dicere? si quis ferreo loculo inclusus conjiceretur in ignem; anima an exire posset, & quomodo? Alius interrogavit: quid hoc esset, quod quum antea statu fuisset valde tranquillo, & à nemine infestaretur, antequam Deum nosset, jam vero postquam conversus inquietiori esset animo, & peccatis gravaretur plus quam unquam antea? Iterum, quid responderi deberet cavillantibus, nil se lucratos suâ ad Christum conversione, quodq; tam diligenter Deum invocarent, quandoquidem æque nudi incederent nunc ac antea, & non minus essent pauperes, imo aliorum seges tam læta esset ac sua, & majoribus passim voluptatibus obruerentur, quam ipsi? Vidua quærebat: si Deus illos qui ipsum norunt, diligit; unde ergo est, quod ab eo tempore adhuc affliguntur? In aliâ epistola lego hæc ab Indis quæ sita fuisse: quando anima primò intrat cælum, quid tum dicit? & ubi anima improbi in infernum, quid hîc? Eva, quandoquidem prior peccavit, an etiam prior obiit? Quomodo Christus homines redemit à peccato? Quâ ratione debemus diligere inimicos? Probus vir an etiam peccat? Quando quis solo animo orat, an Deus hoc quidem novit, & audit? Quamdiu Adamus stetit rectus, ante lapsum? Numquis Deum videre potest, & cum an visuri sumus in cælo? Ubi duæ familiæ habitant in eadem domo, altera orat, altera non, quid orans illa faciet cum alterâ non orante? Quum Deus promiserit Abrahamo, se ei multiplicaturum liberos, instar arenæ maris: unde est quod tam paucos dedit? Quid faciendum, ut à morte adscendamus in cælum? Quamobrem Deus bonos homines facit ægrotare? An vir pius Deum orans quidem inire conjugium potest cum aliâ nolente orare? Audio Dei verbum in juventute, neque tamen credo nisi ubi perveni ad senectutem: quid de hoc dicturus est Deus? Quid etiam de eo, quod ubi resipui de malis cordis mei cogitationibus, attamen facile iisdem repleor adhuc aliquoties? Quid sibi vult, quod Deus non habebit impunitum, qui nomen suum usurpaverit in vanum? Quid dicet Deus, si quis filiam cogat nubere ei, quem non amat? Quid de Ministro longè comato? Qui fit, quod orans animus, tamen admodum durus sæpe est atque insensatus? Quid significat, beatos esse lugentes? An in cælo omnes habitant unà; an verò diversis domiciliis? An qui sunt in cælo, inde prospiciunt in terram? An se mutuò cognoscunt? & sic quoque illi, qui sunt in inferno? Hæc, & alia ab Indis fuere proposita & quæ sita: nam nonnulla tantum ex magno numero seligimus maximè memoranda. Certe ejusmodi quæstiones qui formare incipiunt, haud longe absunt à regno cælorum.


Illi modi proprii & veri sunt ad convertendos ad fidem homines, alii longe, quam quos Papistæ adhibere solent, ad pervertendos potius, & destruen-


struendos, quam salvandos. Verbo pugnare, & precibus, arma sunt, quibus rem suam agi Christus vult. & concionando, admonendo, orando, repetendo domi auditas in Ecclesiâ conciones, exercitiis pietatis domesticis quibuscunque, res Christi illos progressus fecerunt apud Barbaros, ut jam de gente illâ multos spectare liceat Christo lucrifactos additosque. Rogabat aliquando Indus Myoxeo Hiacomum, de quo supra diximus, quot Deos colerent Angli? qui quum unum respondisset, absurdum alter putabat, ut Deos, quos ad minimum colebat triginta & septem, commutaret cum unico. Quali acceptâ responsione, semper campus aperiebatur expansiandi in doctrinam sacram de Deo & religione uberius exponendam. Imprimis captabant occasiones ad serios & sacros sermones præ cæteris aptas: uti ad mortem & sepulturam aliorum, differendi de vitæ emendatione, rerum omnium fragilitate, melioris vitæ spe & studio, aliisque quæ hoc tempore opportune dici & audiri solent. Habet enim singularem in animis auditorum energiam dicendi tempus commodum & molle, præsertim apud vitæ efferatioris homines, quales Indi, & Americani.


Non absque stupore & gaudio legat quis, quod in epistolâ a. cIo Io cI. d. v i i. Septemb. scribit Thomas Matthæus, sibi dictum ab Indo, assiduo concionum, & exercitiorum sacrorum sectatore: si vel universus sibi offerretur mundus, cum opibus, & deliciis, quas continet, omnibus, sed absque Deo: vel Deus, absque mundo, se haud cunctanter amplexurum Deum, & omnia mundi repudiaturum, solo Deo contentum satis & opulentum. Addidit alius: quod si summus terræ Princeps sibi offerret omnia, favorem, munera, opes, & suis arctè complecteretur ulnis, hac conditione, ut Christum defereret, nihil minus tamen se facturum, quam ut semel acceptam ejus religionem abjiceret. Multi ad vulgarem & continuam tentationem, quâ à suis vexabantur quotidie, quod ex novâ Christi religione nihil melioris vitæ aut commodorum essent lucrati, alacriter respondebant: se Deum neque vestium, neque ullius alterius mundanæ rei causa colere aut profiteri. In litteris Johannis Eliot, scriptis Roxburgo, a. cIo Io cxlix. d. xxix. Decemb. ajunt recens conversi: quod ubi ad ipsos accedit aliquis peregrinus, neque notus antea, modò Deum oret, singulari animi affectu mox ipsum enixè diligant: contrà ubi vel frater germanus ad ipsos venit, sed Deum non orat, frigeat affectus, utcunque natura dicet quidem eum diligendum esse. Certe haud dubia hæc gratiæ in ipsis sunt effecta & argumenta, eo gratiora & illustriora, quo ex tantis tenebris, quibus hætenus sopiti jacuerunt miseri, magnâ Dei bonitate & efficacîâ Spiritus S. emergunt.


Atque illud possunt veri animarum Ministri, hoc qui agunt, quique quæ Christi sunt & animarum quærunt, non sua, non terrena vel commoda, aut honores, opeſve: nempe ubi ſancto ſtudio unum id ab ipsis quæritur, ut Christi regnum promoveant, & gloriam nullam agnoſcunt aliam, quam quod eâ in re inſervire Chriſto, & divino ejus conſilio poſſint. Quando in hoc uno conſtanter & ubique ſunt concordēs, ut excogitent, volvant, tractent quotidie ea, quæ majus emolumentum rei Chriſtianæ addere apta ſint, & facere tum ut plures continuò convertantur, tum à pluribus glorificetur Deus. Modò in eo citra æmulationem verſentur, neque alter alteri invidet, quod plura & majora cò facientia invenit, vel præſtat. Jam qui tales talibus ſociantur, nihil non efficere, duce Chriſto, valent. Etenim ſalus & prosperitas Eccleſiæ vulgo à Paſtoribus pendet. Qui quando partibus ſuis non deſunt, facile populum habent, vel faciunt benè ſequacem: ſed quando oſcitanter cauſam Chriſti & Eccleſiæ agunt, & non tantum ipſi remittunt, ſed in hoc ſervent unice, ut melioribus & pientioribus, zelo præ ſe ardentibus, ideo quod tales, obſiſtunt, eos averſantur, arcent, inſectantur; uti cauſa ſunt (quidquid per hiſtrioniam videntur ſignificare in contrarium, & Deum teſtari homineſque) non, uti decet, promotæ rei Chriſtianæ, id eſt, veritatis quæ ſecundum pietatem eſt: ita rationes aliquando dabunt Juſto vindici, & pœnas. Fidis interim Miniſtris, in aſſiduis & ſinceris pro Chriſti regno votis ſtudiisſque ſolatium & gaudium, ſupra quam mens capere queat, perſentiſcentibus, cum læto ubique Spiritus, & conſcientiæ bene actorum fideli teſtimonio.

F I N I S.









Hoornbeek de Conversione Indor

69
89d

FA669
H789d 2

